

光緒三十三年通商各關華洋貿易論畧

英譯漢下卷第四十九本
光緒三十四年九月印



在上海通商海關造冊處譯印交香港上海
及日本橫濱等三口於別發壁恒兩洋行發
售並交由上海英界望平街時中書局代售
下卷論畧每本計實價洋銀半元





A541 212 0015 7138B

通商各關華洋貿易論畧

安東口貿易論畧

大連灣口貿易論畧

牛莊口貿易論畧

天津口貿易論畧


烟台口貿易論畧

膠州口貿易論畧

重慶口貿易論畧

宜昌口貿易論畧

沙市口貿易論畧



一至八

九至十三

十四至十六

十七至二十一

二十二至二十四

二十五至二十九

三十至三十三

三十四至三十六

三十七至三十八

長沙口貿易論畧

三十九至四十

岳州口貿易論畧

四十一至四十四

漢口口貿易論畧

四十五至四十九

九江口貿易論畧

五十至五十四

蕪湖口貿易論畧

五十五至五十七

南京口貿易論畧

五十八至六十

鎮江口貿易論畧

六十一至六十三

上海口貿易論畧


六十四至六十七

蘇州口貿易論畧

六十八至七十

杭州口貿易論畧

七十一至七十三



甯波口貿易論畧

七十四至七十六

溫州口貿易論畧

七十七至七十八

三都澳口貿易論畧

七十九至八十

福州口貿易論畧

八十一至八十五

廈門口貿易論畧

八十六至八十七

汕頭口貿易論畧

八十八至九十一

廣州口貿易論畧

九十二至九十七

九龍口貿易論畧

九十八至一百一

拱北口貿易論畧

一百二至一百三

江門口貿易論畧

一百四至一百五

三水口貿易論畧

一百六至一百八

梧州口貿易論畧

一百九至一百十二

南甯口貿易論畧

一百十三至一百十六

瓊州口貿易論畧

一百十七至一百十九

北海口貿易論畧

一百廿至一百廿二

龍州口貿易論畧

一百廿三至一百廿四

蒙自口貿易論畧

一百廿五至一百廿七

思茅口貿易論畧

一百廿八至一百廿九

騰越口貿易論畧

一百卅至一百卅三

亞東口貿易論畧

一百卅四至一百卅五

光緒三十三年安東口華洋貿易情形論畧

竊查論及安東地方大概情形可觀畫圖即知安東與他處互有關係查安東埠土即名沙河鎮在鴨綠江北岸距鴨綠江海口約四十五里至六十里論及通商安東與烟台口岸最近且互有關係自烟台至安東縣以及鴨綠江水道約有六百九十餘里三百噸以上五百噸以下之輪船來往安烟之間約需二十二點鐘至二十八點鐘之久春秋兩季日有烟台輪船進口夏季稍減每月計之約有輪船二十隻進口除烟台之外大連灣次之每一禮拜最少有輪船一隻自大連灣至安東約有四百零五里通商又次之安東與高麗各口岸但直接之大貿易則甚少而與日本通商甚繁由日本來之輪船經過高麗各口岸停泊門白并多獅島門白距高麗境界計十八里多獅島距高麗境界計二十七里均從鴨綠江流入海中之山咀所畫出之線道算起在開江時每月約有輪船十五隻在此二島起下貨物合而算之每隻輪船約有一千噸之重載二島距安東尚有七十五里均以駁船運載須賴風帆駛入或小輪拖帶均可大輪船到此二島者吃水十五尺至二十尺無論何時並無阻碍而輪船駛入二島對面之大東溝地方吃水十五尺亦甚易駛入安東至海江路有八九尺吃水之輪船亦可週年來往須在漲潮時可駛進安東之港內停泊雖從前有各報紙論及安東江云有時可准輪船吃水六尺七尺方能駛入在這一季內合算之則輪船吃水有九尺十尺其中一次輪船吃水十二尺半亦到過安東常時潮汐之潮水約有六尺春季時潮水有九尺最大潮水時而算之有十五尺五寸由是觀之雖然常云江邊漲出來或河底改變但輪船可候初三日十八日之大潮時吃水十二尺至十五尺

亦可駛入安東以上所說各情形非欲減却整頓鴨綠江航路舉動之意念因整頓此事時有明白此河道之工程師品評臧否據該等工程師云查考安東江下游水性河岸常有改變至整頓之計策置之徒然查該潮水之水性合流甚急兼有挖起泥土之勢力每一點鐘潮水流行五英里至八英里之速率倘能在下游處畧改方向在上游流下有挖掘勢力之水而約束之則安東將成好口岸也想此事情恐未閱歷者不信但如是而行商務更加興隆正如歷史上所載商務興隆全賴鐵路並水道交通觀附上安東圖可知總河道如何在港之上游交界匯合乃在安東城對面曲彎流過全江前面直流下至下港之址界浮流泥沙隨流隨積但在十月時有最急之潮水將日本租界一大塊地沖坍由是觀之築造江岸乃爲當務之急故望設法以資辦理就是掘挖港內一段不長之工程并在江之前面一律築造江岸假如如此激勵之恐無効力自有他樣勸勉之議於辦理工務之事就是築造碼頭或躉船以備輪船停泊現今貨物自港內輪船搬運到安東關前江岸其運費較烟台到安東之輪船水脚兩相比較一半有餘有時運費與水脚相同再觀圖上在港中下游址界輪船常所停泊相距中國江岸有三里之遙且轉運貨物祇可在有潮時現今酌議一事且毋議及築造碼頭並安置躉船祇欲建造不動火車橋樑一座即現今畫定作爲下港址界之地此造橋宗旨係爲高麗鐵路通至中國江岸聯成一氣就是將來日本政府在此土股上與南滿洲鐵路之安東奉天枝路相連假如這枝路照現今之想法作之尺寸大小改成天下通行軌道之尺寸則接連之一段即可辦成現今另行測量此橋據近日報告云造橋一事全賴日本政府財政册能否酌議辦理查考現今畫橋之計策據云橋身長三千一百八十二尺分爲二百至三百尺長之橋樑而合成橋身寬三十尺距漲潮之水面計算

高有二十六尺核計築造之費值日本金二百五十萬元現在中國政府請築造活動之橋因恐外洋輪船運來之貨物不能駛進江岸致中國之市場客商不便兼多費錢財就第一面而論即在華人日人之居處掘挖河道並造江岸一節如大半人預論爲合宜則有人論及中國人之居處不必整頓而發達之亦不必造更合宜之輪船如是之偏意乃不合理即於日本人一節亦有不合宜在其中因日本人居處有許多華人與他貿易實有直接關係就第二面而論這江既可駛行輪船兩國界線亦已分明如不顧海境之國之反對意見而竟在江上築造不活動之橋其橋之高可阻該國之海運商務如是辦理不在日前預定萬國交涉和氣公理之內查大概貨船在港中者桅高三十尺至四十尺而海船來往安東烟台兩口者桅高五十尺有餘此乃合而算之但按所擬想以合之活動橋如是之橋於安東地方之利便甚易明見該橋可將兩條緊要之陸路而連合俾通商及旅行所用之兩條陸路從此處可接連現時高麗京城義州之鐵路雖不能獲利但於本年冬季運載有許多進口貨並絲料等乃向所不能有者據云在西四月一號該鐵路甚有進步將欲添設快車表則商務可望加增既有快車十五點鐘可到高麗京城計九百三十三里二十四點鐘可到釜山計一千七百四十九里行人由釜山起程十二點鐘可到在日本下關海口再過三十四點鐘可到日本東京或可謂行人由新義州起程於七十點鐘內可到東京若在鴨綠江築橋並將安東奉天鐵路改良則自東京至奉天在八十點鐘之內查此鐵路日前宣報進步現今祇可謂或上或下之情形因現今重行測量而考查光緒三十一年測量所核算經費又同時報告兩條線道中將來測量擇一而定據現在情形該鐵路仍舊甚小二十九寸寬即從前俄國軍隊受窘究其故因此路轉運軍械糧餉便健之功近觀該鐵路留作

陸軍工程隊技師之能觀現時之式於商務太輕便無甚大用若仍照舊式修改這鐵路以載重貨大約於商務亦不能有起色之情形已爲日本東京議論家明明指出據云重修該鐵路之計策宜論其爲行軍爲商務用二者孰先按現今鐵路開車行路章程二日之久祇行五百六十七里雖經過佳景等地以至久坐兩天如造該橋並變換新鐵道則由日本至西比利亞之鐵路雖亞東最寂寞之鐵路亦變成行人最欲乘坐之鐵路再觀附圖上可見該小鐵路之尾乃圍轉日人租界衛牆查該租界於光緒三十一年日軍隊所得大塊地之分段乃在華人所居城鎮下游有六里餘之江岸均行佔據在光緒三十二年在這段選作貿易並住居而地之四圍日本陸軍官掘溝以疏通該地內之污水再築壩以防夏季大水所浸又建造抽水機房以防溝中之水滿溢不致外面之水太滿太高而不能開關之門不幸在本年七月初九日夜中降雨數點鐘雨有七八寸深溝中之水外溢而流最低地段內之各棧房所存貨物多爲濕壞嗣後不信服關門之力決定築造堅厚土堤憑抽水機器獨自抽出裏面之積水抑知三日後水仍未見減少方覺衛牆必須開通而租界又爲外面之水所浸是以詳述如是所閱歷之情形乃爲增添租界之地方將來須當設策不爲水之橫行而損壞在光緒三十二年八月十四日武官將治理之權交與文官之前在這土壩內武官并文官兩下治理嗣後費多少銀錢以預備建築美好之路最好醫局一所寬廣學堂一所郵電局一又設立普廣電話局一但新近訂立合同創一中日電燈公司在這兩段地內設立電燈在本年夏季工部局築造碎石馬路數條價計日金四萬六千五百元以上官辦之事外尚有商辦建造店舖並住宅至於守管地業一節租界內可稱少有不幸因日本政府轉由安東代表乃係日本領事或係鐵路公司只令人租地常以十年爲限租契拍

賣法而賣出在光緒三十一年第一次所拍賣而賣出者每租婆計三十六方尺二百租婆乃合中國一畝租價五十仙至八十仙自現時算起尙有七八年通盤合算其地每租婆值日圓七元至八元而工部局地捐每租婆月以六仙如是中等之地每畝地於七八年之久須費日元一千五百元每年付地捐日元一百四十四元照如是情形日商已顯不滿之意於守管地業之事均說購買租契宜有永執其業之分除月付地捐外可毋付他項之捐在租界外有一方大大附庸地這地屬南滿洲鐵路公司管理現今租出或留作自用在附庸地旁有餘地九千畝乃日領事管理因日領事乃陸軍隊接代人這地現今據大半有可靠之報告云歸於某日本人再租與中國農夫該租地者即係田地之業主又圖上外界線之下在光緒三十一年有日本商人七名以陸軍之勢力買自十二里至十五里江前之地合算有一萬九千六百三十九畝半直抵三道浪頭之外可管轄十八里餘江岸直接不斷此地在光緒三十三年爲道台買回再者租界上首乃中國地除中國店舖外有衙門海關各行代表局又有所議定外國公共租界地段均在內江前之旁地觀現在情形無所可取倘這地較江岸面再添加土高六尺如是浩大工程亦不能不辦將成多人喜願此地現今外國人所居住宅均在市場後面在光緒三十三年中國城中有許多進步已鋪成碎石馬路有數條亦添造許多新宅地價漸高地租較前昂貴異常但夏季大雨下降若不設法甚屬不便因爲鴨綠與渾江之上面樹林現今伐甚速是以客商不得已常住鄰近山上有棧房以備夏天堆積貨物處居民因茅屋爲水冲坍祇有遷移他處空地洪水最大時乃在乾隆元年與乾隆十五年夫乾隆元年八月初三日房屋冲坍計有一千八百家溺死者有三百三十名乃在高麗義州縣屬之南北江在乾隆十五年六月房屋冲坍有二千家溺死

者有一千名但近來洪水最大時乃光緒十四年水高江岸深有十尺將所有輕造之房屋等均爲水冲去在光緒二十二三四年每年水有五尺至八尺損傷之物相同在光緒二十八年水勢稍小此乃末次之洪水近五年未見洪水泛濫但不得算爲一定中國人民住在山谷平原者雖不見有洪水之災亦未設法防禦但因樹林下流之水橫行甚猛確知洪水之災不爲邪說所惑是以建造房屋擇在可靠之平原今宜記錄這江岸地一段即圖上所註明地產爲日本軍隊所佔據但寫圖之後已還中國政府乃在光緒三十三年八月間這小江口即在海關對面圖上註明安江尖寔非安江峽不過一土名耳乃許多岐江中之一流入鴨綠江自畧窄之山谷平原流出來此乃在老義州山谷上面若論商務在光緒二十九年八月十八日中美在上海立約簽字按第十二條條約而辦理以開安東口岸在光緒三十三年二月初一日開設海關乃助華商可與日商比較享平等之利權該日商已在從前享免稅額外之恩本年商務初起之時有天旱潮水小之苦且有木業之擾亂發生出種種難處厥後天降甘雨五穀豐登絲繭收成甚好商家獲利不少但木商在此年最不滿意詳錄於後本年江中緊閉有四月之久春季開河後數禮拜爲最忙祿之日期常在西三月二十日至三十日當新進口貨初次運到則存積之豆與豆餅以及上年不得運出之秋季野繭從速運出再者年秋季四十一月底封江以前港內停泊之小號輪船常有六隻有時小號輪船七八隻該輪船等因運載絲繭出口有甚好水脚是以停泊候之在西七八月大潮時出口貨物除木料外他貨無多

一本關稅課本年開辦以後徵收總數計關平銀十二萬二千七百七十兩一錢二分二厘以內係有出口稅銀計六萬八千一兩三分五厘此項以內有本地所產山繭棉絲等稅銀五萬四千餘兩

一進口洋貨由外洋運來者計估價關平銀一百四十萬餘兩由東洋運來者一百萬餘兩其餘由高麗香港美國印度運來者復進口之洋貨由通商口轉運而來者計估價關平銀七十六萬六千餘兩查進口及復進口之洋貨最大宗即英國原色布一萬二千九百餘疋日本國原色布三萬五千餘疋美國原色粗布六萬六千餘疋白色布一萬二千餘疋美國斜文布一萬三千餘疋日本棉紗一千六百餘担紙烟八千五百餘萬盒麵粉十三萬二千餘担煤油九十九萬一千餘加倫米二萬三千餘担但本埠之進口貨物並無速漲速退之象或多或少之數因在本埠後部之地段乃爲天然障屏所界限非甚大之中心點致有非常之興衰可以掉弄市價安東埠進口貨乃供給一廳六縣之地該七廳縣約據鴨綠江山谷平原斜西方之地況進口貨亦供給高麗北部各縣所需用考核從前地段似爲新義州所圍然必須多年方可將舊義州至安東之踏平舊路直抵高麗岸上全變路徑查其另外方向乃料大孤山將吞入西部邊界貿易之半但現時商務發達必定因有務農漸大之縣城即有穩實進步然該縣城由水陸所運進貨物而得力查稅捐局進口貨之數可云全自烟台而來內有煤油一萬四千一百四十五箱土布二萬二千二百五十五疋粗布並粗斜紋布三萬七百七十八尺復進口之土貨計估價關平銀五十五萬四千兩此項徑由烟台運來者頗多出口土貨花色不同除現時荳絲木料之大宗貨外更可增加許多礦產如據礦師所稱在山中掘出金銀銅鐵煤等物嗣後若再添設前所議論通達吉林松花江或通至遼陽并其南方以接大連灣通達奉天之鐵路則安東之商務感動他城更必大爲推廣夫大宗貨物中荳與豆餅俱銷售於日本在光緒三十三年稅捐局所報之荳有十二萬五千七百三十三担荳餅五萬九千担其中有運往山東海境亦有運往南方者安東埠有

荳油廠九家渣出荳餅運出口外每年渣油一萬八千担其荳餅總數約計十七萬五千担土產除荳出口外據稅捐局所報清單尚有各樣五穀類十二萬三千七百五十担內中係粟米大半但野絲並繭在農產中可稱大宗查絲貨將來可與在外國有名望在中國有大用之木料相等本年由輪船運出之貨估其總數值關平銀一百六十四萬九千一百六十兩較之價值在每年柯伐之木料之上奉天南部以農爲業其日後果居何等要緊地步可觀光緒三十三年各通商口岸出口表並由海境內尙未開市之誠實報單如左

牛莊

野生絲

五千三百二十六担

值關平銀一百十九萬二千五百三十六兩

繭

八十七担

值關平銀一千三百七十七兩

各樣絲貨等

值關平銀一百四十五萬一百三兩

大連灣

野生絲

一千五百四十九担

值關平銀三十七萬二千一百九十六兩

繭

三百七十六担

值關平銀一萬四千四十四兩

各樣絲貨等

值關平銀三十八萬七千四百四十三兩

大孤山並四周各市野生絲無

繭

三萬六千担

值關平銀四十一萬四千兩

各樣絲貨等

值關平銀四十一萬四千兩

大東溝

野生絲

六十五担

值關平銀一萬三百三十三兩

繭

一千六百六十二担

值關平銀一萬六千六百十八兩

各樣絲貨等

值關平銀二萬六千九百五十一兩

安東海關

野生絲

三千五百五十担

值關平銀六十四萬一千七百六十二兩

繭

八萬二千九百五十三担

值關平銀九十五萬七百九十三兩

各樣絲貨等

值關平銀一百六十四萬九千一百六十兩

安東鈔關野生絲無

繭

六千七百七十一担


值關平銀七萬七千八百六十六兩

各樣絲貨等

值關平銀七萬七千八百六十六兩

總數值關平銀四百萬七千五百十三兩

查大連灣之數祇有六月之久在這六月內始開設分關海船來往烟台其核出商務之數或係太少因為祇有將大孤山四周所查得出口貨算進而已查出產之地約在遼之山谷平原之東山地之斜南而經過鴨綠江再者安東隣近地乃最能生植地係在鳳凰城及寬甸縣鄰近沿江一帶以至本地市面之貨或由船與車而運來當本部出產地一帶往外分運貨物之時其中生絲大半運往日本與上海繭則十之八九全運到烟台以售該處及青島各紡絲局因青島有一德人所設之局耳夫安



東出口之絲計有三千五百五十担內有運往日本者一千三百二担而出口之繭八萬二千九百五十三担運往日本祇有一千二百三十七担然而有一更大收成之數將來每年可運往日本因新近有日本人開設一小試驗之紡絲局在明春有二百具機器紡絲每日出線最少一担以備大坂織機局之用而華人所經理第一紗絲局業已開辦有數月之久一百五十人每日紡線一担其中四分之三乃上等之絲光滑精細而無結節較之村庄所紡出之線可在市面上多得利五十成開年即見有出色之情形因他人願出重價而購買中國紡絲局之線尙有不敷銷售之時本年商務中有一情形即在安東與烟台紡絲局之主人因早買絲而致受虧雖然於藉此可以鼓勵農人查八月底時絲繭買賣雖預說繭之收成將有衆多在本埠所賣之繭每千個值安東銀一兩一錢五分尙不肯照數而運往烟台大市嗣後因本埠運載日多一日是以在十月十幾烟台市上強將市價折至自一兩至八錢早買者受虧不少查紡絲局因開設絲廠以來絲線之好每担近來可賣三百十五兩而從前鄉莊之最好線每担最高祇賣二百六兩亦有新聞傳至東京據云有創辦二事使市上粗黑之繭絲以與中日之家蠶絲相較第一創辦者乃用新法漂白可染淺色第二創辦者用紡絲機器可製成光滑無粗細之線現今西國要用繭綢愈多兼在商務可得重利此粗繭絲可使製造者獲利多多言及最大出產之木料先由發達之初畧述其事以備查考據本地年邁者云在道光三年遣官員在鴨綠江伐木以建造宮殿在道光二十五年有二山東人一名趙文福一名馬玉田共居馬市台地凡運出木料者每十支抽收二支此則在隨從五百人中而征收厥後凡木商均須欲抽收如無此二人之允准執照未能採伐木料第一次木排運往獐島即離距江口又有畧出海面而運至鹿島較近大孤山該處

即爲由山東與直隸而來之木商滙合之處但此二人抽收以來至咸豐四年爲力強之人所奪將上游下來之木排搶奪之而已作爲領江之人領到市上越二年後有名楚文清者此人乃樵夫能造船並有水戰之本領因在咸豐四年中夏季爲強梁在上游將木排佔拒是以這人在冬季夏構造戰船一隊驅逐江中之盜亦有六七十人助之伊取紅色榆木而挖空製成大砲外以鐵條包之置在木排中之救命小船上掩之以布使無人可見此次山谷平原交戰因胆大設計而勝之從此木排商務改入新河道因木料之節處不堅爲大砲放出後之退縮力一驚以致木排不能出海而運至市島祇可避在大東溝河不料此大東溝日後成爲三市中之最大市街交戰不久之後在咸豐九年大東溝又出盜賊立竿懸旗在大東溝河口凡經過該地定須抽捐又有二人名爲建造大廟宇而收捐但永未建築該廟再有一人向木排等抽收好水捐在同治十年紅鬍子保守老例直至選官員派宋國昌驅逐盜賊第一次方設征收木料之捐局所征收之銀可支二百巡防勇之費但仍未平安有山東人名宋三好因見木料年增一年兼有副目倪忠魁乃天津人統領一千人在同治十年及十一年強奪官權伊之能力如吸鐵石以抽收木排之捐霸佔在該處使木料爲業者不勝其擾伊亦使現任官員協力以助其辦事是以該官員私下派人與之連合而維持伊在滿洲各標局中之一如是而行有二三年之久厥後爲奉天將軍所聞當由天津調派軍隊助剿以待剿平後可在該山谷平原設立官局征收捐款圍困數月而平復派文官治理該地設局收捐惜乎局官不諳木料事情搜羅從前之辦法請趙文高並馬玉田爲新局輯成章程而經管此事以至木排人付稅概可賒欠待木料賣出後而付正稅。追局官陞爲知縣在光緒二年趙馬二人因故辭去是後每年採伐之木料漸漸興盛其十三年比

較表開列於左

木料每副十一塊長八華尺粗細不同

光緒二十一年 木料一千二百四十排至一千二百五十排

每副通盤而算值安東銀八九兩

光緒二十二年 木料二千八百排

每副值安東銀二十七兩

光緒二十三年 木料四千七百五十排

每副值安東銀四十二三兩

光緒二十四年 木料五千排

每副值安東銀二十兩

光緒二十五年 木料三千一百排

每副值安東銀二十九至三十一兩

光緒二十六年 木料六千六百五十排

每副值安東銀四兩至六兩

光緒二十七年 木料二千五百排

每副值安東銀二十兩

光緒二十八年 木料甚少無價

光緒二十九年 木料三千二百排

每副值安東銀三十兩

光緒三十年 木料二千七百排

每副值安東銀四十兩

光緒三十一年 木料四百五十排

每副值安東銀四十三兩


光緒三十二年 木料二千六百五十排

每副值安東銀三十五六兩

光緒三十三年 木料四千六百排

每副值安東銀十八兩

木料估價之漲縮究其理由實因貨少而用者多貨多而買者少或如光緒二十六年拳匪擾亂時木料之價太低以致撐木排之人願棄木排於岸而逃避他處雖木行總辦已給衣食之銀彼亦置之不



顧在光緒二十八年林七之作亂大害商務元氣先述採伐木料之事并其買賣之法後論四年內前後事情如何夫採伐木料等人按該地之俗有用己之本錢有用木行執事之錢待賣出木料歸還若照第二款而辦按合同借錢定於本年償還或兩年償還其利息竟有至四分者據云木行執事以時有狂風洪水之不測是以將利錢作如是之大但木行爲山上採伐木料者而給借本錢該採伐木料者必先有一總經理人薪水銀七十兩至八十兩得利之股尙未在內該總經理人聘一副經理人薪水銀五十兩至七十兩以管產業如一切糧食器具支付帳目等另聘一副經理人薪水銀四十兩至五十兩督工採伐木料等事復僱十名採伐木料工人衣食均自木行發給待伊等得利之股銀分給後以償還之但在伐木處該山上副經理人用記號懸掛樹上指明欲伐此樹所可奇異者如是記號雖歷數年之久亦無人動壞之此外又寫中國字號於樹上以定採伐之尺寸均在未採伐樹木之前而辦妥是以這採伐木料之一隊人預備一切行裝起程循江而上在夏天時行走八九百里方可至伐木區地伐成則在冬季下雪時可借雪力放下每隊如是按採伐粗木料八十副計木條八百八十根每條長八尺或四百四十根每條長十六尺或參差相雜必照以上而算查所定章程伐成木料宜在立春時本年立春乃在正月初四日運至江岸上在三月中可編成木排其運送木料之法或用牛馬或用人力在所運之木料頭尾處畫一記號可在日後算帳運至江岸後將該年所伐木料編成二三木排每排二十五副至三十副查採伐之木大半係十六尺長如是木料大概編成四五隊短者雜於長者之中或置在木排之上用柳枝或用他枝繫在木排之旁乃在木條尾後凸處鑿空而穿之並將中間之木一律絞住每隊前後捆而相繫甚固在木排中間造一小板屋或樹皮屋在木排兩端分

設長檣大者六小者四但該總經理人另外僱駕木排人三四名即前在春季所跋涉者再僱舵工一名領木排下江而來這等水手工錢二十兩舵工三十兩須領木排安抵安東或大東溝不論有大水而行速或無水而行慢夫木排抵埠後該總經理人副經理人以及採伐工人其衣食仍有供給直至木料賣去將所得之銀付給從前一切所用衣食器具之錢並償還木行所借本錢之息銀並總經理副經理撐木排並引水人之薪工餘下之銀總經理人得一成零六副經理二人各得一成零五採伐木料十人各得一成計共十四成零六若所賣之銀不足付給應除之費則木行之息銀以待來年償還而採伐木料工人祇得所費之銀也自工藝家一面而觀之如是採木並編木排寔最糜費所糜費者核計百成中有三十五成之多即將木條成方木條成排並廢棄之好樹枝再者將一切樹皮半圓木板小木片木屑均置諸爛壞倘在外國亦可生利再者採伐之法并售賣木料必須木排全賣以敵外國訪問多事而於本地木料生意仍覺難以開辦但在瑞典國之某江中每年大木條浮下有五百萬之數而鴨綠江所浮下之木祇有八尺長之木枝每年一百五十萬之數於此可見鴨綠江之樹林居緊要之地步乃留意人之核算毋太過該處木料將有槍奪貿易之事可毋懼之況日本薄板亦有在本地出售者此乃証據之一且有自美國金山運載松樹之議若所議中日合辦木植公司議妥合同將來開設鋸板廠則此等之情形可以改變

一 內地稅則無

一 船隻本年計進口火輪船二百十一隻七萬五千六百十六噸帆船四十八隻一千八百三噸二共二百五十九隻七萬七千四百十九噸查所有輪船中國計二隻英國計五十六隻其餘輪船及帆船俱

屬東洋者查鴨綠江口外又有輪船一百七隻九萬四千八百五十九噸此項船隻係在高麗境界門白多獅島二處雖不到安東口岸然所裝載者安東之貨也

一 旅客無論

一 金銀無論

一 藥土無論

一 雜論大東溝與奉天因中日兩國在光緒二十九年八月十八日所訂商約第十款內開設通商埠在
本年八月二十四日設有海關一所大東溝乃適在鴨綠江口之西距安東約計九十里
有車路可通夫大東溝成爲一商埠之來歷有云一木排不能航海而在三道浪頭攻敗海賊之功效但該埠貿易或興或衰將來仍必如是大東溝市鎮在一平泥地在灣曲潮水河之上距輪船停泊處計有十五里餘之遙後面尚有一小地段而該地之商務不能與安東或大孤山流通是以大東溝近數年內無甚大興隆之望查木材貿易全在安東並且此後開設公司或他項大生意於此更難興盛日後貿易較之本年不能更有進步商家核算木排祇有五成之一平常而算運往大東溝而伊等確知其常時之商務已減少大半矣查常時在興旺之夏季大東溝之戶口約有五千人由山東直隸等省而來者亦有苦力人等併撐木排之人又有小本營生之人如是開熱常變成三萬人會聚之市面該地已有建造屯積木材之最好房宅乃建造在寬闊平土上即爲潮水洗淨之地於此一端則已失之商務將可引誘而回轉以上之語他人以爲無效因大潮時甚難運貨裝下輪船但此一節亦永遠難免並且將來有創設新法鋸木板廠祇可按情理而希望仍有海船之商務因此可勝過新近世界一切改新之

處查木材外每年出口大宗貨乃繭與粟米繭約三千担至五千担粟米約在十萬担鳳凰城乃日中兩國光緒三十一年十一月二十六日所訂條約而開作商埠現時祇須少爲留意該地商務實在滿洲收聚土產運往海濱一微小之中心點該處所辦之事全賴安東自東邊道之衙門遷移本埠後則該處之商務蕩然無存矣

光緒三十四年

正月

十四日

四品銜署理安東關稅務司巴倫呈報

光緒三十三年大連灣口華洋貿易情形論畧

竊就貿易理財而論本年可爲東三省歷史上之一記載事自日俄血戰以後兩國言歸于好東三省局面因大爲更變加以披荆伐棘之功曾幾何時遂將向未開闢之域一變而爲萬國商賈輻輳之區按大連設立海關亦屬戰爭和約後之效果其事最堪著目和約成後僅六閱月本關卽行設於大連本口情形與中國各口岸稍有異同其間種種問題之牽涉本關因在試辦之例開辦以前諸事棘手現漸辦有端倪亦幸日本各官署均肯協力相助共表同情卽本埠商民亦無有異言本關雖以大連名實非僅爲大連一埠而設凡屬旅大租借地內本關統應稽徵計租借地內各方面共有一千二百五十六英方邁路人口約有四十萬名本關於五月二十一日開辦金州普蘭店各外卡亦同時分設金州向爲遼東一大市鎮卽至今日仍稱險要普蘭店係租借地與內地交界間衝要之區後於七月間本稅務司復同日本都督府商訂在貔子窩設立分卡查該處亦係租借地極東北邊扼要之地向以產鹽爲大宗故多有知其地名者迨至十一月日本都督府特允本關在旅順口設立分卡迄今本關共設有分卡四處而在本埠並設驗貨廠四所內有二所係靠碼頭以便督理輪船民船之事此外二所均靠車站旁以便稽徵由鐵路運往內地貨物他如郵件小包進出口亦應徵稅此事在本關初開辦時已一律照章辦理本稅務司嗣復與日本官署磋商徵收民船稅項之事於六月間先由本關辦起而金州普蘭店貔子窩等處均以次開辦本關徵稅章程與各口岸海關均屬一律凡由鐵路運往內地之貨均經查驗後再完稅項而貨物出口章程視各口岸更無異同惟租借地內所產之貨出

口概免稅項然就本關經徵稅項論之甚不見佳按初結七八九三個月內進出口貨甚少由鐵路運往內地之貨共估值關平銀六十萬七千餘兩而出口貨之寥寥有更不愜人意者計共估值關平銀三十萬九千餘兩詳推其故一係商人預知本關於五月間開辦故先期將大宗貨已經由本口運過以圖免稅一係東三省貿易在夏令本極清淡原望冬臘月間營口一帶河冰封凍生意必見暢旺然前後參觀雖冬令進出口貨較多仍不十分暢旺此中尚有極大緣因本口前半年進口輪船有六百二十隻能載重六十六萬七千餘噸內有二百隻計三十四萬八千餘噸係由日本開來此船有二隻不計外其餘盡日本船隻以外尚有四百九隻計二十七萬七千餘噸係由通商口岸開來惟其中往來烟台口者較居多數另外尚有十一隻計三萬七千餘噸係由外洋開來出口輪船有六百十一隻計六十四萬九千餘噸進口貨由日本運來者估值四百五十三萬餘兩由中外各口運來者估值二百四十四萬餘兩共值六百九十八萬餘兩進口大宗貨係鐵路材料洋布麪粉等類鐵路材料由日本運來者估值十七萬餘兩由通商口岸運來者估值六十三萬餘兩原色布由日本運來者估值九十六萬餘兩由通商口及香港運來者估價五十九萬餘兩共值一百五十五萬餘兩麪粉由日本運來者估值二十二萬餘兩由中外各口運來者估值四十四萬餘兩此三大宗外尚有雜貨估值一百四十六萬餘兩啤酒酒估值十五萬餘兩木料估值四十五萬餘兩均係由日本運來要需之貨棉紗由日本運來者估值六萬餘兩由通商口岸運來者估值九萬餘兩共值十五萬餘兩以上進口貨其運往內地售銷之數若干餘在本口銷用之數若干均無從核計而出口貨共值五百七十三萬餘兩此內惟豆子豆餅係大宗之貨豆子運往日本者估值九十六萬餘兩運往通商口岸者估值一百四十

一萬餘兩共值二百三十七萬餘兩豆餅運往日本者估值二百一萬餘兩運往通商口岸者估值一萬三千餘兩共值二百三萬餘兩小米運往通商口岸者估值二十七萬餘兩此米大半爲賑濟江北饑民而用若以前後兩半年進出口貨相較雖後半年來往本口船隻較多而貿易仍不見旺後半年進口船有六百六十九隻計五十三萬五千餘噸出口船有六百五十三隻計五十一萬三千餘噸後半年進口船較前半年多四十九隻出口船較多四十二隻其較多之故因有裝鐵路材料由美國開來之船亦核計在內也惟其船隻噸數不易計較緣前半年日本官署貨冊內記載之噸數係就船身大小而論後半年本關貨冊內登列之噸數係就船隻裝貨多寡而論故也後半年進出口貨共值一千四百九萬餘兩計內有四分之一盡係鐵路需用材料而進口貨共值一千八十六萬餘兩即鐵路材料一項估值三百二十六萬餘兩其尋常之貨僅估值七百五十九萬餘兩而進口貨之大宗即係五金類估值五十八萬餘兩洋布估值五十二萬餘兩木料估值五十五萬餘兩米估值六十八萬餘兩日本酒估值三十九萬餘兩鐵水泥估值二十五萬餘兩機器等物估值一百三萬餘兩查以上木料鐵水泥機器等類共值一百八十四萬餘兩仍係鐵路需用之物而出口貨較進口原屬清晰易爲核計故後半年出口貨不甚暢旺之故亦不難分曉計出口運往日本及香港者估值二百二十七萬餘兩運往通商口岸者估值一百五萬餘兩共值三百三十三萬餘兩查前半年出口貨估價則多至二百餘萬兩出口大宗貨係豆子豆餅計運往日本者豆子估值八十八萬餘兩豆餅估值九十七萬餘兩野蠶絲亦係出口貨之大宗計運往通商口岸者估值三十一萬餘兩尚有由民船出口之貨估值三十二萬餘兩統計一年內進出口貨物估價約共值二千萬兩倘將進出口貨分晰核計其數畧

同按由本口往內地運銷之貨如此之少實非意料所及然亦未必無因查中外各商皆預料東三省係貿易繁盛之場三年以來盡力販運以致營口及滿洲一帶貨物堆積艱於行銷轉致各失所望統計東三省一年進出口貨之估價營口約佔四千萬兩大連約佔二千萬兩新民府約佔一千萬兩安東及其他各處約佔一千萬兩統共約值八千萬兩此內進口貨約佔三分之二可見東三省一年銷用洋貨數目之究竟也假如東三省人口共有八千萬名每年銷用進口洋貨共值五六千萬兩就每人每年需用洋貨之數均勻核計每人應分認六兩五錢然就現在貿易論恐尙難企及大凡營商之道必查明銷路如何始能悉獲利之究竟乃各省商人大半期望過奢並不預料及此卽自詭壟斷可操迫本利虧耗竟茫然被累之所由如營口東盛和甫經倒閉凡奉天一帶貿易俱大受其影響倘該商胸有成謀卽偶或失意亦不至賠累過甚然亦不獨該商爲然凡向在東三省營商者盡屬故步自封其能洞悉商務不振之緣因者實不多觀就以東三省各商家彼此川換借款一事論如未能依期付銀卽婉商以貨作抵亦有因當時匯水甚廉卽向南省陸續定貨彼此效尤毫無定見以致存貨愈積愈多銷路安得不滯其不能扼要以圖致生意轉行減色於此亦略見一斑現在東三省幣制紊亂未能統一商人乃竊幸藉此銀價漲落無常之際得遂其買空賣空之伎倆似此毫無實際商務何能暢興有此數因可知由本口運往內地之貨之不能加多也東三省市面之現象實屬窘困異常然亦非一朝一夕之故溯自甲午庚子以來繼以日俄開衅民遭蹂躪元氣已虧於此而欲興利除弊使商務日見蒸蒸日上非洞悉受患之源恐無著手之處推而論之東三省本地大物博之場如五金各礦富甲他省實本省商民生命財產所攸關尙能寬限時日籌備款項以興工作將見富饒之天產不數年盡

化爲有用利源則商務振興似可操左券當日俄開衅之時凡兩國兵士在東三省購買食物及僱用車輛人工所費實屬不貲大約日本費用兼當時有鈔票六千萬圓在三省中流通行用統共計費一萬九千萬圓俄國費用之款其數雖無從核計恐較日本有贏無絀然此工作及他項營業之徒盡係直隸山東兩省游民本非土著計其束手而來飽囊而歸者每年絡繹不絕雖兩國所費甚鉅計爲三省中人民所得者不過居其少數然就此兩年觀之東三省一切維新之設施又似漸有進步譬如人然去歲患病今年雖略見痊可仍未復元勢必加意調養始能日就健康查後半年進出口貨俱不見旺除以上各原因外尙有待詳細縷陳者一當七月間霖雨纏綿由本口至大石橋鐵路中間之橋被雨水衝刷傾欹此間火車卽行停止來往俟修理完竣計需時二十日之久一前因東三省米糧運入旅大租借地內一事奉稅務處札開概行禁止以致出口貨物頓形減色迨十月間復開此禁令一查旅大租借地內市面流通行用均以日本金錢爲主幣而各省富商大賈於本口貿易情形既多未諳又本埠除日本正金正隆兩銀行外並無別號藉資周轉以故來本埠營商者並無幾家而生意又均不甚得意一係十一月間本埠銀價跌落於進出口貿易致多阻碍然按冬臘月間由東三省運來出口貨甚形暢旺豆子均計每天運來有九千八百餘石豆餅均計每天運來有八千五百餘石本埠油房今年開設較多內有三泰號油房係中日商人合作生意成本甚大不久卽行開市而各口岸洋行間有派舖夥來本埠查看情形多欲在本埠開設分號現有已開設者四家外有怡和木料廠一處駐紮本埠各國領事官只有英美俄三國查本埠水土較南北各省獨占優勝而四時節令雖冬令與東三省畧同仍不如營口一帶寒冷之甚夏令天氣較北方溫和因本埠瀕海故也至冬令時本地有諺

語曰三寒四溫因極寒之候忽而天氣溫和就如本埠一年內增進人數修造房屋展拓馬路大有興旺之景况在四月間各國商民共有二萬六千三百四十三名而日人陸續來者日多至十月間人數增至三萬一千四十八名計此內有泰西人四十八名實係英人十名美人七名德人一名俄人十六名希臘人十四名本年由日本官署發給修葺房屋准單共有六百十三張現本埠各街巷均安設自來水筒於商民取用甚便尙有添購電氣機器足敷本埠需用日本政府曾撥款修造本埠大橋一座計費十五萬金圓商民往來稱便利焉

一本關稅課本年共徵關平銀十四萬七百三十八兩七錢八分按六個月內祇收此數實非初料所及進口正稅共徵關平銀六萬四千八百四十五兩計內由日本船運來貨稅銀六萬三千七百五十八兩出口正稅共徵關平銀七萬五千三百八十九兩計內由日本船運來貨稅銀四萬八千七百四十三兩復進口稅共徵關平銀五百三兩郵件小包稅共徵關平銀二千一百九十五兩進出口民船稅共徵關平銀五千五百八十四兩八錢六分一釐

一外洋貿易查進口洋貨除鐵路材料不計外後半年估值六百八十七萬餘兩前半年則估值四百三十六萬餘兩共值一千一百二十四萬餘兩此外尙有由通商口岸運來者後半年估值七十一萬餘兩前半年則估值一百八十萬餘兩共值二百五十二萬餘兩而後半年由通商口岸運來之洋貨不如由日本運來者多因本埠中日商民和睦遂亦樂購其貨故往來日本船隻較多而由上海裝貨之船每先開往日本然後方運抵本埠故不免遲滯俟有由上海常川來往船隻運貨自能迅速本年大宗進口洋貨即係洋布麵粉米紙烟棉紗煤油紙糖等類按日本官署貨冊內開前半年進口貨之估

價洋布估值一百五十五萬餘兩麪粉估值六十六萬餘兩米估值二十五萬餘兩紙烟烟絲估值一萬六千餘兩棉紗估值十五萬餘兩煤油估值十三萬餘兩紙估值十三萬餘兩糖估值十一萬餘兩以上估價數目均係未經報關之貨其是否無差尚未敢必後半年由中外各口岸運來進口洋貨內有洋布估值五十二萬餘兩麪粉估值十七萬餘兩米估值六十八萬餘兩紙烟烟絲估值十八萬餘兩棉紗估值六萬一千餘兩煤油估值六萬五千餘兩紙估值十一萬餘兩糖估值三萬二千餘兩前半年由本口運赴內地之貨其數無從核計而後半年運赴內地之貨不甚見佳因東三省生意本不暢旺又兼南滿鐵路路軌窄狹運貨較遲迨路軌一律改寬運貨靈便商務必逐漸繁盛

出口土貨往外洋者前半年共值三百七十三萬餘兩後半年共值二百二十萬餘兩統計值五百九十四萬餘兩後半年土貨運往香港者估值七萬五千餘兩運往日本者估值二百十二萬餘兩豆子運往日本者前半年估值九十六萬餘兩後半年估值八十九萬餘兩豆餅運往日本者前半年估值二百一萬餘兩後半年估值九十九萬餘兩其運往香港者估值一萬六千餘兩本租借地內所產之鹽運往日本者估值八萬一千餘兩野蠶絲運往日本者估值四萬七千餘兩將來絲行生意必能暢旺

復出口之貨運日本者估值二十五萬餘兩此項貨物皆係鐵路上殘剩舊鐵機器等類運通商口岸者估值六萬一千餘兩其中有運往上海者惟鐵水泥爲大宗估值一萬二千餘兩一沿海貿易後半年原出口之貨運往通商口岸者共值一百二萬餘兩內有豆子運廣州廈門汕頭等處者估值六十三萬餘兩野蠶絲運烟台上海等處者估值三十二萬餘兩其餘幾不足論卽如

豆餅僅估值一萬六千餘兩亂絲頭僅估值一萬四千兩其貿易蕭索之故因南省客商多未悉本口情形故不免有裹足之勢

復出口之貨不必具論

復進口之貨後半年土貨由通商口岸運來者估值十八萬餘兩內有綢緞估值四萬六千餘兩此外如緞布靴鞋牛紙烟等類均係大宗之貨按進口洋貨較土貨差強人意計值五十三萬餘兩除內有五金類估值七萬九千餘兩其餘大宗貨即係洋布麪粉煤油棉紗棉線紙烟銅餅等類

一內地稅則本年尚未發出子口稅單及三聯單

一船隻後半年進口輪船有六百五十七隻共計五十三萬三千餘噸出口船有六百三十七隻共計五十一萬二千餘噸進口船內有日本船五百八十四隻計四十萬三千餘噸有英國船五十六隻計十一萬三千餘噸前半年進口船則有六百二十隻出口船則有六百一十一隻惟船隻噸數彼此核算不同故無從比較後半年進口夾板船有十七隻出口有十六隻均係日本船大半由朝鮮一帶裝載柴炭來本口銷售者

一旅客後半年洋客搭輪船來者有一萬一千五百五十八名往有一萬二千八百五名華客搭輪船來者有一萬二千六百七十四名往有一萬一千五百七十二名華洋各客搭火車往內地者有六萬四千一百七十二名由內地搭火車來者有六萬四千八百十二名

一金銀後半年由烟台口岸運來之元寶計關平銀十六萬二千餘兩小銀元估值關平銀六萬二千九百餘兩由上海口岸運來之元寶計關平銀四千八百兩小銀元估值關平銀七萬二千兩而由日本

運來之小銀元估值關平銀十三萬八千九百餘兩

一 藥土不必具論

一 雜論將來本口貿易之盛衰全視南滿鐵路以爲樞紐誠以該鐵路佔據衝要爲東三省形勝之區凡進出口貨必有鐵路代爲運轉呼應始能靈通本年南滿鐵路各項脩築工程絡繹不絕一俟工竣商務必能大有起色該路線計長六百三十四英邁路按一邁路合華里二里八分其幹路係由本口至寬城子計長四百三十七邁路外有支路四條一由本口至旅順計長三十九邁路一由營口至大石橋計長十三邁路有餘一由蘇家屯至富順計長三十四邁路有餘一由奉天至安東計長一百八十七邁路現由本埠乘車抵寬共需時二十五點半鐘俟路軌改寬來往益行迅速每日有客車二輛由本埠開行抵寬一係午前五點鐘四十分開車一係午後四點鐘開車按在寬日俄兩國車站相距不遠如中外各客欲在寬搭坐俄國快車經由海參崴開往各國卽乘本埠晚車赴寬當不致悞而客車尙分二等三等四等不一鐵路公司擬於路軌改寬後復添造搭客寢息車輛由本埠抵寬買二等車票該日本金票十九元六角三等該九元八角四等該七元五角由本埠至旅順路軌現已改寬十一月杪卽一律換用新車計由本埠開行兩點鐘可抵旅順較舊車快至一點鐘嗣後開行之速當不止此每日計開行四次買二等車票該金票二元由本埠至遼陽尙有幹路一條路軌已一律改寬計長二百四十二邁路鐵路公司於丁未年添造車頭二十四輛客車三輛貨車七百五十六輛按舊貨車每輛僅載重一百二十石新貨車每輛載重五百餘石該鐵路原設路軌一道近來貿易日繁火車來往均經此道開行未免耽擱本年鐵路公司擬再設路軌一道於該路之旁計歲杪可脩至遼陽至該

路全線鳩工之期當亦不遠茲擬於戊申年復添造車頭一百八十一輛客車五十七輛貨車一千四百六十一輛本口海面停泊船隻地方甚形寬廠四面山嶺環抱從無極大波浪惟碼頭向北北面之山微缺故此外另築成擋風石礮一道計長三百丈即至冬令遇颶暴風近傍碼頭船隻仍照常裝卸貨物灣船地方內外尚分兩段在內段停泊之輪船與夾板船各有定所本口大碼頭計共兩處小者四處大碼頭一長有一百九十六丈寬有三十九丈其旁約可停泊大船十隻一長有一百三丈寬有四十四丈此即所稱東碼頭者至今尚未脩築完竣其旁祇可灣船兩隻兩大碼頭中間約長有一百二十丈可停泊大船三隻碼頭旁設有寬大棧房十七所凡在碼頭工作之人均歸鐵路公司所轄俟碼頭脩築完好裝卸貨物所用機器一律設齊在遠東一帶罕有地勢如此形勝者碼頭一帶海水深處有二丈四尺淺處有一丈六尺日本官署現擬雇工再將海底挖深輪船往來益形穩便本口海水滿潮之時較落潮時深至一丈五尺向有挖泥船一艘沉落在輪船往來要路當七月間始將該船撈出來往本口輪船一律不收船鈔但每船有引本花費計共二十五元倘夜間進口費加一倍如雇用拖船一艘應花二十元雇用繫纜所用舢板船一艘應花五元以上兩項船隻如係前半夜進口均加費用一半倘後半夜進口仍應加費一倍本埠風氣日開各處童蒙入學堂者甚形踴躍查日本蒙小學堂內之男學生共有四百七名女學生共有四百六名外設有幼稚園一處內有孩提約一百名美國在本埠設立講經堂一處計費二萬元該教堂內附設濟善醫院一所

光緒三十四年

正月

初二日

大連關稅務司黑澤禮吉呈報

光緒三十三年牛莊口華洋貿易情形論畧

竊查本口貿易本年銷貨如斯之少爲衆所不料蓋近日東三省之運貨與昔不同往年無論進出口何貨均由本埠轉運今有五口鐵路復與內地相通故由火車裝運以致貨物不必其定到本口每年所論統指東三省之貿易情形今年則不能膠執定論因大連灣出入貨物頗多爲人所盡知但不能確知其數若知其數將自三十二年本埠淨河後至三十三年五月間此八個月內大連進口之貨再將該口五月二十一日開關以後進口之貨統加入本埠今年進口貨數之內自比他人所料者多矣貨物運入內地火車現已通達甚爲便捷成本既輕售價自然較廉且內地新開商埠如瀋陽新民府鐵嶺通江子法庫門鳳凰城遼陽長春吉林哈爾濱甯古塔琿春三姓齊齊哈爾滿洲里海拉爾愛琿等十七處曾經完稅之洋土貨物無論如何載運均准運往不再重徵按本埠全年貿易足有半年蕭索至七月間生意略有起色八九月漸臻興旺詎十月初一日突有粵商東盛和與聯號四家全行荒閉共虧銀四百萬兩該商營運進出口貨物匯兌銀兩生意闕達爲本口之巨擘自荒閉後本埠商號數日未能交易河內停泊之輪船亦無租主買賣各貨均須現銀幸而爲日無多由他口運銀進口生意方有轉機兼以度支部允借官款人心始爲鎮靜東盛和荒閉本埠各項事業均受其影響設無其事本年收成尙屬豐稔據本埠久於經商者論雖不能大獲利益亦可稱爲平穩耳

一本關稅課按二十六年徵收總數計關平銀五十萬兩三十一年徵收總數計關平銀九十萬兩本年徵收總數計關平銀五十九萬五千兩若以十年比較三十一年爲最多二十六年爲最少若以十年

內進口稅均勻計算計關平銀十八萬四千兩出口稅均勻計算計關平銀四十二萬兩復進口稅均勻計算計關平銀十萬三千兩本年進口稅計關平銀二十萬一千兩出口稅計關平銀二十九萬六千兩復進口稅計關平銀六萬三千兩本年較十年均勻之數進口稅較多出口稅少十分之三復進口稅少十分之四本年洋藥稅釐收數極少內地子口稅計收關平銀二千三百兩雖屬無多尙較往年見增船鈔比常年亦多常關稅課因生意不佳徵收大減且日俄經理時所有百貨釐金土藥稅釐鹽捐船牌費等項統歸常關徵收三十年計收釐金等項關平銀十七萬六千兩三十一年計收釐金等項關平銀二十一萬五千兩三十二年計收釐金等項關平銀十四萬五千兩迨交還中國釐金等項不歸常關經徵且初係按照戶部則例徵收稅餉嗣照津關稅則徵收然以本年生意不旺少收之數約在七萬五千兩至十萬兩

一外洋貿易進口洋貨由外洋運來者按前數年比較以本年爲最少若較上年則本年少五十萬兩棉布類麵粉自來火煤油俄國海菜均較上年增多煤各類糖木料比上年見少惟棉布類內美國英國粗布少七萬六千疋日本粗布多九萬七千疋美國斜紋布少六千疋日本斜紋布多八千五百疋日本棉布類似土布者少二萬一千疋香港棉紗多二千五百擔印度棉紗多八千擔日本棉紗亦幾多八千擔本年由外洋進口洋貨如以百分均之香港占三十一分日本占三十一分美國占二十七分出口土貨運往外洋估價較上年加多若以前十年估價均勻計之少三十萬兩豆子豆餅豆油數較上年見少估價實多若按運往日本而論豆餅占九十分然豆餅比上年少十萬擔豆子少三十七萬擔豆油少六千四百擔野蠶絲比上年少二百擔其故約由於大連出口今年運往外洋之貨以百分

計日本占九十五分

復出口之貨姑無足論

一沿海貿易原出口之貨與運往外洋之貨一律價昂豆餅運往通商口者多豆子豆油却少緣遼河水淺頗礙上河船隻運豆來營轉運他處汕頭種蔗收成雖歉仍來本埠照常購買豆餅故豆餅之運往汕頭者計占其半高粱計有多數運往上海鎮江山東係爲江北賑米之用野蠶絲比上年少因商人購絲多在冬令且由大連裝運出口常關本年豆子餅油出口亦屬見少惟高粱較多耳

復出口之貨不足與論
復進口之貨由通商口轉運而來者此項生意本年爲最衰按三十一年洋貨估價計關平銀二千一百萬兩三十年估價雖少尙有一千五百萬兩三十二年估價減至八百萬兩本年估價只有五百五十萬兩除棉義大利布極少外其餘布類無甚懸殊煤油比往年最多銷場極旺緣豆油價昂民間多用煤油運往內地且又甚形利便土貨如大宗之棉花棉布麵粉紙米綢貨各種糖茶葉烟絲均少上年估價共計關平銀一千萬兩本年則八百萬兩至常關此類大宗貨物亦均見少土布由輪船運來估價少四百萬兩常關由民船運來估價少一百六十萬兩推原其故因日本近有一種棉布類似土布織造既精價值又廉在街市商舖勸勉試用且三井洋行在日本製造公司入有股本並自備輪船運來本埠又由火車運入內地費用既輕成本自賤該行並作匯兌銀兩生意便益實多土布銷用之少職是之故但日本棉布之材料迥不如中國布現在人尙不知久則自當覺悟日本糖進口亦復不

一內地稅則洋貨入內地以本年爲極多內以煤油爲最均係領有運照經溝帮子而入內地緣該處設有稅局如無運照必須納稅本年計發運照九十張該貨估價關平銀九萬兩上年只發運照十三張估價關平銀一萬一千五百兩



土貨出內地爲數無多僅有羊毛羊皮牛皮三項而已

一船隻本年進出口輪船共一千一百十八隻計一百四萬九千九百餘噸帆船進出口共十六隻計九百餘噸去冬河冰凝結未堅本年甫經開河冰塊即已銷盡正月二十四日即有輪船進口十月十九日河見冰凌二十二日爲末次輪船出口本年船隻雖較少於上年然均勻計算尙屬中平惟貨物則爲短少若以噸數勻計尙較有增無減因有數隻輪船噸數極多耳以百分計之英國船得三十三分上年則二十九分中國船得十六分上年則十二分日本國船得四十二分上年則四十八分餘如德國瑞威國瑞典國共計輪船三十隻日本國小帆船共八隻噸數極少由外洋直進本口者較常年見多內由美國而來計運木料者一隻運麪粉者九隻另有四隻由美國紐約而來又有由爪哇裝煤油來者二隻由海參崴裝海菜者四隻八月間並有蘇佛釐輪船載重四千噸來自美國行至口外因吃水二十五尺不能進口當在口外起貨至吃水十九尺始行進口內河船隻本年進出口之數與去年不相上下內有數隻輪船於內河常相往來雖無厚利尙不致虧賠

一旅客本年進口西客約一千一百七十人華客約十六萬三千九百餘人出口西客約一千餘人華客約九萬五千六百餘人其數雖較上年增多然所報者恐未確實此外尙有由天津秦王島乘坐火車亦有由大連乘坐火車而來者據報人數極多然未能知其確數蓋因內地開墾荒地設立公司築路

開礦需用之工役多耳

一金銀上年曾論本口須有銀號出鷹洋銀票照數交易自必暢行今年本口道勝銀行已出鷹洋銀票通行街市然東三省之內地均應行用此項洋銀票方爲便益本年寶銀洋圓進口共關平銀一百五十四萬四千兩出口共關平銀四百七十五萬二千兩比往年多三百餘萬兩惟由火車所運進出口之數不在其內小洋圓因價值低落裝運出口頗多迨九月間禁運出口潘陽所鑄之當十銅圓約有一萬萬枚

一藥土洋藥因東三省土藥甚多價值又賤故而進口無幾按二十五年洋藥進口計九百八十擔三十二年計六擔三十二年計一百擔本年只有九擔八月間本口新設官膏局凡洋土藥膏均歸該局專賣焉

土藥進口以上年爲最多幾七百擔今年只一百七十五擔

一雜論自去冬至今春本口遼河冰塊雖多因天氣和暖並未封凍實爲人所不及料上年論及自來水等工迄今均未告成惟電線接通河北德律風與上年一律電燈尙未修妥自來水業已開工猶未見水鐵嶺以南遼河極淺時因天旱雨水稀少致誤小船運豆來營恐日後大有害於本口商務現已有入前往上河淤淺之處查勘繪圖設法修濬俾資流通矣

光緒三十三年

十二月

二十一日

三品銜山海關稅務司客納格呈報

光緒三十三年天津口華洋貿易情形論畧

竊查本年津埠并秦王島埠貿易各表比上年貨物估價稅數均形減色然較丙午以前尚有過之無不及也若徒論商務之多寡則本年結局尙屬稱意所不幸者大都闖闖中人并無利益溯厥原因皆由於闖闖中人貪利之心過侈交易可以長期拖欠勿庸現銀并因有人預云將來貨價必漲所致迨至本年春季市面積儲之疋頭各貨爲數良多且各商向外洋訂購各貨在西歷前半年尙絡繹進口奈本埠市價較由外洋置價猶廉是以殊難獲利至西六月後則進口貨物立即寥落各商所積滯各貨始逐漸銷售當秋令金價跌減各商均難向外洋批訂新貨進口存棧非加價不能購辦究所以致此者大約各商前或不肯將存貨早爲出售後或不能出售以冀收桑榆之補然商務因此摧折其結果亦無利可圖營出口之貿易者較營進口之貿易益形虧累矣自津埠出口之大宗貨物運至美國或歐洲地方因市面蕭疏銷多疲滯及貨到該處數起俟至市面起色售價仍屬式微致均虧耗各他種貨積至年終猶未銷售又有由津運至英之倫敦德之哈姆堡各貨數次亦仍復裝運回津迨至將封河時由內地運來之出口大宗貨比以上年則售價竟減百分之三四十之多而貨物尙無人過問然祇就銀價低微之事而論似可俾出口貨物暢多并本埠之貨價有增無減本年下半年間各商咸觀望不前訂購洋貨大半緣津地銅元價低之故自當十銅元通用以來制錢因之全無及至邇來則當十銅元每元銅質僅值制錢三四枚之譜視此情形銅元之用必須設法維持嚴定限制方可黜虛名而歸實跡雖然卽維持銅元銅質妥協而後奈無制錢何假使每銅元實當制錢十枚之用彼貧

人仍不免困累者緣銅元之用不如制錢之用便且廣也因此貧者受累日深竟變成此實在苦况憶銅元向以洋一元可易銅元百枚者至年終竟易百五十枚之多是銅元價值減至百分之三十三其價似此之低究竟係造幣廠鑄造過多耶抑或私鑄耶此兩項各有妨害無從查悉蓋以值兩制錢之銅造一當十銅元其利益之厚不但令私鑄者存此思想且使造幣廠亦存此思想於是利心熾而銅元之限制遂失也現中國各官員竭力禁止私鑄并禁假銅元進口此法雖不敢謂必無成效而辦理頗爲不易彼尙未籌及者或造幣廠停止鑄造或將銅質加重就目下情形而論銅元價值只能跌減不能增漲所有日得銅元之工人益見艱苦卽以銀爲薪水者初思之可以銀多易銅元似有裨益豈知日用各物價已奇昂今之多易銅元爲有益者實不抵向之少易銅元爲有益矣且直隸省內有一大部分財源尤形竭蹶因東安縣大水汪洋盡成澤國田禾淹沒絕望收成該處人民均賴四方之挹注苟延殘喘以待下屆收成就以上情形而論則本年商務實逾於所懸揣者之數本年貿易冊與上年貿易冊相提并論則本年尙不致遠遜者緣商務鞏固之故耳若此後年穀順成可期駸駸日上然須數閱月方能有望也上年各租界房間建築不少本年陸續新造者尤多而日租界更甚致多空閒本年電氣車已經過日本租界且可由中國地界分行經奧義俄法日本各租界仍回原處聞自日界通行後可望獲利緣乘車者較前倍蓰且西比利亞鐵路復通以來所有由津遞歐洲之郵件較昔便捷計英國倫敦寄來之信件僅需十七日不特有便於商人且亦有便於衆人也

一 本關稅課本年津秦兩埠所收稅項共計關平銀三百三十七萬二千六百十六兩上年津秦兩埠共計關平銀三百八十一萬六千六百三十七兩本年較少征銀四十四萬六千四百二十一兩此減少之數

實從下半年起其上半年至六月底所征稅數較去歲上半年所多無幾稅課內各款均減計進口稅減收十三萬一千二百五十六兩出口稅減收四萬二千四百七十二兩半稅減收一萬九千四百三十一兩洋藥釐金減收一萬四十八兩船鈔減收九百三十九兩進口子口稅減收二十一萬七千六十八兩出口子口稅減收二萬五千四百五十兩惟進口子口稅所收數目較他款銳減緣本埠積存之各貨壅滯甚多若較去歲以前之各年則本年所收者尙爲巨擘秦王島埠所收稅項共計銀十五萬四千七百二十二兩然不能與上年所記之關平銀四十一萬六千六百三十兩相較緣此數括有天津進出口貨經過該埠之一切稅項本年稅數係該埠固有之數上年該埠僅收關平銀十八萬六千七百十兩查麵粉一項向係免稅本年進口溢乎曩昔實攸關於稅課之減色去年官用貨物免稅者計關平銀二十九萬兩本年免稅者計關平銀二十二萬五千兩

一 外洋貿易進口洋貨共值計關平銀六千五百二十七萬六千六百六十五兩其中三百三十萬四千五百三兩係屬秦王島之貿易由外洋逕運津埠并由上海轉運津埠之貨估值關平銀四千九十四萬一千兩此數佔進口總數百分之六十三上年此等貨物不過佔百分之六十秦王島佔進口貨物總數二百二萬二千兩其中之大宗係鐵路材料電器他種機器鐵水泥石料建造房間物料鋼與麵粉等此特別之商務因唐山煤礦安設新機器之故至逕運津地之進口貨大宗者係各種布疋共值銀七百五十九萬一千兩此種布疋惟素色者由上海轉運來津較由外洋批購逕運來津者佔多數其各種花色之布疋多半逕由歐美各國訂購來津鐵路物料共值銀四百五十七萬四千兩其次大宗之貨爲棉紗共值三百十九萬五千兩內以日本棉紗爲最次爲美國麵粉共值二百七十八萬六千兩

次爲煤油共值二百五十四萬兩內有美國煤油共值一百四十八萬三千兩蘇門答臘煤油共值八十八萬四千兩婆羅煤油共值十七萬三千兩次爲各種糖共值二百二十萬二千兩次爲大米共值一百三十九萬八千兩其中以安南米爲最多木料共值一百二十一萬一千八百十九兩率由日本并高麗運來者次爲日本火柴共值九十八萬七千三百四十八兩由外洋運來津之貨物於各國中亦可謂日本進口貨爲特色該國進口貨共值銀九百四十二萬四千兩大宗者係棉紗木料布疋火柴紙類以及海帶茶等本年商務英國進口貨實首屈一指共值銀一千四十萬七千兩以布疋類爲最旺美國進口貨共值銀五百六十六萬一千兩係麵粉煤油并布疋等德國進口貨共值四百二十六萬九千兩係機器軍火染料等比國進口貨共值銀三百三十三萬二千兩大批者係鐵路物料電氣器具機器并玻璃等由法國運來津貨物共值銀一百十二萬九千兩大宗者係絲棉欄杆纜帶布疋并洋酒等香港進口貨共值三百二十四萬一千兩係食糖并他種貨物也

出口土貨查出口貨物總數由津出口者共值關平銀一千七百二十五萬三千兩由秦出口者共值關平銀一百四十二萬九千兩內由津埠運往外洋者值二百七萬一千兩內由秦埠運往外洋者值六萬六千兩秦埠出口數內大半係運往海參崴食鹽之價值津埠出口數內括有運往香港各貨價值一百二萬四千兩係藥材鮮菓土酒甘草等復有運往日本貨物價值八十二萬五千兩極盛者係絨毛尚有運各國零星貨物以上僅論述價值數目而未論及由津運往各國銷售貨物之數緣有多半由上海轉運之貨以故未載於運外洋貨物冊內耳

復出口之貨此款內僅有茶葉一種各色各種共計十八萬九千七百二十四担由內地運往張家口

者應納捐稅係按特別辦法自表面觀之經過蒙古運往俄國然該茶葉運抵張家口後究運何處並無確實憑證其中約有少數運抵西比利亞然可懸揣必有多數即在中國境內銷售矣西比利亞鐵路尙未准運貨以前運往俄國之茶葉頗多均由張家口達恰克圖之路運赴俄國然彼時茶葉出口載入原貨出口往外洋冊內者較現時尙屬確實也

一沿海貿易原出口之貨運往中國各口貨物共值關平銀一千六百五十四萬四千兩其中秦王島出口貨物共值一百三十六萬二千六百二十八兩內有煤十六萬六千九百二十二担值銀一百八萬五千兩津埠出口貨物冊內最要者即以下所載之貨然將來皆由上海轉運外洋如豬鬃羽毛羊毛馬鬃生牛皮縻藤山羊皮羔皮棉羊皮灘皮狗皮并單張或成件爲褥并衣服之各種皮張草帽縵駝絨山棉羊絨等類以上各貨共計約值一千萬兩與逕運外洋貨物價值二百十三萬七千兩兩項歸併即係運往各國銷售貨物之價值總數其運往中國各口銷售者約計值六百五十萬兩惟煤爲最廣餘即以價值之多寡以次臚列於後土酒花生黑棗藥材蠶豆小豆瓜子紅棗鹿茸杏仁水梨玉米生棉花乾菜香菌以及鐵路物料第該物料係由唐山鐵路公司材料廠運往江蘇新造鐵路所用者復出口之貨無關緊要茲不述及

復進口中國貨物進口者共值關平銀二千十八萬三千兩內有秦王島進口貨物共值關平銀五十六萬五千二百四兩大宗者係上海棉紗一千一百六十六担綢緞五十五担土布二百九十四担紙烟五千三百五十一担值銀四十萬一千兩津埠進口土貨其多者以大米爲絕無而僅有雖上年進口有二百六十一萬八千担本年有一百十三萬九千担可抵此減少之數者有少半之進口洋米四

十七萬二千担并多半之進口麵粉本埠食用麵粉與他處食大米者無異進口綢緞共值一百八十六萬兩紙類共值一百七十一萬五千兩茶葉共二十六萬二千七百十六担計值二百八十七萬六千兩多半運往張家口麵粉係多半由上海製造者計有二十四萬三百五十二担共值一百三萬六千兩糖十四萬九千四百四十一担共值八十二萬三千兩茲不縷詳直接外洋并沿海之商務者覽進出口比較表即可了然貿易中以何貨爲大宗且本年商務以何處情形爲應注意本年麵粉仍屬不尠所迥異者津秦兩埠進口麵粉計有一百二十萬担共值五百萬兩有奇內有洋麵粉九十五萬九千担中國麵粉二十四萬一千担查一千九百五年進口麵粉僅四萬四千七百担至零六年進口突有六十七萬五千担本年竟臻以上之數煤油加增亦鉅各種煤油在上年共進口一千九百九十九萬九千加倫本年進口增至二千四百九萬五千加倫內有美國煤油一千二百三十八萬九千加倫蘇門答臘煤油九百八十五萬八千加倫此外有馬口鐵并火柴及數種布疋然異常者係英國之原布印花布棉義大利布紅洋布等該布疋之加多緣他種布之減少也綜計除以上貨物進口踴躍外而他項進口貨物均極退步出口貨以豬鬃一項爲最稱意本年出口貨物總數不第有贏且在外洋銷售獲利亦溥惟羔羊皮掛棉羊皮并棗有盈而無絀其餘出口大宗者均見減色而絨毛縐蘇尤屬見少前已述及出口各商率皆虧累頗鉅緣上半年春間羣相放膽爭購忽自歐美銀根支絀而彼購貨者竟寥寥也

一內地稅則洋貨入內地領有天津子口單運入內地者共值關平銀三千三十一萬四千兩由秦埠運入內地者共值關平銀二百九萬四千兩查以上洋貨進口價值總數與上年總數若持平比例則固

見緬因至年終津埠各棧所存未售之貨尙多東三省各市面由津購辦之貨較前見緬約將來必爲大連灣牛莊逐漸侵奪津埠必須籌畫將商務向西推廣緣甘肅陝西兩省每年購運洋貨者實繁有徒也

一 船隻本年津秦兩埠進口者較上年少一百九十五隻然載重噸數通盤核計略多上年法國船隻噸數逐年漸漸加大半有船隻來津經營沿海商務半有某公司大號船隻往來各國轉經秦埠英德日本中國各船隻噸數均形減色但日本船隻若持平計算較他國愈減若計其噸數之多寡可列第二也

一 旅客本年並無運往南斐洲之工人惟有由斐洲載回之工人一萬一千六百八十五名

一 金銀無關緊要姑置勿論

一 藥土進口洋藥上年減至二百七十二担本年復減至一百五十担然本埠現時銷售者幾皆土藥究竟吸用減少至如何地步尙難臆度但烟館業已關閉中國官員新訂章程實於私吸大爲不便以致嗜好者殊覺難堪彼深於此味者雖不能即時戒絕然將來其後嗣尙不致再染已

一 雜論天津議事會辦理地方自治緣近兩年來巷議街談者立憲報紙記載者立憲縱津地已設自治局而辦法諸多限制仍屬守舊所有應行整頓各事即先以津地爲試辦之區議事會其一也已試辦者如學堂衛生工業商務及裨益公衆并社會等事在上年贊成者曾有若干人開會數次預爲擘畫迨至本年西六月間由自治局分送城廂內外并四鄉之上等社會選舉格式票約七萬張請其於該票上按格填註自己履歷該七萬人合格有選舉權者約有五千九百九十七人其餘概不合格旋請

凡有選舉權者投票公舉議事會之議員西七月四號開會當衆開標其五千九百九十七人中蒞會者有一千三百人核計票數後被舉者有一百三十五人西七月二十四號復開會選舉由一百三十五人中舉定三十人爲議員此外再選舉八人爲參議此三十人於西八月十八號在閩津公所第一次會議此卽地方自治之起點當開正式會之期津地城廂內外均懸國徽以誌慶賀是日演說者首爲提學使次卽天津縣以及他官厥後天津府縣會銜將已舉定之議員三十人榜示周知且曉諭津地各區人民凡有關於公益各事准由議員於議事會開會時當衆提議復擬設幹事員若干半由議員公舉半由有選舉權者公舉此幹事員必須經天津府縣允准後方有權施行保衛治安等事但此大所創辦之事詳細規則未曾宣明諒必未盡圖維妥協唐山設立路礦學堂一處揆中國之宗旨擬用本國人籌辦本國財源日見暢旺并開辦公家利便各事愈多愈善此情形邇來尤昭然而若揭外人均不能不表同情惟不可遽棄外人之贊助緣中國現時無論所辦何項公益事務尙稱幼稚而籌辦最要者卽本國人或在本國或出外洋習工藝之實學以期將來程度完全補授鐵路礦務關係尤爲切要之職任所以本年西三月唐山設路礦學堂一處卽以上所論之政策茲不能不記載者職是故也查西一千九百年以前曾在山海關招收學生辦理鐵路工程之學堂一所而現時所設之學堂規模較爲宏大房間以美麗之紅磚造成可容住宿學生一百六十人諸生於堂內應守規則一節係該堂監督管理除諸生住房舍而外尙有許多講堂洋教習住宿室主講之教習共四員皆英國人現有學生一百二十名年齡自十八歲至三十五歲據云尙有四十名額缺爲時未久約可補齊緣請補入者有七百名之多此七百名俟甄別英文合格經醫生查驗後約將來減至四百人由此觀之可

見學生入該堂肄業者頗具熱心然膳宿官費外給零費且預期廣告畢業後位置於中國路礦其課程共四年此四年括有實地習驗并宣講考試各事冬令有踢球之趣夏令有打網球浴水之娛以上游戲各事殊有興致創此學堂者係升任督憲袁宮保預爲組織該堂經費十四成之四由礦務局籌撥其餘十成由京奉鐵路總局籌撥該堂或可爲各省設立相同之學堂模範緣上年有中國各官員前往參觀中國設此完全學堂其中尙有一宗普通弊端卽學生急於謀利早日出堂往往所知有限不敷展布深望此後諸生學問優深辦事自綽有餘裕也大沽攔江沙費君妥瑪上年曾用轉耙法挑挖水道當封河時新河較舊河深約二尺至嚴冬停工及本年開河後測量較上年封河際竟深六寸此封河之數閱月河道界限并無變遷輪船隨卽幾皆由此新河往來海河工程局於西四月初間仍用轉耙經營因上年已奏有功效曾於冬令預行備妥各器具是以不致虛擲光陰旋派小輪四隻各帶轉耙一件於水道能將小輪浮起卽可隨時工作查此四小輪內有一隻殊難得心而應手緣吃水較深工作時限無幾曾由上洋租有力之小輪一隻來津詎料行至中途遽爾觸礁本年祇在本埠租小輪三隻用轉耙疏濬吃水自五尺六至六尺三不等該小輪僅能當半潮或半潮稍過時工作故海河工程局深盼將來可以購有吃水三四尺之小輪不特長潮工作可以加增時限卽落潮亦能工作因潮落溜急乘此工作尤顯功效但該局所備各器具未臻完善當初逾三閱月所疏濬者其淺處較舊河深有三尺三上年河底闊僅七十尺近三個月復增五十尺共計有一百二十尺曩者輪船來津非值潮盛漲時難由攔江沙駛過而現時各輪較曩之吃水深者實可駛過攔江沙也海河工程局佈知各航業者整頓攔江沙現時卽非先整頓海河不可或者必須攔江沙與海河同時舉辦兩面方能

併收完全之益西七月下浣海河汛漲泥水滔滔致將攔江沙并新河中流淤滯自是時起至西九月中旬止不但并未挖深縱用轉耙時常挑挖反將河道淤積深約一尺至西九月底時轉耙始徵功用能將所淤積者逐漸疏通復至西十一月初間將昔日積滯之一尺減少六寸直至封河時河道最淺之處方較舊河深有三尺實較開河時約深六寸闊六十尺然此兩年內用轉耙法挖成之水道竟有一百二十尺較舊河深有三尺若能始終維持此法縱不能挑挖較現時再大而來津之輪其大小必與現時來往之各輪無甚軒輊且載重如常可不再需駁船矣自此既省駁船費且省時限并免起運傷損之虞至本年進口船隻抵紫竹林碼頭者計五百十三隻所有免貨物之傷損并駁船費等雖難纓指而稽然實有最大之功彰明而較著就本年全年內所經驗者觀之可悉攔江沙無論有如何水道當每年河水汛漲時必被淤積非人力維持別無他策且轉耙辦法雖本年預備未盡合宜然尙能保全前已挖深者三成之二再逾兩月則大水時所淤滯者率皆流通此轉耙法若精益求精將來於最易淤積時庶仍能保全已挖深之水道矣海河工程局董事深望明年仍用轉耙操辦最少須將舊有之河道保全本年攔江沙之工程係費君妥瑪躬親指示且苦心孤詣創造利器并測量河之形勢探試水之深淺留心潮水與水性及調查考証以外之情形究如何於攔江沙最多裨益俾今日有此水道輪船可以行駛者皆費君殫精竭慮所致也有工程之學問有堅忍之恆心一往莫禦百折不回從此津埠商務之發達非費君其誰與歸又有一才能俱備之海關外班石滿爲費君之襄贊賴其聰明勤懇監理一切轉耙工程方能收最佳之功效也

光緒三十四年

正月

二十八日

二品銜二等第二寶星津海關稅務司墨賢理呈報

光緒三十三年烟台口華洋貿易情形論畧

竊查本年米穀全省收成可稱中稔尤以東偏爲最惟西偏稠密之處因雨少致豆子全行歉收以故彼處居民受虧甚重更有數處直與荒年無異其全省無論收成如何雖豐收之處而舉凡日用諸物無不日漸加昂如此情形是本關貿易稅款見絀不爲無因不必追究他故奈此際其商務衰頹自不能不認際遇使然也以本口商務論之數年來實爲通省之冠以其萬商麇集爲各貨總匯之源今則有相敵之埠勃然起攘臂爭先而本口竟居第二埠矣且恐更有江河日下之勢試謂何以本年始露見絀之象厥故有二一因前以北地戰事往來客貨極多懋遷起色二因華商逆料事定之後必有興盛之機希冀銷暢必旺故預事張羅進口貨物遂如山積不圖和議旣成銷路停滯運往之貨幾無問津者因而本年春初商家存貨尚多至於出口貨物情形究不似進口之蕭索除草縵黃白絲猪鬃及他項貨物或因產近鐵路取其便於運輸或因不合驟馬之馱運視此情形外本埠所餘之工藝四項野蠶絲祇因上半年歐洲銷路不旺是以出口較絀繭綢論其貨之色質大有長進本年商家沾獲優利爲首屈一指豆餅粉絲較上年尚無軒輊是此四項差強人意者也反華工往來滿洲舊以本口爲盛今則爲數大減蓋因此項利源有爲龍口所攘耳總而言之本埠商務疲弊或不至遽於失望惟工藝一途冀此數年之內尚可支持猶非設法持平保全不可今切要之圖必使與相敵之埠無異即如建造鐵路聯貫內地改良港口以爲輔助爲今之計極早圖維尚不爲遲否則不久非惟商務衰頹即所餘之工藝亦復沈沒蓋此等工藝胥仰賴於北地輸入而以人工製成也倘能力圖以上種種利益

則本埠又何畏有相敵之埠矣統計本年因風不得上下貨物有五十三日實爲歷年之患是以前稅務司甘有建築避風海壩之議按海壩工程爲改良港口最上之策集有成款即可興工深望此壩早成允爲鐵路之助耳安東關係瀕於鴨綠江其兼轄之大東溝係在鴨綠江之口本年正月安東開關五月大連開關十二月旅順開關烟台新築公共碼頭西段已陸續填築暫留海灣爲小船避風之地一俟海壩築成再行填滿至衛生情形並無進步因無溝渠之所致以地勢低窪無順流自然之路與建溝渠非籌巨款不可並以力不團聚人無專責難見速效本埠東西馬路本年新開最好大馬路二條皆賴關道何贊成其事商民咸頌之俄國所沈露希俄不尼艦遺質業經打撈工竣矣

一本關稅課本年除現銀存票三萬三千四百七十三兩共徵收關平銀五十九萬九千七百七十兩較上年緹收關平銀十八萬九千二百十六兩之多而以二十六年較之則比本年更甚統計本年緹收以進口雜貨爲最比上年少收七萬五千兩洋藥稅項並釐金少三萬四千兩出口稅少四萬八千兩至出口稅緹收更爲十年以來所未有惟復進口稅與船鈔較上年雖少尙不甚懸殊

一外洋貿易進口查本年進口洋貨計值關平銀一千六十三萬六千九百九十七兩上年計值關平銀一千四百七十九萬九千七百七十八兩由外洋運來之貨計值關平銀六百六十二萬二百十五兩上年計值關平銀七百九十萬六千八百三十九兩由通商口岸運來之貨計值關平銀七百一十一萬七千四百五十兩上年計值關平銀九百六十八萬六千四百四十五兩兩相比較今年收數之少實爲僅見蓋兩路所來之貨同一賠累也進口各種布疋較上年均少其中最少者爲美國粗布上年進口六十三萬九百三十二疋本年僅有三十五萬四千二百四疋此外白布較上年少七萬八十疋美國斜紋布

少十一萬七千疋棉意大利布少四萬七千疋惟紅洋布紅洋加紗二項較上年雖少其數尙能相埒日本棉紗上年有五萬六千担今年祇有二萬五千担印度棉紗則年少一年今年祇有九千担進口查棉紗進口之少實因膠州收數暢旺之所致而布疋之少則不盡關於膠州實以本口商務疲弊銷路不廣也各項絨布均有絀無盈舊鐵進口前數年適中之數有十五萬担今年僅八萬七千担煤油一項以近五年之數平均較之每年約有六百六十萬加倫今年則僅有三百六十六萬二千加倫其致少之由亦因復出口往安東大東溝之故也惟美國煤油進口之數較上年尙多新嘉坡煤油近年北方銷場甚旺而由本口運往者則無進境赤糖進口共八萬六千三百十五担較上年少十萬担冰糖車糖白糖較上年均少麪粉進口共十四萬六千担內有十萬担均係逕由美國運來者進口貨惟此項日見加增查此項食物不但嗜麪之北省卽嗜米之南省亦日漸加增是可爲注目者也至顏料進口較少大約因膠州進口過多製成水靛本口及膠州本年進口加增

出口土貨查本年土貨逕運外洋者共值關平銀二百七十五萬七千兩上年有四百二十萬二千兩內有豆餅野蠶絲草纒運往日本豆子繭綢粉絲運往香港衣服牛隻雞蛋水果豆油花生油運往海參歲蜜餞糖果則多半運往香港夏布係復出口貨運往高麗花生運往香港與海參歲惟本口外洋貿易大宗係絲與絲質物由本口先運上海再運外洋者也繭絲進口今年祇有由萊陽縣運來白絲十四担黃絲一百九担其手續絲出口前二年每年均不下一萬担今年僅有七千五百三十八担內有一千四百四十三担係運往日本者機器繭絲查三十一年有一千四百十五担出口三十二年則少至四百八十七担今年僅有一百十担真有江河日下之勢論者謂本年絲業生意不佳實亦因歐

洲銷路停滯而本口此外各機器絲廠亦有經費尙鉅兼有罷工之慮未免多有歇業者即可勉強支持亦不敢放膽大作若以現在情形論之來年絲業或有起色而本年滿洲山繭異常豐收秋季運到本口甚多價則極廉每繭千個價銀一兩最好者一兩一錢之譜亂絲頭有九千三十四担皆在歐洲製造絲絨之所用故出口較上年稍多繭綢有四千二百七十五担本年此貨銷場極好其疋數雖比上年較少而體質加重幅面展長以價錢較之與上年有盈無絀聞外洋新創染法廠能使此綢一望而知爲上等之貨最爲喜用每疋重由五十兩至一百十兩長五十碼方爲合格其大宗以法國英國爲最美國德國新金山亦銷路頗廣本年絲與絲貨出口共值關平銀四百二十四萬兩豆餅運往日本祇有十二萬担雞蛋運往海參崴者陸續加增本年有一千七百萬個之譜共值關平銀十三萬七千兩花生本年出口共十三萬九千担並無見絀外洋向係由非洲之西境購運近年始由中國裝運出洋因花生能製最好之油較上等橄欖油稍次其渣滓可爲六畜食料山東土豚種植花生最屬相宜將來銷場定卜蒸蒸日上也

一沿海貿易原出口之貨此項貨物內有多款曾詳載於洋貨出口論內另有數款出口係中國沿海之貿易如大半豆餅與甘蔗藥材粉絲是也查粉絲一項本年運往南省者十八萬二千担有餘旣如此大數本省豆子又復歉收必有奉天輸入者

復出口之洋貨已詳第三段

復進口之貨洋貨已詳上文本年土貨進口計值關平銀八百七十五萬一千七百六十兩較上年少二百萬兩之譜其致少之由因大米較上年少五十萬担有奇故難免相形見絀也

一內地稅則無

一船隻統計本年進出口船隻較上年雖少較前數年則多內港輪船上年進出口共九百十二隻計三十萬四千九百四十五噸本年六百四十三隻計二十一萬七千五百五十九噸因本口內港輪船本年較少因安東大東溝本年春季開埠設關凡輪船往該兩處者不以內港看待內港輪船向羊角溝虎頭崖龍口登州大孤山數口時常往來

一旅客查華工往來滿洲各埠均有經紀與客棧聯絡作此項生意凡有華工出口每人由經紀等墊洋十二元以作川資執照各費俟到各埠作工時該處另有經紀之代理人由工資內扣其本利華洋照費每人洋四元係經紀代墊船價亦係經紀向船行議定至五月八月十二月三期方能清還由是觀之經紀得利亦無幾耳此項華工大半往哈爾濱嗣因該處人浮於事無利可謀故回烟台較往年尤早自黃縣之龍口行駛內港輪船往來牛莊凡華工多由該處出口幾奪本口自有之利統計本年赴海參崴華工由龍口運往者有四萬四千人之多又因青島有華工四千人附輪逕往海參崴蓋青島亦視此項華工爲大利之源也本年由南非洲運回烟台華工有八百二十四人

一金銀查本年進口多係紋銀計值關平銀四百三十八萬八千四百二十七兩出口計值關平銀七百九十三萬三千八百二十兩銅錢由香港澳門運來者計值關平銀十二萬四千八百二十兩此項銅制錢市面並不見用非關於銅元實因有至小之沙錢頂替也濟南府銅元局上年年底業已停鑄上年又奉有上諭嚴禁各省銅元進出口雖如此而流弊尙患難防其價錢則毫無把握以本年適中之數較之則西歷正月至三月每洋一元易銅元一百一枚五分四月至六月每洋一元易銅元一百八

枚五分七月至九月每洋一元易銅元一百十二枚八分十月至十二月每洋一元易銅元一百十八枚雖歷經嚴禁而市闐充斥者多係外省銅元間有私鑄者

一藥土查本年洋藥進口較上年爲少地方官於六月間力籌限制戒烟之法擬立官膏局禁止私售熟膏凡售膏之店均須到局掛號領牌烟寮燈館一律勒令歇業街市爲之一清如此辦法令吸烟者裏足咸有戒心誠所謂法良意美全仗國家立法威嚴除此烟患也

一雜論濮州就近地方黃河隄岸小有損傷幸未成災本省行船水道失修運糧河亦然聞欲設法修治近年地方官以兵學兩事甚形鞅掌不暇及此所可望者通國路政聯絡商民可得輸運之便故均可望其早日開工也再小清河亦聞從速修治因此河攝乎濟南府羊角溝之間爲輸運之要路也郵政局本年利益大有進步其詳細情形業經濟南府郵政司李齊函知本省郵政今年收發函件共八百五十萬件郵路一萬一千五百里新增郵路七百五十里有五千里係晝夜傳遞函件每日可行二百四十里

光緒三十四年 正月 二十五日 三品銜雙龍三等第一寶星東海關稅務司安文呈報

光緒三十三年膠州口華洋貿易情形論畧

序閱冊者留心看本口貿易冊有更改緊要之處兩端比較前數年論冊不同第一端關係者是估價貨物二則自二十五年起至三十二年止此八年內洋船民船貿易論冊之中均未分開自本年華洋船隻以及各色貨物均分爲新常兩關而冊報亦各自分別第二端關涉由青島出口土貨往上海轉運外洋本口冊內向來例爲逕往外洋出口貨物今則列爲往上海出口貨物矣因奉造冊處來文凡出口貨物往外洋由別口轉運者由何口岸逕往外洋該口岸始可列爲逕往外洋之貨於冊內等因但有幾種要緊出口貨物仍列一表以顯明貨物之多寡及商人所報運往之地方

竊查自去年本口修改新章以後貿易甚見興旺本年前半年生意尤好各樣生意甚爲得利看稅銀之多寡卽知貿易之盛衰此六個月共收稅關平銀五十二萬六千八百三十八兩比去年前半年多十一萬三千六百四十兩計多百分之二十七比前年上半年多百分之四十六由此觀之本年稅銀自可望百萬之數爲向來收稅之至多者以後且尚不止此蓋平常推論貿易情形每年後半必較勝於前半年惟六月以後山東內地西邊各府因天旱濟南府各鄰縣係本口最要緊銷進口貨之地田禾均被旱災而田禾被災則百姓度日爲難銀錢皆緊是以亦不能添買各物因此本口進口生意甚爲阻滯又因濟南自光緒三十一年起新鑄銅元價值太低銀貴錢賤銅元日見其多銀價日見其漲且新鑄銅元因未鑄小者從前制錢漸漸短少是以百姓皆不敢留存銅元因此二事進口貨物大見減少如濰縣等處不使銅元當初銅元不敷所用故市價銅元甚貴因此則安徽等省由陸路陸續

販運來東省之銅元充斥市面歷時甚久迨後官諭禁止販運倘若拏獲卽罰充入官因此商民更不敢信用銅元當時南省銅元輸入東省已有四成其初鑄成銅元之時換銀元每元合銅元八十至九十個自光緒三十二年至三十三年六月則每銀元一元合銅元九十五至一百八個不等此銀價行市全憑市上銅元存儲及行用之多寡爲准故漲落迄無一定自光緒三十三年六月起在濟南每銀一元換一百八個漸漸減價至八月每銀一元換銅元一百十五個到九月忽然減價甚大每銀一元換一百三十二個在西歷十一月至十二月間錢價每元自一百二十六至一百三十一當此時濟南及內地錢價與青島比較約賤百分之三至百分之六之數而進口之貨因此則價值日見加增其新鑄之當十銅元因無制錢相輔而行故商人不喜用之蓋彼向來用慣制錢而一旦改變用當十文銅元自覺不便若當時能添鑄一文二文五文銅元以輔之則市價漲落不至於此而市價平穩則人自不以銅元爲不便若不設法添鑄小銅元則不能希望市面生意情形改好青島進口貨均係銀項交易銷售於內地係銅錢交易最要緊貨物以棉布類約占五成該貨利息最小銅元行市數月內忽減二成有奇所以本口商家因此大受虧累此勢所必然先期望下半年洋貨必暢銷後而進口洋貨反甚見減少比上半年少且比去年下半年亦少觀本年進口洋貨估值關平銀一千六百四十一萬六千五十三兩反比去年少五十二萬五千兩土貨進口估值關平銀三百八十一萬三千七百五十兩比去年加增計多關平銀一百五十三萬一千一百四十六兩約百分之六十七土貨出口亦比去年加增自去年估值關平銀六百三十三萬三千七百三十三兩本年估值關平銀八百四十七萬八千三百二十五兩約多百分之三十三出口所多之數皆係運往通商口岸之貨卽係由青島運赴上海

再往外洋之貨以上情形前已詳明其運往外洋之貨本年亦因受金銀行市不定之累比去年尤大故運往之貨僅與去年數目相平本年行市正月上半月每銀一元合二馬克三十二至四月每銀一元合二馬克十一六月每銀一元合二馬克二十八自七月至九月自二馬克二十三至二馬克二十八其中上下不甚懸殊十月內每銀一元減至二馬克零七其十一月內長至二馬克二十二月內減至一馬克八十五金銀銅錢行市忽漲忽落漲落約計二成有餘然而生意總數尙屬不少可稱幸事銅元減價固已阻滯洋貨貿易惟沿海土貨進口貿易尙未被累沿海出口土貨貿易亦有進步因洋貨進口均賣金銀鈔票土貨進口係仍換土貨回去且因此則省匯兌等費洋船所運貨物估值關平銀二千八百六十三萬七千八百八十九兩去年估值關平銀二千五百四十三萬九千六百二十二兩約多百分之十三看本年總數稅款大概論之雖然較好而本年貿易爲最難辦情形洋商更甚本年商號計多四家內有洋行三家或因歇號清帳或收市又有新開者七家華商六家日本商一家民船貨物估值關平銀五百五十四萬三千一百四十九兩比去年約多百分之十民船稅課共收關平銀八萬六千三百九十三兩約多百分之十一內計進口稅多百分之七出口稅多百分之四民船生意大概係爲南北換貨之事並未受銅元減價之累本年福州甯波大民船二十隻初次來青島停泊小船陽地方此爲最要緊應記改變之事從前南邊大民船不來青島均停泊膠灣各口大半係塔埠頭本年大民船來青島爲本口租界開展之轉機又爲最適意之事因塔埠頭所泊船之數亦尙不見少是民船生意漸旺也青島民船收稅數目比去年多五倍之數塔埠頭等口所收稅款亦有加增去年本年民船所收稅款爲歷年所最多此二年所加之數約有百分之三十看此多增之數即知前

所論生意阻滯之情形現將改好此爲可喜之據本年上半年生意與原來希望相符雖後來有暫時失望卽外洋貿易利息甚少此事於洋商失望尤甚然而青島本口究稱滿意青島生意興旺之中有要緊二事從前缺欠者自新章訂立以後現已漸漸改良第一係出口數目加增估值關平銀前年四百八十八萬兩去年估值關平銀至六百三十三萬兩本年估值關平銀八百四十八萬兩兩年約增百分之七十五出口價值比較進口價值現在可以抵制五成從前船載出口貨物甚少現在船運出口貨物較前甚多其第二係南邊民船從前不來青島現在可期望樂意來此

一本關稅課共徵關平銀九十三萬四千六百二十三兩去年八十六萬三千四百三十一兩進口稅比去年多徵三萬三千兩出口稅比去年多徵三萬二千五百兩復進口稅比去年多徵五千兩又徵土貨出內地子口稅三千七百兩而藥土稅釐少徵三千三百兩除照修改新章由進口稅內提撥二成津貼交與青島德官關平銀十五萬四千九十二兩三錢四分四釐內有十四萬七千五百五十兩九錢五分三釐係進口洋稅有六千五百四十一兩三錢九分一釐係進口常稅

一外洋貿易從外洋進口貨物除鐵路材料估值關平銀十八萬九百六十一兩除礦務材料估值關平銀三十七萬一千四十兩外共估值關平銀六百七十四萬五千九百四十三兩比去年稍微加增計五萬六千九百六十六兩去年比前年約多百分之八十其洋貨由通商各口大半從上海運來貨物估值關平銀九百三十萬八千六百一兩去年九百九十九萬五千六百二十二兩計減少六十八萬七千二十一兩棉布類減的多其計減少者係美國原粗布自五十一萬一百九十八疋減至二十七萬五千三百四十疋斜紋布自五萬六千五百五十疋減至一萬九千六百四疋又英國原粗布減少

一萬九千疋日本斜紋布減少一萬二千疋日本扣布減少一萬八千疋棉羽綾減少二萬六千疋棉剪絨減少三萬一千碼又加增者係日本原粗布多一萬三千五百疋英國扣布多二萬三千疋印花布多七千疋棉羽綢多二萬疋紅布多一萬五千疋毛巾多九萬四千打棉紗減少二萬一千担其中係印度棉紗加增三萬八千担而日本棉紗減少五萬九千担五金類進口加增五萬担其中所加增者係各種鐵鋼鉛及水銀等雜貨進口所加增者是顏料比去年多二萬四千兩水靛多三千五百担洋燭多一千三百七十四担美國煤油多一百二十三萬三千加倫蘇門搭臘煤油多一百七十三萬五千加倫海帶菜多十一萬八千担各種糖多四萬九千担重木多十八萬四千立方尺輕木多一千十三萬二千丁方尺其出口土貨運外洋估值關平銀八十八萬三千五百五十兩看起來比去年僅四分之一因總結帳册新改册式此事已詳明於總論之中實在出口土貨估值比去年加增雖然似見減少而出口去外洋之貨由上海轉口居多其上海總册則按運去外洋之貨本關則按運往通商口岸之貨所以出口土貨無法與去年比較

復出口洋貨去外洋估值關平銀三萬六千三百七十五兩土貨去外洋三千六百七十六兩

一沿海貿易出口土貨去通商口岸估值關平銀七百五十九萬四千七百七十五兩其中貨色即包括由本口轉上海去外洋之貨而去外洋及去通商口岸之出口貨一併計之以下之貨即顯比去年加多猪鬃比去年多四十三担牛皮比去年多六千六百五十四担花生仁多六千五百七担花生油多四千五百九十八担白絲多七十三担黃絲多一千八百九十三担野蠶絲多一百八十一担土綢多

一千九百四十四担山羊皮多十二萬四千八百四十六張粉絲多三千三百四十担棉羊毛多四百五十八担黑棗大半係河南所產大見加增去年出口四千四百担本年增至二萬三千八百四十担草帽縵出口六萬二千七十八担比去年稍減計少三百六担尚有出口貨比去年減少者如豆餅減少十六萬八千二百五十四担苧蔴蔴蔴減少四百四十六担亂絲頭減少四千三十七担復出口洋貨運往通商口岸共估值關平銀十五萬四千一百十七兩土貨估值關平銀六萬六千五百六十三兩

復進口貨由輪船運來土貨估值關平銀三百八十一萬三千七百五十兩去年復進口估值關平銀二百二十八萬二千六百四兩前年復進口估值關平銀一百三十四萬八千五百九兩在此二年內改訂征稅辦法以來估值之加增計關平銀二百四十六萬五千二百四十一兩約增百分之一百八十以上

一內地稅則洋貨入內地無

土貨出內地本年發出草帽縵三聯單一百十張

一船隻本年輪船進口四百九十二隻共計五十五萬六千四百五十六噸內裝有貨物輪船四百六十六隻空輪船三十二隻出口輪船四百九十隻內有輪船三百九十七隻裝有貨物九十三隻無貨比較去年輪船多五十三隻計五萬六千八百五十二噸進出口總共九百八十二隻計一百十萬八千九百十三噸民船進出口共七千六百五十四隻計載重二百九十四萬一千七百三十担去年民船六

千六百六隻計載重二百六十八萬六千三百九十二担比去年加多一千四十八隻計載重二十五萬五千三百三十担

一旅客本年由輪船進口西人一千七百四十一人華人六千四百二十四人出口西人一千三百四十八人華人四千七百七十一人共計一萬四千二百八十四人去年一萬三千三百五十七人火車旅客詳於雜論

一金銀洋圓本年進口共估值關平銀二萬六千十六兩出口估值關平銀四百六十一萬八千八百九十一兩其出口之數計元寶四百三十萬一千五百八十五兩洋圓三十萬七千七百三十五兩以上除進口銅錢由南方來者估值關平銀一千二十兩外均係銀子

一藥土進口本年洋藥公班土十担八十斤去年進口十担四十三斤內有八十四斤運往內地土藥從內地進口一百三十担七十八斤內有六十九斤復出口赴通商口岸

一雜論本年山東西境收成甚歉約計不過三成有餘山東東境如登州萊州青州各種收成皆好茲據報稱水菓收成六七成豆四五成花生八九成麥子七八成小米六七成地瓜七八成高糧六七成瓜子五六成核桃六七成黃絲七八成野蠶絲六七成膠濟鐵路公司本年裝客八十九萬六千二十七人比去年多四萬八千六百四十八人約計多百分之五七四其中出口客人四十六萬六千七百四十八人其十一萬七千八百二十八人由租界出口三十四萬八千八百七十六人在內地各車站出口者出口人數比去年較多百分之九二一進口客人四十二萬九千三百二十三人其中二萬八千二百

六十四人來租界者四十萬一千五十九人在各站下車者進口人數比去年多百分之二二二裝貨數目比去年多百分之九本年山東西境收成不佳又濰縣裝煤不多而尙有如此之加增可稱滿意本年山東礦務公司共計出煤十四萬五千噸去年出煤十六萬一千噸其減少之故係因本年七月十一日坊子煤井炸藥爆發炸斃西人二人炸斃華工一百十人是時因人工不敷停工約有數禮拜之久米那煤井開有雙井本年業已動工明年可望有大宗之煤出井坊子之煤井現在裝有各種新樣機器如分煤塊大小之機器洗煤機器造煤磚廠壓煤機器風筒等等濰縣之大煤井名爲安呢煤井在三百六十米達深處挖出煤綫三條其大小寬窄與坊子煤井相同卽三米達至四米達之譜所用器具一半用電力作工現正裝配此煤井每天能出煤自一千五百噸至二千噸之數博山附近之淄川煤井作工甚見興旺已經挖深至一百八十五米達第二煤井業已興工器具亦已配好其第二煤井專爲通風所用去年年底已作成在地道以內可通淄川煤井淄川煤井本年出煤三萬四千二百噸其中一千二百二十噸作成焦炭餘在本地銷售滄口縑絲廠本年出土蠶絲二百八十担其絲華美無比可使外國織綢之人染絲之人有此顏色鮮明質料光滑之絲料出售市上爲向來未有者亞細亞煤油公司建設油池已於本年西歷七月竣工有三千七百四十二噸煤油由英國輪船名米無拉克司進口者於西歷八月初一日灌入池內毫無阻碍該公司尙有造洋鐵煤油筒廠一處美孚煤油公司於本年西歷十月內起亦建造一煤油池約明年西歷五月可望告成現在有一碼頭專爲停煤油船之用名爲第三碼頭長二百八十六米達寬二十米達已於本年西歷五月內開工建造明

年七月內可以造成在第二碼頭上有大棧房兩座每座長一百米達寬四十米達已於本年西歷九月內開工建造明年六月底可望工竣應用水浮船隄本年又加擴充有一千餘人在內學習船隄工程其中有一百四十四人已經畢業考驗合格水師工務局前在南海沿已於本年內遷移至北碼頭局中各工程處現已布置妥貼而此一年內作工甚忙本年水浮船隄計做一百七十三日之工共修輪船十九隻內有兵船十五隻商船四隻共二萬三千七百五十四噸

光緒三十四年

五月

初八日

二品銜雙龍二等第二寶星膠海關稅務司阿理文呈報

光緒三十三年重慶口華洋貿易情形論畧

竊查本口本年春間天時尙屬融和至夏間雨水過多致成水患成都尤甚平地水高二尺許地卑下者竟成澤國秋末揚子江及小河一帶水勢仍漲是以沿江船隻較往年開貿稍遲一月禾稼收成春時以爲定有八九分之望因遭水患收成只有六七農家雖略受小災商場中尙屬平穩報由本關進出口各貨共估值關平銀二千七百四萬五千九百四兩較之上年却短絀二百萬兩之譜其短絀之故約有三端一因外洋金磅驟昂進口洋貨頓形減色一因土棉紗棉花兩種報釐而來便於沿途卸賣一因本省開辦統稅紛擾無緒前任稅司曾於光緒三十二年論冊所述預料土藥一事以每土百斤徵收一百十五兩恐爲異日之患是旁觀者早經定論矣再本省統稅於光緒三十二年十二月初一日開辦其鐵路經費亦照常徵收稅項既重在販夫似覺其便彼吸種之家大有關礙兼之辦理本銷極其苛擾遂至謠詠紛紛永川等處先後滋事四月間開縣匪徒倡亂亦以統稅煩擾簧鼓其衆幾釀大亂幸地方官早爲覺察辦理妥速旋即平定護督趙季帥有鑒於此催促政府停止統稅本關於是年四月三十日起每担仍復徵收出口稅二十兩以上數端於本關稅項貿易兩宗大有吃虧至統稅開辦時土商來關報稅本口雖係代徵仍收現銀而川省統稅局則不然俟商人報土後限期一月比兌故商人報土出口而未預備現銀完稅者皆由釐金出口以致本關本年春夏間出口之土藥較上年約少一半統稅之設立法至善於中國全國貿易大有裨益也今統稅既停每土百斤在釐金局須完銀七兩二錢八分本口出口正稅二十兩到宜仍復完納統稅一百十五兩三項併計共有一百

四十餘兩之多

一本關稅課本年共徵關平銀四十四萬七千三十兩較之前三年大為短絀實因土藥一宗收數較去年已減去十萬二千二百三十九兩除土藥收數不計外就各項稅而算尙屬可觀惟進出口兩項自開關以來可謂最旺之年子口稅較上年減收一萬二千兩其減收情形已歸入內地稅則條內聲明再本關代徵土藥統稅合關平銀七萬八千六百四十七兩於光緒三十二年十二月初一日起至本年四月三十日止此項稅銀係與統稅局代徵不在本關稅項之內

一外洋貿易進口由外洋逕行運來者共計貨價值關平銀三十四萬一千九百六十兩此項進口以海參傢具什物化學儀器魷魚海味洋參藥材香料錫等爲巨擘

出口卽由本口直至外洋者固屬罕見但本年有麝香一宗值關平銀二萬五千六百三十二兩係由郵政局報運出口
復出口洋貨無

一沿海貿易原出口之貨本年春夏間因外洋金價下跌各貨銷場似覺稍滯迨至秋後金價日增出口各貨日見其旺據關冊而論竟爲歷年最豐之一如五梘子本年出口只有七千七百三十三担近十年此項生涯無甚起色綠德國近出別物抵制所致鷄鴨毛計有五千五百九十一担木耳計有九千六十四担牛皮計有三萬七千八百五十六担藥材估值關平銀一百十八萬一千八百六十七兩大黃計有一萬六千六百五十担以上貿易尙屬平和惟豬鬃毛一物外國曾將價值下跌然出口却有八千九百七十三担而詢其售貨之家均獲利益鷄鴨毛本年價值亦好銷場亦旺惟出貨不多自光

緒二十六年之後迄今出口件數未見增加牛皮春間市價昂貴販者往內地收買捷足先行亦復不
菲詎料美國財政驟絀上海積貨過多以致價值頓減聞業者中道而止迨至冬初申江價值陡提開
關已來未見如此銷場羊皮出口共有八千九百十三担今以每張一磅半合算計有八十萬張視其
銷場尚屬平和較之去歲尙短二十四萬一千張之譜大黃出口有限因出產中頭等只有三分之一
次等卻有三分之二生意不佳惟次等銷路稍滯以致出口減色近年川綢夏布大有進境似有抵制
杭綢進口之勢夏布一宗幾成出口大莊二十九年關册所載不過五担而本年已增至三千三百九
十八担且於沿江通商各口盡獲善價川絲繭壳等遭夏間雹雨所傷貿易較上年尙遜一籌其中最
減色者惟爛繭壳尤甚但商人預買者仍獲利益羊毛出口計有二萬二百十九担業者尙不滿意因
川運維艱費用浩大且貨色不潔於製造稍有妨碍土煤出口有五千八百六噸僅過前年之數賑米
出口計有一萬五千餘石後因米性潮濕易於霉爛以致中止不然當不止此數
原貨出口無多可不具論

復進口之貨本年正頭生意均不見佳惟印花布與羽綾較去年稍好以別年比之則不及也元布進
口有二十三萬二千一百四十七疋自二十三年後尤爲減色較上年則短九萬餘疋粗布有八萬二
千九百疋較上年則減去五萬四千餘疋厥少之由則因本省所織土布過多價值又廉企呢芝蔴呢
較上年進口多增十萬七千七百一十一碼絨貨類則有小呢少卻二萬六千餘疋羽毛哈喇呢兩宗於
關册內將不見矣洋藥材進口價值關平銀九萬二千二百八十兩五色染料價值關平銀二十一萬
八千八百八十五兩年年有加煤油與夫棉紗如出一轍由釐金進口居多希圖沿途卸賣之便故報

關者寥寥無幾美國煤油本年進口只有五萬四百加倫俄國煤油自光緒三十年後未見進口秋間美孚洋行渝庄復開明年美煤油進口自必加增但川省亦產有煤油菜油美煤油銷場未必即能興旺是年美煤油由他項船隻進口者計有一百二十萬加倫多由江漢關報運子口而來本年洋棉紗進口共有三十四萬五千五百三十八担價值關平銀八百七十二萬五千六百二十五兩僉謂所獲之利可補上年之虧耗矣紙烟進口價值關平銀二萬六千九百四十八兩多係英美紙烟公司之貨因該公司於是年在本口設有銷售處也土雪茄烟成都設廠所製係日本人教授今本埠亦設有烟廠但所造者只紙烟而已此項紙烟仿照俄式是用日本機器製造土烟葉甚佳但氣味稍濃人多臨吸時現捲似若合意以致烟廠所製之雪茄烟銷路不甚興旺而外洋之雪茄烟更不足論矣本年胡椒有三千五百五十七担海味價值關平銀十四萬三千九百六十七兩海參一千八百十担法藍器價值關平銀三萬一千六百八十二兩肥皂香水共價值關平銀五萬四百五十二兩錫一千一百四十七担鐘表價值關平銀二萬七千四十一兩以上數項進口均有增加惟製造自來火料本年進口不及上年之一半因本口之六家自來火廠一律歇業須待連合同簽押後方能動工自來火性質雖劣然價錢極廉每盒不過二文故洋貨銷場甚小上海湖北土棉紗及棉花爲川省需用之物理宜不應短絀但觀本年總冊所載進口棉紗不過四萬二千四百十五担上年則有五萬八千八百二十八担前年則有九萬一百六十六担棉花本年祇有六百五十二担上年則有三千九百四十四担前年則有四千九十四担其所少之數概由釐船進口他項土產若中國磁器較之上年溢出八百二十一担估值關平銀二萬三千四百四十八兩魷魚較上年卻少去一千四十五担估值關平銀二萬三千一

百五十六兩書籍進口上年共有四百二十担估值關平銀四萬二千八百四十兩本年加至七百七十二担估值關平銀七萬三千三百七十一兩其所增者可見民氣漸開之故也進口綢緞比上年溢出一百一十一担價值關平銀八萬八千一百四十三兩所增者由於川絲歉收之故料器較之上年進口少一千二百十八担估值關平銀二萬四千九百六兩此項料器短少之處因本省玻璃廠仿造抵制所致料燈筒料燈並各項料器近來川省現有數州縣亦能製造也

一內地稅則洋貨入內地共估值關平銀一百十三萬五千一百七十四兩發給子口稅單八千三百八十六張上年共估值關平銀一百七十四萬三千一百七十六兩發給子口稅單八千三百二十張本年貨值短少稅銀減收可歸咎於貴州落地釐金徵收過重之故祇洋棉紗一種每百斤徵收落地釐金重至本關所完之子口半稅四倍如此重釐實碍內地貿易洋棉紗之銷場變爲土棉紗之代替矣因土棉紗在上海湖北兩處於出廠時每担祇完納關平銀七錢外指往他處概免重徵土棉紗上年由本關報運內地者只有二萬二千二百二十二担本年則有三萬九千三百五十五担至於本年貨值較少而半稅單與上年不相伯仲因商人喜報零件恐至內地時遇有不符之處可免一齊充公之險並可免致累及他貨

一土貨出內地無

一船隻是年本口船隻缺少商人頗不易雇加之夏秋洪水時泊宜之船不能上駛致本口商人以大價而雇且不易得上水船只有一千三百五十五隻其載重不過四萬三千八十二噸爲歷年以來最少之數下水船隻甚有將許多他項小船代用亦祇有九百二十六隻計載重不過二萬五千五百七十

七噸爲光緒二十八年後最少之數也本年上半年上水所報明遇險船隻共四十九隻漂流貨物計八百二件惟下水船隻遇險者則難於查實大約不過二十餘隻

一旅客本年西人入口共有一百七十一人出口有二百二十一人至華人進出口本關關冊所載均不盡確也

一金銀本年由本關報運出口之紋銀共值關平銀二百八十七萬三千一百五十三兩內有金條值關平銀三萬四千五百兩較之去年則減去六十萬兩之譜匯票無甚漲落通年扯算兌上海規銀每千兩只繳渝平九百五十五兩

一藥土本年曾有公班土一百二十六斤小土十一斤想係試辦詎知如此微數川省尙不能行銷卽照本出售亦無人問鼎

土藥出口照關冊所載本年較之去年已減去一千七百四十七担若以前年比較則減去四千一百四十七担詢之士業中人則謂此項生涯本年極爲發達運往下游一帶之士當比早年爲多且今歲收成甚佳種烟者亟欲將所積減價出售又遇吸烟之人有鑒於禁烟之令爭相購買屯積有此數端以致販土者大獲其利全年計算川土每担約值關平銀二百二十兩雲土每担約值關平銀三百八十兩茲將陳監督函告實行戒烟川東一帶禁烟辦法四條列後

一向來種烟地畝聽民自便多寡不一現在實行禁烟雖未明定限制民間皆知減種無須獎勵
一吸烟之人城內城外凡在警察區域中無論紳商士庶過客居民均須赴警察局報名註冊由局發給牌照填註年歲籍貫並日吸烟數交本人收執准其持牌向官膏店購膏計刻下填發之牌

共計二萬二千餘張因內有過道客商來去無常不能算出定數

一土舖照常貿易並未歇業原有烟館全行封閉另設官膏分銷店並無捐款城廂內外共計八十

三家均領有牌照准無力自製烟具之貧民持牌在該店賃具吸烟

一官膏局專賣熟膏不售生土城內設官膏總店一家分店四家准吸烟之人並分銷店持牌購膏

每盒自一錢至數錢數兩輕重不等聽購者之便價值按市價隨時增減由官膏總局酌定逐日

牌示開設以來每日約售膏一千兩上下其中尚無弊端

一雜論本口龍王洞煤鐵公司春間華洋合股開辦名曰江北廳煤鐵有限公司共集資本上海規銀五十萬兩已聘工程師一位常住該處所擬造洞口運煤鐵路一段計約三十里之遙其機料一切不日即可抵渝將來此路告成該公司即可省去無限運脚銷場必增暢旺由成都至萬縣之鐵路經營已有三年現在仍無興工消息所集路款已逾七百萬兩多係按民間所置田產攤捐付以股票多不樂從所有鐵路捐項川中尚不甚踴躍至本口創設銅圓局廠彼時由鐵路項下動支之款已經撥還其廠共有兩處早經落成一用英國機器一用德國機器均尚未安置妥協遠行停止現又將該廠房屋改爲鍊鋼廠派有道員督辦正論之間聞該廠將不合用之機器盡行運往成都重慶警察本年復經開辦並未另收捐款以助經費重慶府瑞太守巴縣耿大令於城外設立乞丐工廠衣食教養均甚完備其另設幼稚工廠一處專教孤兒學習工藝均歸府縣主持誠本地莫大之善舉也人壽保險公司近來無甚進步較之上年尚遜一籌本省秋間隣水地方福音天主兩教教民大起衝突川省之西南及貴州交界地方時有槍劫情事最險者四川瀘州屬之江安縣幾爲匪徒所陷幸早覺察未果此外

有法國人阿羅游歷揚子江及西南建昌邊地調查番種所經各處據稱靜謐德國兵艦華德蘭駛入川境及英國水師提督穆入川游歷此二事見於揚子江上海可爲本口之誌記也郵政規模前於光緒三十一年論冊詳載茲將現時改良辦法略舉如下凡郵件分爲兩種一信件即尋常信明信片及掛號信一包件即新聞紙貨樣及各項包裹其由宜寄渝之信件均派快脚隔日輪班遞送至渝只需十日或十一日如由宜寄成都之信件逕由萬局轉遞統計約需十四日之譜所有往來包件均由重慶萬縣兩局用郵艇隔日輪班遞送以便接早年開辦之萬宜郵艇矣此項郵艇異常穩速惟當洪水之際灘險水惡難保其全不失事然於冬季水枯之時其奏功易於出色本年冬季由渝至宜不過五日由宜至渝亦不過十二三日而已所以成都與重慶寄宜之郵件均由此項郵艇傳遞比從前租賃之船更爲快速再重慶距成都陸路計有一千三十里現用郵足傳遞日夜不停亦只需五日耳雲南之昭通府貴州之遵義府兩處郵局早經交與蒙自貴陽兩總局管轄本口郵局郵路已減去一千二百八十里由涪州至石柱廳之郵路業已開通將來由涪州至本省西南之秀山再由秀山至湖南貴州兩省之郵界接壤處則本口之郵路共已增至二萬一千八百六十里郵政局所則增至一百五十一處內有成都重慶總局兩處本口分局一處內地分局十五處代辦舖商一百三十三處四通八達消息靈通人咸稱便本年出入郵件除包裹外共計五十五萬一千八百九十五件上年只有四十九萬五千四百五十二件本年收入包裹計二萬五千八百八十四件寄出包裹共六千六十四件

光緒三十四年

二月

十七日

四品銜重慶關署稅務司譚安呈報

光緒三十三年宜昌口華洋貿易情形論畧

竊查本口本年貿易與本年收成相似較去年尤不美以致商號閉歇者甚多即多財善賈之人亦將進貨減少檢關冊本年由外洋暨滬漢各埠運進本口之洋貨計值關平銀三百三十二萬九千兩較去年淨少五十七萬六千兩進口之土貨計值關平銀二十三萬四千兩較前三年此數亦甚微出口貨計值關平銀五百八十一萬九千兩較去年增多二百萬兩總計進出口各貨共值關平銀一千五百萬六千兩較去年少一百四十七萬二千兩年歲不佳兼之銀貴錢賤貿易因暗受其虧耗即如棉紗向爲進口大宗本年其價甚昂粗紗之價幾與去年細紗之價相若多有因之折本者其中雖有略沾微利之人然而少矣可知比年歉收固由於晴雨不時而實與商務有關繫焉猶憶前七百年元初之時曾將種植之法頒行天下並命官巡行郊野以種植之法教其民當時甚重農事近年農學四川商會湖北學堂亦頗研究而四川商會則取法於元制亦時派人巡行郊野以種植之法教其鄉人此三四年頗著成效椶漆等樹日見繁茂種桑既多絲出亦旺至於本年進口綢緞之少其故則因有機噐可以製造又有人提倡之織工感奮所成之貨無異蘇杭故民間購外貨者稀曾在重慶閱該處一月出二三次之報章凡各物之市價各機器之新式各製造之新法均詳載之川省農工之精勤該報章若與有力然則欲商務之興盛似應先從事農工云

一本關稅課查本年共征稅銀四萬八千六百兩其數細微已甚征郵政包裹稅銀計四千兩尚在其內又本年代征土藥統稅計關平銀七十二萬九千四百六十四兩

一外洋貿易查本年逕由外洋進本口之洋貨計值關平銀十一萬八千兩其間占多數者則若鋼若參若海菜若化學物料等類各種席子尤多本年計六十一萬二千條去年祇三十三萬條出口復出口茲不具論

一沿海貿易查本年出口貨內有烏煙一種係由施南運往安徽製墨所用者又有青麻一種則係由涪州施南兩處運來其他生漆五倍子柏油木耳則係由鄰境一帶運來此以上皆係出口貨

復出口之貨棉紗比去年少二百萬包布疋少八千包棉紗之驟減者因本年上海之價甚昂而重慶積貨又多市價雖貶銷途仍滯本年四川之銀如重五十兩之元寶重十兩之川錠由重慶運至上海者計四百萬兩現銀出境如許之多誠爲可異之事大概票號不相信商人不願出票商人亦不相信票號不願先交彼此情意不投是以商人攜現銀赴下游交易至由重慶旂船載來之貨在宜昌駁裝輪船者則與去年不相上下本年春間有川米十二萬担在宜昌駁裝輪船者則係下游各省大憲派員採辦以爲賑荒平糶所用

復進口之貨棉紗布疋其數皆少此係因前去兩年批發各號商約共折銀數百萬其故由於積貨太多市面又滯不能不賤價求沽惟殷實大商仍待善價得以略沾微利當此之時商會亦力勸各商維持市面故進貨者鑒於前車不敢多辦計本年上海紗價比往日高去年細紗一包在上海值規銀七十五兩者粗紗一包在上海值規銀五十五兩或六十五兩者本年價值如百分須增十二分

一內地稅則查本年運入內地之洋貨比之去年增多計發內地執照比去年竟加一倍計征內地稅項比去年亦多銀一千一百八十五兩各貨統計值銀十七萬六千九百兩中國機器棉紗約占三分之一

一其餘占多數者則煤油海菜二種運出內地之土貨無

一船隻查本年華洋商輪進出口者共計三十八萬八千五百噸其數比去年增多旂船進出口者共計十三萬七千七百噸其數比去年短少一萬四千噸至法公司擬在峽江開辦拖輪之事本年未聞有人言及但此事無論川鄂大憲未允卽或允行而開辦後必多窒礙蓋人未經峽江之險者未晰蜀道之難抑知卽平素往來峽江之大小各船其行駛亦費盡心力

一旅客查本年華洋各客進出口者共計二萬二千八百十九人比去年多一千人其實不止此數緣華人坐民船者多本關無從稽攷

一金銀查本年進出口之銀錢皆比去年減少進口現銀計值關平銀二十萬二千四百兩去年值一百三十六萬四千兩制錢銅元計值關平銀六萬五千兩去年值三十萬兩出口現銀暨錢計值比去年共少關平銀三百二十六萬兩其故有二一由旂船生意不佳經理人乏銀兌錢錢之運出者少一由各項貿易不佳客商罕以現銀運至滬漢購貨

一藥土洋藥查去年有由香港運來公班土計二百四十斤本年進口計一百二十斤詎意此項藥土不但去年進口者全報復出口卽本年進口者仍有六斤報復出口然則本口此項藥土似可云無卽或有之亦不過係藏於身上及行李內夾帶進口者耳

土藥查本年各省禁煙不料出口土藥反比去年加多四十萬斤去年本口新增出口之數計三十九萬一千二百斤本年則八十二萬四百斤現在官場出示禁煙民間亦有許多自戒卽若食力之人往往改吸紙煙遂致紙煙銷場甚旺晚間無所事事或聚賭或飲酒不免滋生事端况有各種不佳之紙

煙其毒比鴉片之傷人更甚至若民間戒烟多半吞服市中所售之九藥雖間有戒絕而身體則軟弱異常又有吞服攪和煙類之九藥者久之不能離九藥一離九藥仍思吸煙此有何益又有將九藥擣碎雜於旱煙內吸之者此種九藥則係攪和土藥製成吸之者無異於吸煙其害尤甚他若辦理煙館之法似亦不可求速緣彼等驟失其業必至窮無所歸與其使之流爲匪人何如將土藥之關稅釐金加重並使稅釐一年加重一年則人必漸漸不食而煙館亦漸漸自無焉

一雜論查本年川漢鐵路仍未開工聞有華工程師二人係在美國學堂畢業者時正測量此次勘定諒可從事建築又聞漢口至宜昌之路係歸湖北官款建築由宜昌至萬縣之路則歸四川公司建築路成後二十五年由湖北贖回至川省鐵路聞係由萬至渝由渝至省似不若由萬縣逕至成都俟獲利後再築重慶之路之爲愈且萬縣實屬扼要之區若開埠設關必與數省之商務有益蓋設關則貨物有所稽查夾私之弊可祛收稅之數必旺况鐵路通後萬縣亦須開埠設關何如及早圖之至於川漢鐵路集股之法約有三端一曰租股係派有田之戶按所收之租穀每年提穀若干作爲股本者一曰捐股係派省內各官按差缺之大小每年捐銀若干作爲股本者一曰購股則係由富戶出資購買者或云前三年川中此等股本已集有現銀六百萬矣宜昌荊州轄於一道實於稅項交涉諸端多有未便似道臺應駐於宜昌或另設監督一員駐宜辦理通商事務錄之平色實爲人所難知惟公私之間有沾其餘潤者而於商務則大不便若改用銀元無所謂平色則華洋之商凡有貿易皆可自訂斷不致多所周折付其權於他人世徒謂洋商不解華語難與相謀而不知華洋隔閡之故不在語言實在平色素聞各種平色之高下亦祇有浙紹人能悉舉其名若將其名詢諸商人恐猶多未悉不但此也

各省所鑄之銀元亦遷地弗良於用雖鑄有重庫平七錢二分等字而此省至彼省竟有作七錢一分者各省所鑄之銅元雖鑄有當制錢十文等字而各省各處亦無作制錢十文之用者凡此似皆宜亟籌善法本口郵政本人大有進步所轄界內又添設代辦局七處陸路郵袋間日一發若值天晴五六日即可抵萬縣水路郵艇亦間日一發所載多係包裹暨新聞紙值水平時不過七八日即抵萬縣水漲之時或八九日或十一十二日亦即抵萬縣現因包件甚多已添派郵艇數隻以期速於運送矣

光緒三十四年

正月

十九日

三品銜雙龍三等第一寶星宜昌關稅務司李華達呈報

光緒三十三年沙市口華洋貿易情形論畧

竊查本口雖爲漢渝長途水道中權制勝之區其貿易最爲廣大然而本年經過本關貨物之淨值不過關平銀一百八十八萬四百餘兩較去年雖多三十八萬三千二百餘兩但就本口與別埠交通生意之多而論則其數爲甚微矣本口出口生意輪船所占之數甚爲有限蓋所載之貨僅係運往漢口一處者倘若各輪船公司備置上好躉船使商家貨物以及來往旅客可以便於上下則輪船生意自然日益增多而獲利之豐自可操諸左券也本年本埠市面蕭條各商家皆不能獲贏餘之利其故何在

一則由於秋間雨水太多天時不順一則由於銅元價值異常低小是以進出口生意殊覺清淡雖曰由漢口運來之洋貨就關冊稽之各項幾於全數見增然而銷場實不甚暢以故闐闐中人所望獲得之利益竟不能如願以償也就本口及附近一帶而論其最關緊要者即係沿江北岸受水浸灌甚重是也計自官碼頭以下東首之地起下至窰灣止長約十五里之內有多處被水冲刷而成凹形之岸水漲之時迴流漩水將凹形之江岸愈刷愈深受害愈速使大江與保護全鎮及各鄉之大隄相離漸近其險爲何如也又招商局地及本關地界內之石岸亦有二處被其冲陷本年川漢鐵路業已逐漸經營測量自漢陽至宜昌一帶之路尙未得悉其由何路安置軌綫耳

一本關稅課本年所征各稅甚少不過關平銀一萬四千三百九十兩比上年所少有限蓋因本埠市面不佳出口貨少之故

一外洋貿易不具論

一沿海貿易原出口之貨本埠全年各項貨物騰貴銀值甚高以致錢價一蹶不能復振遂有錢舖二家因之倒閉市上現錢稀少秋間各鄉農民收穫僅及五成之數因此今年出口貨值由關平銀五十三萬四千九百餘兩減至四十四萬五千二百餘兩論及各類之貨物除土布桐油黃絲核桃白蠟稍有加增外其餘各貨皆無足使人留意者

復出口之貨不具論

復進口之貨本年價值見增者因洋貨土貨皆多於去歲也本年洋貨之淨值計關平銀一百二十八萬五千八百餘兩去年僅有八十九萬六千八百餘兩土貨之淨值計關平銀十三萬六千九百餘兩去年僅有五萬七千一百餘兩各類貨物之可舉數者如日本棉紗本年多逾三千担因鄉人樂於購用故銷流頗暢至推究何以樂購之故則以此紗織布甚易需時較少而且紗絲堅細堅則難斷細則質輕如以同重量之紗織成布疋其數自可比土產之紗尺數見長絲縷亦甚勻細也車白糖水糖兩項共多七千餘担煤油兩載以來關冊不見但市上之油甚夥用戶極多大數皆係美國之油至其零售之價值折中約計每箱不過三千六百文至年底遂漲至每箱四千二百文

一內地稅則洋貨入內地今年貨值比去年稍跌大致情形無甚差異
土貨出內地無

一船隻本年進出口之江照輪船共計七十七萬三百十六噸此數比歷年皆多其行駛鄱陽洞庭兩湖之船冬令水小時皆改而行駛宜漢與本口貿易並無甚關涉

一旅客本年進出口之數比歷年增盛其故係因輪船來往之多也但本口在夏令水漲之時倘載客之

駁船及其餘各項船隻駕駛不慎則客人生命甚屬危險若能設法改良則附輪之客當必更形踴躍也

一金銀本年本埠匯銀往漢之價值甚覺高漲以故商人願出運費將銅元裝赴漢口以作匯款之用較之匯銀之價尙可略有便宜查去年出口之銅元僅值關平銀十萬七千三百餘兩今年驟增至三十萬八千七百餘兩其中指運漢口者竟占多數推求其故蓋因漢上錢價較之本地又有獲利之處也

一藥土經過本關之數常屬有限以今年而論比前五年最高之數計多十一担今年有七十八担一千九百四年有六十七担

一雜論本年夏季有華商聯名具稟開辦合利亨輪船公司已蒙督憲批准照內港行輪章程行駛由沙市至宜都來往之小輪船途中經過搭客之處共有八處但該公司至西歷年終尙未開辦近年以來大清郵政局立妥穩之法定公平之價爲人匯兌銀元通行各省所以官商人等之來局購匯票者逐漸加多由是以觀如果早有此等善法以便商民豈不甚妙然而本地商民往往仍有將千文錢票封入掛號信及平常信之內送交本局寄遞爲數亦頗不少約略計之其數亦不至遠遜本局爲人照章匯寄銀數之下但照此辦法非惟不妥抑且與他人郵件尤有危險情形何以故因爲郵件有須交孤身郵差經行荒遠之處而至內地者但是本年秋季郵局立有新章凡信內有各項鈔票者一概不能收寄矣本年鈔關冊報已附入洋文論略之後係按各關逐日報單彙總而成鈔關所征係船料及竹木稅二項此外皆不徵收是以船內所載貨物名色斤兩價值若干皆所不問至於竹木稅項本年並

未收過所有本年進出鈔關之民船共計二萬七千四百七十五隻載重二百七萬七千担上年計二萬八千二百隻載重二百二十九萬七千六百六十担至本年所征之稅合計關平銀一萬二千二百三十兩。去年一萬八千五百七十四兩其見少之故係因市景荒涼其情形論首業經述及矣就本年民船之隻數担數再分計之其由內港及大江往下江貿易者進出共一萬一千七百九十隻載重七十四萬二千四百四十担往上江貿易者進出僅只四千八百八十八隻而載重乃有八十萬五千一百五十担多半來往四川者由此推之足見上江來往四川之貿易亦可謂鉅數矣至於本口附近貿易之船進出共一萬七百九十七隻載重五十二萬九千四百十担此等船隻小者頗多式樣不一時來時往

光緒三十四年



二月


十五日

四品銜署理沙市關稅務司田三德呈報

洞庭湖之圖

—— 大小輪船行駛水道
● 浮標
✱ 燈塔





光緒三十三年長沙口華洋貿易情形論畧

竊查長沙通商以來今年各事都佳頗有皆大歡喜之象且不似去歲患難迭見而雨暘時若五穀豐登既水波以不興更商務之發達是以本埠凡百事務悉能經之營之日蒸蒸日上理洵可喜焉本關稅課較去年多至百分之五十七輪船來往次數亦較昔年爲增查其由漢始至長沙之日在正月初十最後往漢口之日則在冬月初六此其故也惜米穀不准出口自上年四月禁起至今八月朔始開按之本埠商情似已覺其太晚顧如此大宗貨物雖七閱月不准聽商輸運而稅釐仍能大增亦可見商務之暢旺矣乃不意九月二十日復有不准運米至漢口以下之示也

一本關稅課今年計收關平銀十一萬八千兩去年祇收七萬五千兩惟本年內有五萬二千兩係第四結所收且此第四結期內僅兩個月零十天有大輪船來往正值米穀弛禁之際以後江水漸涸輪卽不通然則稅收如此之多大半因米可以出口倘來年之米能聽商自便則視此第四結情形而征收諒可至二十五萬

一外洋貿易本口與外洋無逕行往來貿易所有進口洋貨亦甚細微通共價值不過十萬九千兩之譜其中畧堪著意者機器等件值二萬七千五百兩自日本運來藥料值一萬一千五百兩自香港運來郵政包裹進口稅有一萬五千兩係由各國寄來

出口土貨無
復出口土貨無

一沿海貿易出口土貨查今年前幾月生錫錫砂等價值逐漸高漲生錫在倫敦每噸至值六百兩錫砂每噸至二百八十兩然本口錫商在貨價未高時業經預先出售既已出售理應交貨自然無法能獲後來之美利於是與上海洋行大有爲難之處何也因該洋行亦是先賣與西國商家倘不交貨則按之西律該洋行必吃大虧職是故耳迨歲聿云暮價值在倫敦已銳減百分中竟少去六七十分查今年由本關出口生錫較前少一萬担錫砂多一萬担惟此多少之故據聞係因行銷之所致若夫蘇與爆竹出口大爲加多吾意此宗貨物將來必繼長增高惟蘇尤堪稱巨擘白鉛砂較少或者係鑛商求善賈而沽諸

復出口土貨不論

復進口貨布疋類如棉布洋布各色加多查通商四年以來按之本關稽征清冊此項貨物年多一年大有日新月異之象亦可見商情之趨向矣至於銅斤今年毫無進口緣本省新舊銅元各局皆經政府飭其停辦據聞來年又可開局鼓鑄云若機器麵粉上年曾逆料其必暢今果如所言雖然洋商機器麵長而華商機器麵消矣各色洋糖亦然與機器麵粉大有並駕齊驅之概吾不知土貨視之當何如

一內地稅無

一船隻江照輪船今年噸數較增係因本口開通漸久自有不期然而然之勢小輪船亦有起色開濟公司新設躉船碼頭一處旅客上下利便良多又有元壽公司業將棧房躉船碼頭等布置齊備明春可盼開張據報有四隻小輪云內港專照輪船由本口往來內地者進出口噸數比上年約增一倍悉係

華商所經營雖屬船隻畧多而端賴行駛之期能久查自長沙至湘潭本年竟能常川通行毫無間斷一旅客查本口載客之生意誠有不可淺視者將來必大有可觀姑將四載中來往長沙華客約畧述之光緒三十年祇三萬一千人三十一年即十四萬八千人三十二年十六萬七千人今年則有二十六萬八千人此其驗也倘有新式寬廣淺水佳輪專行本口則勝算之操可爲鐵券吾實盼之

一金銀出口比前無甚增減惟出口之銅錢較去年多值關平銀四十萬兩而銀之出口則較少長沙省內祇見紙票不見銅錢據云全省皆是而省城爲甚然凡有用之物斷無廢置之虞不重於此即重於彼據聞京漢鐵路所通之河南等處最愛制錢以致漢臯錢價日昂而本省之青蚨遂亦紛紛飛去故無論大輪小輪莫不載有孔方兄者查長沙市票各色舖戶皆可出但須報明商務總局核准並未聞有何官員查察該票亦未聞有何許假票意者行使久而人皆能識之歟

一藥土無庸具論

一雜論查本口內工程現今大有可觀一連兩座礮岸四處碼頭高三十英尺共長六百餘尺均係玉石琢成既堅既好此乃本關與太古洋行所造者水陸洲又建高爽洋樓一棟係稅務司公館於西歷千九百七年正月即已移居本關征稅公署並驗貨廠暨外班洋員住宅及公用一切雜屋均可於年內先後告竣此省城外之情形也據云城內學堂亦甚興起有官立民立紳商合立等堂各自籌維互相輔助聞上年銅元局撥資頗多凡屬學生皆不出費今自新簡提學使到任有管理全省學務用人籌款辦事之責鑒諸一切准情酌理遂遵行收費之令除師範法政等堂外悉飭各生自行束脩之禮殆非僅因學生內昔年曾有干犯法紀等情並通飭外府州縣各就地方開設學堂以免羣聚省會易召

事端故現今城內學生似減少四分之三於焉絃誦之聲頗爲風雅云女學亦有效如繡貨一宗曩時祇稱蘇繡顧繡最享盛名據聞近年長沙繡貨大爲出色直有壓倒元白之勢從茲四海五洲又當推湘繡獨樹一幟矣惜女紅尙鮮針黹價昂若果推行盡利當必年盛一年本年天氣極佳雨暘時若寒暖得中僅六月二十三至七月二十一日二十九天異常暑酷風師不來雨伯亦遜寒暑表大率在百分以外七月初十日竟至一百零七今年農事大好黍稷稻粱千倉萬箱據聞官私所儲備者靡不盈滿大有餘三餘九之概查八月朔開禁以來商輪出口莫不載有米糧以致各宗貿易亦即因之發達長潭應修之鐵路業於秋間經二位英國工程師從事勘量十一月間海關副巡工師額得志君奉公文到湘巡查自洞庭至湘潭航路凡有淺道沙灘礁石等處均擬安設浮標燈塔以期利便商輪至於郵政則有進無已今年長沙總局又添設內地分局五處郵路較前長九百里合計總局所轄界內轉折約共六千里之譜郵件去年一百九十八萬件今年則有二百十八萬件內包裹五萬四千五百餘件去年包裹四萬一千件匯票入出共計三十三萬四千元去年二十八萬四千元亦可見繼長增高大有勃興之勢但公事日多一日而辦事則日難一日何也總局屋地太狹不獨不能容人且將不能容物而欲覓一相當之處特建郵政總局不啻令人詠蜀道難矣

光緒三十四年

正月

初十日

四品銜署理長沙關稅務司烈悌呈報

光緒三十三年岳州口華洋貿易情形論畧

竊查本年貿易於本省本口農商兩界均足稱爲興盛之年無水災亦無滋鬧情事擾害治安上年之不足今年胥足以補之禾造收成可賡大有不惟足敷本境之食兼可接濟他處地方收成之歉薄者故本年不再禁米出口爰於八月一日卽行弛禁計自十一月初六日來往長沙輪船停班時起凡運往漢口之米均係由湘河裝載民船運下查由本口轉裝輪船運往漢口者有四萬八千担並承米捐局委員之報告米穀由民船裝運出口者計至華歷年底止共數一百萬担有奇每担均以百斤計算至政府所特允准日商採購湘米三十萬担運往日本聞至年底時尙無一担運出本省查米穀出洋中國例禁綦嚴此次准日本國運米係初次開禁且係特別辦法緣此中有特別之原因故有此特別之舉中國鐵路尙未盛行所有貨物欲運往外洋者在夏秋之間水大時原不難順流而下惟在內地之郡縣其米穀一經運出凡遇逆流以及水涸時欲復運入則大覺其難矣日本米價甚貴卽以中平之年而論其影響所及亦足致中國米價有增無減其中究有益於本國與否又當別論矣本年最堪注意之事爲輪船請領行駛內港專照於水漲時經過洞庭湖來往常德一帶初次開班係五月十五日停班時係十月初六日本口貿易價值因之增至關平銀六十一萬七千兩卽以此項加增之數與上年比較所差竟已無幾蓋本年共值一百三十五萬四千兩而去年祇七十四萬七千兩本年試行常德之輪船均稱滿意允宜實力擴充藉沾民船來往該緊要埠頭之利益查當時開班原係二輪惜一輪停班過早否則其效當更有可觀聞民船幫中人大不滿意於輪船運貨遂以停班之輪爲口實揚言輪船來往日期殊無一定把

握並大言恫嚇客商倘仍裝貨於未停班之輪船則一交冬令民船必不再裝此宗客貨藉以抵制然自此競爭後其一輪雖未將水脚加增而貨物則已日見減少其果因此與否可不必深論矣至來往常德長沙等處亟須研究一種最爲合宜之船隻果能如願以償用稍大之淺水小輪拖帶駁船貨物人客則此兩口可長年或大半年有船行駛而岳州口則成爲一轉運緊要之碼頭緣湘省之南及湘省之西進出各貨均須由本口過載轉運故也長沙一口貨物由輪船裝運者日見加增故湘河以上之土貨於冬令時在本口報運完稅者可預料其日見減少矣惟岳州爲常德最近之口岸凡進出各貨均歸本口節制其應完稅課自歸本口征收倘能擴充常岳航業則本口稅收雖云失之東隅而收之桑榆者或不僅此數也岳州貿易價值可分爲四類茲將本年價值列表於下岳州本境進口洋土各貨值關平銀二十三萬七千兩出口土貨值關平銀一萬一千兩共二十四萬八千兩常德進口洋土各貨值關平銀二十九萬九千兩出口土貨值關平銀三十一萬八千兩共六十一萬七千兩湘河以上土產各貨冬令報運出口者應在長沙報運因冬令水涸輪船不能直抵長沙值關平銀十四萬二千兩礦砂由民船報運出口者值關平銀三十四萬七千兩本口貿易價值共計關平銀一百三十五萬四千兩查岳州本境商務竟如此之淡薄似難冀其日有起色也如輪船能暢行無碍常德商務之擴充正未可限量轉運既稱利便則貨物愈覺其流通至民船仍能如常獲利定可左券以操謂予不信盍觀揚子江之民船假使輪船能長年來往長沙一帶則長沙以及湘河以上之土貨當不再見諸本關總結中而本關即無此項稅收若各礦中之礦砂由本省裝載民船自湘沅二河運往漢口者其應完稅課則歸本關征收云

一 本關稅課本年征收較上年加多一萬八千兩可稱滿意其中最足注意者爲米稅關平銀四千七百七十二兩礦砂稅關平銀一萬五千三百五十六兩常德出口土貨稅關平銀七千八百八十九兩

一 外洋貿易無足深論

一 沿海貿易本年出口土貨共值關平銀八十一萬八千兩內礦砂價值三十五萬四千兩米值四萬八千兩白鉛砂比上年加增六萬一千担鎊砂增二萬六千担白鉛磚本年出口有四百七十五担此係初次報運者其由常德出口各貨頗有味於商界中人茲特表而出之土布二千七十一担值關平銀八萬五千九百四十七兩土藥一百十三担值銀六萬九千七百四十三兩蓮子三千六百三十一担值銀六萬一千七百二十七兩桐油六千八百八十八担值銀五萬一千七百四十八兩生漆四百二十一担值銀一萬八千八百五十二兩蔴一千五百三十二担值銀一萬五千四百二十七兩爆竹一千八百十八担值銀一萬四千五百四十四兩生牛皮三百五十一担值銀八千七百五兩黃蠟九十三担值銀三千二百七兩藥材三百五十一担值銀三千七百八兩綜計常德出口各貨共值關平銀三十一萬八千兩

復出口之貨不具論

復進口之貨洋貨共值關平銀三十二萬三千兩比去年大有加增而所增之數則幾於全爲常德進口洋貨之價值蓋常德進口洋貨共值關平銀二十九萬九千兩常德所銷之洋貨與本口各處所銷者大可並駕齊驅如洋布棉義大利布剪絨棉紗等類是也洋白糖報運進口者七千八百担比上年加增頗堪注意至土貨進口其價值則甚微只三萬五千兩然比之上年雖屬大減其故因上年報運

進口米八萬一千担值關平銀十八萬八千兩轉運長沙等處以濟水災後之饑荒
一內地稅則洋貨入內地運往常德銷售者多願完納釐金蓋以釐金較之子口稅爲稍輕也惟經由常德運往貴州者則在本關報完稅課請領子口單然其數亦屬寥寥無幾
土貨出內地無

一船隻本年進出口來往通商埠之輪船共計二千四百四十五隻載重一百四十一萬五千九十五噸
上年共計一千九百六十六隻載重一百三萬八千八百九十五噸兩相比較不特本年爲數巨而且
加增甚速倘藉此以定本口之商務似有蒸蒸日上之勢各輪之來往宜昌長沙者無論有無貨物到
本口必暫停輪以便上下搭客及郵局信件惟招商局輪船不裝運本口貨物然每駛抵本口時亦必
須暫停本年船隻總數內有小輪船八百九十五隻載重五萬九千三百噸此項小輪祇載搭客來往
漢口常德耳查光緒三十一年論畧中所述之舊式腐敗汽機不完全之小輪現仍照常行駛竟無人
別出心裁創設合宜船隻來往洞庭湖一帶地方現在來往長沙之輪船終年只有八九個月可行一
交冬令卽不能直抵長沙若用淺水江輪吃水至三尺者水涸時亦可常川來往惟於夏令則不甚相
宜緣湖中各堤岸均爲水所淹沒則洞庭湖一片汪洋幾於海面無異且時有狂風巨浪之患然有一
種辦法尙屬可行如大號小輪船長一百二十五尺中濶二十五尺滿載後吃水至三尺六寸可載客
可裝貨並可任拖帶其被拖船隻大小與之相同可載客亦可裝貨最爲合宜並宜另設大小格式相
同之駁船在本口專候由漢口駛來之輪船以便隨時過載人客貨物更省却上下各用費至水漲時
長沙輪船如常行駛則此項小輪及駁船不妨改行常德等處及常德水道可行大輪船則又不妨於

沅河上一帶地方往來行駛亦可獲利蓋沅河左近如龍陽滄港雷公港沅江及資河上之益陽等處均稱爲繁盛城邑也查內港專照輪船開赴常德以太古公司之沙市輪船爲最早於五月十五日由本口開行該輪共來往七次於七月初十日卽已停班因當時湖水稍退迨至水復大漲時該船竟不復往日本湘江輪船共來往十六次停班時係十月初六日英商湘潭輪船亦來往一次各輪行駛之水道均經過洞庭湖如經由沅河之水道則稍遠凡船隻長逾一百五十尺者卽不合宜緣該處灣曲甚多故也至湖中行駛雖屬艱難然並未出有意外變故現在過湖之航路均已安設浮標所謂危險者更可減免矣

一 旅客輪船來往常德爲期只四個半月而客人來往該處者已不下四千三百人之多其商務之發達於此可見一斑矣本口來往客人共有一萬三千三百人比上年倍之本口上下客人須用駁船而每人每次均須另出駁船錢二百文此中半爲本口輪船公司經理人所分潤此等取資極不滿於人意以故時有衝突情事倘各輪船公司能設法免收雖將水脚畧增亦覺甚可嘉也

一金銀可不具論

一藥土可不具論

一 雜論萍鄉煤礦局上年所建設之煤廠存儲煤焦甚多頗有如山如阜之勢此項存煤係專爲轉裝駁船運往漢陽者該廠現存之煤約有四萬噸惟此種礦產本關現無收稅之權故其實在數目無從得知查湘河及洞庭湖之航路現已設立浮標以指引來往船隻湘河內設有浮標十四座經過洞庭湖之航路設有浮標五座又塔燈兩座其浮標塔燈各部位另有圖記按此圖與英日兩國所繪之水道

圖相仿并指明大小輪船行駛之路其於各種船隻均屬大有裨益秋間各堤岸尙被水淹沒之際則尤覺其有益凡行船者在灣曲水道中行駛均有戒心既無指引之件又當水退之時稍有錯誤必致擱淺約需四個月之久方可浮起沅江輪船擱淺於鹿角左近地方實因其不按照所設之浮標水道而行是以罹此不幸之事也又擬安設浮標燈塔在湘河內及入河口之路並設塔燈於周家港開濬近遊巡塘之水道此數事現正商議籌辦本處之救生紅船大有裨益略述數語亦非無謂查此種救生船創設於乾隆二年其常年進欸約有銀五千兩此係救生局原置產業上所出利息并由藩庫緝私局岳州釐金局所協濟共計紅船十五隻船上器具充足每隻用人五名其應盡事務係專於起大風時在該管汛地往來梭巡以備救護遇難船隻凡曾經目擊者均稱此種紅船辦事頗有實力凡遇救出人命該局另有犒賞並有殮埋溺斃尸身及厲祭施發糧食藥材與被難人之川資等費副巡工司額君得志於湖中辦理安設浮標一事頗費時日並擬就報告一紙將湖中之情形及能否將水道設法改良俾輪船能長年行駛詳晰陳明蓋湘撫憲於此事甚爲注意茲將其所論洞庭湖之文節錄一二洞庭湖之西南有臨河沅河資河湘河此四河之水均由湘省流入湖中湖之北當水漲時揚子江之水由太平藕池二運河流入湖中湖之東各河較小無甚關碍湖之淤塞多緣揚子江之泥沙所積而成查大安島東南兩方面之隄岸可作爲臨沅二河之關鍵當冬令時湘河口之水較低則臨沅二河之水卽經臨資口流入湘河及至湘河之水較高則湘水又經由臨資口直入湖中至揚子江之水極大時倘無洞庭湖以容之則必爲患於各處地方若逆其水性則恐又有崩隄之危險緣既將天然之流水以限制之而不思另籌地方以容之則大水時必至愈漲愈大終無去路常德地方每有此

患亦因沅河口之兩旁均築有隄壩故也未築此堤壩之先凡遇水大時即可向江岸直流而過既有此隄壩以限制之其水即易漲大甚至發源之處比之河口之水反更低也至改良由沅河口至湘河口之水道以便冬令行駛船隻則莫如先將新挖口至臨資口之水道設法疏濬因該水道不獨係現在緊要之航路且需用經費比之他處較省並可將常德岳州長沙三處之水道一氣貫通也其由沅河至洞庭湖又由臨資口以至岳州則爲其次之辦法矣

光緒三十四年

二月

二十二日

署理岳州關稅務司偉克非呈報

光緒三十三年漢口華洋貿易情形論畧

竊查本口貿易情形本年除復出口外進口貨物淨值關平銀共五千四百六十三萬兩內洋貨四千五百十五萬兩土貨九百四十八萬兩較上年共四千三百四十萬兩者增一千餘萬兩前年雖有五千三百八十萬兩而其數內有銅幣所用紫銅多至一千五百五十萬兩以此證之本年之增實快人意况本年三季磅價均高只末一季忽跌故所增之數并非由貨價之高而然觀後附之表即可一目了然知進口貨物無論大小皆全增矣出口貨物共值關平銀六千四十萬兩內運外洋者九百九十九萬兩運他口者五千四十三萬兩而上年共五千三百七十萬兩前年共五千七百二十萬兩惟上前年共六千三百萬兩爲盛旺之年今漸復故觀足可忻幸至本年出口貿易除茶之大宗外別項均不爲得利洋商大行號不過畧有盈餘而有等小行號則受虧甚大往年磅價跌則出口貨獲利今年之跌遲而且驟不惟無所得且反有所失因美國財政恐慌本口及東方各口均受影響茶雖未多於尋常而較上年貨美價高復可大爲獲利俄商尤占優勝華商各項貿易大致尙可無憾大行號亦無虧倒者湘鄂上年米皆歉收故全年皆禁出口武漢三鎮人烟稠密頗有米荒之懼官紳決議設法由某商包運川米洋米平糶如有虧折官爲填補然所運西貢琅棍之米因定價不合行情故多復運出口承辦之官所失甚鉅本年鄂中收成尙豐而湘中則爲大有之年故本口雖米禁仍未開而人心則大爲靜定年底商定專章准以湘米若干賑日現擬設鐵路物料廠二所以免購自外洋利源外溢一爲車廠在武昌由前督憲張樞相奏准開辦製粵漢鐵路車輛一廠在漢口下游孫家磯買定基址

與漢陽鐵政局合辦用該局物料製鐵路橋梁廠前有港水深護足禦風浪與輪船火車均便交通該處可備工作之人甚多物料亦近在庭戶間諸皆就便將來必確見成效前二年漢陽鐵政局曾加擴充多添機器廠基現有四萬三千五百五十七方用人工三千四百四十四名其機器係最新式用工省而出貨多自舊化鐵爐二座改良以來每日共出鐵自一百五十噸增至二百五十噸第三化鐵爐現尙建造可出二百五十噸至三百噸合前二爐每二十四點鐘共可出五百餘噸又建有馬丁鹹法鍊鋼廠四每日可出鋼二百噸設機器四具按所需物料式樣而捶鍊抽軋之每二十四點鐘可出八百噸經以上數法之後卽成鐵路及建造各物料矣煤及焦炭得自江西之萍鄉鐵之鑛苗得自本省之大冶其苗每十成中有淨鐵六成半又備有拖輪駁船一隊往來礦山載礦苗並煤礦有合宜之淺水船往來載煤總辦李部郎維格頗具胆識極力經營維新有象將來可望成效其所擬條陳并有利用化鐵爐內拋棄之煤氣運動電鼓爲發生電力及燃點本鎮電燈之用又請填築月湖擴充廠屋皆善策也麩粉及豆油廠已爲本口穩定之貿易本年又增數家麩粉廠在襄河岸側者三家已開工內二家名雖英商實多華股又一大廠係日商所開亦在該處修建來年五月內可開工法界麩粉廠已擴充改良所有已開工之廠每年可出粉三千三百七十五萬担按湖北人口計之每人所用不足一担本年有六萬二千六百八十六担運往他口其餘皆在內地銷售初以爲華人用麩粉者雖日見其衆而出貨太多恐銷售不能如此之鉅幸各廠麥麩穩以售於日本釀製啤酒飼養營馬計本年出口者共八萬三千八百三十七担值銀十萬八千一百三十六兩各廠之麥多自河南運來不但常攪泥土一成二之多卽其色亦較洋麥欠佳大畧因種植未善頗爲人所詬病其製出之粉亦無洋貨之白

用豆壓餅榨油之廠五家每日出餅三百枚或三千枚不等內有三廠獲利一初開工一已虧歇據云豆二担可得油二十斤並壓餅五枚每枚重四十六斤豆適中之價每担合銀二兩五錢餅每枚可售九錢六分油每担約售八兩七錢餅銷往日本者日增一日亦銷汕頭蛋廠製蛋黃蛋白因全年蛋價均昂兼爲秋間久雨所阻遂受虧累本年三四月內最低之價鴨蛋五兩一錢五分雞蛋六兩一錢交秋時長至七兩餘最奇者此間鮮蛋價漲而歐州製成之貨價適漸跌合並受虧以致萬難獲利而蛋黃又因美國謂其製料有害衛生禁止進口且所用之鹽取之中國既不潔淨又雜硫酸於碍蛋黃有故貿易亦不免被其牽掣本年銀錢一項畧有變更洋例九十七兩滙合上海規元一百兩已多年矣今滙水忽以規元百兩最高時漲至洋例九十七兩八錢蓋因本口之銀不但足敷本口之用且尙有餘存者是因茶市時并無現銀由滬接濟據聞因山西河南及內地別省解還借賠等款向由津沽海運赴滬今漲鐵路穩便故改運來漢且漢上貿易日盛與滬抵滙亦有利也

一稅課本關本年共征關平銀二百九十二萬八千一百六十三兩六錢五分三釐較上年增三十三萬八千八百六十兩八錢六分六釐較上前年最旺之數亦逾十七萬八千九百四十一兩七分二釐其增數多在進口稅計二十五萬七千八百五十兩大半因進口機器多并官用物料除鐵路所用及軍械外其餘均自正月一號完稅之故出口稅增四萬一千一百五十一兩因出口貿易較有增進之故惟上年收成不佳各貨并無剩至今年始出口者且米未弛禁秋間皮貨市面又幾斷絕芝麻雖異常豐穩出口者亦只一小分船鈔雖較上年短八千兩而實較往常多一萬二千兩上年烟葉歉收故出內地子口稅較減入內地子口稅則增二萬八千兩進口官用物料共免稅十六萬二千三百七十四

兩內有鐵路物料八萬四千九百七十五兩而上年有六十三萬二千三百十兩內鐵路物料二十五萬一千六百二十五兩進口稅按二十七年重訂稅則新舊比較計增收十四萬六千二百四十三兩九錢五分一釐

一外洋貿易查洋貨由外洋逕運本口及由滬轉船者共估值關平銀一千九百四十萬四千九百兩較上年增二百七十七萬二千四十六兩本年磅價有上半年無甚漲跌鐵路物料連上海復出口在內亦是大減其數減至四百十六萬二千一百八十二兩煤自十二萬噸減至八萬噸糖減十四萬四千兩然上年煤糖之增實非尋常事也其餘大宗皆增塞門德泥由八萬一千兩增至二十四萬八千兩雖大半係自來水公司及日本江岸所用亦可證新建行業之盛矣機器增十四萬兩而較之前年則短五十四萬兩此貨本多寡不定前三年之大增蓋因漢陽鐵政局添建新廠并各處設立大廠耳機器銷場日漲因爲用較多且開有機器陳列行數家也煤油二千七百九十八萬五千加倫逾於前年一百二十五萬加倫上年冬銷路甚旺至本年春即衰雖年底因銀價跌行銷又速油價亦增其半然統而計之較上年尙短三成油池之新添者二鐵路一帶未添油棧而貿易略有進益各種棉布疋之進步頗可觀因北方市面衰上海多積貨而川中銷路甚暢故運來本口以應之有某行向由上海運貨者現即在本鎮屯積交易傳聞本省統捐於七月一號須加增故上半年貨皆湧至下半年日本粗斜紋布甚暢銷蓋較美貨每疋幾廉至一兩之故外洋茶末用以攪和華茶末者增五萬三千担足見攪和則其味加美爲飲磚茶者所嗜也

出口土貨雖去年短收已無餘積而連復出口貨價二百二十八萬兩在內尙增三百七十五萬兩上

年出口芝麻之多頗耀眼簾倘本年別無他故則其數必更鉅本年印度芝麻歉收洋莊銷場甚好河南本出產最多之地收成又旺不意有等華商逆料本鎮拋盤定貨必大遂把持不收以強抬其價值故大獲其利而其他多數商人之前定拋盤必須交貨者則虧失之害甚重因彼居奇之故有一洋行亦被牽累迨年底漲無可漲各鄉販始湧至出售查貿易冊所載之數幾於全係未結出口既因貪利觀望又因揀淨之機器及包袋等均不足用加之江海各輪亦不敷運載是以至少尚有一半存積未能脫手而出口數較上年短三十萬担且因其突然出售致銀根爲之一緊拋盤定貨者十五萬噸價四兩五錢至五兩五錢此貨來年必較歷來最大之數尤多黃芝麻由鐵路運來白芝麻由民船運來白芝麻因打取之廠地不潔淨故泥沙較多棉花倍增牛皮增一萬五千担春間價穩惟因美國銀市窘故生意不能發動價每担自三十七兩跌至二十六兩華商於價漸落時不肯放手故貨多積滯受虧甚大迨近年底銷場始復原桐油逕往外洋者增一萬二千担而運往他口者減八萬九千担此貨仍因積弊太甚故致虧累往年於沿途滲漏曾設法減免今又仍蹈前轍其逕運外洋者尤甚雖運載已思得善法而有一次仍聞有五成之多各種麻增二萬一千六百担頭麻色美貨多二三麻不佳此貨年見緊要現已覓得製造新法有洋商在滬設廠製之成紗惟全賴原料照現在市價不再加增將來乃可順暢耳武昌官辦製麻局用日本工師管理已見成效機製蛋黃蛋白運往外洋者得利但以出口總數觀之則失二成已於總論內聲明其故矣鐵政局已改良化鐵既多出口亦鉅山羊皮連復出口在內減四十七萬五千張其初價太高囤積之貨運至外洋者售價較買價僅得其半其後本口因行市太跌致華商皆不肯售賣年底價乃復平五倍子貨色太劣貿易有限磚茶小京磚茶雖略減

而紅茶統共增五萬八千六百担四月初四茶市開盤九江茶到者約四十八字售價每担五十兩至五十八兩兩湖茶開盤後至初六價議妥始行交易此後各路茶價均漲市情平穩合全茶市而論平常之貨價均好祁門茶色較上年佳價亦約高一成全市皆穩俄商隨意皆有利可獲由漢運倫敦每噸位四十立方尺水脚四十五先令另有上海過載費七先令六辨士輪船運往外洋者赴倫敦二艘赴俄之歐洲口岸三艘太平洋各口九艘復出口貨運赴外洋者不論

一沿海貿易原出口之貨增三百七十五萬兩上年所短三百十萬兩至此而令人之意消矣較之前年亦略多內豆短三十九萬五千担而豆餅增三十六萬担足以相抵烟葉歉收故減四萬六千担麥因麩粉廠日多皆在本地銷售故只畧增煤與木耳藥材如舊生鐵增二十萬九千担其故前已論及復出口土貨祇微之別共值關平銀五百三十萬兩而上年有五百萬兩

復進口洋土各貨洋貨共值關平銀三千九十九萬兩較上年增五百二十萬兩土貨共值一千七百萬兩較上年增三百四十萬兩除復出口外洋貨在本口銷售者近二千五百七十萬兩較增五百七十萬兩洋土棉紗增五萬一千担至他貨之增則與外洋運本口各貨一律土貨所增以糖綢紅茶爲大宗土藥共四千二百七十一担較上年增一千担內二千二百十七担復運出口蓋因實行禁烟川雲各商悉減價將貨銷清也

一內地稅則洋貨入內地共征關平銀十一萬三千兩較上年增二萬八千兩所發稅單半赴湘黔與前同武昌紗布局之貨由完釐運入內地

土貨出內地仍短一千五百兩因烟葉苦於歉收之故

一 本年進出口船隻共載重四百五十七萬六千五百二十噸較上年增二十八萬五千噸按之二十三年以來則所增將近三百萬噸日本各公司聯爲日清汽船會社得其國家津貼之郵費八十萬元合作長江航業在日本定造新輪三艘行駛滬漢另一艘行駛宜漢其應用供給各物一切俱備聞該公司并未得其意中之利是以衆股東公議改良節省工費本年該會社俄界新棧告竣江岸泊有精緻躉船其便商之法無微不至怡和公司之瑞和吉和兩輪西客艙位均按新式改良該公司特在滬訂造一大躉船以代跳船江孚爲客衆熟喜之船已數月不見刻輪聲桅影絕而復續又出現於江波之上而機器已煥然一新矣亨寶公司造一新輪名瑞茂行駛漢滬其式酷似駁船與尋常江輪迥別設有最新式起重機以便裝運機器及他項笨重之貨本年土貨出產甚豐故七月後出口貨頗增雖米未開禁而湘米多在本口轉裝江輪年底水涸恐重載危險芝麻至無艙位可裝往下游水脚與上年彷彿豆歉收故往汕頭之貨短減春初宜昌貿易鈍滯而秋間則覓船裝載之貨甚多因湘米出口之故下半年洞庭湖各輪船極忙碌水退頗遲行駛直至冬月往常德之船在六七月內貿易並無起色江水高時雖芝麻尙未運出口而往來外洋海船貿易亦大於往時英國火輪船公司之船已二十一年未見今又重來載茶赴倫敦進口輪英旗四十七艘裝塞門德泥煤鐵路物料火油等類日本旗六十一艘內三十二艘係空船餘則雜貨鐵路物料其出口時裝鐵礦雜貨赴日惟有一艘裝雜貨赴英此外各國則有腦威旗二十一艘俄旗六艘德旗十二艘高麗旗係初見空船來載茶赴俄

一 旅客漸有增加其數只得大概計附火車者華客二十五萬西客四千附輪船者華客三十萬西客五

千八百然後估之數頗覺太少

一金銀不論

一藥土不論

一雜論揚子江水起落漲跌諸皆遲滯四月中始漸漲六七月本最高之時而水表只英三十八尺十一寸十月初始漸退有船數艘因攔淺仍耽誤如前惟本口所有水道尚平穩十月內大風跳船駁船多被損壞內有數艘在其泊處沈沒往年水涸時租界挑運江土填地工程甚忙今忽無所觀眼界一清其中止之故蓋除俄界數小段及英界後段外其餘均已蒞事而英界後段又現用泥車取後湖之泥填築也後城馬路工程亦多仿之設小鐵軌用小火車頭每次可拖泥車二十乘後湖挖泥之機器已運到不久即可開工承辦該工程之公司並在後湖築堤以行電車日界工程步步緊急九十月內水高故江岸工作延緩按照與東京窩枯馬行所訂合同包於春水未漲之前必須告竣然目前觀之恐難成功現尙日夜極力趕築將來日界工竣本口江岸將有英三里之長矣去年各界興造工程均極忙迫舊租界尤甚可見本口之蒸蒸日上未有已也辦公房屋則俄德英三工部局正在修建英工部局舊址及左近江岸現歸海關坐落在租界華界間之江邊衆商將來必更稱便德界英美紙烟公司房屋完工後長江一帶生理必順利英全界及俄法界均經漢口電燈公司安設電燈德界有一德商亦經仿辦現已開機三四月內既濟自來水公司工程漸有進境坐落在襄河口上北岸三英里半其基址有江堤爲之保固以海關水表計之高五十三尺澄水池已將竣瀘水池已釐造水道之通江底井口者亦已開工水管共長一英里已安妥該工程用人工二千五百名落成後每日放水十六點鐘

可得水五百萬加倫該公司有容積一千萬加倫之蓄水池一座水塔距陸地高一百尺可容水三十萬加倫清水池定水池濾水池各法均照最新式之自來江水公司仿造現已訂購生鐵管六千噸壓水機器三具每具於十六點鐘內可激射水二百五十萬加倫至一百尺之高六抽水筒三具每具於十六點鐘內可抽水二百五十萬加倫至二百五十尺之高又訂購電機以爲運動附屬小機器之用工程歸穆仙洲君督辦在光緒三十五年可竣工北方鐵路招徠客貨生意連續不絕有時所收腳價之多至車輛應接不暇每星期一次赴京之快車現更加速前需三十六點鐘者現只二十八點鐘可到車輛布置之善旅行之安與外洋一致尤可喜者該路本年除九月內貨車出軌略有損傷快車被阻二十四點鐘外別無意外之事火車貨捐共收銀元二十五萬元各租界輪船馬頭與鐵路之交通亟需設策除德界江岸接有支路外各界均付缺如英界議欲仿辦而至今未成鐵路公司雖在一百號已建堅固完美之駁岸并設鐵軌數道然只可起卸該公司之物於裝船尙欠便利若待租界推展下接必須遲至數年後倘能及時籌辦將火車輪船聯爲一氣則於本口維新之事獲益不淺粵漢鐵路有人謂宜改名粵鄂雖湘中一段轉瞬可望速辦然工程不甚踴躍川漢鐵路爲漢上三大幹路之一現正商辦惟工程至難經費至重耳本年大清郵政局來往信件數目承郵政司交來清單照開於下收信自三百三十一萬二千件增至六百三十一萬六千件發信自一百五十六萬四千件增至一百九十三萬件包裹共八萬五千六十二件計增二萬六千八百十二件尙有內地郵局傳遞者將近一百萬件各總區驛足加快次數加多由鐵路經西比利亞赴歐洲之郵信自九月始開辦長江各口並川湘各處信及明信片於十八日或二十二日內即可直達謗譏漸息內地遺失信件之事亦少殊

令人意滿也張樞相自光緒十六年督楚後中間又調動數次茲於八月初三御篆入京所有改良之
一切新政又復撒手矣

光緒三十四年

二月

十三日

三品銜三等第一寶星江漢關稅務司安格聯呈報



光緒三十三年九江口華洋貿易情形論畧

竊查本年進出口貨價共計估值三千三十三萬七千兩蓋自本關開辦以來於斯爲盛以足見本口來往輪運貿易大有可觀不但出口土貨厥數有增卽洋貨進口者亦較三十年最旺之年猶有過焉至於復進口之土貨亦復有盈無絀但本年貨價估值之數以較去年內中應除去四川土藥之進口者計銀一百二十四萬一千兩出口者計銀四十六萬五千兩是淨得估值銀數二千八百六十三萬一千兩查土藥運至本口之數今昔無甚懸殊而從前論未及之者蓋以土藥向由宜昌用土船裝運或另由陸運至本口耳迨自三十二年中季設立土藥統稅局以來土藥由宜昌輪運至本口者日見其多故土藥估值之數有如許焉至於本口貨價估值數內既除去土藥進口估值之數而出口之數仍復扣除者緣土藥並非本省出產均由四川運至本口復由本口變通曩運之法仍由輪轉運別口故進出口估值之數均不當列入但本口淨得估值之數總而言之較三十年最旺之年固多四百二十八萬四千兩然就其多數之中分而言之尤以往來內地小輪之噸數佔優勝查上年共計十一萬一千噸而本年則有十八萬八千噸其原委應詳言之溯小輪創行於光緒二十四年至本年適屆十年其發達如此之速足徵章程完善允協人心故旅客之乘小輪往來者日見其多即貨物亦因之利濟輪聲旂影佔優點於江湖亦尙論者所樂道也試觀第六節船隻論說內可知其詳本口輪船貿易固見暢茂而常關土船之出入本口者亦不減於往年但據聞小輪公司亦有蝕本者則因由吳城至南昌當冬令水涸之時河道極淺輪步維艱往往有吃水深二尺至二尺五寸之輪亦不能由本口直

達吳城至於本口各製造廠查前有之自來火廠業經收歇肥皂廠每年可出貨三千箱每箱重五十磅其成色介乎歐洲與日本之間俄國原有磚茶廠二一名阜昌一名順豐唯阜昌曾經停工於去年夏季時復行開廠去年造冊處稅務司曾經述及磚茶一項亞細亞中央各國人民咸樂購飲將來銷路之廣價值之增亦意中事也南昌現試開機器碾米榨油公司其牌名厚生其機器購自美國茂生洋行聞機器能自運動其碾米機每日可碾五百担自破穀以至米之成熟皆機爲之不勞人力中國各廠中所用機器能自行運動者要以該公司所購機器爲稱首查本口米禁未開蕪湖一埠頗獲其益緣不至分其米利也然就本省言窮民亦受惠不淺蓋自光緒三十年下半年弛米禁其時米價每石約祇一兩八九錢以後逐見增長至三十二年價竟高至三兩六錢有奇但現在禁米出口而價仍未跌落者想因統稅局加征米釐故令米價不能平歟至於九南鐵路其工程師現係延請日本人然舉辦多年尙無效果者實因經濟困難風聞現已向日本銀行貸款二百萬金然工鉅資微不免仍形支絀其補助之法現祇抽捐招股兩層抽捐不足因招股而益之但招股一事亦頗不易緣資本案斷不欲擲黃金於虛牝夫使金錢流出而把握毫無人亦何樂爲之此亦天下之公理也龍開河前曾建議或填築或架浮橋爲本口商埠推廣之計但此事仍如築舍道旁大約總須俟九南鐵路在該處立有基礎始能謀及之本年春夏之間本省南方拳匪復有蠢動之象迨至八月間贛州府鄰近地方果因是肇事該處教堂頗遭蹂躪以至傷斃多命有一官員一西教士亦因遇害並燬壞教士產業頗多其時有西教士多人未罹是難者幸賴該地方官竭力援救護往贛州府城暫避鋒刃該教士等之轉危爲安不可謂非地方官之力也牯牛嶺山高而氣候清涼當夏令炎熯如蒸之時人人咸樂往遊此

固有意皆同今昔不殊也本年該處保甲清查人數西人計有一千九名之多並有兩卸任總督往遊而樂因避暑是間且在該處與租界毗連地方各建屋一幢至於中國紳宦慕名往遊者亦復絡繹不絕聞該處現造有大廈以備紳宦憩息誠一名區也間嘗留意與夫挑夫爲客運送行李等項之數約共有二萬八千次之多然夫役皆該嶺就近之窮民藉勞力以贍身家牯牛嶺實不啻爲該等關一利源矣

一 本關稅課查本年共征關平銀七十五萬六千餘兩較上年多七萬二千兩內進口正稅較增七千餘兩出口稅較增一萬八千餘兩復進口半稅較增一千兩洋藥稅釐較增四萬五千餘兩至船鈔暨子口稅則與上年略等

一 外洋貿易進口洋貨查本年曾有外洋輪船載運東洋煤六千二百噸逕抵本口

出口土貨無

復出口洋貨無

一 沿海貿易原出口之貨查此項貨物除土藥外共估值關平銀一千五百八十八萬六千餘兩比上年增二百五十萬兩攷上年估值已見有長詎本年猶有過之試將各貨數目分列於下豆子共四十六萬二千餘担該貨運往上海者居多數較上年多八萬七千餘担磁器共六萬七千餘担按景德鎮磁製名甲天下以故出口有增無減本年出口竟增多八千担該貨由輪運出口者多銷行於北省風聞近有擬設一新磁廠仿製西式器皿俾流寓中國西人購用以爲美觀兼欲運銷各國然西人之賞鑑中國磁器者固願該廠之發達但尙望該廠於器皿形樣仿西式其繪畫數采均仍舊貫則尤佳夏布

之銷路仍屬進步出口計有一萬八千餘担比上年多三千担查所多者均係細貨花生則數減甚多祇有一萬一千餘担上年則有二萬六千餘担麻亦短少共有十一萬九千担卽以此數而論出產似屬不少然較上年究少去七千担查三十年所准麻與棉花由武穴裝江輪運抵本口候驗完稅之章至今未改此誠利便商人之舉也水靛有三萬七千餘担亦覺大爲減色蓋較前少至二萬八千担之多其故據云一因天氣乾燥有碍收成一因外洋染料進口極多銷場大受影響一因北海廉州所出之靛其色較佳亦頗分其利故遂有一落千丈之勢竹蓆出口共三十五萬六千張比上年較多該貨均係運赴上海紙張有十一萬三千餘担是爲本省工藝類一大宗然較上年尙約少萬担雖所少之數無幾似不足令人留意但現在機器製成之紙運進中國行銷日廣卽土紙利權日削似當設法維持且聞民人迷信鬼神之俗漸革卽紙錢之銷路漸稀尙有紙扇一宗查本關近來報出口者極少積此數因起色恐亦難矣米出口有七萬三千餘担較上年有增然米之出口雖多並非商販本年上海米價頗昂窮民難以爲炊江省米價較廉故官商購往上海照原價出糶以惠窮黎而南京陸師所需軍米亦仰給於江省故出口之米皆係領有江督護照也查米本是蕪湖一口專門貿易本口米禁重申之後是蕪湖仍專其利矣瓜子芝蔴出口少數極多瓜子由三萬九千餘担少至二萬五千餘担芝蔴由五萬五千餘担少至四萬八千餘担瓜子出產之區均係贛州隣近地方而該處本年因有匪亂烽煙梗阻運道不通改由陸運至南雄州轉至廣州兼可藉以避統稅之重捐此少之故所由來也至於芝蔴則因收穫時雨水過多霉爛過甚以至短少皮油出口則由九千担增至一萬六千担至於紅茶當採摘時適值天氣晴和故質味甚佳似應有起色然據茶商言上年俄商所存紅茶過多銷路疲

滯以至做甯州茶者尚有虧折唯祁門茶爲西人所嗜故本年仍能獲利本年出口之數統計約有十萬一千担比上年尚多一萬二千担磚茶出口爲數極旺本年計有五萬五千餘担上年祇得二萬餘担查磚茶所用之錫蘭茶末本年進口計有一萬八千餘担之多試卽茶末一層之盈虛消長而論亦覺頗有風趣茶末一項向均有利可沾至上年則獲利尤厚利之所在人爭趨之至本年業此者無不廣儲以求善價詎料存貨既多遂難暢銷後雖減價至半購者仍復寥寥直至年終尚有存貨待售無人過問者其失敗亦云甚矣綠茶本年出口計有三萬三千餘担比上年約略多一千餘担據茶商云頭茶與三茶均有利可獲唯二茶則稍有虧折茲將三茶之價值列後頭茶由五十兩至六十五兩二茶由二十八兩至三十兩三茶由三十五兩至三十八兩茶葉本爲中國出口貨一大宗然調查三十二年中國出口之茶統計共一百四十萬担而印度茶出口則有一百八十萬担於此覘茶務之盛衰似持論者所當從而察攷焉煙葉有九萬九千餘担較上年約多八千担煙絲出口則有六千担考本省煙絲質味不如汕頭所製者之佳本年煙絲由汕頭進口者計有一千担另有出口貨二宗未經載入下附之本冊中者特申論之查出口之樟腦由一百十二担增至一千餘担棉花由九千餘担增至一萬八千担樟腦一項製始於三年前其出產之區多係贛州與吉安地方價值高下不等每担由五十兩至一百十兩考其質較臺灣出產者爲遜該貨皆由本口運往上海或由上海轉運東洋復行提煉俾臻美善

復出口之貨無可論說

復進口之貨總核本年進口洋貨共估值關平銀一千一百十二萬三千餘兩上年祇有七百九十八

萬一千餘兩蓋上年本爲前數年中最少之年試查三十年尙有一千五十六萬五千餘兩以上年比較其中增多者如原洋布有十三萬四千餘疋是較多三萬五千餘疋美國粗布由一萬五千餘疋增至二萬五千餘疋白洋布由十二萬三千餘疋增至十九萬二千餘疋色洋布由二萬八百餘疋增至三萬三千餘疋棉義大利布暨棉羽綾則逐漸加增唯素棉羽綾由二萬五千餘疋驟增至三萬八千餘疋手帕一項當爲人人所樂用於何見之蓋本年進口有二萬六千餘打上年祇有一萬五千餘打也印度洋棉紗亦驟見加多由十萬九千餘担增至十五萬七千餘担滬廠機紡棉紗由一萬四千餘担增至二萬一千餘担至東洋棉紗進口本年祇有九百九十五担幾於匿跡銷聲矣至羽貨類大呢有二萬二千餘碼比上年增四千餘碼小呢有四萬七千餘碼比上年多一萬餘碼五金類與上年相彷彿碎鋼板有三萬四千餘担比上年約多七千担雜貨類洋顏料估值關平銀五萬三千餘兩較前無甚出入玻璃片有五千六百餘箱比上年減一千三百餘箱東洋自來火有三十一萬一千餘各羅士雖比上年少一萬七千餘各羅士然市塵所銷觸目者皆東洋品也火油美國有三百十八萬一千五百餘加倫俄國有二萬加倫蘇門答臘有十三萬五千餘加倫另有般烏油進口其數頗鉅共有二百九十二萬一千餘加倫綜計各種共有六百二十五萬八千餘加倫上年有五百三十九萬八千餘加倫三十一年祇有四百六十六萬二千餘加倫且查是年般烏油之進口者亦祇有六十二萬六千餘加倫海帶等有七萬四千餘担比上年多一萬六千餘担蓋本省人民頗嗜食之故銷場較廣也各類糖大爲加增其最者爲白糖由七萬二千餘担增至八萬七千餘担車糖由六萬六千餘担增至八萬七千餘担錫蘭茶末因本口有俄商磚茶廠二喜購之故本年由一千餘担增至一萬八千餘担東

洋傘較前幾乎倍之有十三萬六千餘把上年祇七萬四千餘把其傘亦係以布爲之而價極廉以故購者廣也復進口之土貨除土藥不計外共估值關平銀一百六十二萬一千餘兩較上年多五十七萬五千餘兩其所增之貨爲滬廠機紡棉紗前曾論及矣土藥一項俟詳於下茲不復贅至其於他項土貨與上年略等殆無從置論以潤色篇幅也惟由滬所來之書由甯波所來之墨魚暨酒由沿江通商各口岸所來之機廠麪粉由漢口所來之漆尙有各種參荔枝乾金針茶煙絲等類均有增無減

一內地稅則洋貨入內地子口稅貿易較上年略佳本年洋貨運入內地共估值關平銀五十九萬四千餘兩上年祇五十萬九千餘兩此均係應稅貨類另有免稅之貨係滬廠機紡棉紗有二萬三千餘担估值關平銀七十四萬餘兩該貨運入內地均領有免重征執照

土貨出內地本年共估值關平銀二十四萬餘兩上年祇有二十三萬四千餘兩竊查保商局於光緒二十八年奉憲開設發給保商執照征收內地子稅其辦法與新關征收子稅辦法無異蓋亦祇收一半稅運入內地不再重征聞該局稅數比較亦頗有贏無絀焉

一船隻本年進出口船隻共有五百九十四萬九千餘噸較上年多二十四萬六千餘噸懸英國旗者估噸數爲二百六十萬三千有奇較上年少十八萬餘噸懸德國旗者估噸數爲四十九萬二千餘噸較上年少二十五萬八千餘噸然懸法國旗者由二十九萬餘噸增至四十六萬六千餘噸懸日本旗者由八十萬噸增至一百二十七萬二千餘噸懸中國旗者由一百六萬七千餘噸增至一百八萬七千餘噸至於內港小輪噸數則大增由十一萬一千竟加至十八萬八千查內港小輪由南昌吳城所載大宗貨物抵本口者有豆子五萬六千餘担紙扇九萬四千餘把粗細夏布以担計者有四千有奇以

正計者有四萬九千有奇紙張二萬九千餘担米三萬九千担瓜子八千餘担茶三萬三千餘担煙葉
煙絲計二萬餘担銀元計八萬六千元紋銀計二百二十萬四千兩至由本口運入內地之貨有布疋
三萬一千疋棉紗一萬餘担五金類一千餘担綵麻袋十二萬個筍乾一千餘担墨魚三千餘担洋染
料二萬八千餘罐葵扇六萬五千把麪粉二千餘担料珠八萬九千餘串玻璃片計一萬餘尺照相器
具六千餘件糖二萬四千餘担要貨二萬六千餘件銀元計折合銀二萬八千兩紋銀三萬七千兩銅
元一百萬枚另有雜貨尚多茲不復贅

一旅客本年西人進口者其數較上略等華人之數則稍增唯由漢口至本口所增之人數較多蓋約加
至四千七百名至於由小輪進出鄱陽湖之旅客則數增甚多計由鄱陽湖來者有三萬六千六百名
較上年多八千名往鄱陽湖者有三萬八千三百名較上年多八千五百名然此尙未將小輪拖船搭
客列數其內倘合而計之則爲數更鉅矣

一金銀本年進口總數共有關平銀一百三十七萬六千兩出口共有三百七十八萬八千兩查進口內
有十萬七千餘兩係由上海來者出口內有三百萬一千兩係往上海者然出口往上海之數如此其
鉅其詳雖不得知但據聞本年上海市面銀根奇緊本埠銀號故源源以銀接濟之而取其息焉本年
銀元兌錢最低之數得錢一千六十四文最高一千一百七十文南昌銅元局風聞業經停辦不復鼓
鑄矣

一藥土洋藥本年進口者白皮土計有一千八百餘担估價值關平銀一百十二萬一千兩上年祇一千四
百餘担估價值關平銀九十二萬五千兩公班土計三十七担估價值關平銀一萬八千兩較上年多十三

担估值關平銀四千兩查白皮土價值每担每百分中跌去五分公班土則跌去十七分土藥查土藥一項從前均由土船或陸運本關無從稽查至三十二年下半年統稅設局舉行統稅新章是年即有土藥四百餘担由宜昌輪運到口共估值關平銀十九萬二千兩至本年進口則其數大增共有三千餘担估值關平銀一百二十四萬一千兩另約有一千餘担估值關平銀四十六萬五千兩係由本口轉運至蕪湖上海等處

一雜論本年本埠郵政局之發達頗足令人滿意查新設郵政分局計有十六處其通匯兌之局新設又有三現合計九江總局所管轄之分局暨代辦舖商郵箱爲數共六十有一其中通匯兌之處爲數七一年中來往信函計有四百七十二萬九千餘封包裹有七萬三千三百餘件信函比上年多一百五十三萬餘封包裹多三萬四千餘件匯兌之款出票計四萬七千餘元兌銀計四萬九千餘元出票比上年多二萬二千餘元兌銀多一萬三千餘元常關自光緒二十七年改歸新關兼理上年曾將自接辦後五年中貿易情形論及查常關雖歸新關兼理多年亦僅名目而已蓋其辦法章程一切照曩例並無更改稅務司祇會同監督略事稽查此次論畧中所附入之該關貿易冊其冊數係由該關抄來未將出入口之數分列其船隻本年出入之數計有三萬四千四百五十隻上年有四萬五千八百八十餘隻是較少一萬隻有奇推原其故蓋因小輪增多又兼禁米出口船隻減載以至減色然自開辦以來至三十二年以五年牽扯合算每年船隻出入口之數平均得三萬三千隻有奇是本年未爲退步也本年常關經過各貨統計估值關平銀二千四百五十萬八千餘兩若照上以五年攤算所得之數爲比例則本年各貨之估值增數較鉅矣常關所應征稅之貨祇鹽茶竹木四項船隻則丈量船料

之多寡而征其稅然照例各船抵關時均須赴關掛號領簽一支不論船之大小每領一簽當隨繳錢四百三十六文名曰簽票號錢船隻所載除鹽茶竹木外尚有各大宗貨物如布疋紙張磁器雜貨等項甚多但征稅所不及耳本年該關共征稅關平銀四十一萬二千餘兩較上年少三萬三千餘兩然較前數年仍有盈無絀焉揚子江水勢西歷本年正月初一日照水表深五尺四寸以後水勢漸落至是月二十一日爲極低之候其時深二尺四寸後又漸漲直至十一月初五始爲最高之時深至四尺七寸查向來最高時均無如是之其來運本年如此良爲可異本關所轄之水道週年間輪船往來並無艱難險阻亦云幸矣

光緒三十四年

月

日

三品銜九江關稅務司李明良呈報

光緒三十三年蕪湖口華洋貿易情形論畧

竊查本口貿易冊報嘗論及進口貨之增減皆以各鄉所產之米出口多寡爲定斷如出口之米多則進口之貨亦必加增否則反是此說考諸上年進出口情形已覺不能引以爲證蓋本年出口米數僅二百四十五萬二千一百餘担去年則有四百九十九萬四千餘担而前年最盛之年則有八百四十三萬八千餘担然則今年進口貿易價值較歷來冊報中所載乃爲最旺之數可見前說之未爲確論也本年上半年出口米不甚流通皆因去年水災爲患收成減色今屆秋收豐稔九月間出口米卽見暢銷惟至年尾又覺疲滯者一因行市價高一爲安南米多價廉是以廣潮兩幫易於在南方購辦傳聞政府有准日本之請在蕪湖購米運至日本以濟該國之缺乏想播揚此說者欲令米價高漲米商因而少辦爲地方自計故耳今年菜子與麥均屬中稔惟豆子棉花暨花生適當成熟之秋爲大雨所傷祇有半收至論江邊新闢之租界工作甚形忙碌常有工人數百週歲在江沿一帶墊土以及建立石岸如太古怡和亨寶各公司均已竣工當該處石岸建立未久其所設保固石岸之鐵攀漸見彎屈迨後石岸果卽往外崩卸似爲租界後面潦水澎漲所致然現在正督工重行結構矣鴻安及日清兩公司已得該處江沿餘地一俟墊築竣工則江岸之路共長三里太古公司已在其地造大棧房四所將次完工並建立碼頭俟將來安設通岸橋及泊船平臺後俾米船靠泊以便裝運極其快迅也現有官員在租界督工建築馬路惟地經水患工程未能從速其安徽鐵路公司所造蕪湖至廣德州之路現已開工先從蕪湖至灣沚之一段造起但工作頗覺遲緩由蕪湖至灣沚計長七十五里共須建橋

五處所有橋址業已妥爲安置蕪湖附近之路約長六里均經開築將來車棧即設於租界之內其地乃該公司早年所購在江沿約六百英尺鐵路總監督自李星使經方赴英國後尙未舉定何人接辦而建造工程之所以難期從速者或係經費不足之故此間二年前在距蕪二十一里之四合山設一製軚公司請有洋人爲總經理其廠房器具早已全備現在所製之軚業見銷行於市緣上年冊報中曾論及之電燈公司乃華商集股十萬兩每股銀百兩茲已將機器房造成惟在外洋定購之機器未曾運到現聞有許多商號酒館以及住宅等處均欣然欲試用電燈云

一 稅課共收關平銀六十六萬八千一百餘兩自光緒二十七年迄今此七年間比較惟本年收數最少二十七年分因係水災之年雖少原不足異本年出口稅比去年固短二十萬兩若以他項備抵不過短八萬八千一百餘兩可見本口實有生意大佳之象蓋進口復進口半稅洋藥及子口各稅比上年實多十二萬三千餘兩其中收洋藥稅銀八萬七千四百餘兩前所言洋貨進口價值大有加增而此項進口稅銀多已在上海完納其裝來本口應不重征

一 外洋貿易進口洋貨逕由外洋運來者以由香港運來之車糖爲大宗如自來火煤以及鐵路物料等由日本運來在上海過駁至本口完稅者共估值關平銀四十四萬二千八百餘兩其中一半乃車糖之估本餘則鐵路物料計關平銀六萬五千七百餘兩自來火二萬四千二百餘兩煤一萬四千一百餘兩當禾稻未登場之前曾有一項特別可紀之進口貨乃由安南運來米三百三十三担每担以洋五元八角售去大約因索價過高不能與本地米爭衡是以無人續爲採辦

出口土貨逕運外洋者即茶子一項計有四千六百四十担運往日本其與各土貨出口共估值平關

銀一萬六千十六兩

復出口之貨逕運外洋者無

一沿海貿易原出口之貨以價值總數核之百分中米得八十分本年收成雖稱豐稔裝運出口之米祇二百四十五萬二千一百餘担其中有免稅米三十三萬七百餘担係鄰省江蘇之賑米一萬二千七百餘担牛莊天津青島之軍米三十一萬七千九百餘担其餘完稅之米共二百一十二萬一千四百餘担係運往南方各口一百六十八萬五千五百餘担中央各口二十五萬三千二百餘担北方各口十八萬二千五百餘担零售之米價值固高若通盤均計上等每担值三元八角中等值三元六角下等值三元二角本口辦米商號以南方汕頭廣州兩口爲大幫早年固有米運至上海其數較兩口猶多者但上海本爲中央轉運之商場係仍由該處裝赴別口耳麥豆子菜子之出產較米數雖屬微細然比上年畧有起色惟棉花則百分中減去九十分裝運出口祇二百五十六担而已蛋黃蛋白二項因蛋價太貴出口大爲減色

復出口貨數無多茲勿具論

復進口之貨本年自他口運來各貨估值關平銀一千一百八十一萬四千三百餘兩當推爲最盛之年洋貨值關平銀八百七十二萬二千九百餘兩較去年百分中增二十分土貨值關平銀三百九萬一千四百餘兩百分中約增七十四分美國煤油進口逐年加增來源較多於他種煤油本年進口有四百十三萬九百加倫而去年祇三百九十五萬九百五十加倫俄國煤油進口甚形減少僅有十三萬四千五百加倫比前三年進口最旺之年不過十成之一蘇門答臘煤油自初次進口迄今十年今

年進口之數多至六十萬四千七百加倫頗比去年加增較前三年最旺之年亦多一千六百五十加倫棉羽綾紅洋布花剪絨手帕以及糖均大爲加增查去年實係歉收之年今年雖屬有秋乃收穫後以迄歲暮出口仍不見其豐足然進口貨不但不減而且四時加增斯亦奇矣

一內地稅則洋貨入內地計共值關平銀三百二十一萬二千餘兩超越本口歷年所紀之數推原其故或者因商人在本關報領子口稅單由長江輪船裝往大通安慶之獲益緣以前該貨皆用土船裝運須經由常關再入內地也本年共發給洋貨入內地稅單計至安慶省各屬者三千八百三十三張至江蘇省者一百三十六張至江西省者四張土貨出內地無

一船隻本年進出口船共三千八百二十一隻去年有四千二百五十六隻前年有四千四百九十八隻較上兩年之數則本年次數雖減噸數比前年稍增因前年係最旺之年噸數有六百十三萬一千三百餘噸茲以前年之噸數比較今年之噸數則英國船本年畧爲減少因裝米船隻來本口者不及前年之多中國船亦屬稍減日本船頗爲加增蓋日本船今年進出口共有七百七十二隻計一百二十七萬二千四百餘噸前年祇四百九十八隻七十一萬五千餘噸因日本江輪增多船身較大德國船之噸數約少一半前年有九十五萬一千一百餘噸今年祇四十九萬八千八百餘噸法國船之噸數與去年相彷彿內港小輪來往之次數噸數皆倍增於去年卽此裝載搭客之繁興於以知民間喜用小輪往來內港之風氣大開

一旅客江輪及內港小輪搭客之數年增一年尤以出入內港小輪由蕪湖至廬州至大通安慶等處爲

多據該業中人云因互相貶價攬載之風更甚於昔是以本年未能獲利

一金銀出口之銀比進口仍多本年計多一百萬兩但此事毋庸詫異蓋觀本口貿易進口貨之價值多於出口貨之價值約三百萬兩安慶鑄造銅圓局報運進口紫銅六千担五月間該局停鑄閉歇本年五個月按照開報之數共鑄當十銅圓一萬萬枚

一藥土洋藥貿易本年進口有二千四百二十七担比去年百分中增五十分爲近八年間最盛之年究其原因大約係洋藥價廉人皆喜用洋藥以代土藥並非銷數轉巨也土藥貿易由土藥局報告之總數光緒三十三年內報經該局之土藥共計一千四百十担內有一千一百二十一担係經本關進口一雜論本年五月二十六日當安徽巡撫恩中丞蒞巡警學堂閱視學生操演時被人發彈傷及多處肇此凶慘之事致安慶省城與各處地方大爲震驚其行刺恩中丞之凶手卽巡警學堂總提調道員徐錫麟聞徐乃革命黨首久已設謀起事原擬於該生等操演將畢之時乘機將列坐各當道大員盡行轟死非欲僅殺恩中丞一人也並欲乘勢奪取軍械割斷電線所幸閱視之期係恩中丞所定在該黨約期之先因此敗乃凶謀惡計難成徐於犯事之日擊獲卽行訊供正法一面由江甯湖北派來水陸各軍駐紮防守以及搜捕餘黨此次官長辦事迅速地方得以早日安靜惟當肇事之後頗有數日人心驚慌貿易爲之冷淡耳本埠前於光緒三十一年二月間官立之皖江中學堂曾載於是年論畧中聞該堂學生從未足額且於夏季停歇近日齋舍業已改良所望歲首重行招生開學以觀厥效所有本國郵政局各事逐年推廣今年在本局管轄境內新設郵政經理已有九處而遞寄信札等件去年計有二百五十八萬一千一百餘件今年已增至三百二十四萬五千餘件滙票之數本年發出之票

共洋十萬九千三百餘圓去年祇五萬一千一百餘元本口今夏霍亂盛行至七月間猶甚據聞因是喪命者有千餘人之多本口常關貿易並無特別要事可紀所有光緒三十三年常關經收稅課據報共徵庫平銀十六萬三千七百餘兩而上年共徵庫平銀十六萬七千八百餘兩今年江潮最高之時在十月初三日計漲至二十六尺一寸而十二月二十一日爲最低之時計落至二尺四寸

光緒三十四年

三月

初七日

三品銜署理蕪湖關稅務司湛參呈報

光緒三十三年南京口華洋貿易情形論畧

竊查本口貿易以本關歷年所編論畧觀之大有年盛一年之象而此數年中以西歷一千九百五年爲最盛計進出口貨物共估值關平銀一千五十七萬三千五百四十五兩至次年則較少關平銀九十萬四千六百一十一兩本年進出口貨物共估值關平銀一千四十一萬五千七十一兩雖較上年多關平銀七十四萬六千一百三十七兩而較之前年則約少關平銀十五萬八千四百七十四兩由此觀之近三年中本口貿易之盛已達極點而貨物之由民船改裝輪船者亦已臻其極或謂鐵路交通以後南京下關一隅不數年間必成爲通商巨埠貿易之興當有甚於今日者然以鄙意度之恐未必若是之速蓋南京素爲省會之區並非經商之地其商情發達較諸鄰近之鎮江蕪湖各口岸似覺稍遜且繁盛之處遠在城垣以南離下關車站輪埠約二十里許故滬甯鐵路之設於行旅雖覺甚便而於商務則殊無裨益也况鐵路界線與揚子江流域相同本口貿易其來源多由上海貨物之由上海到口者已有多數輪船爲之裝運尙何慮周轉之不及耶所冀者津浦鐵路告成滬甯一線由浦口推展至津更築支路迤邐西行則北岸一帶之腹地悉可開通安徽河南土產如煤皮等物亦皆易於到此再城內鐵路完功以後如能推廣以至西南則本口貿易或視今日尤爲起色亦屬意中之事蓋以大宗貨物如緞子糧食等項悉可由此出口故也雖然此豈旦夕所能竟其功耶

一本關稅課本年貿易情形雖不敵一千九百五年之盛然稅課之旺實爲向來所未有共徵關平銀二十六萬五千六百二十九兩七錢二分卽與一千九百三年稅課最旺之時兩相比較尙多關平銀四

萬七千九百三十九兩九錢四分七釐其增多之故係因銅元局運來紫銅甚多悉在本口納稅
一外洋貿易本年共估關平銀七萬二千六百七十一兩進口包裹以及日本煤等估值關平銀七萬二
千五百三十八兩出口包裹估值關平銀一百三十三兩

一沿海貿易本年貨物由本口運至別口之價值共計關平銀三百五十五萬二千七百四十兩較去年
約多關平銀十五萬八千六百十三兩查本年夏秋之際雨水過多禾稼大半傷損而貿易竟能若此
實足令人滿意本年出口之荳計一萬七千七百十九担去年則有二萬五百五担花生一千四百二
十五担比上年少一千五百十八担蔴八十五担上年有二千七百四十六担芝蔴二千一百六十二
担比上年少二千七百一十一担棉花與上年彷彿紙扇出口陡增至二十四萬九千七百六十七張即
從前出口最盛之時亦僅十九萬六千三百一十一張去年祇五萬一千三百二十九張據云本地扇作家
仿日本式樣改良製造故漸能占洋貨之銷路鴨毛今年出口四千八百四十五担較上年少一千七
百九十二担聞係蕪湖鎮江兩處設廠收買故此間之貨多係運往彼處以爲轉裝外洋之計藥材本
年僅估值關平銀三萬五千一百三十四兩上年則估值關平銀五萬二千四百六十五兩生牛皮因
上海銷場甚暢多爲製作兵士靴鞋所用故本年出口七千九百五十七担比上年多至五千三百七
十六担山羊皮一項由江北來此報運出口者計六十萬一千五十二張以視去年六十一萬五千五
百五十六張相去無幾然較之往年出口數目則大爲減色矣蓋此項貨物改由鐵路運至漢口出口
者爲最夥前稅司亦嘗詳論及之本年白絲出口二百一十一担估值關平銀十萬一千一百二兩上年
僅三十四担黃絲六十担估值關平銀二萬九百二十二兩上年僅有十七担綢緞較去年略遜上年

有三千二百八十担今年則三千二百三十五担估值關平銀二百四十九萬七千九十九兩是今年絲產較勝於去年多矣

復出口之貨應置勿論

復進口本年復進口之洋貨估值關平銀五百二十四萬二千六百八十三兩比去年多關平銀八十四萬九千九百七十一兩大半因紫銅進口較多之故本年布疋進口共有二十六萬三千三十九疋與往年相彷彿布疋內之爲大宗者惟原布與白布計有十五萬二千七百九十四疋美國組斜紋布有一萬九千九十三疋英國細斜紋布有一萬五千六十疋素棉義大利布有一萬六千九百二十九疋棉紗一項以來自印度者爲最多今年共有四千四百六十三担上年則有五千五十担絨貨共有一千八疋較去年略少絨毯上年祇有六萬四千二百八磅今年獨增至七萬六千七十一磅紫銅進口本年共有六萬一千六百三十九担估值關平銀二百萬六千四百五十三兩上年僅有三萬五千八百八十四担估值關平銀一百十萬六千一百五十一兩白鉛四百四十二担較去年少七百十八担聞因蘇州造幣廠停止工作皆由民船裝運來此故也鉛進口計六百一十一担上年有一千三百六十八担錫去年三百五十三担今年減至二百七十九担鍍鋅鐵片本年共有二千五百九十五担較去年畧見加增雜貨共估值關平銀一百五十一萬三千三百七十九兩核與上年估值一百五十三萬六千八百三十二兩之數所差有限鐵路材料共估值關平銀二萬八千九百五十四兩紙煙估值關平銀五萬七千五百五十七兩較上年少關平銀八萬五千六百六十九兩聞說中國自製之貨頗爲發達以致洋貨之行銷畧減軍衣等項亦然是以由二十萬九千六百四十兩跌至三萬六千五百九十

四兩麪粉進口共有四萬五千七百九十二担估值關平銀十三萬二千七百九十七兩上年祇有五千八百十三担推原其故當爲田產失收之所致也煤油本年進口估值關平銀二十四萬九千八百五十兩計美國煤油一百五十九萬八千加倫俄油三萬五千加倫波牛油四萬一千加倫上年美油有一百八萬八千八百加倫俄油五千加倫波牛油二千五百加倫另有蘇門答臘油上年三萬一千加倫而本年並無此貨到口他如進口蠟燭本年估值關平銀三萬六百五十一兩鎔銅罐估值關平銀二萬五百九十三兩法藍器等估值關平銀二萬九千二百七十四兩洋皂估值關平銀二萬一千二百九十六兩各種糖斤本年共有六萬五千三百九十六担估值關平銀三十二萬二千九百七十四兩上年共有五萬四千八百五十三担

土貨進口本年共估值關平銀一百五十四萬六千九百七十七兩比上年約多關平銀五萬二千九百三十六兩土布到口本年有九百十四担比上年少三百三十三担進口之煤係由漢口雇用旗船來甯大半爲銅元製造兩局所用本年有八千五百六十四噸上年僅有七千八十七噸麪粉進口二萬二千九百八十一担比上年多七千八百六十八担本年杭州紙扇進口遠勝於本年出口紙扇共有一百四十萬六千五百七十七担與上年無甚差別荳油來自漢口上海者今年共有二萬四千九百七十二担上年祇一萬五千九百十四担川土雲土本年共有一百二十五担比上年多一百一担桐油上年有一萬七担今年跌至七千八百四十三担赤白二糖以由汕頭運來者居多本年共有五千一百四十担比上年多二千一百四十八担煙葉今年有九千八百八十六担上年祇七千十三担煙絲上海機製紙煙在內本年共有三千一百六十九担上年則有三千二百四十三担製造蠟燭之

柏油今年共有五千八十担較之上年則少四百四十六担

一內地稅則洋貨運入內地至江蘇及安徽省本年共估值關平銀六千八百二十四兩土貨由山東江蘇運出內地共估值關平銀二萬七千七百四十八兩

一船隻本年船隻進出口共有五千一百八十六隻計五百二十四萬五千六百三噸比上年多一千三百二十八隻共多九十九萬八千六十五噸增多之故因今年新添法國輪船公司一家日本輪船以及小輪船亦見加增是以進出噸數今年較勝於去年也

一旅客本年旅客由各口來者有二十一萬九千七百二十六名往各口者共有二十六萬七千五百八十八名合共四十八萬六千七百八十四名比上年多十二萬七千四百八十五名

一金銀本年進口之銀洋計關平銀二百五十六萬五千七百三十八兩出口銀洋計關平銀四百八十八萬九千八百六十六兩除進口相抵外計出口金銀仍多關平銀二百三十二萬四千一百二十八兩查本年貨物進口價值比出口價值計多關平銀三百三十萬九千三百二十五兩大約出口金銀之多職是之故

一藥土本年小土進口共四百三十担公班土共五百四十担與上年兩相比較則小土多一百七十一担公班土少一百五十一担統計之仍多二十担土藥如川土雲土共進口一百二十五担上年僅二十四担推其加增之故因江南創辦官膏開設總局收貨甚多嗣後因奉憲飭緩辦事遂中止曾有小土一百四十一担到口並未起岸旋即退回上海聞現在各處煙館均已閉歇戒煙者實繁有徒逆料嗣後鴉片之害漸可消滅於無形矣

一雜論江南銅元局本年共用紫銅六萬二千五百担白鉛三千二百五十担其鑄造銅元每日約出二

百萬枚本年做工二百七十六天共計造出銅元五萬五千二百萬枚按每洋一元兌錢一千一百十八文市價計之當值龍洋四百九十三萬七千三百八十八元聞說此項銅元係以九十五成紫銅五成白鉛攪合鑄成銀元一項今年並未開鑄郵政局本年傳遞郵件更爲加增計由金陵郵政局所寄之信件有四百四十八萬五千六百八十件其中包裹三萬九千三百四十二件上年郵件祇二百三十二萬八千九百九十四件內有包裹三萬八百八十八件本年銀洋價值扯平計算每關平銀百兩可換龍洋一百五十一元三角九分每銀一元可換銅錢一千一百十八文江水盛漲之時十一月初七日誌椿所記係二十尺十分之七至正月十一日極低之時計一尺半補論滬甯鐵路計長五百四十一里本年二月底業已開行其停車處所擇在城垣以西獅子山城河之間鐵路公司已在該處東北偏購得荒地一方約長三百七十五丈寬三百丈岸臨大江約一百丈查同治四年英法議開租界似當其地後因別故致不果行由車站至河岸約遠五十丈由河岸至江邊約七十五丈共計一百二十五丈約合一里河上新建木橋一座另闢馬路一條與入城之馬路相接城箱內外庶可一氣貫注且下關河道經繞城西四門所有小輪及民船等悉可通行日後亦可爲鐵路交通之路離車站以前約一百五十丈另闢岔路一條直抵江邊適在下關河口之下約一百二十五丈於該處設立渡口以便將來滬甯與津浦兩路互相通達該處江面約濶二里半甯省鐵路長約二十一里上年十月間開工訂於本年夏初工畢開行聞說甯省車站擬設在滬甯車站左近添築岔路一條以期連接抑或另勘他處推展過河此時尙未大定

光緒三十四年

三月 十四日

雙龍三等第一寶星三品銜金陵關稅務司施德明呈報

光緒三十三年鎮江口華洋貿易情形論畧

竊查本口貿易情形詳在本關冊報試一研究可知出口貨少之故不獨因上年江北水災爲之減色卽內地所有之牛皮大半逕由河南改道鐵路運送漢口此外各項土貨或由內地懋遷或由民船他運者尙復不少亦難綜核其數然則欲知本口貿易之衰旺當視進口洋貨之多寡緣洋貨全由輪船運入易於核計本年進口洋貨較少似覺貿易不甚暢旺若論本口貿易發達之道全以兩大端爲扼要一係運河往來之航路必須通暢一係本口停泊船隻之地面務須利便可惜此兩端均日遜一日本省河道素多浮沙最易淤墊冬令運河水涸舟楫難行夏季瓜河水大又須禁止小輪開機來往祇准拉絳行駛免損圩岸似此情形諸多窒碍如能將內河加以挑濬無論冬夏暢行無阻下河一帶之貿易自必日見起色按光緒三十年間雷前稅司論及蘆漢鐵路成後本口出口之貿易不免有改道漢口之事由今以觀前言誠不誣也現在津鎮鐵路改爲津浦恐將來本口之貿易又不免爲金陵所分占若論鎮江居南北之衝四通八達最得地利且係富庶之區本不慮他口之奪我貿易無如內地各處河道淤淺航路不暢貿易之來源日減殊爲可慮查三十年貿易論畧內云蘆漢路成本口應設抵制之法有三一從速挑濬運河一准由小輪拖帶客貨以期轉運靈通一嚴禁沿途關卡不准私粵需索浮費以輕商本誠爲要論倘或內河不能疏濬不獨商貨阻滯且水易泛溢沉災難免禾稼之收成無望恐民間之身家性命因此大受損傷者更復不少如果河道通暢貿易旺則稅課加增此亦自然之理是修理河道卽可爲保護本口貿易之要策以上係第一端大畧情形尙可設法辦理至第二

端縱願籌畫巨款亦無措手之處因此各商賈均未能躊躇滿志其故由於江流與漲沙日形改變溯查三十五年前時在同治十三年間本口江流由上游徵人洲迤西折至北岸回逼赫山是年北岸瓜洲一帶坍塌地面甚廣江流因之改徙關前江岸適當其衝焉近年北岸坍塌之處偏於東北江流亦改由南岸折而向東以致本口荷花塘一帶受其衝刷將來東北愈塌水必愈趨東南直抵本口北固山下江流愈往東行徵人洲西北之沙勢必隨流而下則本口西南之淤墊更日甚一日查本口怡和太古兩公司公用躉船北面兩年前經本關測得水深英尺四十尺本年祇及十尺可見漲沙之速此等漲沙前由徵人洲徙至本口西南隅者兩年間又向下接漲五千尺本口南面之江流不甚洶湧沙易停蓄日後徵人洲之沙愈徙愈下泊船更形不便恐各項船隻須如三十五年前泊回江北中流仍由剝船起貨運送南岸而後已以上係第二端大畧情形也在鎮各商賈目覩本口停泊船隻之地面與夫往來運河之航路大有江河日下之勢加以他口鐵路之利便足與我之貿易爭勝莫不翹企政府速行設法疏通水道以期補救庶本口之商務不致一蹶而不可復振

一本關稅項共計徵收關平銀一百二十六萬五千五百六十七兩比上年少一萬六千四百二十二兩若非上年爲本口收數最巨之年則本年收數亦可首屈一指各稅均比上年加多祇出口及出內地子口稅減少以上兩項減少之故已於前論內叙明

一外洋貿易進口洋貨比上年多非列濱進口之糖約占本口赤白等糖三分之一德國所製之蘿蔔糖本爲人所樂用因其質乾燥不比汕頭糖夏季生滷惟德國用金中國用銀本年銀賤金貴糖價加增購用者少故進口亦減日本各貨比上年少十分之四美國煤油麵粉木植糖菓等價值計八十一萬

一千八百七兩

出口土貨之價值上年比前年少三十萬兩本年又較上年少三十六萬六千九百兩固由上年江北水災出產減少亦因附近鐵路之處大半裝載火車運往漢口之故

復出口洋貨可置勿論

一沿海貿易原出口貨本年承上年水災之後聞淮徐兩府民間播種者祇十之四五豆子收成尙好穎州府豐收販運者多價值未減花生淮徐中稔山東歉收又因豆子不足用此榨油故來貨減少芝蔴出產最旺上年被災各處豆種難得改種芝蔴收成極豐尤以河南一省爲最該貨由河南運裝火車運漢轉滬出口運往東洋銷場頗旺運至本口者較減油因芝蔴出洋豆價未跌所來者花生油居多金針菜中稔新貨上市價值較廉秋間銀根日緊購者不多冬令銷場轉旺存貨已少山羊皮外洋之銷行不旺業此者不免虧折米糧秋收扯六七成亦非歉歲究因各處缺米價仍未減麥子上年災後淮徐未能普種雖慶豐收仍苦不足加以南北各處機器麵粉廠紛紛收買一時難望價平若論本口貿易全恃運河爲極大來源凡山東河南皖北及本省之淮徐等處物產繁盛一水可達無如自清江浦至瓜洲之航路日形淤墊冬令水涸時舟楫往來阻滯未免於貿易有碍

復出口之貨可置勿論

復進口之貨比之上年則洋貨較少土貨較多兩相扯計仍與上年相仿棉布類印度棉紗貿易獲利餘平平五金進口亦少煤油年勝一年原箱美油與上年相仿另有散艙油計三百十萬八千九百八十一加倫波牛及蘇門答臘油均散艙多原箱少俄油比上年多一倍各油上年有八百四十八萬五

千四百十八加倫本年計一千二百六十二萬一千七百七十一加倫多有十分之五美商美孚公司在鎮用馬口鐵所製之油箱每日可製成八千隻用以裝油每箱五加倫此等油箱均係華工所製洋糖年勝一年洋鹹歲有加增三年前進口者計一萬七百六十四担本年有二萬二千二百九十二担大半均改製小塊以供洗濯之用

一內地稅則洋貨入內地之價值比上年多二十三萬四千七百八十三兩而本關所收子口稅祇較上年多四兩有零實因貨價加昂並非運入內地之貨較上年爲多也

土貨出內地之價值比上年少一萬七千五十六兩江蘇山東河南較少安徽畧多

一船隻進出口之噸數比之上年輪船多十萬四千一百五十五噸夾板船少二萬七千六百六十七噸以上各船共挂七國旗幟該船躉數以百噸合計英占四十三噸有半日本占二十二噸四十三中國占十八噸零五德占八噸二十二法占六噸九十四腦威祇一噸之六三美祇一噸之二三各船爭作貿易因之水脚內有幾等比上年減少內河小輪貿易甚大如將河道挑濬日後往來之小輪定可蒸蒸日上

一旅客本年來往客商較十年前約增四倍足見華人甚願出外經營將來各處鐵路告成貿易必日見暢旺

一金銀總計本年出口之金銀銅元價值較進口多三百八十七萬七千一百九十九兩上年則較進口多四十八萬七千八百三十八兩如謂出口之數多於進口恐非確論緣本口金銀銅元各項由內地民船進出者或多或少或寡無從稽核不能以海關進出口之數爲準

一藥土白皮土上年二千四百五十二担本年三千二百六十四担來數增多推原其故由於禁令初頒之後凡吸烟之人其資財充裕者恐鴉片價昂預煮熟膏以爲儲蓄之用一時銷場轉暢土藥徐土收成本年以豐縣碭山兩邑爲最蕭縣次之沛縣銅山等邑尤次通扯約七八成之譜漿質頗好業此者本可獲利其時因聞有官膏專賣之說大半隨時得價卽售不敢居奇嗣官膏專賣之辦法未定土價復漲存貨無多獲利有限查徐屬向來廣種鶯粟自奉禁後已有改種他物者且因上年水災爲歷年所罕見人民乏食餓殍遍野羣知力圖變計改種麥苗者亦復不少然一時恐難盡絕根株

一雜論滬甯鐵路由滬至鎮之路線秋間一律設軌卽於九月初八日行初次開車禮此路計延長四百五十里車行約歷三時可到將來如由鎮至甯之軌道告成後諒可行駛較速鎮江所開山洞業已竣工惟甯鎮中途尙有二十五里軌道並橋梁一座未能造成大約來年二月間方可開車本年八月二十三日有上駛之日本大福丸輪船在鎮江下游相距約十五里之處船中忽遭回祿引水華人推輪攏岸不知如何又轉往中流因此有二百人求生者投水淹斃本口前有義渡船一隻載客衆多船遭沉沒淹斃五十人本口郵政內地代辦鋪商本年添設二十一處現在本口郵政管界內總局與分局並代辦鋪商共八十處

光緒三十四年

正月

十九日

三品銜雙龍二等第三寶星特派隨辦商約鎮江關稅務司戴樂爾呈報

光緒三十三年上海口華洋貿易情形論畧

竊查今年本口情形局面大有變遷頗足令人動目即如翻造房屋一端土木之工一時並作層連結構實爲歷來所未有曩之高其閘閤厚其牆垣者大率重行改新以趨時式輒皆侈用堅鐵心之三和土蓋造聯翩巨屋蓋因地本沙積前此高大房屋基址不固每有欹斜之患今欲所築之屋上下四旁俱不陂側歷久常新故易此堅實功料也又各處儲貨之棧前當來貨較湧時輒慮不敷堆積近則貨棧如林綽有餘裕以致碼頭洋棧股票價值漸落而房地之值竟逐日增高誠盛事也惟租界迤北一帶則有迴不相侔者工部局雖欲於租界以外闢路築園及造泔水池等爲受塵者謀公益然總不能歆動寓居該處者之心新公司亦擬築新式洋房毗連於花園左近興起市面而人皆觀望不前未肯踴躍入股但租界範圍日見擴張徧築馬路以便行人現已地段展寬四通八達汽車一項昔祇西醫乘用今則有力商家遇有急需亦多爭相趨效如前居繁盛地面者以汽車便捷故不憚遷移寫遠之區範圍擴張汽車亦與有力焉工部局中亦置備多駕以之常乘甚至中國大員間亦有坐汽車而拜謁者現計租界汽車之數竟多至一百二十駕有餘中有值銀至萬餘兩者馳逐街衢日見其夥聞本埠殷實洋行中有願將來爲外洋著名之汽車廠經理其事者本年秋季崑山地方賽船竟有人專注意汽船一項邇來歐西藝士每多參考化學用枯草等料製造汽車汽船所用之汽油中國惜無人爲之講求仿倣又土酒能製此油今機器中所需之汽油煤氣油火油火酒等銷用甚廣將來如有人出新法用土酒製造以代石礮油似於工藝前途可以利操左券本埠商家於東方營業頗能竭力推廣

曾將新出各種物品搜羅一處排列肆中任人觀看此不過小試其端無足爲異竊料他時必有更勝於此之萬國賽珍會出焉現將華人之與西人交接語言已臻純熟昔日通行洋涇浜話當漸就消滅若所用之德文英文均能得心應手較日人尙駕而上之是故西人默覘華人智識有足令人驚異者又如近日發行之中英商報內所登告白圖畫等類經售人之姓名住址概不用華字因而西人亦自求進步以期無墮範圍本埠各業近竟變成競爭世界如傭夥被僱於東主合同期滿卽出而自營獨立之事業第設肆開行既乏資本又虞虧損勢必不能持久只得別出心裁一如前在舊行時之規則與人經手商販各項以賺用金且免動本折閱而從前老行遂有改爲有限公司者但此項營業祇有股票行情表究其本資多寡並不載及亦有行已易主而仍襲用原名者華商與之往來多莫知其內容作何更改原有若干後添若干幾無實迹可按以上所云諸行本年已增數家進貨隨來隨拍且皆用現銀周轉無藉大宗巨本自可挹彼注茲也此外向來開設之家本年則大見推陳出新如鴻文書局向係承攬石印書籍仿單茲則兼攬石印五彩圖畫東方煉麻公司特創新法煉製草皮達昌橡皮公司暨他公司亦俱競相仿效船廠機器廠等製造工程仍復如常與旺本埠銀根向本流通近因儲蓄等銀行暨保險自來水等公司因擴張其事業致經營別項生意者類多將現銀輸入於內以作保存之用遂不免稍形缺乏耳

一本關稅課尙稱滿意本年例諸開埠至今最旺之年適居三等進口稅一項照預計之數應短徵關平銀一百五十餘萬兩出口稅則與往常相等惟原進口貨稅約增銀六萬兩因憶客歲日俄戰事報罷存貨壅積消場度必不暢孰知是年貿易反見起色實爲意想不到迨至本屆來貨過多稍明事理者

以爲決無把握幸而錢價見高辦進口貨商人通盤籌算尙有微利可獲足抵別項銷耗以是將貨運回美國以免損失雖辦貨之華商意爲俟延購期西商必販價以售然在西人以維時外洋金價適好即使將貨退回料亦無甚傷折也

一外洋貿易進口洋貨貨值數目較之去年不逮遠甚計緹銀三十二兆餘萬兩之多布疋一類少三十兆兩五金少二兆五十萬兩本埠關道曾出一示保護市面其示雖祇申明肥皂紙煙兩種不准冒牌然西商已皆賴其力蒙其惠不淺凡懸英旂者行駛中國外國口岸貿易計緹銀二十五兆兩懸美旂者緹十四兆兩懸丹旂者緹一兆五十萬兩懸德旂者緹四兆餘兩懸瑞威旂者緹七兆餘兩懸俄旂者緹二兆餘兩至懸日本旂者則約盈十六兆懸法旂者盈四兆所盈之數則以往來長江甯波等口者居其大半也煤油一宗前者因除本埠一隅轉輸之外別無躉進躉運者故生意之大罕與比倫至近來則做煤油行家均於北洋長江各口廣設油池由外洋散艙直赴各該處起卸入池因此北方一帶煤油市面驟見興盛如是則本埠之業此交易者不久當有銷退之象前半年美孚箱油每十加倫價銀自一兩七錢半增至一兩八錢蘇們答臘艙油每十加倫價銀自一兩三錢增至一兩四錢至歲暮時銀市見跌美孚油每十加倫價銀自二兩二錢五分增至二兩三錢艙油則每十加倫價銀至一兩七錢五分上半年市景頗形蕭索股票大跌失利無算至下半年方有轉機得將虧負之數全行恢復龍牌煤油公司去年股價值銀二百三十兩本年則值四百兩可見此油之起色尙無止境也糖斤自香港運進之白糖價極相宜其行銷之數與日本德國兩處所來者適足相抵本年結局堪稱平穩爪哇糖市情照舊然綜較上年少七萬兩以後因本埠銀水漲跌異常牛莊一口負累尤甚美國本因

銀少價昂大受困難故做進口洋貨行家鑒於以上數原因相戒不敢放膽營運

出口貨並復出口土貨茶絲二項大有振作氣象頗快人意綠茶本年尤佳質亦甚美美國茶市開盤之際頗占上風他處所銷之雨前茶亦屬優勝業茶者均皆因之得利故本年綠茶英美兩國市況較上年多銷十分之一有餘紅茶售路亦見通暢祇贛漢口後來少數未售而已錫蘭印度茶價極昂貴中國所產下等茶亦隨之增高倫敦茶市交易本廣下等茶末之價祇較售去之箱茶價畧低所以業此者大獲厚利由是言之雖有錫蘭印度茶參銷其間而華產之下等紅綠茶亦仍能暢銷者是貨道並不低次之一証矣今年本埠業絲華商頗能稱意棉花出口約增十二萬担收成之數甚屬平常致售價較昂通年相仿計八九兩月以及十一兩月間每担估銀約十七兩至十八兩六錢本埠運往日本之花爲出口一大宗前年因有將水漬棉花任意攙入以致該業中之大受虧折者不一而足嗣經設局議定檢驗章程重爲整頓故本年此業得以羣沾利益本埠機器紗布等廠每言自光緒二十二年迄今情景既愈趨愈下工則時興時止以致出貨寥寥而其散僱之工值實較常僱爲貴等語雖據該廠自述似亦無甚生色然按本關冊記出口之粗布計之已驟增至五萬五千疋棉紗亦增至十萬担云

一沿海貿易惟牛莊一口市情頓見衰象進口貨如豆餅豆子僅增銀二十萬兩出口貨則不堪擬議矣計減銀至五兆五十萬餘兩土布出口更形疲滯約減三兆兩其餘所短者大概係米糧機麩粉綢貨等類是也

一內地稅則洋貨入內地較之上年固見加增卽較之歷屆亦有見增堪稱最盛之年滬甯火車已由滬

通至鎮江凡沿近軌道一帶由內地運出之蠶繭大半係用火車裝載故綜計貨值較上年約盈銀二萬五千兩蠶繭上市俱在四五兩月杭州路軌已經興工此外各處土貨改由火車運載其名稱數目究有若干既非歸關稽徵故亦無從考核耳

一船隻輪船公司本年貿易未能暢茂行駛江海等口所獲載資僅數船上開支無甚餘利來往貨物仍覺絡繹於途閱其報單去年有九十六萬五千紙本年亦有九十二萬三千紙以彼絜此相懸無幾然雖有如許之貨而本值不昂載脚當隨之折減至租船裝貨生意亦屬式微雖有租賃之人但皆未能給以相當之價而為出租人所滿意者故守候之空船雁翅相啣比比皆是所喜者懸日本旗幟船隻之噸數增至七十餘萬取盈補絀適可相抵蓋以懸英旗少二十萬噸瓏威旗約少二十萬噸德旗船隻少十萬噸美旗船少二十萬噸故也此外懸法國旗者來往沿海沿江之噸數約增四十萬而中國船隻噸數與上年不相上下惟綜計以上各數較上年共增二十五萬噸

一旅客搭客生意邇來有增無減昔之蘇杭等處皆由小輪往來今則蘇州改附火車現於浦江一帶駁岸之旁廣築浮碼頭以便外洋公司來船逆旅商賈上落行李可無稽滯之虞

一金銀進口之金淨數計值三兆八十七萬餘兩進口之銀淨數約值八兆七十五萬兩銅圓制錢由通商各口運進者四十八萬兩以上金銀銅幣價值漲落出入甚巨懋遷者流苦於金銀無定價致難捉摸使在上者若能規定劃一之制則無論中外俱可免此耗失金價上年十一十二兩月間每關平銀一兩合三先令一本士十六分之一至本年八九月間每關平銀一兩自三先令零十六分之五跌至二先令八本土十六分之十五此固難以逆料者蓋市上行用莫妙於金價愈貴銀價愈賤各項貿易方能得操勝算也

一藥土洋藥進口數較去年差堪相等所足慮者銷用嗎啡之處日益衆多竟有託名補劑尅烟實則攪用嗎啡且有數家藥房慣做此項生意時常偷漏進出口而爲本關扣獲者其裝式一如金鷄那等貯入瓶內即使開驗殊難辨別如此流毒害人之物迄無掃除之日真堪浩歎

土藥生意本年較去年最優之數適居其三祇少二千六百五十五担

茲將自光緒二十九年迄今五年各種土藥進口之數以及價目列表於左

光緒二十九年	五千七十三担	值關平銀	二兆二十萬七千三百七十六兩
三十年	一萬二百八十五担		四兆六十七萬八千二百九十一兩
三十一年	一萬三千九百八十一担		五兆二十三萬三千二百三十九兩
三十二年	一萬三千六十八担		六兆六萬八千三百五十五兩
三十三年	一萬四百十三担		四兆三十九萬六千四百三十七兩

茲再將三十一三十二兩年暨本年計三年川土以及他種土藥各數均列表於左

三十一年	川土	三十二年	川土	三十三年	川土
第一季	三千四百八十八担	第一季	三千一百五十二担	第一季	一千四百五十九担
第二季	三千五百四十一担	第二季	二千六百八十三担	第二季	二千八百五十九担
第三季	二千一百二十担	第三季	一千二百十担	第三季	一千三百六十五担
第四季	一千六百八十九担	第四季	三千二百六十担	第四季	二千九百九十担
共一萬八百三十八担		共一萬三百五十五担		共八千六百七十三担	

與去年互較本年計少一千六百三十二担

三十一年 雲土

第一季 七百三十六担

第二季 九百二担

第三季 一千八十一担

第四季 三百四十六担

共三千六十五担

三十二年 雲土

第一季 六百三十四担

第二季 一千零零一担

第三季 二百七十六担

第四季 八百四十四担

共二千七百五十五担

三十三年 雲土

第一季 二百七担

第二季 六百五十八担

第三季 一百九十八担

第四季 六百五十三担

共一千七百十六担

與去年互較本年計少一千三十九担

三十一年 江蘇土

第一季 五十担

第二季 十担

第三季 十二担

第四季 六担

共七十八担

三十二年 江蘇土

第一季 一担

第二季 一担

第三季 無

第四季 四担

共六担

三十三年 江蘇土

第一季 無

第二季 六担

第三季 一担

第四季 六担

共十三担

與去年互較本年計多七担

三十一年 浙江土

第一季 無

第二季 無

第三季 無

三十二年 浙江土

第一季 無

第二季 二担


第三季 無

三十三年 浙江土

第一季 十担

第二季 無

第三季 無



第四季 無

第四季 無

第四季 無

共二担

共十担

三十一年 河南土

三十二年 河南土

三十三年 河南土

第一季 無

第一季 無

第一季 無

第二季 無

第二季 無

第二季 無

第三季 無

第三季 無

第三季 無

第四季 無

第四季 無

第四季 一担

共一担

茲再將以上各種土藥合計列表如左

三十一年第一季 四千二百七十四担 三十二年第一季 三千七百八十七担 三十三年第一季 一千六百七十六担

第二季 四千四百五十三担 第二季 三千六百八十七担 第二季 三千五百二十三担

第三季 三千二百十三担 第三季 一千四百八十六担 第三季 一千五百六十四担

第四季 二千四十一担 第四季 四千一百八十八担 第四季 三千六百五十担

共一萬三千九百八十一担

共一萬三千六十八担

共一萬四百十三担


一 確論本年無可誌之事

光緒三十四年

正月

二十八日

二品銜二等第二寶星江海關稅務司好博遜呈報



與去年互較本年計多八担

與去年互較本年計多一担

光緒三十三年蘇州口華洋貿易情形論畧

竊查今年本口情形雖因上年雨水爲災田廬淹沒入歲之始一切商務頗有疲敝之象但經春夏之交麥與菜子尙屬豐稔蠶絲所獲亦優揆厥事機原可望日形起色無如秋收耗減物價因糧貴而漸騰以致貿易寥寥卒不能有副厚望本年禾季莊稼以大概估計似逾六成蓋當七八月間天氣早熱繼且風雨爲災遂致刈獲之際多有霉爛間有全無所得者故每米一石春季祇售六七元比及秋冬頓漲至八元有奇較之水災荒歉之年所減不過一元之譜據此以觀米價一時難期貶落須俟下屆新穀豐登始能有濟蠶繭一項收成既旺品質亦佳較之上二屆年歲多獲四分之一緣前去二年蠶事均不見佳也且上屆之繭成絲一担須用五百斤及五百五十斤本屆之繭四百七十斤即可繅絲一担合繭價人工雜費一併核算廠絲一担可值銀六百六十兩新繭開盤之初每担售洋四十六元收盤則需洋五十二元通盤扯算每担售價約在四十九五十元之間廠絲價值當正月間初次定購每担祇需銀八百六十兩厥後日見昂貴每担竟售至一千一百兩之多九月間售出之絲已有十分之八惜乎將屆年終行市頓落以目前而論幾無時價之可言若衡以日本廠絲價值則本廠絲價當在七百十兩至七百五十兩左右且外洋先令自三先令二辨士跌至二先令七辨士則是外洋絲價亦跌落百分之四五十分總之本口廠絲以大概情形而論尙屬優勝原有老廠二家機車共有四百五十部其延昌永一家自光緒三十年停辦後閉歇約有三四年本年八月有人租開機車二百部每日成絲約及一担惜因辦理不協用人失宜卒致虧折當於歲杪停工蘇綸紗廠交易則大受賠累本

年出紗共有七千件較之上一年一萬一千五百件相絀已甚年底存紗尚有二千件之多所紡之紗多係十二支及十四支十六支爲數頗少紗之銷場均在蘇屬及南通州緣通州一地強半以手工織布爲生活販運東三省行銷近以日本機製各布在東暢行通布交易盡爲所奪蓋日布式樣略仿通布價值則較通布爲廉以是之故廠紗銷路頓形滯塞棉花價值約在二十五至二十八元之間所出之紗成本巨而售價廉春初每件可售銀九十兩嗣後遂跌至七十五至八十兩紡紗旋于本年新增四千三百六十八枚前後共計二萬二千五百六十八枚茲因價賤滯銷經理亦各爭意見自八月內停工至今尙未開辦稟准開設之電燈公司所購機器內有火鍋三具發電機二座每日可燃十六支燭光電燈六千盞公司房屋雖在閶門外落成特以資本不敷燈桿電線未及裝設以致中道而止鐵路雖已交通特蘇滬往來之車輒經城垣之北租界距車站相隔五英里市面荒僻一如曩時地價亦難期騰貴當光緒二十二年開埠之始盤門外地價每畝可號稱千金目前僅值百金開埠之次年租界售出之地係分三等沿街每畝定價二百五十元中路每畝一百六十元後面一百元比至今日雖欲賤售亦幾於無人問津本年租界後面有人購地十一畝種植桑樹每畝售價僅得五十元閶門與車站銜接之馬路已於正月十五日由各大憲示諭通行兩旁房屋建築日多鐵路未開以前無人過問之地刻已漸獲利益本城銅元廠二所已於上年停鑄所有印模壓花各機業准度支部來文運送津廠故當開歲之初每洋一元僅兌銅元一百零二枚嗣以甯廠所鑄銅元由鎮輸入兌價始漸復原每洋一元可兌一百十二或一百十四枚六月三十日城廂內外烟館一律遵閉並無滋鬧等情改設之挑膏舖均領有官准執照挑出之膏每兩代收膏捐四十文按期繳局城內約存七八百家城外亦得

此數之半附近馬路爲多七月間本口疫病大作死亡枕籍比屆中秋始克清除英商亞細亞煤油公司在本口建築油池二座每池可裝五萬五百加倫所裝之油係由上海用淺水汽船駛運進口建池區域適在運河之濱與本關相離不遠惜皆零星出售並無大宗躉批

一本關稅課查本年所征稅數計關平銀十萬五千四百六十一兩較上年短征一萬七千九百兩因本年出口茶葉爲數無多征稅稍絀然以稅課總數與前年相較尙多征六千七百兩其多征數目係在進口稅項之內核計本年所征之總數內有郵局包裹稅關平銀二萬三千九百五十二兩可佔百分之二十三分茲將近五年內郵局代征之包裹稅銀按年表列於後

光緒二十八年

三千一百七十兩

估總數百分之四分五

二十九年

六千八百一兩

估總數百分之九分五

三十年

一萬一千六百十八兩

估總數百分之十四分七五

三十一年

二萬五十八兩

估總數百分之二十二分五

三十二年

一萬八千六百三十八兩

估總數百分之十五分

自光緒三十年歲杪爲始郵局並代收包裹釐金完釐之件半係土貨以綢緞爲大宗且皆寄送內地合將該數年內所收之款附列於後

光緒三十一年

七千三百七十五兩

三十二年

六千四百七十三兩

三十三年

七千八百九十四兩

此項釐金按期彙解釐局代收釐數係按海關內地稅則辦理遞到指送各處概免重征本關現征稅數係自光緒二十七年為始按照新訂加足稅則施行合將歷年增收之數列左

年分 征稅貨物 前免今收之貨物稅 總數

光緒二十八年 三千三百六十六兩 二百九十兩 三千六百五十六兩

二十九年 三千四百五十三兩 一千五百十六兩 四千九百六十九兩

三十年 四千二百六十二兩 四千七十一兩 八千三百三十三兩

三十一年 五千五百三十九兩 四千一百三十四兩 九千六百七十三兩

三十二年 六千二百四十一兩 六千十五兩 一萬二千二百五十六兩

三十三年 五千九百八十七兩 六千三百十二兩 一萬二千九百九十九兩

一 外洋貿易本年進口貨價較之前年約少關平銀五十萬兩較之上年約少關平銀七十五萬兩蓋查前年進口銅餅可值銀五十七萬三千六百四十四兩上年進口銅餅可值銀六十九萬五千六百三十六兩本年因銅元廠早經停鑄故銅餅白鉛均不進口

出口貿易無

一 沿海貿易本年出口菜子餅可為最旺之年出口茶葉較之上年僅得十成之五六除光緒三十年不計外餘自光緒二十七年至今歷相比較則本年出口之數可稱最絀緣上年北方存貨過多銷場頓滯故也經郵局出口貨物為數頗巨尤以綢緞繡貨絲帶為大宗即以綢緞一項而論出口之數已有九百六十九担且寄遞者皆甚樂從核算本年出口總值共計關平銀一百七萬七百七十五兩約佔

本關出口貨值總數百分之三十六分其中雜貨價值祇有三萬五千兩餘皆絲質貨物
復出口貨物不論

復進口貨物俱係洋貨較上年估價短少關平銀二十九萬九千兩推原其故一係官運免稅之銅餅等物上年進口估值關平銀二十二萬七千二百八十七兩本年並無此貨一係糖斤較上年短少八千担惟煤油一項頗有起色較上年增加三十二萬八千加倫內有百分之八十九係屬美貨所增之數較上年進口總數約佔百分之五十三分即以此數作百分計算他項煤油祇佔五分餘皆美國煤油其散艙煤油九萬六千五百二十加倫則係初次運入紙烟一項運銷本口者約計七千二百萬枝
一內地稅則不論

一船隻本年十二月分蘇滬一路裝貨搭客各船僅有二百五十隻較上年是月五百五十隻相緝已甚足見鐵路交通輪船貿易半為所奪本年輪船搭客價值無甚更動聞將公議貶價藉廣招徠現在到上海之船價客艙五角烟篷五角到鎮江之船價客艙八角烟篷四角

一旅客光緒三十一年分蘇滬一路搭客最多共有四十六萬八千一百四十二人自上年五月間火車開行是年搭客頗少八萬一千人本年搭客數目較上年又短十三萬一千人與三十一年相較共短少二十一萬二千人

一金銀不論

一藥土不論

一雜論滬甯鐵路由無錫至常州一段共二十四英里於本年四月初四日開車由常州至鎮江一段共

四十五英里半於九月初九日開車無錫紗廠本年又增一家於三月間開工紡紗錠子約有一萬枚目下該處共有紗廠二家麪粉廠一家郵政事務本年愈形發達本城各局每日遞送信件共有三起收入信件共有五起城廂內外各要區業設鐵質郵筒二十五個投函之便人皆欣從界內代辦舖商本年又增十家前後共有二十五家內地分局共有三處進出口郵件總數較上年增至倍蓰匯票一項增至百分之三十二分郵政路線則展寬至百分之三十四分所用執事員役人等亦較前增多百分之五十分

光緒三十四年

五月

十三日

三品銜署理蘇州關稅務司克樂思呈報

光緒三十三年杭州口華洋貿易情形論畧

竊查本口貿易情形就上兩年而論因商務清淡故所徵各項稅銀俱形減色至本年始復臻興盛幾可與從前最旺之光緒三十年相埒貨物出入約值關平銀二十兆之多洵開埠以來最優之年也至本年生意之盛是否因客商少將貨物運報釐金抑本口生意委實驟增頗難臆斷其故由各釐局於貨物往來並無核實之冊足資稽攷杭州關之設儼然爲各釐卡反對之局面但釐局隨時可以酌量更改關稅係有定則是以釐局所征恒較關稅爲輕之故昭然若揭矣無怪本口貿易幾無實在數目可調查惟証以今歲本關貿易冊所載足見進出口生意之盛無非得力於絲茶二項絲收成甚佳茶收成亦頗稔核計是二項所獲已足抵進口貨之加增然其究屬奇異邇來米糧昂貴與夫日用各物無一不價值飛漲較十年前貴至一倍雖各物如是昂貴加以種種苛捐而工價並不隨之加增是以食力一流所獲僅敷日用故除居家必需之物外餘均無力購置本年年米糧收成初時可望豐稔不意於收割時陰雨連朝以致受災之區甚廣間有數畝田禾成熟極早本於霜降前已可刈割無如限於時令致使稻之被雨後霉壞田間者不少僉云照本年收成而論米價當不至十分昂貴不料有奸商從沿海不通商處以民船私將大批米石運往東洋後爲省憲所聞遣調兵輪駛往巡緝乃止然運米出洋之漏卮一日不塞則將來中國米價除去運費不計外必至與東洋無異爾時食力一流不免歎度日維艱矣

一 本關稅課是年共徵關平銀六十八萬五千六百四十六兩較上年多收關平銀十萬八千四百三十

六兩但比諸光緒三十年即前最旺之年少收一萬七千兩惟本關洋藥稅釐項下較光緒三十年分少收九百餘兩較光緒三十二年分亦祇多收九千餘兩而已除洋藥外進出口稅銀約佔所增之數各半

一外洋貿易爲數有限蓋本口進口之洋貨俱係在上海請領存票報運復出口到此居多所有由外洋運裝至此者祇有少數東洋棉布洋傘等類及寓杭西人之家用什物並由南洋裝來之錫銷於紹興作錫箔用

出口土貨運往外洋者無

一沿海貿易原出口之貨本年西五月間風日晴和天氣溫暖是以蠶繭收成堪媲美最豐稔之年鮮繭每担售價扯至四十元是年因業蠶者衆多故桑葉貴至三元一担間有相距較遠之地方售價至六七元不等繭子之報運出口者亦多爲開埠以來最旺之年共計裝有二千二百二十七担俱係乾繭合諸鮮繭幾近七千餘担之數耳凡經報本關出口者俱運往東洋用其餘上海各廠來購之繭均向江海關領有三聯單或運報釐金往申出口廠絲共六百三十二担係由塘棲絲廠所織其地亦在運河離城北約十二英里出口湖絲經絲兩項共有一千七百二十八担出口亂絲則有一萬一千四百六担亂絲出口遠出上年之數本年洋茶於西六月七號上市收成未見十分如意獨毛茶略有起色較光緒三十二年多四千餘担此項茶內有運至北地銷售者亦有先裝至福州用花烘過後再運至北地各土貨之出數過於往年者以菓子餅爲最較光緒三十二年多十二萬八千餘担俱運往東洋作肥料用棉花收成比上兩年略佳惟仍遠遜於豐收之年杭州紗廠情形據其總理聲言本年出

紗七千五百餘包合二萬二千五百餘担售價通扯每包規元七十二兩花衣售價通扯十九兩因市面清淡所出之貨至年終尙有三成未能銷去故停工時多是年開機不過八個月而已復出口之貨茲不具論

復進口之貨均從上海運來共估值關平銀九百二十四萬八千六百一十一兩內華洋貨物各居其半洋藥進口計一千六百八十三担其中小土爲多溢於上年之數無幾本關所有洋藥進口俱在嘉興分關完納稅釐是年洋藥項下共征關平銀十八萬四千二百七十七兩幾估該分關收數之半其次洋貨大宗爲煤油與糖煤油進口計有三百三十八萬二千九百六十加倫內中尙不止三分之二係美國煤油其餘三分之一係蘇門答臘及俄國煤油本年進口之數非特直可以與光緒二十七年卽最旺之年相埒但尙恐不止此數因近年有人組織洋油認捐公所係將煤油釐捐包認一數目按季解交於釐釐總局亞細亞火油公司在運河以北距租界一英里許對岸處建造貯油池兩座灌油廠一所於西七月間落成所有煤油均從上海用船運來船名亞細亞該船機器係燃點煤油以代煤炭者糖進口共計三十五萬四千五十担內有九萬五千三百五十四担係赤糖比光緒三十二年多三萬餘担洵爲歷來最盛之年此外各種大宗進口貨色均較上年加增然不必細論

一內地稅則洋貨入內地本年共發子口單六千五百四十二張上年祇有五千六百五十三張入內地稅且比上年多收關平銀二千餘兩其多收之故緣近有商人向嘉興分關請領子口單以便將貨物由海甯運往錢塘江沿江各地方之用照此辦法據云較昔日取道杭州報運釐金者爲省後爲各釐局所知減輕相例於是該分關發給子口單之事亦寂然無聞

土貨出內地在本關請領出內地子口單者自開埠以來本年爲第一次有一日本樟腦公司請領子口單由衢州裝運樟腦該總公司係在廈門共發過出內地子口單四張祇用兩張計運樟腦一百五十担懸想是項交易未必能十分擴充因聞前往內地採辦樟腦之日本人時與地方官齟齬也

一船隻本年按照總章進出口之小輪其數大致有定額開往申者逐日有三艘由申開來者亦然往來蘇州者逐日有兩艘往申之三艘同一航路俱走運河經過嘉興出黃浦到申其往蘇州者一係取道嘉興一係由離塘棲不遠之處分路而往取道南潯以達蘇州間有一新船局開班一莫相與爭衡輒爲原有之三公司或出資將公司盤頂或故意減價以使其力不能支自行閉歇惟近日已力爲改良船身較大馬力較足觀於邇來小輪抵埠之早即可知矣按照內河行輪章程之小輪亦較上年及前數年驟爲加增計出口多九十六隻進口多一百四隻此種船隻一種係由嘉興逐日往來硤石一種係間日由杭州往來湖州經過塘棲新市雙林另由湖州換輪駛往常州是條航路昔年行試者已不乏人俱緣覓利維艱以致旋開旋閉且因河道淤塞祇有數條河道小輪可週年暢行無阻餘僅堪供數百隻吃水較淺之航船行駛而已

一旅客茲不具論

一金銀本年進出口之數比諸光緒三十二年多至關平銀二百五十餘萬兩入口之數溢於出口者計關平銀四十餘萬兩本年祇有一批銅元報運出口係往申轉運甯波計值關平銀六萬八千兩以視上年有關平銀二十八萬兩之多相去有霄壤之別矣年終杭地市面現洋奇缺各錢莊思有以維持之遂籲求撫憲暫禁現洋裝運至申斯時因銀價飛漲市儉見有利可圖咸紛紛以現洋裝運出口至

於小洋與銅元之兌價與上年彷彿以銀元易小洋上半年每元兌十一角錢二十三文後逐漸縮落西八月時已跌至十角零七十文至年終忽漲至十角零八十九文銅幣一項市間所通行者銅元西正月時每元僅兌一百四枚及至西臘月時已加至一百十一枚矣

一藥土本年六月三十日杭地所有煙室因奉諭全行停閉八月十五日有人將通城煙具搜羅殆盡堆於城內某空地上付之一炬是日各當道及紳士等均到場演說然誠恐此舉殆虛行典禮而已蓋進口洋藥並未見有減少何則在本關完納稅釐之洋藥仍有一千六百八十三担之多此外尚有在申完過稅釐後裝運來杭者計四百二担上年進口反祇有一千六百三担豈非比本年尙少四百八十二担土藥之經報本關入口者爲數無多然近日亦較常加增

一雜論本口境內毗連均係絕好河道惜歷年因雨水過多水患頻仍之故以致淤塞不通有時水淺則不便舟楫往來水長又防田禾受害最淺之處莫如石門及石門灣嘉興一帶小輪時須繞道駛行其他尙有水溢爲害之區恒歸咎小輪鼓浪激動兩岸之堤以致低窪之田被水淹沒殊不知以上二端補救亦易祇須將河道開濬使其能容水力加增不致有滿溢之患一面將餘杭蓄水之湖大加興修無如空言無補地方官除於極淺之處稍事挑挖外絕不一籌補救之策坐令天然河道舉世可推獨步者日就傾圮不亦大可惜哉張中丞瀕行時曾批准動撥官款定購一挖泥機器船並飭地方官與海關商訂抽捐章程以爲開辦經費後竟因無的款可籌遂將此事置諸高閣矣鐵路拒款風潮其顛末久已喧傳登載華洋各報茲不復贅惟溯厥本源建是議者半係新學界一流人是以邇來地方之不安謐與夫仇洋之念日興雖未必盡屬彼等之過然究亦不能辭其咎何則就本省而論境內素無

此舉動浙江鐵路公司現築就一單線之路長十英里由拱宸橋經過城南達江干聞其所用之鐵軌爲別省鐵路所不取者所用之客車不過聊勝牲口車而已俱係就地裝成而取價亦貴計路僅十英里每客竟收洋四角之多每日開行四次其機車頭卽外洋二等鐵路所用之物目前該公司所行用者卽此也車站房屋頗壯觀瞻路之工程雖劣然頗爲社會所歡迎緣城廂內外久苦無捷徑可通杭滬一路所竣工者僅十英里許餘惟載諸文牘認定之路股將來繳款時未知奚若蓋認股多數人因原議有謂股銀分十年繳付始允分認也全路之綫已經勘過就工程察看無所謂掣肘然他日取道平湖抑或由嘉善達申現尙未有定局鐵路公司於本年西八月間設一由通商場至城內之電話雖所裝之機器尙未十分得法未可與他處並駕齊驅然此舉究屬當今急務故居民交口稱便西五月間拱宸橋設一電報分局裨益良多莫干山爲西人避暑之地本年西八月電報已可通至該處西正月三號與通商場交界處有房屋一百七十間不戒於火於兩點鐘內被祝融氏席捲殆盡是役有二輪船公司同遭是厄若非本關救火人奮力協同施救則毗連之屋幾乎不保西三月六號城內某處失慎所燬不下十餘萬元價值之多八月二十號江干大火焚去屋百餘間木排數堆

光緒三十四年

二月

二十二日

三品銜杭州關稅務司兼管浙東貨釐事務單爾呈報

光緒三十三年甯波口華洋貿易情形論畧

竊查本年按關上一方面而論今年最爲興旺本口各貨價值總數歷歲以來茲已極點共計關平銀二千五百十三萬六千六百五兩較光緒二十九年所報之數增二百五十餘萬兩核今年所報之數從未有如此之多比去年亦約增六百萬兩可見貿易有隆盛之象大概貿易情形均得心應手各商家亦有盈餘全年銀根並未吃緊利息亦尚平直本年錢莊及商號未聞有虧耗閉歇之事不過在春末夏初之際天氣久晴甚少雨水米之收成大有窒碍今年秋收較往年有減收四成之數因此食米甚少價亦極昂每石計一百四十斤查十年前之售價未及五元今年要售七元四角可見此處米之缺乏故由長江之米運來不少以補此處之不足暹羅米之進口亦頗多也查於商務最有關係者莫如銀價之跌落未幾時每兩規銀合金鎊已過三十本土現在落至二十五本土聞得尤有再跌之兆推原其故有二一因印度農家有歲收歉薄之慮印度政府向時用銀極廣現爲歲荒所用紙幣未見暢行以致印政府未便多儲現銀一因美國銀根吃緊爲商賈者不能屯積各貨祇得速行銷售不得待善價而沽耳憶曩時銀價之跌落有關乎半地球之貿易目下僅中國通用銀兩維有關係中國之貿易故在中國爲商者於銀價之跌其關係亦非淺矣今年中西人等皆有疾病於夏季華人霍亂流行因此而病亡者亦復不少緣天時久晴其病更甚也

一本關稅課本年共徵關平銀六十八萬六千四百六十六兩各項稅款均見加增較上年多九萬六千一百十九兩進口稅除洋藥稅外增二萬一千三百四十九兩出口稅增五萬八千兩內地稅增八千

一百二十兩洋藥稅釐共收關平銀十六萬八百四十二兩去年收十五萬五千二百十兩噸鈔今年共收一萬一千四百三十七兩向未見有若是之起色也

一外洋進口貿易洋貨估值關平銀五百二十六萬餘兩較上年加二百萬兩由外洋直運而來近年間貿易甚爲推廣大半從香港呂宋運來之糖漸見加多若進口車糖計其大宗行銷在紹興相近九縣地方本年進口估值約有一百萬兩呂宋青白糖兩種行銷在錢塘江之上數縣估值與車糖相去無幾至於市價進貨者生意尙佳售出者亦均得利本年有數千担東洋印度美國棉花進口銷於本處紗廠其餘外洋進口各貨運至上海由上海轉運來甬種數無多惟錫較勝耳

出口土貨可不具論
復出口直運外洋之貨可不具論

一沿海貿易原出口之貨本年尙覺起色出口往中國各埠貨物價值共計關平銀八百九十二萬七千八百九十三兩較上年多二百二十餘萬兩所以加增者惟平水茶與棉花爲出口大宗故棉花之生意今年暢旺幸而收成尙豐否則有銷路而乏貨之慮本年出口共有十五萬四千七百四十八担上年十萬四千五百九十担近來棉花本省逐漸廣行種植在中國所出之上等棉花查浙江所出之花亦在其列若論平水茶本年共出口十萬五千八百三十六担去年八萬二千八百二十担聞爲茶商者未能多沾利益皆緣茶色未能奪目之故聞收成則尙佳也他如捕螟蝻者據云尙稱得利以百分計之今年出口要加二十五分之譜自舟山帆船直裝上海以及長江一帶爲數亦仍不少今年草帽生意頗巨運往法美兩國約有六百萬頂值關平銀七萬兩從本口裝載上海再由上海轉運本年機

器棉紗由本處兩紗廠所出共有五千三百九十五担出口較往年亦加多其餘出口各貨不足具論復出口之貨洋貨價值關平銀八萬一千八十八兩土貨十九萬四千一百八十九兩復出口往上海及温州之大宗貨物惟靛青苧蔴藥材而已復進口各貨核其淨值計關平銀一千七十四萬五百四兩較上年總數以百分計之約多二十分其中七百二十五萬五千五百七十五兩皆由上海運來之洋貨尤有土貨估值關平銀三百四十八萬四千九百二十九兩大約各色棉疋頭貨均有加增惟美國粗斜紋布僅見減少絨疋頭貨亦稍形損色煤油一業日見興隆本年進口數目有二百七十七萬加倫內有美國油一百六十六萬二千四百加倫蘇門答臘油一百十萬七千六百加倫麪粉進口之數漸見增多或者因天旱收成歉少之故亦未可知上年米三萬七千一百七十三担本年有九萬一千八百五十二担查其麪粉之作用大都用於糕餅及麪本口上下銷路亦甚廣也

一內地運入本年共值關平銀一百七十四萬四千六百五十九兩大宗貨物如印度棉紗原布白布海帶與糖給發運入單共計二萬四千一百二十五張收稅銀三萬九千八十八兩運出內地單共給發二十張計估值關平銀二千九百六十四兩

一船隻數目兼噸位均較上年見增進出總數本年一千五百三十八隻噸位一百七十三萬一千二百四十五噸去年進出船隻一千二百五十九隻噸位一百二十二萬六千二百七十三噸內港行輪本年進出四千二百九十八隻

一旅客本年觀旅客表數目大見加多在通商口岸往來者較多於內地本年出口旅客共有二十六萬

一千四百六十一人進口者有二十四萬六千六百八十一人由上海往來者居多船上水脚如前兩年便宜時相等乘內港輪船往內地者有二十六萬一千五十四人來由內港者有二十七萬四千二百六十八人

一金銀本年進出金銀無甚調動銀元進口共值關平銀二百七十二萬六千六百五十六兩出口二百二十一萬九百八十七兩本年並無金進出今年洋銀一元易銅元一百零六枚至一百十二枚
一藥土進口洋藥各種共約較上年多四十四担白皮土進口去年一千三百五十担今年有一千三百九十担較去年加增公班土去年四十七担今年六十六担喇庄土去年二十二担今年七担

茲將近來五年洋藥進口總數列左

光緒二十九年

二千一百七十七担

光緒三十年

二千二百九担

光緒三十一年

一千八百十四担

光緒三十二年

一千四百十九担

光緒三十三年

一千四百六十三担

土藥進口去年一百六十担今年一百七十九担每担估值關平銀三百九十兩

一雜論本年皂燭廠房屋告竣業已開工揆其情形尙覺生色猶擬造一自來火廠股分還未招足兩紗廠之生意尙未見佳麪粉廠現尤停工他如郵政局漸次推廣在各緊要區邑所出滙票日見加增人

民早有希望滙票通行之意故現在所出滙票咸皆歡悅但郵局之開銷有所入不敷所出之慮察現時情形或者可望明年生意發達以補苴也查巡捕房設立約有四十年其經費向由道署給發目下辦公尙覺順手所惜者督捕華生年老作古自設立捕房以來督捕之事惟華生一人任之至今去世殊爲感悼今年城中遭回祿之家層見疊出據外國保險行所付出之賠款約有十三萬兩故近來保險賠款章程愈覺嚴加詳細也

光緒三十四年

月

日

三品銜雙龍二等第三寶星浙海關稅務司辛盛呈報

光緒三十三年溫州口華洋貿易情形論畧

竊查本口貿易情形本年商務極形蕭索各項生意通年疲滯如在幽暗困頓之中無一起色之時其衰落之由未嘗不因上年荒歉積困未蘇所致然大半亦因外埠市面跌落而本地米貴民食不敷亦爲剝損元氣之一端幾幾乎有一蹶難振之象當八九月間久旱無雨晚稻番薯俱歉收人心徬徨已不免有缺乏之慮而農民舖戶尤以收成減色藉口似亦言之過甚也早稻登場米價每百斤已跌至鷹洋四元旋即漲加五角迨至年終上游一帶及內河各處水道淺涸往來販運遂爲之不通加以天時亢燥釀成災疫霍亂吐瀉痢疾盛行內地鄉人咸畏懼不敢來城交易各項生意因之愈形清淡有此種種現象商務不免受其影響各商業以市面如此貨到恐未必能暢行銷售於大宗貨物不敢寬辦進口惟減少之聊敷門面足應買戶而已閭閻景象迄今未見復元而人民生計亦似困乏未甦也

一本關稅課本年共征關平銀五萬八百九十三兩比之上年約短一萬兩所少者爲出口茶葉煙葉及進口洋藥稅釐而已

一 外洋貿易進口無論

出口往年煙葉往臺灣多運由上海轉載輪船而往近因該處專利概不准民船運進本年底有東洋商輪來溫裝載出口直放臺灣或者將來採購積聚全數由此運往

一 沿海貿易本年出口生意稍減色所減少皆大宗貴重之貨其價低者出數且多雖然大宗減少亦不過暫時而已或終有恢復之望出口茶仍不旺本年計一萬五千二十七担比之去年少三千四十四

担每百分約短十七分本年所出之茶色味俱佳高出曩年之上有數種極爲出色此固留心種植焙製得法之明証內有一種在溫每担已值六十兩上海可售百兩可見果有佳品不難得諸善價惜乎初採摘時上市不多及銷場起色欲多採而爲時過遲葉已老矣頭茶色香味厚二茶亦勝於往年惟頭茶運出不得善價商人頗爲失望未幾幸市價漸高獲沾餘利差可以補回近年之虧折於是商情一振有踴躍趨前之象明年茶棧之添設當可拭目視之出口茶之外以煙葉爲一大宗本年出口比之去年每百分少五十八分有餘向來行銷於臺灣者約有大半年停滯不行迨至年終始稍鬆動本年柑子收成雖豐奈以少雨受損質小而弱又因北方銀根緊促市面爲之牽累出口之數因而減色也輕木板本年生意極形暢旺出口計四兆半丁方尺爲從來未有多雨傘上年底存貨多以待價大都運往北方銷售惟製造粗劣聲名敗壞不獨見絀於漢口工良質美之紙傘且更不能與日本利便適用之布傘並駕爭衡此一宗土產生意利權遂爲外埠攘奪矣

復進口洋貨本年進貨估值關平銀八十五萬兩較之去年每百分短十八分其所短者非祇一類如洋布羽絨五金等類皆爲素所進口最要之大宗卽此可見本埠之衰落情形本年煤油進口計六十一萬一千八百七十加倫比上年畧少本年存貨無多商人頗獲微利荷油進口比上年少三十萬加倫雖素爲人所喜用惟上年市上已見有賓厘奧油本年進口二十五萬五千九百加倫生意不無侵奪俄油則絕無進口

復進口土貨生意尙稱暢旺以土棉紗爲最本年進口計六千七百五十八担內有五千餘担係甯波機器廠所製價廉物美人爭購之以致上海棉紗生意爲其所抑上海機器麪粉本年進口計一萬三

千三百四十四担估值關平銀四萬八千八百六十兩人多通用以爲米糧

一內地稅則本年生意似稍起色惟以去年上游之西內地一帶地方饑饉元氣未紓必待休養還原始有進境之望

一船隻本埠與上海來往輪船惟招商局一家自上年以來行駛加班尤以今年爲盛常川有船二隻往來約大半年之久並非因客貨擁擠急需裝載起見實則防別船攬奪預爲抵制之計也本年十二月間大阪公司徑放輪船來專載煙葉直往臺灣本年內地添設小輪船一隻遵照內港行輪章程請領專照行駛於温州瑞安逐日往來期程穩速人皆欣然稱便

一旅客無論

一金銀無論

一藥土洋藥無論

土藥附近各處種植嬰粟未見減少本年收成極豐土藥出口計十二担八十四斤估值關平銀六千四百六十九兩土漿出口六十二担七十五斤估值關平銀三萬一千六百十三兩

一雜論無論

光緒三十四年

正月

二十七日

四品銜署理甌海關稅務司穆厚達呈報

光緒三十三年三都澳口華洋貿易情形論畧

竊查本年貿易情形開春伊始頗覺不滿人意前秋禾稼歉收糧價異常騰貴商賈場中因而頓形減色蓋福甯一帶多以耕種爲業其景象之盛衰與夫購買之權力專視田園之豐歉以及糧米之低昂蓋本處一帶人民之產平時亦僅堪自給使昊天不弔降以饑荒則顛沛流離將有不堪設想者矣所幸夏秋米穀登場尙稱大有而薯米之豐收尤覺出人意表則本年之岌岌商情蹶而復起者實出穀神之賜也統觀一年之景象尙無不愜人心雖貨價微絀而稅課竟徵收至關平銀十四萬二千八百十五兩自光緒二十五年三都開埠以來實堪首屈一指也茶市尙稱興旺貨主中人均多獲利聞閩省所產茶葉以本澳附近坦洋所出一種紅茶之香味爲稍似錫蘭之茶想茶季中坦洋之茶尤形銷暢者或職是故也前論所稱沙埕開埠攘白琳出口之茶而阻本口之進步者今似有興復之象矣去年以前白琳茶葉均迂道三都轉運出口本年間由沙埕直運省垣者計共二萬五千餘担前此本口商務之最爲缺限者以限制於茶葉一宗今則附近各處以竹膜製造海紙運輪出口逐漸增多將亦爲巨宗貨物誠堪慶幸海紙前由帆船裝運出口者極多三年來始有裝輪船而外運者雖然海紙出口之增多非關於改由輪運也請徵之於下列之比較表

光緒三十一年	海紙裝輪船出口三千二百餘担	裝帆船出口四萬一千八百餘担
三十二年	海紙裝輪船出口四千四百餘担	裝帆船出口三萬一千二百餘担
三十三年	海紙裝輪船出口一萬七千八百餘担	裝帆船出口三萬六千二百餘担

至本口常關之貨價本年僅估值關平銀二百四萬九千九百二十兩較之上年計短四十萬兩亦因糧食缺乏之故也米價之貴固無論矣賤如薯米本處之居民大半藉以餬口者價亦倍蓰嗟彼小民方果腹之維艱豈有餘力以購買他物哉此常關進口之巨宗貨物如鹽魚土布兩項所以均大形短絀也

一 本關稅課本年共徵關平銀十四萬二千八百十五兩光緒三十一年本關稅課爲開埠以來之巨擘而本年較之尙長一千六百兩各項稅鈔均有微增而占最多數者仍爲出口茶稅也

一 外洋貿易進出口貨色無

一 沿海貿易原出口之貨本年出口貨價共估值關平銀二百二十萬一千三十八兩其中二百一十一萬四千四百六十兩係出口茶葉之價值以百分計之實占九十六分紅茶較上年多增二千六百四十担綠茶一項昔之年盛一年蒸蒸日上者本年忽然中蹶計上年共運出綠茶七萬担本年僅六萬四千担想因紅茶價昂故綠茶之製造見少也來春三都茶市之優劣際此中國茶業搖移之日固不敢預言然無論後此之情勢如何而本口所產之茶尙無衰微之朕兆也海紙增多已見論首不再贅述茶油一項輪運已停五年本年復有六百六十五担由本口裝輪而去此貨之銷場日盛觀於常關之貨冊而知之計光緒二十八年茶油由帆船出口者僅四千八百餘担本年則增至七千九百餘担本年樟腦由本關報運出口者共五十四担樟油五十八担此外樟腦之裝帆船由常關報運出口者計一千二百七十七担惟閩省樟腦似此源源外運不加意種植窮竭之期會當不遠矣常關出口貨之巨宗者如火柴十三萬六千担山羊五萬七千一百八十頭粗碗九萬三千三百担黑糖一萬九千担鮮

蠟四萬八千三百担蠟苗蠟種共二萬八千担種蠟一藝爲本澳昌盛之業其法以竹枝上插蠟苗待時而置諸海灘最相宜之處長成之時極爲名品稱爲福州蠟或亦名竹蠟也澳之東北隅海灘中產蠟苗無數漁民插以竹枝裝運出口以備沿海他處購種澳西各鄉亦有培種蠟蠟兩項者復出口之貨無

復進口之貨本關華洋貨物進口價值上年共估關平銀五萬二千三百兩本年則增至七萬四千八百三十兩洋貨中以煤油自來火兩宗增數最鉅計進口煤油共四萬四千一百五十加倫估值關平銀六千一百九十五兩自來火共八千三百各羅斯估值關平銀二千七十五兩其餘麵粉共一千九十担估值關平銀三千一百七十兩洋糖共七百担估值關平銀三千八百六十五兩布疋共估值關平銀八千二百六十八兩棉紗共二百九十担估值關平銀七千一百五十九兩鉛條共七百担估值關平銀五千二百六十九兩黃豆共九百担估值關平銀三千一百十五兩常關貨冊進口洋紗二百二十担洋土各布一百七萬五千餘疋黃豆一萬五千三百餘担各樣鹽魚十二萬餘担日本自來火二萬八千三百各羅斯煤油二十四萬八千八百餘加倫此係進口大宗其餘猶有零碎各貨茲不具列

一內地稅則洋貨入內地本年共給發運照八十二張貨價共估值關平銀二萬一千四十兩較之上年計多四千四百六十兩其由閩海關請領運照裝帆船運入本屬內地之貨不在此列
土貨出內地無

一船隻本年船隻噸數遠駕往年之上進出口輪船共二百九十八隻計重十萬六千八百餘噸此外更

挂日本國旗之小帆船一艘重二十四噸於春間起載貨來往省澳英商義和洋行之快捷小輪船名甘露者駛於福州三都之輪線已歷數年至本年四月底即撤回殊堪惋惜蓋此輪船內艙寬敞又以入水甚淺之故尤宜於此處行駛也茶季後中國輪船名江門者重一百六十噸定期每星期三離省來都每星期六離都赴省本口冬間需用各物均賴接濟該船按期來往毫無遲誤如此有信其生意久久當可興旺云

一 旅客本年華人來者共五千八百餘人去者三千三百餘人

一 金銀無庸具論

一 藥土無

一 雜論本年承福州中國電報總局之盛意時以上海香港小呂宋各天文臺所頒之緊要颶風警報電致本關二月間英國水師提督穆軍門巡弋到埠英國魚雷艦隊六艘於三月間前來本口七月間又復來埠停泊十日而去計本年各國軍艦進三都澳者共二十艘其中以英國頭等巡洋艦蒙木得爲歷來進本澳船隻之最巨者附近西洋七星兩島本年興建鐙塔竣工之時船隻黑夜行駛當深得其指南澳口河極礁礁上於十月間暨一望竿春潮最高之時離水可十二尺船隻駛進本口以至該處可一望而知所趨避本口郵政之進步仍遠駕於上年計上年共收發郵件十七萬七千餘封本年則增至二十三萬一千五百八十封本年本埠尙無傳染時疫之患惟有熱症兩宗其一竟至斃命秋間華人中患瘡者頗多惟寥寥洋人之旅體均見異常安適云

光緒三十四年

二月

初八日

四品銜福海關署稅務司甘福履呈報

光緒三十三年福州口華洋貿易情形論畧

竊查本口貿易情形以是年進出貨物之淨值估計比去年多出二百二十五萬兩其增多之故一因洋麵粉進口極盛第此麵粉惜適爲免稅貨物再則因是年茶價較高所致耳下半年內出口之茶更勝於往屆因而出口稅項亦獲多征至觀本口常關冊報數目覺是年華船貿易實屬頓形減色計進口貨價較上年短少關平銀五十萬兩出口者短少一百三十萬兩二共短少一百八十萬兩之多考查銅幣大臣陳欽憲鑒於仲春月之二十二日蒞閩經將本口銅元局三處辦理情形與及出入款項一併澈查明晰旋知馬道景融於經辦船政銅幣一局確有虧蝕情事故特奏叅革職傳聞馬革道所短數目竟不下三十萬兩之鉅云而本省銅元局三處於是乎改歸北京政府節制焉陳欽憲迨又以整頓海關稅務以裨財政一摺奏聞奉傳嘉納着將閩海關改歸閩浙總督兼管松制軍壽乃於六月二十二日接辦監督洋常各關一切事務但向來閩海關之爲歷前任將軍管理者又奚止二百年於茲耶是年夏季內附近本口各處時疫流行南台一帶尤以洋人居住處所之左右民人死亡爲更衆禾稻登場早造尙稱豐稔手胼足胝者流無不願慰箠車所惜秋季內天氣苦旱以致晚造收成殊形歉薄省垣城廂內外抽收舖捐一項今由商務局承辦卽以捐欸餘貲設立工藝局一所於城內之南營地方其中收到學徒百六十人每日下半午教以製作竹器皮器漆器各工藝上半午則在該局內附設之半日學堂肄習書字是歲復有華人在城內創設一電話公司倘欲安置線管通傳話語則每戶每月應收費洋五元云

一本關稅課進口正稅及復進口半稅洋藥稅釐等項俱形減縮併而計之實緹徵關平銀三萬一千七百九十六兩第以出口稅及子口稅船鈔三項數目統計則反溢徵銀三萬三千二百十兩通盤核算仍覺較之上年盈銀一千四百十四兩至論本口常關所徵各項稅課比較上年竟緹庫平銀三萬八千餘兩之多其中僅以紙木二宗之稅而計已短收銀一萬三千餘兩矣

一外洋貿易進口洋貨由外洋運來者共估值關平銀六百七十餘萬兩其中計由英國商輪運進者居百成中之五十九成八六由日本商輪運進者居三成零九八餘由他國商輪運進者祇居百成中之九成一六耳總而計之實較上年多值銀四十四萬餘兩其由通商口岸前來洋貨大都皆由上海轉運而至共值關平銀一百二十萬兩較之上屆僅緹銀六萬四千餘兩洋布疋頭類進口數目覺更有日趨於下之勢考上屆年終之際曾有本口華商行舖數家先後閉歇因而銀根甚緊所有辦運洋貨進口商客若非籌備現銀匯付與香港之代理人則未能有貨運交來閩標布進口僅有八萬三千八百餘疋歷觀十年以來數目尤當以此為最緹蓋標布銷場素廣則緣有茶客往往購赴上游各茶山地方以便遇有陰雨時節卽用以袋裝茶葉慎益加防莫免潮變孰知本屆天氣於茶造收成之下却皆晴霽未已大可無需乎此推原標布入口之短或亦職是故耳綜觀洋布疋頭一項貿易率皆未見佳勝迨年底間有業此之大店號多家意欲沽楚其所存底貨於是廣貼減價告白莫資招徠棉紗客商失意更甚每包虧折價銀十五元至二十元不等造幣閩廠自隸度支部管轄以後於六月二十日始行開鑄先後運到紫銅錠四千二十四担截至年終止計共鑄出銅元一種行用於市者實有三千二百九十四萬七千餘枚各種銀元自上年起業已停鑄但市上所用之一元洋銀概皆爛板者居

多若能加鑄一元光銀使之廣爲流通則不獨利便商場抑且有裨財政臺灣煤入口極少殆由船政船廠暫停工作而銅元各局又停鑄於先此外復因本口製造茶磚行兩家生理極形疲敝是以購用之煤均屬無多赤糖較上年絀至一萬八千四百餘担緣興化府屬出產板糖甚豐而售價又較赤糖每担可低賤二元云紙捲煙一物邇來華人甚喜吸食由是陳售此項紙煙者城內外及南臺各處幾於觸目皆是鹹魚魚乾較上年多六千餘担其中有青鱗魚一種大半均由日本運來其味畧鹹亦頗可口中西之人皆無不合於購食各類煤油較去年約增二十九萬五千加倫前此曾有人擬創一電燈公司不意認股諸人忽皆撤退致令斯舉終成畫餅推究其情則因所定價目每電光燈一盞每月須納費洋一元六角是以各舖戶人家均嫌其過貴倒不若仍用煤油燈之爲價廉而且或由此室移至彼室更可便於取携也

出口土貨溯上年八九月之間日本政府曾在臺灣頒行新訂入口稅則以致本口與臺島往來貿易頗稱窒碍據商家相告謂其所收貨稅之重實有無與比倫者迨是屆下半年始將此重斂量爲減汰然而由本口運往貨物依舊裹足不前再論其稅則之更張似尤與華船貿易大有牽掣推原本口常關冊報所載覺各項數目之短絀亦未始非因此耳業樟腦買賣之人是年無不虧累每担腦價由一百零四兩猝跌至五十六兩而猶未止有囤積樟腦冀圖居奇之行棧多家至此已相繼倒閉然觀近數年以來樟腦出口之盛却尤以本屆爲首屈一指第其所多之數則皆在尙未跌價以前業已定購者出口木箱板及杉木類亦較減色是歲橘子甚稱成熟運赴上海銷售者踴躍異常本屆茶市於四月初十日開盤統觀全局中外商人之業茶者大都皆稱順遂近年以來福州茶務情形幾已一蹶不

振矣但以是屆出口數目而論似乎尙可有復甦之望工夫茶比上年爲勝品質當亦較美上品之茶若以銀兩計價雖較便宜無如金鎊價高不得不加其成本以致外洋銷路爲之壅塞猶幸邵武產工夫茶人多爭購尙不至過憂疲滯歐西各處市面間因各類中等茶存貨無幾是以本屆內之中等茶聲價頓高趕先運到者大概皆有可圖惟值年底之際則又覺其貨已形充斥矣先因其存貨稀短故又甚多定購茶片茶末以往者本年十二閱月之內造出茶磚甚夥意以爲此項片末勢將過問無人今乃有大幫運出歐西之事豈非業茶華客之一大救援乎即販運片末出口之商初時亦無不願以償倘使此種中等茶出口果能日形暢旺固誠堪以額手稱慶而抑知外洋所銷流者本當以中華極上品之茶爲最合宜彼等有華茶總會之設蓋原注意於此將來值外洋各處茶市大開若見其所陳售者悉爲至劣等之品與及福州裝粗茶充塞於市殊恐於福州茶務貿易仍未必有奮興之機福州所製茶磚因攙和雜質太多致腐敗之名遺臭遍於西伯利亞及俄國全境故是屆所用磚茶率皆改赴九江漢口兩處定購所有本口製造茶磚行兩家於此竟得以優游閒在矣頭春小種茶出產較遜於上年其貨既未見精美復兼匯水高昂當開盤時以銀兩計算其價值却又與上屆不相上下或更有過之故首先運往者罔不虧折甚鉅嗣因按貨之高下分別劃定一售賣實價於是乎購運出口各商方能稍稱其願卽次等小種茶生理亦因而加增該貨竟無餘剩其情形蓋猶之以上所論中等茶之缺少耳白毫茶比較上年無甚軒輊價亦平穩買者賣者均能獲利是年烏龍茶出數視上年僅得其半若比之前年則更祇少至四分之一雖然如是而其貨猶相懸以待覓售無從幸而秋季內匯水驟落始得有轉機之象烏龍茶客至此非惟免於坐困且有贏餘不至如前兩屆之虧折無窮

已福州烏龍茶在美洲合衆國行銷數目似已日見短縮恐他日者不難有屏絕之慮華茶總會始創在英京倫敦本口於是屆茶市開盤之先亦設一福建支會考其立會之意蓋擬籌備經費專在外洋各處市場刊行告白揄揚華茶之有益而適於用冀廣銷流所有會內籌捐之法係每二五箱箱茶定抽仙士一枚半卽制錢十五文而又以三股勻攤計由洋商暨洋行買辦與及華人茶棧各自認捐一分本口茶務敗壞卒未能令人稍愜於懷者於茲有年矣今該會之設甚願其得以挽回沉痾使此項貿易復有大爲振興之日是又宇內所仰望非獨私心頌禱已也

復出口洋貨無甚可紀

一沿海貿易原出口之貨茶磚運往上海轉赴俄國者歷年來當以是屆爲最少其故已畧載於前節中而尤爲最要者則在本口有製造茶磚之某華商行曾於前數屆將劣等磚茶寄往售賣致使銷路爲之封閉斯誠無可疑義者要之該華商豈不能加意改良力圖振作若僅貪目前之利竟將所製茶磚任情攙雜不顧將來誰不謂其非自敗之道耶華人辦運花香茶往北方各省者數亦較細緣是年所用薰茶之花甚形稀罕故耳上等紙出口之數視上年不相上下近查有日本紙一種紙面光滑似特造成專銷售於中華者價廉而物美是以人多購作印書寫字等用福州紙於此勢不得不減價求沽冀與之爭道而馳再則若論報經常關出口土貨中其最爲短絀者則亦在下等紙一宗估計價值實較上年短少關平銀一百十萬兩之多據商家所稱謂此種下等紙曩者人皆取以作紙箔焚化祀神之用自北方擾攘而後各該省民人之媚信神佛者漸覺改其俗尙因而紙類貿易竟不克如前此之暢旺云非惟此也蓋出口紙之少其實亦緣東三省各處元氣未充貿易情形尙未能復其舊觀况兼

前去兩年出口之數又誠過多以致市面間猶形壅滯耳出口杉木類其數雖視上年無甚差別第其貨較次且材質短小是以值價低微推至於稅收數目亦不得不因而減絀矣

復出口之貨不足具論

復進口之貨是年內福州米價飛騰卽日用所需亦無一不稱昂貴閩閩間困苦時形以致入口貨物鮮不銷售孔艱洋布疋頭類由上海轉運入口者數亦減縮細測其原蓋亦猶由香港來貨之短絀耳該詳情已論載於前幅中米糧由長江來者本屆內顆粒全無然由香港及西貢運入之米則有二十三萬七千餘担洋麵粉進口尤覺日增月盛業此之人均能獲利本年計有二十五萬四千餘担上年則祇九萬六千餘担至土貨內之大宗者是年報經常關入口數目無一不見減少麥子從前運進之數極多邇以茶務生理不前故植茶地方如福安等處已多有改而種麥者無如刈穫未豐仍未克足於用耳甯波上海兩處所出土布運至本口銷售未見合算而本地用洋紗織成之棉布一宗售價較爲便宜是以人多購置荳餅由北方運來成本未免畧重故向來有用作種蔗田料者今則改以本處所出蠶荳代之

一內地稅則是年洋貨入內地領子口半稅運單而往者估值關平銀五十三萬八千餘兩較上年盈銀四萬兩有奇此外尙有中國機製棉紗共值銀六萬五千九百餘兩未計在此數之內

土貨出內地樟腦一宗由內地辦運至福州出口者是年竟漲至五千一百九十三担之多實較上屆倍增其數

一船隻統計是年噸數甚覺加增而尤以郵船駛經本口裝運茶葉往外洋隻數爲更多於以見茶務之

進境足有明證也是歲日本商三井行曾有三五號輪船裝運洋米入口此外更兼有懸挂日本旗新造帆船數艘常川由閩往來臺灣各口貿易是以日本商船所占噸數亦見增多本省沙埕一處近浙閩交界間茶葉懋遷至省是爲咽喉要隘上年春間已闢作內港商埠准由福州行輪往來但該處附近一帶輸出之茶從前則皆係由沙埕僱用夫役肩負至三都澳然後方能轉運到省今者航路既通固於地方大有裨益卽各商家亦皆蓄想既久望其事之速成也邇有燃用煤油小電船二隻行駛於閩江口內專載搭客由福州來往水口二處此種船隻猶爲本口所創見然如閩江河道之淺水溜之急原當以此電船最爲適用度其於開行之下必可勝算獨操將來風氣或更不難爲之一轉

一 旅客並無可載之事

一金銀銅元一種是年載赴廈門者計共值銀五千兩並有運往之一元洋銀雖多係已經鑿印然却未成爛板者卽俗呼爲好洋錢計共值銀一百七十五萬餘兩之多前項銀銅各元聞皆用作建築漳廈鐵路支發工人工食所需查此路之興辦係擬由廈門至漳州外一面並又接築一路沿泉州興化瑋頭以達福州但其所經各處均爲濱海要區早已有小輪船與及渡船等項絡繹行駛將來此路之成是否果能操奇計贏則又誠難預料耳

一 藥土各類洋藥進口較上年共少一百六十八担卽土藥亦短三百七十二担之多是歲地方官於禁煙一事頗爲實力舉行而鄉紳士庶亦並集建公會名之曰去毒社由福州展及於各城鄉市鎮皆特設有戒煙局分頭勸戒不遺餘力推藥土銷場之頓減殆未始非影響於此也嘗思嗜食鴉片之流年輕而志銳者大概皆不難於戒革第恐貪溺愈久沉痾愈深或終未甘斷絕宿癮誕登彼岸而抑知戒

之之法要亦無他若果此心能以堅忍不搖豈其永無脫離苦海之一日

一雜論本省領海界內之西洋島及內七星兩處隸福甯府屬前擬在該二島各設燈塔一座茲已於本年經營建造海關巡船名專條者其管駕官夏立師曾於上年奉飭來閩測量河道當時已由閩江口外之海口起至羅星塔止詳細測量一次是屆秋季又續由羅星塔起點一路測量至福州南台現考得馬江港口雖一望汪洋面積甚闊然而就其淺矣其中竟不能使船隻得以作中流之容與者已居四分之三餘可用以停泊處已屬無幾猶且紆洄曲折非熟諳港內水勢及小心駕駛者未易於此下旋船政衙門之對面江中昔時本有攔江沙一道然在此沙洲以內船廠以前大艘輪船尚可轉捩自如茲則滄桑變易該沙洲又已升漲勢將與船廠相逼近大船既不能盤旋無碍抑亦未能灣靠碼頭焉流沙之爲患日積而月累每見其隨潮湧至急不可遏遂使船塢塢口亦竟全被封塞爲目前計苟能設法將林浦江沉石一概遷除俾無阻礙則或者船政船塢面前當亦可稍冀疏通况林浦沉石處積沙之巨一至潮退時縱係小輪船亦多不能直駛而過是尤與船舶貿易有妨所以起撈沉石一舉實爲最要之圖無如工程浩大經費難籌至今仍祇徒託空言誠爲憾事耳美孚洋行擬在馬尾附近羅星塔海關處建立煤油池一所業經興工起築但天祥洋行代理之蘭格煤油公司亦曾建有油池於該處之左近已數年於茲矣本口郵政事務辨理愈臻妥協是年內又添開內地分局一處及代辦郵政舖商五家綜計所轄各郵政分局郵政代辦及信櫃等此時已有一百三十六處其中兼理匯兌銀票者則有二十四處僅就福州一口而言其收寄信件與售賣郵票處則共分爲五十一站每日分別派送信件計由六次至八次不等是歲售出郵票總數較上屆增多百成中之二十所辦匯兌銀票

尤覺日上蒸蒸本屆發出匯票計洋銀二十二萬九千八十五元收入匯票計二十四萬二千八百六十四元夫以出入匯項竟能有此鉅數則郵政官局之足爲遐邇交孚也於斯益見統共各項郵件收發之數上年祇有二百七十萬八千餘件本屆驟增至三百二十三萬九千八百餘件卽贏五分之一包裹一類是年計共有六萬三千二百餘件上年則祇五萬六千二百餘件各家民信局領有掛號執據者均仍照常開設但由各該民局交寄總包之信是年約已少去七千件福州口所領郵界已於今年四月間特派有郵政司專管一切郵政事宜可無煩稅務司兼攝矣

光緒三十四年

正月

三十

日三品銜閩海關稅務司孟家美呈報

光緒三十三年廈門口華洋貿易情形論畧

竊查本口本年貿易台茶一項已至末路核計上年由廈轉運出口者尙將及半而本年只得十二分之一來歲或至江河日下也茶以外貿易情形不過如常早稻得場雨應時頗稱豐稔晚稻因天時亢旱不無損得全年扯算未得爲佳南安惠安二縣鄉民相鬪貿易受累靡淺雖運道未梗仍不免田野荒蕪生意冷淡也年內買賣多屬滯消獲利稀薄錢莊倒閉者亦有三兩家綜核全年進出口貨價共值關平銀一千八百八十三萬六千餘兩較上年約少百萬之數但除復出口貨值外其淨數較上年畧勝一籌此或由年內銀貴之日居多至九月驟然降跌以致進口洋貨價賤也其實全年貿易復出口茶不計外多年無甚差別也至日後之期望其在本年創始之各事乎創始之件以現正築造之福建鐵路漳廈一段者爲最要此段與將來續造之漳泉一段共招股本銀六百萬元每股五元第一期先交一元業已收楚治理各事有總理一人協理二人董事八人多屬本地與南洋附股富商與坐辦一人也所有倡始經營者皆屬閩人則此路欲歸全閩自可不言而喻矣路線起點在廈一面則自鼓浪嶼西邊對岸之嵩嶼始與三達火油公司之油池相鄰自五月興工至年底已有十五里完竣光緒三十五年春間全段或可告成路線沿漳州溪流北岸經寨前海滄石尾從江東橋近處過北溪以訖漳州府城東門爲止共長九十里約分五站惟購地不易路線過處仍未實定也工程無甚艱難最要者獨有過北溪之橋耳全工皆華人自造其工程司籍隸福州學自法國所需鐵軌購於漢陽鐵廠枕木購之日本其餘材料則擇其價廉物美者購於歐美各處嵩嶼與廈門擬設小輪船往來以便轉運此段路雖不

長乃上年論畧所指福建路全盤計畫之一現在試辦甚力惟望成效昭著俾股本招足以竟全路之工也其次則開探安溪各礦乃華人合股試辦共集本銀二百萬元已蒙農工商部批准開辦旋於九月間先往勘驗見准開之地煤鐵甚富亦有鉛與石灰似此景象料當不虛所望且謂已聘得外洋礦師掌理探採各事惟聞新定礦章或恐不能無碍致於廢置也事雖如此但閩省南方礦藏之富厚可無疑義前有美國礦師驗得該地磁鐵滿山有三里餘長一里餘濶約計有一千萬噸之多亦有石灰鉛硫磺磁礬光錳礦而錒礦之佳者與筆鉛礦且攜至本口惟冀試辦採取此地內之財寶者無所阻碍爲幸耳蓋其地久已荒廢今正可藉此而闢爲興盛之途也次則電話在廈門亦屬始創而有益者其本銀八千元出自本地大紳林爾嘉業經閩浙總督批准設立凡欲安設者每副器具須年納四十八元已註冊者今約百家一概工程皆甯波人承辦亦如車路之全屬華人也廈地各煙館皆於五月初九日遵依諭旨閉歇地方官紳查禁甚力並有搗毀煙具各物迨十月間開設戒煙會社吸煙者多有具結取藥歸家服食或在社內戒除如病人之入醫院受治者

一本關稅課本年共徵關平銀八十八萬七千餘兩較上年增一萬六千餘兩光緒三十年以來以此爲最所增者多屬洋藥稅釐然進出口稅亦頗有盈惟復進口半稅與子口稅則銳減年內銀價多高進口稅固受其益而出口沿海貿易亦較上年爲盛洋藥稅釐共收關平銀四十二萬五千餘兩約居全稅百分之四十八本口稅課所不致大絀者多藉乎此也台茶並不納稅所失祇在大茶船之鈔耳苟洋藥稅釐或有變動之處廈門卽成爲稅課短少之口矣

一外洋貿易洋貨由外國與香港進口者共值關平銀一千一百二十二萬三千餘兩而上年則有一千

一百五十一萬八千餘兩本口所消洋貨價值之數無甚增減殊堪詫異歷年以來所增甚鮮其起落亦多緣匯水之高下而不關消場之盛衰也貨色之變更亦無足紀錄糧食緣本土少產進口頗多本年因有械鬪加以歉收較常更甚洋米進口已值關平銀一百六十六萬六千餘兩多運自暹羅安南而洋麪粉則值關平銀一百十六萬一千餘兩洋麥九千七百餘兩士巴利麵粉公司并三井洋行承辦之麵粉用大輪船直達廈門實爲創見上年荷屬糖貨進口稱盛本年未能繼續而爪窪來者各色皆短少獨白糖則上年祇二萬八千餘担本年增至五萬二千餘担

出口土貨往外洋本年共值關平銀一百九十二萬九千餘兩較上年略爲興旺出口貨色有限亦無新增之品糖貨畧勝於去年惟全年之數進口與出口相較約贏二萬担顯見糖務漸衰出口冰糖有用荷屬進口赤糖製造者但土糖較洋糖味厚本華人所喜用而購用洋糖者以其價賤耳

復出口洋貨足以感動於人者爲台茶到廈轉運之衰落也觀其數顯而易見上年往外洋與香港共值關平銀二百二十四萬四千餘兩回憶十餘年前如光緒二十年日本未得台灣廈門尙在興盛之時其數值五百萬兩以上本年則竟降至八十二萬餘兩由此觀之可知本口茶務之歷史矣照本口冊籍轉運外洋之茶二萬五千餘担其間直往或由香港轉往美國者居其半餘則往爪窪之包種也

一 沿海貿易無

一 內地稅則無

一 船隻本年進出口共八百五十七艘計一百二萬七千餘噸而上年則有八百六十五艘一百六萬餘噸所差之數無幾第大茶船既不到口恐將來愈形短絀也小輪出入之數自上年九千六百餘艘本

年降至九千二百餘艘惟噸數反增可見所用之船加大也向詢之大船商代表人據云本年因銀價之高中國沿海輪船貿易實較上年爲佳由廈門往北方各口之載資與上年無甚差別惟出口往山東天津與長江各口之貨多於上年百分之十五然返北之船向本無貨可以滿載尙不足以償煤費也消場之貨並無加入新品可使船務增盛鄙意除非本省礦務認真辦理且建有車路轉運所出各物則出口貨未能多所增益也十載之前廈門出口貨較之今日實多百分之三十而載價則倍於今日以此觀之船務景象雖不大壞亦覺不如矣

一 旅客本年出入之數共六十六萬三千九百餘名其中有洋人一千九百餘名由行走內地小輪來往鄰近各地者共五十萬五千八百餘名其新嘉坡一帶則去客有七萬三千一百餘名來客一萬六千九百餘名而上年去客共六萬七千五百餘名來客一萬四千四百餘名人謂該地客旺實由鉛與樹膠胡椒各貨漲價工作須人所致聞歲晚之時頗有變更來年光景恐不妙也

一金銀無

一 藥土本年進口洋藥共三千八百七十担除土藥進口無多之光緒二十三年與二十九年外自十九年以來以此爲冠蓋緣年內銀貴日多得此勝境可無疑義惟煙館已閉而有此結果頗足異也土藥本年自雲南四川江西運到者共一千八十餘担較上年少八百担其故半因洋藥進口更盛半因土產增多本土零賣每斤六元八至七元二而洋藥則每斤約九元年内本處土藥約有九千三百餘担一雜論無可紀載

光緒三十四年

二月

十五日

三等第一寶星三品銜廈門關稅務司包羅呈報

光緒三十三年汕頭口華洋貿易情形論畧

竊查是年有與本口商務關係之事其原有四一爲附近亂起其亂處離汕頭一百二十里二爲禾田早造歉收三爲本口兌匯時價大漲四爲舊屯之糖逼於賤價售運出口雖本埠所收之稅有贏而商務之底蘊究使人感慨繫之矣本年商務內容之苦實從來所未觀無論博有微利而無利者更不足言加以費用工資食物房租等皆臻昂貴因以銷磨耳有留心此者謂較數年前又已資斧過半矣叛亂起於饒平而突起黃岡爲最溯於華歷四月間卽有謠傳大亂出現於是奪踞黃岡城豎立僞旗汕間謠言四起人心異常戒嚴當廣州調兵未到之先惠潮嘉道及潮鎮均奉督院札速赴亂境以杜逆黨南下汕頭之勢賊隨逃散無遺查當時有拿獲匪徒責罪僞札並記號旗幟如求外人爲內應者但其起亂或過早耳同時北海及隣近地方之亂與本處激亂情形相符合似係同源而救平之後無繼起者蓋烏合附和不堪軍律且又無新式兵器故死灰不能復然也惠潮嘉道用和解方畧親去禁制其保存被誘鄉民生命財產當時大有一路福星萬家生佛之稱沈潮道之才幹當膺上位乃擢署藩司尙未蒞任竟因炎夏征役三月餘積勞成病以致不起當亂之際本口商家南洋華僑匯款率皆停止所有借款收回而銀則爭匯香港故使匯價陡高衆頗驚怯儲銀每日利息時價跌至週息四分以下而匯香港之費於九月間已漲至三分年終則匯價漸平至開年而價又昂查汕滙香港之費歷年無甚軒輊惟去年週歲多昂再加以本地銀市漲落無常實爲商務中一大棘手如以各處亂事解決之若不查訪當時米價如何釐稅如何恐難得其實情人情天下皆同麵貴則驚醒西國工人米賤則

中國人安樂本埠附近鄉村於前則旱不能耕後則苦雨禾稻淹壞揚子江之穀倉閉糶使米價陡漲在華歷三月蕪湖米自每百斤價四元七毫半漲至五元四毫在此月暹羅濱角之米每足担重自四元漲至四元八毫在華歷四五月西貢來米市價畧平此米按時價每担三元七毫八分至四元七毫五分在年底蕪湖之穀類按時價或三元九毫或四元七毫半而本地米則漲至五元之譜去年論畧所載開辦釐金一節查汕頭商家向有免釐報効銀五萬兩嗣因加增十萬兩會館咸不樂從致有改辦釐金之舉聞週年約抽十萬兩除經費外祇有七萬兩恐他日又當變計也秋間外國匯價忽落極為掣肘其著重處在用銀之國與用金本位之國其間直與賭局相似未免有虧累之害如定銀價實見其難欲援引金位之例行之則業銀者皆不樂在印度國既行有大益中國為自顧計遲速必須仿而行之如能實行則國計商場俱其裨益當銀市跌落適本埠付銀西貢濱角買米之時兼之滿州低色銀元又多數入口使銀市擾亂倍覺煩難此低色銀元多係吉林者海關銀號不用而在香港亦棄不流行似有設計強逼本地市面將吉林銀元與墨西哥香港日本及別樣足色銀元同價行用致令本埠足色銀元漲價貼水而用此舉目前經已失敗寫此冊時得悉將來銀市仍可如故然汕港匯費一時恐難復舊此項銀元今仍在本埠一帶減價銷流而內地則棄之若以之在本地買賣則又價賤於墨西哥及各足色銀元矣輿論咸以國家銀行不肯收受國家所鑄之銀元實令人莫解也然而於汕頭或有獲益焉糖之一宗本年極不愜意一担重之豆餅抵一担重之糖價值平均利益失甚查進口糖之多因本地製糖以洋糖攙和意圖色澤得善糖價弗跌本年初間會館力禁此習以冀內地製糖者須能潔淨製造如此謀畧不先討論奚能聯絡以致不成遂使糖價跌落而糖業亦停止進口

之糖數自然漸少然將來洋糖可知更興於中國在是年底業糖者屯積過多逼於賤價出售每担價銀四元半至五元二毫多消往揚子江因該處仍喜汕糖以洋糖之漲價而汕糖亦畧有起色是以見其暢消也西歷一千九百八年開年之際因洋糖仍有漲價之勢致土糖市面有復好之望本地糖每担價自七元半至九元以利益論皆云無利可獲如土糖所售價值須賣若干方能抵本此事尙未得其確情皆云汕糖祇宜揚子江一帶北地似喜洋糖糖業如此腐敗雖有官府出而勸工振興究未曾見其效果本口與台灣交易不佳其故半因西歷一千九百四年台用金價又關稅阻碍兼與日本商品爭衡所致姑以價值列目於左

西歷一千九百五年即華歷光緒三十一年

台灣來值銀五十五萬八千五百五十二兩

去台灣值銀十三萬二千十八兩

西歷一千九百六年即華歷光緒三十二年

台灣來值銀五十萬四千一百三十二兩

去台灣值銀十一萬六千六十一兩

西歷一千九百七年即華歷光緒三十三年

台灣來值銀四十三萬一千一百六十二兩

去台灣值銀九萬一千五百五十兩

或謂台灣政府現圖勸勉來往中國台商並行資助云

一本關稅課本年共征關平銀一百五十三萬八百五十一兩雖比去年多收關平銀一萬三千兩仍未滿意除出口稅及船鈔外各項稅款短絀其出口稅餉見多因屯積之糖虧本出售其船鈔則因南洋增多旅客生意而船故亦增多也

一外洋貿易本年進口貨值較之去年多有四百萬兩其所多之數未足爲美因春間內地荒象將成而此項貨值卽在米多進口之故本年入口之米有一百五十餘萬担而在西歷一千九百零六年則僅五萬担布疋一宗雖秋季有驟然復興之象而業此者知非佳境充切無市內地滯銷麵粉一宗比去年增多二十七萬四千担究其故亦因本處歉收聞香港磨房與美國所來麵粉相賽是以美貨得有微利於願亦足印度棉紗本年又受虧損進口之數雖多於光緒三十二年其故聞因香港商人有虧本出售以致華商多購者輿甯爲本埠棉紗商業一大消路傳說此項生理陸續有歇閉者夫棉紗用以織土布向日該埠工藝興旺土布爲出口大宗自日本棉法蘭絨等類流入中華以來人多喜用土布自形不佳若不將本地製布之法改良則此項土布終歸烏有而棉紗勢不能不受其影響也去年畧見本處有人出力資助工藝購買泰西製造手織足踏機器充用而布尺寸改與日本同式因買家喜用原包布故仿而製之較勝零剪大疋者此項工藝關係非輕潮商熱心勸工應得政府注意而保護之煤由進口及行銷均形減少惟價值則固守如舊當年終價忽暴漲與匯價跌同時商業轉運公司拆其油池遷往荷國煤油公司之地美孚公司本年於崎嶇地方購地建造油池近將成立欲推廣生意故不限於向用之裝箱運來也製成水靛年有起色本年進口共有二千六百三十五担較去年多三百六十九担出口土貨查苧蔴係初次載在冊上更冀他日此項出產與旺庶可抵糖之不善也蔴本鄉人工藝在潮陽一邑爲最其餘別處尙未推廣蔴生甚易一年可有三四造收割製就之蔴聞每担值銀四十元與漢口運來販賣者祇值銀二十元由是觀之本地之蔴亦將來一特別生理也去年論畧載及蔴牛迄今尙未見諸實行惟爲糖業失敗逼迫恐早晚不免改向他業出口去暹羅商務大

有起色聊以三年價值列左便覽

一千九百五年價值關平銀九十六萬八千八百七十八兩

一千九百六年價值關平銀一百十二萬三千八百六十四兩


一千九百七年價值關平銀一百二十二萬五千九百九十四兩

復出口貨可免置論

一沿海貿易原出口貨物較去年多關平銀一百七十一萬一千兩內糖則占一百萬兩有奇橙柑豐收味色市價俱佳查本埠商業情形冷落卽以鎮江論去年並無土貨來汕而豆餅亦竟絕迹因長江各埠在光緒三十二年饑荒所致也所以長江進口之米減少三十七萬五千担在秋季蕪湖進口之米不獨與外洋之穀米相角且又值本處穀米豐收遂使業此者大失其利豆與豆餅總數畧有減色芝罘運來貨物甚於去年而牛庄向辦之貨殊形短絀皆因兵燹後繼以轉運爲難以致芝罘來貨遂增三倍芝貨多增而商人祇獲微利本埠商業因置本價厚而市價漲落無常遂致賣價莫能相抵大連灣來貨雖稍有見但聞轉運維艱耗費又鉅商人殊多繭足現東三省與各通商口岸貿易之權仍操之華官若能決意抒濬遼河於遼海西岸冬不成冰之處開一商埠縱有大連灣相角勝亦不足懼矣

一內地貿易可免置論

一船隻本年船隻往來噸數與去年相較畧有加多分之則英德荷進口噸數較少而日本哪噠則有增進其哪噠船係爲日本租賃自北方及長江水脚大跌於航業極有窒礙載運工人往返暹羅週年角逐各輪船公司各皆失利居間人則獲利年杪日本郵船會社停辦與該公司交易之客行皆大驚駭



而德國輪船公司則獨享其利傳說前數年本埠載運工人故事或當壟斷獨登或有時爭賽當事華人詭謀射利無與爲伍然終爲各行家覷破而其傾吞不義之財恐必吐出而後已訪事人如將此事縷晰描寫必成一篇之妙趣也操暹羅航業者甚易擴充其利權他日情形若何不免令人有一番顧慮也內地輪船噸數有小增進因新添兩小輪船之故此船意在搭客客多而載貨尙少也本口所欠者一駁船公司欲創設此項公司得予土人合股則易成矣

一旅客本年旅客多於去年半因暹羅川資遞減半因內地饑饉荐臻匪徒不軌曾有兩次載赴德國屬土之那盧此係創見內地旅客貿易共有五航業之小輪船

一金銀進口出口之總數大見增加光緒三十二年之數其來自烟台者有八十七萬三千元實多於前一年之數有三十餘萬元此項銀元在光緒三十二年始見於此埠大半係吉林省之銀元自此項銀元流入大爲本埠之憂在前文已詳言之所以運入口者或爲支給出洋工人抵作匯汕之款查汕地以所用七兌銀元外來之銀係七二兌侷利者以吉林不足色銀元充作汕埠行銷之七兌銀元聞運入此低色銀元者大受虧損此銀元祇合於鎔化恐尙須耗去一成有餘

一藥土本年洋藥較去年減去七十七担土藥亦減一千四百十担其價值並銷路上半年皆跌落在年底則復旺傳云戒烟者約有二成半惟惜乏激勵之力特恐繼戒者難臻進境於是約有三分之一戒烟人仍欲再返芙蓉城中矣查藥土之減及戒烟之風雖無十分成效溯之向來覺此日之厭惡此物者如青年人暨未成癮者頗有可觀若是乎諒不負官憲諄諄誥誡也一担重之土藥大率價值關平銀三百三兩熬成熟膏約得六成二三較之印度藥土成膏時僅得五成四五但以功力比較土藥五

錢重祇敵印度藥三錢矣

一雜論本埠毗連一帶皆無核疫霍亂吐瀉等症自來水公司新創但不聞有聘到工師電氣燈公司未有成功者緣湊本不豐本處銀根亦絀督理人及照顧兩不相信遂致腐敗蓋其機器初則氣力不足故遭雷雨毀壞遂致相訟迨後私爲清理現聞聘到日本人湊股復興前有報冊稱新巡警軍者數月以來無所見長祇有名而已盜竊在港南北一帶時有甚至携挾手槍胆敢轟擊屋內之人幸未致害於是道台將巡警軍提歸自辦另委幹員督理卽成一精毅之巡警軍抽收經費係由官長竭力設法將房租抽收一成而各項新股捐款俱藉供應經費尙稱竭蹶現衆情以此辦理頗不滿意或云該帳項要刊發或云出入款項應歸本處人經理東西各國之產業未經預商卽擬與本地人一同捐助經費各國領事不允若私下承認捐項而領事府不與聞焉而本埠崎嶇大馬路原由外國人創開此處現無租界惟中國人與外國人和睦而居本處所欠者工部局所以諸事尙待料理東西各國之人其產業在本處者如此之多須設立一工部局俾善其後若能延聘中西公正數人主理其間乃爲最妙之法未諗可否辦到也常關稅廠經已修葺妥善辦事員役咸經遷出其一一切庶務經稅務司會同委員實力整頓殊有成效惟在五十里以內各子口暨本口近隣之厦嶺館尙未歸併如將來挨次歸併聯絡則母口子口兩有裨益本年全邑之郵政局接續進步鐵路未有推廣現行之鐵路祇能方便行旅惟尙未載運貨物所載旅客之總數本年係六十九萬七千六百五十六人本年地價雖比向日稍減然仍昂貴中西人士之屋宇及棧房仍續建造而汕頭景况雖遞年有進然尙未躋於極盛之塔週

年人皆平安雖天氣不和亦無風颶寒暑表在華歷六月最高係九十八度在華歷正月最低係四十四度

光緒三十四年 三月 二十九日 三品銜雙龍三等第一寶星署理潮海關稅務司夏立士呈報



光緒三十三年廣州口華洋貿易情形論畧

竊查本年貨物估價及稅收可見是年貿易於近十年內均有蒸蒸日上之勢省城乃商務繁盛之區且開作通商埠頭四十餘年是年貨物估價共計關平銀一百四兆四億六萬八千五百六十六兩將來鐵路通行本省直接北京之時本口興旺正未有艾也是年不特進口洋貨銷流更多即出產土貨運往外洋者亦較去年爲多其詳細情形下文再當分別論之本年土絲屯積未沽者甚多蓋因美國商店多有歇業而其歇業之故多關於國事問題而非關於商界問題也省城近年競尙維新社會中人無論男女均喜西裝服飾即棉線衫一項亦銷流甚廣計是年進口估價關平銀十三萬四千兩其胡禮號衛生衫褲最爲時尚此項美貨現在日本與華人均能仿造查花地河邊新設有廣華興織造總公司係用機器三十四副製造長短各式洋襪另有機器六副製造西式內衣該公司並兼染洋紗實備資本銀十萬圓每股十圓俱屬華人分占並無洋股在內其工人亦皆華人曾學美國工藝者並無西人監工一俟布置妥當之後該公司每日可出洋襪一百打棉線衫二十打佛山地方現正開設西法製磚公司名曰廣東裕益機器製造各式灰沙磚有限公司現有機器陸續載運進口明年春間諒可興工據云該公司備有資本銀三十二萬圓俱屬華人分占並無洋股此項工藝當有起色蓋因磚塊銷流極廣去年磚價業經增至十分之三本年春間米價高昂貧民受苦幸省憲從速籌議平糶會同省城各大善堂並香港東華醫院集成鉅款由西貢購米載運回省計省城分設三廠河南一廠開辦平糶此項善舉由三月起至九月止糶出之米約共五千四百五十萬石及至停止平糶之時尙

餘銀約五萬兩留待將來之用所可惜者第二造禾稼將次成熟收割之時適遇天時不佳且有水患以至此造禾稼約損去十分之六本年冬季貿易及西江一帶居民同受其害可想見也本年三四月間潮州地方土匪蠢動幸省城從速調兵前往並得李軍門辦理得手該處亂匪迅即勦滅繼而北海廉州地方又報匪警防城縣及其官眷慘被戕害地方官辦理勦匪其始雖頗棘手然幸能卒奏膚功蕩平羣醜也當潮州匪亂之時東江惠州一帶其情形亦甚危險幸調撥大兵遏此亂萌耳本省是年實爲多事之秋是以海盜劫船之案又復乘機而起其始所劫者據云內有拖渡洋旂小輪數艘而去年英商西南輪船在西江被劫索賠一案尙未議結致有中英交涉問題英國派遣水師艦隊計水雷船三艘滅雷艇四艘巡河艦三艘一枝桅三板二艘前往西江一帶游弋直至梧州其時華官亦從速派撥水師巡緝各處河道卒之西南償款經已辦結而華官辦理西江緝捕英國水師提督亦甚滿意已將艦隊撤回其一切緝捕事宜歸回李軍門辦理因李軍門辦理緝捕素有能名當英國巡艦游弋西江之時本省商民聲氣洶洶異常震動蓋因其始不免有誤會之處卒之兩國水師及其統領共敦和好更形輯睦英國水師提督並竭力相助查究冒充英旂小輪而英官亦正設法嚴定章程以杜冒充之弊若各國政府亦照此法幫同查察是否真正洋商則華人嫉視西人干預之意便可逐漸消滅蓋西人此次干預實爲保全華人的生命財產免遭盜劫起見也

一稅課查是年稅項共徵收關平銀三百二十八萬一千七百二十五兩八錢七分較之去年多收關平銀五萬九千三百三十五兩九分五釐是年進口稅及出口稅均大有加增子口稅則短收二萬五千兩內地稅短收一萬一千兩

一外洋貿易進口洋貨由外洋及香港進口估價較之去年多五百餘萬兩其中係火水油洋布疋頭鐵條鐵管及機器均占多數按白洋布進口去年十八萬七千疋本年二十二萬九千疋原洋布本年多一萬六千疋印花洋布亦畧有加增色洋布約多八千疋花素毛羽綢約居此數之半英國棉法蘭絨多五千疋日本棉法蘭絨少一萬疋本年香港洋紗商店雖多有倒閉洋紗雖然滯銷然印度洋紗較之去年多三千擔色斜紋布手帕扣布翦絨棉氈及雜項棉布均覺減少棉毛布續有加增至若毛布一類如雜呢細呷噤等去年共五千碼本年共四萬一千碼彩呢去年一萬碼本年二萬一千碼其各雜項毛布去年估價共七千兩本年四萬一千兩本年五金一項如銅片銅塊紫銅錠白鉛鋼條等進口均少其進口鐵管鐵喉等類估價關平銀三十二萬九千兩幾全爲自來水公司所購用者染料顏料手鏡大鏡均有加增至若煤斤從前多由香港用渡船載運來省現改由日本用輪船直運來省計本年進口煤斤共十四萬八千噸去年祇得八萬二千噸機器及機器碎件去年估價五萬七千兩本年共二十萬六千兩蓋因華官建築無烟火藥局並土敏土廠故購用機器尤多也此項機器之中亦有爲自來水公司所購用者進口鐵路物料去年估價關平銀一萬三千兩本年增至三十九萬二千兩多係粵漢幹路所用美國火水油裝箱者多二百二十七萬五千加倫其散艙進口者少六十萬加倫般鳥火水油進口大有加增計是年進口裝箱來者共二十一萬五千加倫去年並無進口其散艙來者約加增八十萬加倫蘇門答臘火水油裝箱來者與散艙來者共約少十萬加倫印字洋紙本年進口少四萬二千餘擔因此項洋紙去年屯積未沽者甚多本年兩造禾稼失收是以進口米石去年祇得六十萬擔而本年共有一百三十五萬四千擔樹膠靴樹膠鞋約少一百份之六十五份革靴革

履去年共一萬五千對本年祇八千對蓋因本城製造革履店舖開設甚多伊等販運熟皮進口製造革靴革履雖不如洋製者之精美然而其價甚廉西式內衣最爲時尚華人上流社會均喜服用此項貨物進口去年估價關平銀七萬六千兩本年估價關平銀十三萬四千兩進口棉花去年共二千二百零六擔本年七千七百三十七擔

出口土貨往香港及外洋各國者估價約多一千六百五十萬兩生絲約佔七百萬兩亂絲頭約佔一百二十五萬餘兩皆因本年絲價多屬高昂其桂皮行爭執之事業經議妥由總商會與桂皮行訂定章程凡售賣桂皮均須遵章辦理其最善者係設立公斷之法該章程內第四條係辦理斤兩短少一事去年每因此事常有齟齬查該章內云凡斤兩短少均由賣主擔承每百斤不得少過五斤若逾此數即將其下船之貨每百件至少抽出五件磅過所得淨重之數卽用以扯計作爲全幫貨物重數其磅貨一切雜費均歸理虧者照數繳足凡斤兩太過短少一經公定重數之後其貨價均照貨到外洋卸船時之價而不照粵省裝船時之價等語碎桂皮一項現在每百份之中加有八份上等之貨故買家每擔多給價銀一元華商又能設法改良故所出桂皮尤佳也葵扇一項復有起色本年出口增多三百萬柄爆竹一項亦好美國消流最廣該處每逢放假期內爆竹之聲與汽號汽笙之聲競響也出口地席較之去年略少去年貿易論內曾經論及美國海關所定估價爲難情形現在依然如此惟有等販運地席入美境者赴上官稟訴幸能減收稅項此項商務本年不能獲利蓋因織蓆者既知訂購地蓆合同索價必高而販蓆出口洋商限定依期交貨是以賣蓆商家虧本甚鉅迫得照織蓆者所索之價購買地蓆以便依期交貨與洋商也織蓆之家獲利甚厚尤以年底爲最因年底蓆價甚爲膨脹

也近十年來出絲之數當以本年爲最多去年所存者售賣殆盡本年歲首絲商極欲購買惟所存甚少不敷應付絲價亦高故貿易不多西曆正月中絲價起至極高買絲者驚疑退手及至將近華曆新年之時因急須現銀故絲價漸落西曆二月底歐美兩洲絲價均漲故市面所餘前造之絲一律售去西曆三月訂購新絲者甚多其價幾同正月舊絲之價一樣昂貴西曆六月訂購土絲者未能照數交足約祇得一萬包是以頭二兩造之繭價極高至七月中絲價突漲惟華商居奇以待善價故沽出不多至九月中華人既已居奇待價而日本絲商又善於招徠故買絲者轉向日本購買十月初業絲者肯爲通融出售加以匯水低減故此時貿易尙好但爲時未久貿易又淡因美國商店倒閉多處加以橫濱絲市招徠之故所有東方各絲市均大受影響且又聞說歐洲屯絲尙多也但本年之絲銷場尙好惟此項商業總屬漲落無定未能如意本年出絲格外見多竟有第八造之絲查去年出口之絲共四萬二千包本年有五萬包亂絲一項亦受影響爲生絲所牽累但不至如生絲之漲落無定耳此項亂絲去年出口共二萬五千包本年出口約近三萬八千包出口茶葉一項無足提及較去年少三千二百三十擔

復出口之洋貨無可紀論

一沿海貿易原出口之貨其土產出口往中國通商口岸者本年共估價關平銀四百七十一萬六千四百三十四兩去年估價四百五十九萬六千一百九十二兩麻包一項亦大有加增荔枝乾去年出口共六百七十七擔本年六千十六擔出口烟燈大爲減少蓋因禁烟之故此物去年二十八萬蓋本年二萬五百蓋赤糖牛膠龍眼乾上等紙煙絲均覺減少打包蓆亦甚短少去年共十九萬三百五十一

張本年一萬五千九百四十張熟皮亦略減少因商人由香港用渡船載運熟皮進口赴常關完稅每擔稅銀四錢二分然後再來新關報運出口前往上海及別處通商埠頭作爲本地原出熟皮卽於新關完納出口正稅每擔四錢二分及運至彼埠之時完一子口半稅每擔二錢一分可見華商完稅避重就輕何等靈醒伊等照此辦理每擔祇須完納稅銀一兩五分若將熟皮直運往通商口岸每擔須完稅銀二兩五錢是則每擔熟皮幾省稅銀一兩五錢現以熟皮出口往通商口岸之數核之則本關稅收約失去二萬六千兩查本年常關熟皮進口之數共二萬八千擔而其出口運往通商口岸之數共一萬八千一百五十八擔葵扇一項各商亦照此辦法甯願納正稅兩道而不願納正稅一道半稅一道也本關是年總結並無葵扇裝船出口運往中國口岸者查華商先將葵扇運往香港再由香港轉往通商口岸作爲洋貨便可領取內地稅單運入內地也

復出口之貨無可紀論

復進口之貨由通商各口運來洋貨幾無此項貿易惟其數則本年約多去年四倍多屬進口鐵路物料電報及電汽物料外科醫學用品自來水物料等類由上海運來也進口土貨估價約少一千五百萬兩因長江一帶饑饉游臻禁米出口去年進口米石共三百十三萬二千擔本年祇得六十五萬擔而已

一內地稅則洋貨入內地本關是年所發入內地稅單共二萬四千七百三十六張去年三萬二百九十九張去年運入內地之貨共估價關平銀一百四十八萬二千八百二十二兩本年約少十份之二各項貨物俱覺短少其中多屬棉布疋頭及火水兩項惟印字紙一項則有加增去年共五千担本年一

萬担上文各項短少之故蓋因從前洋貨運入內地者均由常關征收掛銷號餉現在號餉業已裁撤是以商人乘此機會轉納釐金並些少土稅以代內地稅也此項內地稅約少去一半而其估價每百份少兩份半因是之故火水一項亦一百份少四十份各商均由省城請領免重征單用輪船直運往西江各處通商埠頭

土貨出內地本年共發出運照四十二張販運紅牛八百十三頭前往香港共估價關平銀二萬二千七百六十四兩

一船隻遵照本關總章行駛者較之去年其進出口之數增多六百艘惟其噸數則少二十萬噸蓋因來往省澳細小輪船增多其進出口帆船本年三百九十七艘去年一百八艘因有多數剗船懸掛洋旗由香港來省

遵照內港行輪章程行駛者共小輪二百二十九艘均持有內港專照茲將各國旗號小輪艘數分列於下以資考證

計開

	英	法	德	美	中	
一千九百六年	四十四	二十六	二	一	一百七十二	共二百四十五
一千九百七年	三十七	四十七	二	一	一百四十二	共二百二十九

可見英中兩國旗號小輪均各減少而法旗幾多一倍

一旅客本年港澳兩處雖各賽會三日惟華人進口之數少十一萬六千人出口之數少十三萬四千人

一金銀進口較之去年多五十萬兩銀條紋銀兩項多有加增幾盡爲造幣分廠所用者約估價關平銀一百七十五萬兩而進口銀元之數其短少亦與之相等出口之數幾少六百五十萬兩蓋因省城銀根緊短而小銀元通流內地各處購買土絲及轉往廉州北海搭放軍餉是以小銀元兌換香港成元本年歲首每百低水九元五其下半年每百低水三元五造幣分廠所出銅元又再減少本年所出當十銅錢祇有四千六百萬枚去年則有七千九百萬枚該廠所鑄二角銀元亦略減少現正改鑄大元甚多本年共鑄出九十六萬九千元

一藥土進口洋藥本年省城各處雖倡議戒烟惟洋藥進口未見十分減少查去年進口多至一萬一千一百四十六担而本年祇少七百四十二担十五斤而已

土藥進口本年共二千十七担多係四川土較之去年多五百三十九担是以土藥之數與洋藥之數合併參觀則此項貿易大概仍與去年一樣無甚短少也

一雜論本年六月初八日粵漢鐵路首段開車載客該段由黃沙至江村共十七英里中有三處站頭即西村小坪大朗每日開行共有三車所載搭客計至十一月底止共三十二萬三千一百八十三人十月十一月兩月始行載貨該段火車甚有起色將來續築各新段開行之時客貨兩項必有加增本省如是即中國各省亦莫不如是因中國人民衆庶無論何處築有鐵路均必立見其利本年西歷十一月二十一號梁震東閣學接受粵漢鐵路總理之任蓋謀碩畫練達老成此次管理得人深望該公司從前齟齬之處一律消弭結合團體助成三省交通絕大之舉也英國前印度總督柯莊曾勸西藏人民建築鐵路直達邊界粵人亦宜照此辦理將本省鐵路伸至湖南省界邊雖未能刻即與漢口幹路

相接而本省之路可決其必獲厚利查兩粵民數共四千萬已自成大都會其鐵路即未築過省界之外然在兩粵界內亟應興築以挽利權更可喜者粵省民氣團結和合並有愛國熱誠在中國各省之中當推粵省爲特色廣九鐵路現在爲時尚早無可紀論該公司已設總公事房在沙面舊的現行內魏京卿爲總辦總工程司係西人格魯夫前曾辦理蘇州南京鐵路者其下更有華洋各工程司及辦事人等廣九路線由省城至深圳經已測勘無論該路能否伸至九龍河岸中國亦穩無虧本即以東江一帶商務而論其車務已足獲利而況又有枝路伸至惠州可將省城與汕頭及東邊一帶繁盛之區交通無礙也省城佛山三水枝路本年共載客三百十九萬一千五百二十四人內有二千八十一名係屬洋人該路進款共五十九萬二千九百九十元內有五十七萬九千五百十九元係所收搭客車費載貨車費所收尙少須俟該路約築至西江肇慶之時方能多收也築至該處並非難事亦不多所耗費將來客貨兩項必有加增本年曾向美國公司購買八輪火車二輛石圍塘搭客馬頭亦經加大以便載運火車搭客之小輪兩艘可以同時前往停泊此項費用均由本年進款支給綽有餘裕即此觀之可知中國興築鐵路必能獲利之說爲不謬也或以火車載客甚多則內河小輪之利爲其所奪如美國美斯涉披河一樣但此說不然查佛山鎮內離河邊尙有一英里半若將該路築入鎮內則小輪貿易必盡爲所攬奪也省城自來水工程本年辦理尙緩其水池水塔經已築成抽水機經已預備城內及西關一帶已經安放自來水管者共有二十五英里西歷明年三月諒有水可以供給人用該公司祇有洋工程司一人名阿建臣官設士敏土廠現亦續漸興築本年航業遇險數次幸無傷斃人命惟西歷五月二號永鎮藥庫焚炸該庫在北門外五層樓下以至該樓古蹟亦受損傷且傷斃人

命無算鄰近民居倒塌損壞者不知凡幾究因如何失事尙未查悉郵政官局本年辦理亦甚妥善計廣州地方添設分局一所並代理郵政舖商七十二家粵漢鐵路首段本年西歷八月兼辦郵務各處鐵路站頭均設郵政舖商售賣郵票兼收信件將來新甯鐵路開車載客之時亦議定照此辦理西歷九月本城各處分豎木柱安置郵政信箱七具此法辦理甚好將來尙須添設甚多查去年傳遞郵件共八百六十萬件本年增至一千二百九十萬件本城投遞信件去年四萬四千件本年增至四十五萬五千件多屬華人信件於省城河南花地投遞者付寄郵包較之去年畧爲減少本關所收郵包稅項去年共七萬八千九百八十三元本年祇得七萬二千元郵政局前邊現正從新改建一俟築成之後收發郵件更爲利便廣東省憲因海南兩處無線電機辦理甚好業已續購八副將來布置約長一百英里並在省城設立無線電學堂由德國無線電公司卽沙面禮和洋行代理者派撥電師一人當學堂教習卽在該學堂內及黃浦各設一處演習無線電係西歷九月一號開辦祇供官用該學堂六月一號開學至十二月一號止考試之後共有學生二十名領得文憑充當無線電司機生廣東省憲並由德國無線電公司聘請精於電學一人作爲顧問官並督理教授學生及辦理無線電一切事務現已決定將無線電推廣直往西江各處以便辦理緝捕消息靈通李軍門之座駕船名龍驤經已安設無線電將來緝捕快輪四艘由香港造成回省之時亦一律安設所有水陸兩處無線電均歸李軍門管轄常關本年征收稅項共關平銀三十六萬二千六百四十三兩六錢五分二釐觀於此數雖掛銷號餉經已裁撤而常關稅收定必續有加增本年常關公事經有數款整頓改良以期節省經費本關現有電汽小輪一艘巡緝管轄尤爲得力然尙有事件如稅則等類亦須整頓以期完善因由港運

來貨物從前由渡船來者多改用輪船來也九月五號六號七號三日係舉行西儒馬理遜到中國百年紀念之期靖海門外新堤蓋大蓬廠每日華人赴會者以千數計由駐紮廣州美國總領事行開會禮參觀者衆異常榮耀現已議定供給屋宇一所以爲粵省傳教青年會之總會所矣至禁煙問題人皆留意華歷六月前署臬憲龔廉訪會同粵人創設戒煙會所得簽助之款約三萬兩該會設在西關華林寺內凡欲戒除煙疾者前往該會掛號領取戒煙丸藥該會派人前往各處演說勸人戒煙並裝演種種怪狀巡遊各街俾人知儆西歷三月前督部堂周議禁輪船上吸食洋烟幸各輪船公司相助爲理協同查禁南番兩縣設立勸工廠將輕罪犯人撥入廠內製造鞋底及棉布兩項巡警總局亦設習藝所將犯人撥入所內製造草鞋帽及竹器等類本年擬築省河鐵橋經制府批准惟因總商逝世現已停止該商辦河橋公司擬收來往過客及貨車之費由省城橫過河南卽以海珠大石承駕橋柱但本口各處橫水渡如此利便其價亦廉是以收費之橋似難料其定能獲利蓋收費之橋昔時有之現在文明時代似未可拘守古法應一律免費蓋有此橋則南北兩岸之產業價值必高無論創築此橋於粵省有光卽此產業增值各股東已多所取償矣堤岸工程進步尙少多因承辦工人辦理不善而本年粵督一缺屢有遷調故也但東西濠橋工經已半竣惟望此項要工卒能辦妥也沙面地方建築屋宇甚爲迅速瑞記洋行四層樓之屋將近工竣本關內班人員公館萬國寶通銀行新行郵政司新公館般尼伯捷寓所均一律漸次落成太古洋行在河南後邊建築第三座馬頭不久工竣可用鄰近該處之本關地段亦已興工建造河南之舊驗貨廠現已拆卸重建三層樓一座連寓所會館及新

驗貨廠統包在內本城華人屋宇舖戶係舊式者常有拆下改建西式是以本年各處均有地方興盛
商務進步之景象也

光緒三十四年

二月

二十八日

粵海關稅務司慶丕呈報



光緒三十三年九龍口華洋貿易情形論畧

竊查是年經由本關各廠華船貿易共計貨價值關平銀五千四百三十八萬一千五十八兩比較去年增多一千二百五十萬兩則是加增十分之三進口出口暨復進口各貨胥有增焉然以本年有累貿易之事出乎意料之外者不一而足如別風淮兩市面銀緊磅價起跌無常國家頒禁鴉片之令以及南方葎符不靖洋船攬載華渡之貨等事是已若照以上數端而論各項貿易應少匪特不減而反見增誠有令人不可索解者就其表面觀之似應稍有起色不圖考其實際除去麩粉洋米兩宗外其餘均屬無利可沾也銀價由西正月至九月時數月之內至高之價每元可值金磅二先令三邊釐一八七五至低之價值二先令一邊釐零六二五及至小春之時欻然大落跌至歲晚僅值一先令九邊釐七五當此年關最緊之際銀價如此跌落復以美國銀業衰敗環球商務都為牽動無怪各項生意清淡商賈大為失利即如向往印度販運銀幣之商家而亦少於疇昔無非由於銀價過廉遂使各銀礦廠因之相率停工而不採鑄探鑄既停販運人少俗諺所謂物以稀為貴吾想待至來年或能漸有起色耳早晚禾造各有傷害晚造則因霖雨為災河水漫溢低窪之處幾成澤國全被波臣所虐高處之禾初時雖甚蓬勃以為可期豐登詎至行將收穫之時迭遭秋雨傷害僅得五分年成早造則以天時亢旱收成之歉似尤甚於晚造是故各處舉凡日用所需之物莫不因之昂貴而操業疋頭雜貨者甚鮮運往內地幸得安南地方年歌大有皆由該處採運洋米接濟暹羅雖然產米因其不佳人皆少有往購進口洋米一宗價值一千四百三十二萬四千三百九十三兩多於上年七百五十萬兩業

此者無不大獲其利土米出洋之禁終歲均未弛放至於麪粉生意亦皆頗獲盈餘銷流則以美之麪粉最佔優勝下半年間澳洲麥價騰貴運費亦漲販運之家多半因此裹足然香港麪粉公司甚爲易於獲利印度棉花棉紗生意客歲下半年已極虧折而本年週年仍無行市是以由孟味販運而來者亦不多觀一年之中有一二次朔方價值甚好以爲從此可望推廣銷流未幾而仍依然如昨近來輪船減收運脚貴重貨物多半交附輪船裝載貪其安速而無劫掠之虞故捨渡船而不附也將來九廣鐵路告成渡船生意定卜日衰除非輪船鐵路不經之處勢逼仍用渡船載運若視本口貿易情形必須與粵海關之貿易冊論互相參觀方可得其底蘊緣經本關進口之貨有九成五係往珠江九成五之中則有七成八專往羊城若以本年全局貿易而論尤較遜於去歲皆因各處銷場不旺觀於目前情形似見微有轉機此後當可徐以興盛焉

一本關稅課是年共徵銀三十九萬三千七百七十三兩自一千八百九十九年遷移新廠以來收數之旺可以本年推爲第二較之上一年猶增徵銀一萬六千一百四十二兩除經費短徵六千二百二十五兩外稅釐兩款俱有加增查經費減收係因煤油洋煤由挂洋旗船隻運赴通商口岸完納稅項故也洋藥一項雖於六月頒行限禁吸食之諭而徵收稅釐比諸去年尙多二千五百四十九兩百貨稅餉如魷魚墨魚麪粉薯粉花生出口如鮮蛋豬油地蓆及生豬俱有增徵也

一外洋貿易進口洋貨共值價銀二千九百八十二萬三百四十四兩比較上年加增八百五十萬兩疋頭除有兩宗洋布減少外餘均增多最多者爲棉綫美國煤油則多二萬一千四百八十五加倫蘇門答臘煤油減少九十一萬六千八百八十五加倫較之去年幾少四成五俄國煤油短少三十一萬三百

五加倫約三成五緬甸煤油終歲全無銅鐵等類俱減惟鉛條約多六成第閩操是業之商人尙亦有
利哉云諒由洋船裝載本關不得而知也邇來時有洋旗船隻載運機器鐵喉白鐵片鐵水泥煤炭煤
油等類以小輪船拖往內地米穀入口論前經已詳述復以去年禾造減收是故本年全年皆賴探運
洋米接濟共計進口之數四百五十四萬八千二百二石較多上年一百七十四萬一千二百十四石
上年進口穀石六萬八千六百二石本年竟多至一百三萬七千九百六石魷魚墨魚約增一倍麩粉
薯粉米糠花生白糖烟葉等各皆加增惟洋煤獨減少於去年四萬噸諒爲洋船攬載故也牛皮與木
俱無增漲而鹹魚則又畧少些須糖業貿易乃因年首屯積過多致受影響迨入下半年時始將所積
之糖銷贖無幾其價稍見高昂惟聞香港糖坊生意尙頗佳云

出口土貨往香港者共計值銀一千六百萬兩有奇較之去年增多二百萬兩各色貨物均有加增如
舊蔴包竹竿腐竹磚粗磁器魷墨魚鮮蛋雞鴨等毛鮮果豬油包蔴地蔴肉脯鹹肉上等紙生豬窰貨
赤糖羅甸乾鹹羅甸紙傘蔬菜等類最大宗者則爲鮮蛋上年六百萬個本年竟增至一千三百萬個
紙傘皆係運去印度用爲送殯之儀凡執紼者皆須各持一柄本年印度時疫盛行死亡之人甚夥是
以運往之傘亦多地蔴則增至十六萬二千八百一十一個值銀一百二十六萬三千四百十三兩上年
十萬四千二百五十五個估值銀七十二萬九千七百八十五兩則向之滯銷本年得以復興少許矣
細磁器本年一千五百五十二担比較上年約少一半乃爲日本磁器攬奪緣其價值較廉之故運往
美國爆竹向爲華僑新歲所用亦復不少本年忽然短少約有十分之一其每担價值由二十四兩六
錢長至二十七兩五錢去年九十兩月陰雨連綿造紙商號因不能以曝曬以致出產甚少神紙泊下

等紙均皆減少土酒曾售三兩一担者近則長至四兩本年約短少一萬担之多乃因華人近來嗜飲歐洲東瀛啤酒居多而以日本爲最因其價平之故也又以法屬東京安南以及日之台灣等處酒稅過重運往者少布襪緞鞋在於一千九百五年四十八萬四百對次年十九萬一千六百九十八對本年僅有五萬四千二百六十九對其短少原因乃因華人近來改穿革履居多喜其堅固故也省城出口之茶大有江河日下之勢誠恐將來日漸絕跡矣歸善縣屬之淡水龍江平山白芒花等處向爲銷售甘蔗會萃之區查其種蔗處所地土膏腴人工又廉惜乎種植仍依古法未能改良以致出產不豐糖斤生意大爲外洋之糖所奪聞種甘蔗之地每畝統計約費十有二元始能收穫蔗汁三担按照本處市價可值洋銀十二元半每畝完納地丁二元糞料六元人工一元榨成蔗汁工費三元計十二元然以一畝之地僅賺半元左右如果改種他物定勝種蔗之利咸因利微少有人種製糖商人用十二元收買蔗汁三担約製白糖百二十斤本處可以售銀五元若係運往省城價或稍好加以運費仍恐得不償失待製白糖之後約賸糖水百五十斤約製赤糖桔水各六十斤糖可售銀二元二毫水亦可以值銀一元三角尙需製費一元二毫成本共十三元七毫賣得八元五毫則係實虧本銀五元上下省垣之北以及本處業糖商人聞皆無利可獲復以是年之蔗又被蟲蝕是故尤其難與外洋之糖爭勝也

復出口之貨無

一沿海貿易原出口之貨無

復進口之貨係指由中國此口運至中國彼口而言共值八百三十六萬八千五百九十八兩較多去

年二百萬兩有奇食鹽一項稍有起色比諸上年增長二十五萬九千兩魷魚墨魚則倍增焉花生油元寶紙靴布鞵緞鞋及杉木俱各大增竹篾鹹魚魚乾包蓆土布生豬烟葉俱減少焉

一 內地稅則無

一 船隻經過本關各廠進出口者計共三百萬噸有奇雖較去年加增實則所多無幾蓋以上年九月十八號颶風奇災被摧毀之船艘約逾千數或由遭難浮家泛宅者流陸續裝修新船復業或由內地別處而來除補先年原有之船數外較增多於去年甚有限也來關挂號新船三百二十五隻計重二萬五千六百七十八噸統共進口渡船一萬七千六百七十一隻小火輪船三千五百四十一艘出口渡船一萬七千七百隻小火輪船三千五百三十八艘小火輪船相較去年亦畧加增

一 旅客經過本關各廠進出口者三十一萬一千一百七人多於上年一萬三千五百二十六名查本年有內河小輪拖渡由香山縣屬石岐地方載客來往香港本極利便行旅生意亦頗茂盛緣曩者由石岐來港人客必須乘坐華船先至澳門然後始能附搭輪船到港現有此輪人自徑搭該輪免受轉折之勞嗣以該輪苦於不能較准程期人客咸因阻滯而仍不能快捷遂又仍循故轍漸不乘該輪拖生意因之不前卒致停擺良可惜也聞該輪渡吃水過深水稍涸時則不能以抵石岐埠若該輪東能有先見之明而用淺水輪渡行駛必能持久今該小輪雖然停歇吾料各內河之輪拖貿易將來仍可期其發達也

一 金銀無

一 藥土洋藥經由本關各廠進口者一千四十担較之十六年前則以本年爲巨擘焉若以各種藥土彙

計比諸去年增多二十三担惟小土獨增五十九担大土減十三担新土減少二十三担土藥以及熟膏全年俱無至云入口藥土加增此係專指經由本關各廠者而言若以全局貿易而論均無蠅頭之利皆以頒禁阿芙蓉膏致使買者賣者諸多不便而吞雲吐霧之輩既少烟館各自紛紛輟業年首印度洋藥銷售甚少全因戒烟社會中人盡意鼓吹慫人戒除初時生意不無大為中傷雖屬如此未幾而仍安靜如常矣架呢葛打地方來港洋藥由正月至六月每月四千四百箱七月至十二月每月四千箱待至一千九百八年月售三千九百箱蓋因中國向英政府商允協助禁烟限年遞減入口之故迨至年晚銀價異常低跌出乎人之意料之外致累香港業烟商人大受虧耗因其定貨之時滙水高昂及至兌銀起貨之時滙水跌至十成中之一五大新小等土終年皆無行市惟屆歲暮小土銷售雖屬不少乃以來源無多之故雜土祇有運往閩省少許係因日本轉運台灣專賣熟膏之用雲土是年運來香港者計五十箱據承辦熟膏公司商人云此土熬去四十一箱用以和入洋藥膏內運銷安南南洋等處者是年各種洋藥每箱價值高低勻計列表於左

	最	高	最	低
大土	九	百	八	十
新土	九	百	五	十
小土	九	百	八	十
雜土	八	百	九	十
新舊者	八	百	八	十
元	元	元	元	元

查香港總管出入口洋藥事務署報章內載年首共存各種洋藥七千二百九十一箱是年由外洋運

到者統共四萬八百四十二箱半兩共四萬八千一百三十三箱半其運往出口各處者四萬二千七百二箱本港所銷者七百二十五箱年底尚存四千七百六箱半出口進口皆較上年短少入口則少六千七百二十四箱出口少五千三百七十箱熟膏公司仍准原商續辦三年自三月一號起惟每月烟餉由十七萬元減至十二萬一千元然於原辦舊章加多二欸一由政府可以隨時限制一可禁止印度洋藥不准出口如因禁止不足該公司每日額煮五箱之數其所認餉銀准予另再議減若盡禁絕可將承辦之案撤銷

一雜論九廣鐵路屬英界者經已築成不少最難者則爲烟墩山一段因須洞穿山腹約在英里一里半許刻已鑿穿三分一矣而三分一之中亦經修築停妥大半又於九龍新填地基一幅甚大以爲火車貨廠人客貨物上落之所該山之北直至邊界一帶亦經大興土木由海濱而至大埔擊石架橋工程已有無數之人在此工作此段路線已將山道掘穿三洞由是觀之工程可謂迅速除烟墩山與九龍兩處開山填地之工程外其餘約於一千九百八年內當可次第告竣統共築成之後約需費銀百萬金磅石牛海處相距鹽田不遠地方有土製水機藉用水力不須人工舂研神香粉廠一所月可出粉四十笠每笠計五十斤專係運來香港銷售者九月十三號箕伯爲虐本港船艘被摧毀者甚多溺斃人命約十餘人是月十二號時有德國輪船名蘇勞博者由海口載煤來港全船查無踪跡本港將軍澳地方新創磨麪粉廠一間由一千九百七年元旦開工磨麵新正二十二號開張廠地周圍有四百三十五英畝之廣向海面前隸該廠之地有二英里零二五石牛海之北岸離沙魚涌之北約三英里有高圳頭村該處有一礦山山名白石塘現有復興公司集資開採其礦質則有銀鉛兩種每噸可以

鎔鉛五成有五鎔銀三十八個安士現在約用七十工人暫行小試探掘之法則以鋤頭鐵鏟爲之查此礦曾經有人開過因用舊式抽水機器不能將窿頭之水抽乾以致停歇現聞該公司係用得忌利士抽水機器兩副不久則由歐洲購來新式機器大約將來當能開採得法平海角之白沙湖地方現有創辦製造玻璃一廠名曰福惠玻砂公司聞集資本四十萬元共八萬股每股五元如果股本不敷將來仍可加增該廠建設地方甚爲合宜乃因環近海濱所出白沙甚多最合製造玻璃之用大有取之不盡之勢查該廠以及工人所住屋宇工堅料實且頗通爽現在所用機器係買紅礮玻璃廠者將來仍須加購新式機器刻下作工之人約五百名均屬土人居多一俟新式機器運到部署停妥大約可用三千工人惟是目前所出玻璃器皿概屬粗糙尙未磋磨聞由該處擬築鐵路通至惠州府城將來運去內地玻璃器皿可以便捷多矣黑岩角之平海居中地方有渡船及小火輪船報被行劫之案數宗香港限禁軍火出口復再展限半年至一千九百八年五月二十七號爲止新任港督勞制軍於七月二十八號蒞任禰前港督調任你多地方是年本港染疫症者二百四十宗內有不治而死者一百九十八宗

光緒三十四年

四月

十四日

三品銜二等第三寶星署理九龍新關稅務司巴爾呈報

光緒三十三年拱北口華洋貿易情形論畧

竊查本口貿易情形本年往來華船經本關徵稅者共估值關平銀一千七百十萬八千七百八十五兩較上年多一百七十二萬四千八百四十二兩以估值而論本年貿易應較上年爲盛惟究其實則遜於上年蓋其加多之數祇在洋米與洋紗兩大宗緣本年新甯新會兩縣禾造歉收故洋米運至該處者較上年多值二百萬兩計上年運入內地之洋米值銀一百二萬五千七百八十六兩本年則值銀三百二十一萬一千九百九十兩洋紗一項運入廣州府屬之東莞陳村等處者居多計上年運入內地之洋紗共四萬七千一百九十八担本年則增至五萬四千二百九十八担至洋藥與五金類均形銳減查上年進口洋藥有一千六百五十担值銀十三萬二千九百十七兩本年祇有一千四百六担值銀十一萬八千九百十四兩其蘇門搭臘運入之煤油較上年亦少七十萬加倫蓋下府欽廉等處地方不靖商船之由本口前往者海面既有盜賊之虞陸路復有土匪之亂是以所運貨物儘敷銷售不敢多載而販貨商戶亦不敢屯積居奇也現甯陽鐵路已由公益埠頭站接至新甯城約計程途有三十味之遠經於西歷一千九百七年十二月三號開車雖目下收費頗廉然不久接至第二站三泮地方之時可卜其獲利甚豐查三泮第二站之路約長儘及第一站路程之半刻已趕築屈計明年夏末即可竣工該公司所購之車輛機器等件半由美國半由德國至本口附近建設之學堂本年並未增多其已設者教育之法俱甚完善意者來年或更推廣也

一本關稅課共徵銀三十六萬八千四百五十一兩較上年三十九萬八千六百四十七兩之數短徵三

萬一百九十六兩內祇洋藥一款已少二萬四千二百九十二兩其餘百貨稅項皆形減少惟徵抽百貨進口之經費暨釐金等款畧有起色

一外洋貿易右已論及除洋米洋紗外各貨皆見減少尤以洋藥及原洋布洋棉花麪粉蘇門搭臘煤油五金等類爲最其故蓋因各商附貨多舍渡船而附輪船由香港直往江門以期便捷復以本年內地禾造糖造收穫不豐無從獲利是以乏資購置洋貨其洋藥一項所以銳減者大約因省垣附近各地方近年倡設戒煙會董勸甚力戒除者多故銷流日少也

出口土貨共值關平銀四百五十六萬七千五百六十九兩上年則有四百九十一萬八千六百四十二兩綜核減少之數多於百萬分中之三分之一內如草席黃糖兩項計草席較上年約少一半黃糖較草席尤形減少緣此兩項貨物近年多由廣洲灣附載輪船直往香港亦猶入口貨之由香港附輪直往江門以致往來澳門渡船生意均被攙奪日形冷淡矣查出口草席由內地運至澳門者上年則有三百五十七萬三千三十一張本年祇有一百九十八萬九千一百五十五張黃糖上年則有二萬九千四百二十五担本年祇有一萬三千三百二担

復出口洋貨無

一沿海貿易原出口之貨無

一內地稅則洋貨轉入內地無

一船隻查本年經過本口渡船隻數噸數均較上年減少其遵照新章行駛內河之小輪隻數亦少而噸數畧多至渡船減少之故右曾論及因下府地方不靖每多裹足不前小輪拖渡因近年添設太多彼

此爭競致多有歇業者現輪拖既少商人改用稍大輪船單行來往以代之其香澳往來渡船本年共六百二十五隻載重七萬七千六百七十五噸上年祇有五百七十三隻載重七萬一千九十噸

一旅客本年過廠進出口者共五十八萬六千二百六十六人較上年六十一萬八千一百五十六人之數計少三萬七千五百三十人

一金銀祇有銅仙士一種由石岐執持護照運至澳門者共值關平銀五千九十五兩

一藥土查本年報納稅釐之洋藥共一千四百三十五担其已運入內地者有一千四百六担至年底尙未運入者有二十九担統計較上年少二百十四担澳門熟膏公司本年共買入洋藥二千二百六十一箱據報內有煑成熟膏在本澳銷售者四百六十四箱運往舊金山銷售者一千八百十八箱半然究其實運往舊金山者不過一千七百二十一箱耳

土藥無

一雜論本年西歷三月起澳門疫症流行異常酷烈直至西歷六月中旬始漸平靖僑寓華民因恐倘被傳染動多擾累故舍此而去者不止二萬人災後地方寥落雖政府極力招徠准出酬神會景三日笙歌雜遝舞獅游龍莫引居民復業然終屬無功所幸者富會景喧闐之際四方來觀者不下數萬人而地方安謐如常則賴所派巡兵鎮守得宜也西歷九月十三號晚間香山縣屬地方忽起颶風岸上屋宇水面船艇毀壞頗多南環一帶損傷尤甚計由南環至馬閣海邊新築隄岸均經被水冲塌近年澳門工程司署修理街衢不遺餘力現由南環填築新路西至馬閣礮台復由南環築路繞經東望洋之燈塔向北迴旋而下至公家花園一路山巒松隱茂密美景堪娛再由三巴門附近闢十字大路數條

縱橫至北業將告成似此康衢凡臨翫者遊目騁懷自必心暢神怡矣又大西洋澳門總督黑山於西
歷四月一號卸事迨返葡京新任總督高棣諾卽於西歷四月八號循泰西例矢誓接任其澳門天主
堂鮑掌教亦於六月七號離澳往歐洲

光緒三十四年

三月

二十一日

四品銜署理拱北關稅務司威禮士呈報



光緒三十三年江門口華洋貿易情形論畧

竊查光緒三十二年論畧所云揆度來年懋遷情景似足以有進益仍視乎米價起跌爲方針不料去年十一月間米價比之十月時高至百之二十逐漸昂貴迨至本年五六月比之上年十月高至每百約加四十之譜秋價畧減冬仍騰貴異常統計是年貿易情形雖有一二宗如茶如菸生意暢銷然不得遂心總關乎米價飛漲而商務因受其影響者亦有數端河面盜風甚熾銅仙毫子價賤鄰境通用銅仙毫子居多而用成員銅錢甚少惟天時較好雨水及時絕無潦漲之患上年遭颶風三次今祇一次而已輪船貨物載脚較去歲甚低全年經由本關貨物核其淨數共值關平銀三百七十六萬三千九百五十兩比上年增多約三萬兩其經由常關貨物價值去年計關平銀三百二十七萬九千八百七十一兩是年跌至關平銀二百四十三萬五千五百三十九兩互相比較已減少關平銀八十八萬兩河道賊匪猖獗所有貨物由輪船運載使費雖不見加增而民船即因此起價可異者鐵貨進口大爲起色究其原因以鄰近各境盜賊滋擾據云圍護窗門多用鐵枝以備不虞在本關境界其報劫案者多屬民船或小輪船惟大輪船並無被劫之事內有一案係賊夥先搶二小輪駛往劫掠拖繭船之小輪兩隻由繭市而回斃事主一人傷七人得贓二萬元該劫案出在西江水道距該處總礮台不過六里在附近崖門被劫之船戶來關稟報亦有數起該處在江門之南相距有七十五里十一月杪有英國魚雷艇滅魚雷艦隊來江門河界內巡閱往來航路雖藉此安平但該艦隊巡視弗及之地方尚多槍劫由此觀之賊匪竟巧於趨避舍其平素據有圖劫之處以遂私謀至於深水船隻行駛不

到之區卽藏匿以爲淵藪時常施其伎倆若以禾米而論早造收成頗佳晚造礙於霖雨不及平時並因夏天江水倍見短少所以禾造藉江水澎漲灌輸者大爲受害也當此冊表編列時逆料來年貿易情形似未必蒸蒸日上矣

一本關稅課比上年短徵關平銀六千二百六十四兩因出口正稅子口半稅船鈔三項已減少約關平銀七千兩祇有進口正稅加增一千餘兩常關稅課共徵關平銀五萬一千五百八十五兩比上年少徵關平銀一萬三千餘兩亦因出口正稅一項比上年減少八千兩

一外洋貿易進口洋貨價值比上年畧有加多布疋獨見短少麪粉自來火煤油白糖四宗則繼長增高可以抵補布疋之缺煤油去年三十萬六千八百八十加倫是年則有八十萬九千八百五加倫原色布去年有六萬四千八疋是年祇有二萬五千五百八十三疋惟銷路最旺令人注意者有企頭斜紋呢一宗上年僅一千三百九十三碼本年增至二萬三千七百一碼

出口土貨葵扇一款確有增益核對三年總數前年一百萬柄去年二百五十萬柄是年一千一百萬柄有奇草蓆由雷州運來邇因直往澳門無庸繞道故去年幾及八百萬條是年銳減幾不及一百萬條菸類收成甚好業此者均欣欣然有喜色心滿意足菸葉菸絲有加無已菸葉運澳更絡繹不絕比上年增至兩倍有餘茶造亦佳比上年多二千五百担埠內繅絲廠兩間獲利頗厚上半年土白生絲每担價漲至一千餘元遞減至九百元之數合此行生理而總論之不須著意自有佳景矣其經由常關者除菸絲一宗不計外幾乎各項貨物俱覺減色

復出口之洋貨無可紀論

一沿海貿易可置勿論

一內地稅則洋貨入內地領有運單者估值關平銀比上年約少八千兩

土貨出內地此款上年甚屬美滿是年短縮向會意料所及今果談言微中從前雷州所出草蓆係先運至江門然後轉運澳門現在可以逕達運脚既廉且免周折是以百貨總結冊本闕缺如

一船隻進出口遵照西江章程行駛者又復減少上年進口一千二十七隻是年祇有九百七十九隻查其隻數足敷載運年中常川來往香港計有四艘內港小輪船隻頗見增多去年入口八千十六隻本年則有九千九十八隻

一旅客輪船往港搭客計去年十三萬五千五百餘客是年十三萬三千八百餘客已少一千七百餘客諒因水脚加價每大艙客位多收洋銀二角故也船內之招呼客人機夥又俗名巡城馬上年貿易論畧曾詳言之大艙搭客名數彼輩總計在內其走私漏稅常技如前苦心取巧

一金銀無可紀之事

一藥土洋藥均由澳門進口拱北關自有紀載

土藥無庸贅述

一雜論新甯鐵路一段已於十一月工竣至十二月規模完備始行開車站頭係由新昌內河公益埠築起向南展至新甯埠去年論畧所載此段約長七十五里現查明確不過五十餘里沿途設有車站七所每到一站停車一次全段車行一點二十分鐘每日行車兩次其車票費收洋銀頭等八角二等五角三等三角頭等車來自美國客位寬舒布置妥適二等與頭等同但將原來坐位改作木櫬以代之

惟三等則用載貨車僅設長撓而已自火車開行之後日中所收車費由二百元至二百五十元總計此款載客實居多數第二段係由新甯埠迤南展至三夾海逐節接築約長七十五里必待來年冬季方可告成沿路須建長橋目下興修兩道每道約長一百六十尺工程雖未完竣已有十餘里可行屈計歲暮時定能達至五十墟地方是處相距新甯埠祇有十八餘里鐵路之南經過各處村落曩日起運碁難輪轉不易百貨俱用手車裝載田疇出產負以舊式牛車自茲以往堪稱利便鐵路之北公益埠頭頗似一商場基址曠是之故建蓋屋宇甚多惟是倉猝興工地脚未能填實八月被暴風吹塌頗多今已陸續修復不至如前苟且從事說者謂江門擬築鐵路與新甯鐵路毘連如該鐵路將來辦有效著此事亦在意中十一月十二日埠內設局開辦電報該線與佛山相接是月恩平新昌亦安置電線設局兩所十一月二十八日陽江又開電報局一所棠下地方距本埠十餘里創有製造烟捲廠揀選本處馳名菸葉如法製成每盒六十枝售價洋銀九角五分關前堤岸三月築成驗貨廠十一月完工查驗貨物已在該廠辦事驗貨平底浮船於八月初七日遭風沈沒業經拆毀正二月時在草鞋洲建立持久燈樁換去暫設燈桿因三十二年八月間該燈船遇風打沈故也

光緒三十四年

二月

二十四日

三品銜署理江門關稅務司慕天錫呈報

光緒三十三年三水口華洋貿易情形論畧

竊查本年三水貿易情形按稅課收數比之西歷一千九百零五年歷來推爲最旺之歲仍多關平銀一萬零三百二十九兩三錢五分八釐考厥原因一由於全年禾造頗佳雖值秋季陰霖迭降既向昔所罕有兼以華九月二十二三兩日又復大雨傾注損傷禾稼不少否則益爲近十年中僅見之豐穰矣其次乃有等冒險商家竟照去年貿易論中紀述之一端所謂利用三水爲總彙發運之區可將洋貨如煤油疋頭棉紗等類存儲此處俟請領半稅單後由小輪拖渡載入內地之法依照舉行其三係南甯現開商埠足使物產交輸之故也是年春初亢旱遂致田疇乾涸土堅如石農夫欲蒔秧苗殊苦於弗能施力是以人皆深切憂慮而其影響所及卽商業亦不無稍形停縮猶幸時雨旋沛勃然頓興因此早稻尙稱中稔揆諸當時景象似覺可以漸有起色抑更望晚穫愈臻盈美彼此均屬意愜心娛繇是百貨流通盜賊亦卽稀少耳試就進口貨比較表數目而論則棉紗疋頭兩項固已大有加增而於煤油一宗溢出尤著其中以蘇門答臘煤油爲最多緣該煤油進口後每待請領子口稅單運赴內地銷售是以煤油貿易盛於上年者遽相倍蓰計一千九百零六年之數共有五十萬三千三百六十加倫本年則有一百二萬四千二百四十五加倫但仍有餘地以俟次第推廣惟望販運他種貨物者盡力經營能如亞細亞煤油公司之果敢向前自能收應享優益之實效也至與南甯貿易一節雖進步未可驟觀惟其遞加之勢亦覺穩適如交輸之貨物自南甯來者以藥材熟牛皮茶葉等爲大宗而由本口轉往南甯者則土布紙料是已抑常爲憾事者北江商務迄未有人能謹握其樞機按上年擬議之

辦法切實試行雖非生意甚鉅然亦粗有可觀卽如四會蘆苞大塘清遠英德韶關等處所出之茶葉生油赤糖竹筍紙張煙葉瓜子冬菇蓮子牛隻牛皮暨少數之樟腦藥材各類設或得人採辦物產自多若使出口之貨日見繁增則進口之貨亦將藉以銷路益廣矣北江一帶大輪船雖莫能到甚至小輪亦有時弗便駛行惟其商務殆未應因陋就簡卽不爲精心擘畫勉力振興耳而且民船本可計日循程附貨上下倘預期寄單定貨一俟該貨運抵三水旋復移載於輪船直往香港照此辦法想各人亦當同以爲然云本口地址既係兩廣郡邑過往客旅源源不絕則營建貨倉一所及另闢一房以備存蓄各種貨樣之用均甚合宜但商家貨物往往互相牽導每聚於墟場市鎮衆多購買之區斷不聚於孤城僻岸之境具此原因所以西北兩江歷來貿易皆萃集西南佛山等處而不在形勢較近且優之三水地方遠勝於以上二處者更兼以是域土人似欠冒險精神多生恐慮不敢放手抑其資本無甚饒裕之故也倘若本處自治會果能自行禁制爭論時政凡事聽憑國家措施整頓將其實力以研究本處商業俾圖懋遷盡利則該會亦不枉費一番開創也如果本處商人能與北江商衆互結團體設立一振興北江商務公司築造貨倉並備有儲列貨樣之厰宇者則香港各輪船公司諒亦共表同情協力襄輔因於彼等所獲載送之費必多故也至與北江交通貿易若土貨三聯報單出口運照亦屬不可不用蓋緣現行之洋貨入內地半稅單久已成效昭著矣所有北江各地方小河城市均宜留心考察其製物經商時加勸誘此不獨洋商暨各輪船公司莫收貨產運資之利固所當爲卽其本地紳富與中國政界亦宜相機提倡善自勉勵苟能工藝繁興商務暢旺則課餉自增大局亦賴有補助耳西北兩江水陸諸境固需兵力充足惟是致民康富之效似比專恃刑章鎗彈防禦盜亂者尤覺仁

慈且更爲妥善已

一本關稅課照稅項比較表册紀載歷屆之數則以本年所收爲最佳統計共得關平銀十八萬五千七百二十七兩三錢五分六釐比之一千九百零六年溢徵關平銀一萬三千四百七十三兩三錢六分即與一千九百零五年相較仍多關平銀一萬零三百二十九兩三錢五分八釐雖是年乃向來推爲至優者倘並無水旱蠲亂等事則此後更當逐歲恒有加增亦理之所可信也

一外洋貿易進口洋貨價值試與上年衡覈自關平銀二百二十五萬二千零八十七兩增至二百六十四萬二千八百八十八兩計多出三十九萬零八百一兩之數各貨價值均屬溢額其尤可顯見者則如棉紗疋頭縐緞檳榔麪粉白糖染料日本自來火蘇門答臘煤油各類其所短絀者惟有洋藥而已抑按進口貨價所增之中另有一宗貨物未能列於比較表內者即上海土布乃係經過香港運入口最爲特色但茶葉一項從一千二百十担遽跌至一百八十九担該茶多福州所產曩時每附輪船載來三水完納進口正稅然後改裝民船駁送佛山因此皆銷往下游之貨本處常關並不徵收別款稅課特自廣州裁免各號口後該茶逕在省城盤赴佛山取其程途稍近故也

出口土貨比之上年價值短絀關平銀五萬八千九百零八兩所宜照錄蓋緣是年土布減少此貨多係洋布土染桂皮停止採辦此貨照舊由省及紙料煙絲兩種向來常係運出香港復載入口俾令變爲外洋

之貨希冀沾享領內地半稅單之利益近今則直運以赴梧州南甯矣惟是外洋出口價值雖形縮少而沿海貿易價值仍有逾盈且其最關緊要之大宗如草蓆包及草蓆之類尤見卓著故亦不必視爲缺憾耳

復出口洋貨無

一沿海貿易原出口之貨本年價值共得關平銀三十七萬一千五百四十九兩若與去年價值關平銀二十四萬三千二百七十兩數目相較計增關平銀十二萬八千二百七十九兩大概因是年商務量加擴充而且南甯開埠貨物愈便銷行之所致也

復出口之貨無

復進口之貨按一千九百六年此項貿易價值僅得關平銀十四萬零九百九十八兩本年數目竟增至二十四萬七千七百七十七兩其逾於上年者則有關平銀十萬六千七百七十九兩總由貨類漸多之故抑從前僅自梧州載來本口今已添出南甯暨該處附近之區土產各品輸運咸通是以數目更爲加漲而其藥材一宗尤堪稱勝焉

一內地稅則洋貨入內地是年價值綜共關平銀二十二萬七千八百十四兩比諸上年十五萬一千四百五十三兩之數計增關平銀七萬六千三百六十一兩乃緣煤油鎔路近在北江地面殊見推廣使然耳

土貨出內地無

一船隻考其加多之故半由本屆各輪船常川駛行悉循定期來往乃較勝於上年抑另添裝載煤油之躉船暨所拖之小輪亦俱進出有恒也

一旅客是年其數大增則緣各輪船及載客之小輪拖渡均知實力整頓克與廣州三水鐵路互相應接益得迅捷無阻云

一金銀無可論紀

一藥土洋藥計比去年短絀九十担或因七八月間各商人運貨入口彼時咸具有不甚穩愜之思想蓋以未知禁煙之功令其效果究竟奚若耳

土藥無


一雜論是年西南地方運到東洋織造機器三副另有一副盤往肇慶均爲展拓工藝之需抑聞清遠所開配製自來火廠頗規興盛雖則日本自來火進口之數加增甚鉅而此項自來火仍確有蒸蒸日上之勢該貨在北江每盒不過售銅錢四文足抵日本自來火五文一盒者本屆添却新貨一款乃由廣州灣載赴德慶穿綴地席之黃蔴是也且有大宗白糖亦在廣州灣運來該糖成色似屬次等惟其價值較諸香港車糖每担低賤洋銀五角又進口染料用以浸染席草者并見復旺卽歷來每年亦皆以此爲要品云三水常關掛銷號費等類爰自是年二月十五日截止停收卽西歷一千九百七年三月二十八號也此事特因遵奉定章施行然於商務大局亦自不無裨益耳將近歲終之際英國兵輪雷艇駛入本處水道梭巡至如此辦法宜獲何等效驗及河面果否更藉安謐有無實在把握現覺時間太早誠難預言但其風聲所樹或於船務略有變更來年應可自見也廣州三水鐵路是年景况良足愜意儼客之數較諸去歲逾溢殊多曾在本處建有機器廠一座並於沿途造安車站五所抑其路基亦更增高築厚倍形堅固凡茲各事均見進益焉本口停泊章程制定已承中國政界照准刊布及北京各國欽使僉允頒行而本關停泊界內亦經重新測量矣

光緒三十四年

正月

初六日

署理三水關稅務司林德厚呈報



光緒三十三年梧州口華洋貿易情形論畧

竊查西江自西除雲南外以至廣東係直貫廣西全省是西江爲廣西運貨必經之孔道梧州口岸居於西江將入廣東之地凡出入之貨物必由梧州關經過所以西省與外洋及沿海各通商口岸貿易之多寡不難臆斷然出入口各項貨物每年互有不同此係因年成所致本省各項貿易以米穀爲大宗若遇豐收之年則早見民船裝載米穀運往廣東售賣後或滙銀兩或辦貨物旋西倘遇荒歉之年地方官顧及民食禁止米穀出口則利源因是而梗查本年西省之貿易不得謂爲佳也有八閱月禁止米穀出口至八月初間始行弛禁惟新定加抽米穀章程商人厭其煩瑣皆不樂從衆議歇業定於八月二十日停止辦貨乃不意竟於是日沙街不戒於火遽遭回祿商民甚爲驚恐并有殷實舖店數間同罹此災因之商場倉皇失措迨米穀新章雖經規復舊制仍有月餘未能如常貿易嗣聞省南地方有土匪擾亂甚爲吃緊本省張中丞親往查辦沿途經閱晚造田禾不甚豐足未免復行禁止米穀出口更因本年外洋金價漲落靡常故貿易亦受其影響如金價漲洋貨必隨之而昂而土貨則可藉以獲利查閱本年貿易冊可知由香港運來進口之洋貨較往年減少土貨出口往香港則有加增本年由輪民各船裝載進口之洋土各貨共值關平銀八百四萬七千四百七十五兩出口往華洋各埠之土貨共值關平銀一千一百七十二萬五千一百四十七兩另食鹽進口約五十八萬担上下本埠每担價銀二元五角土藥出口入廣東九百七十六担價值關平銀四十四萬兩左右至粵海三水等關所發之半稅單由梧經過連往內地之洋貨價值關平銀有七十五萬兩之譜

一 稅課查中國以銀爲本位泰西各國以金爲本位因金價漲落靡定所以考查中國與外洋之貿易不能真知洋貨價值之低昂但中國有一定之稅則進口貨物按值百抽五征稅出口貨物大畧按值百抽三征稅若據此看來即知中國之貿易暢旺與否查三十三年本關輪船由香港運來進口貨物征稅關平銀二十四萬八千五百四十七兩比三十二年少征一萬八千兩比三十一年少征四萬七千兩無論有何緣故以此考之可深知洋貨由梧州新關運進西省之減色民船由東省運來進口之貨大畧按值百抽一征稅庫平銀二萬二百二十兩比三十二年少征一萬三千五百兩本年由輪船出口運往香港之土貨新關共征收關平銀十萬六千五兩比三十二年多收九千兩自開口以來出口正稅誠以本年爲巨擘至民船由西省運往廣東之土貨常關共征收庫平銀十一萬七百五十九兩比三十二年少收四千六百兩比三十一年少收七千六百兩如此短絀實爲歷年所未有蓋因米穀不准出口或因貨物由輪船直運香港不由民船至廣州再轉運香港之故耳再本關稅課次其要者即係出入內地半稅三十年入內地半稅征收關平銀十二萬餘兩至三十二年縮至十萬三千餘兩本年竟縮至八萬六千三百四十兩推緣其故半由南甯開設新關半由洋貨進口比往年較少更因本關所發之半稅單異常瑣碎出內地半稅本年征收關平銀一萬九千七百二十五兩比去年少征四千兩此亦因開南甯關之故本年所征各項稅課英國旗二十二萬八千三百六十六兩德國旗七萬一千一百一十七兩法國旗四百五十四兩美國旗二十一兩至中國旗不僅完納新關稅銀十六萬九千六百十兩并完常關稅庫平銀十四萬二千三百六十六兩

一 外洋貿易進口洋貨本口商輪至遠僅抵香港西省商人所運之洋貨均係在香港購買即土貨出口

亦或直運香港或至廣州轉運香港在稅課內經已叙及本年進口貨物較前兩年大爲減色緣禁止米穀出口財源卽不流通是以購買洋貨者以致裹足不前此爲西省商民少購洋貨實由無法銷流米穀之故查英國各色棉布本年進口之數比去年大減卽如原色布一類少二萬一千疋標布少一萬八千疋棉剪絨少三萬一千碼等類但查無花色布一類則多三千疋香港所織無花色布亦有加增日本棉布自七千七百八十四碼增至四萬三千二百六十八碼大約係因日本棉縐布自十萬四千碼減至二萬四千九百二十一碼之由印度棉紗有一千二十八萬八千一百斤比去年多六十八萬斤尙有日本棉紗一萬二百斤至印度棉花本年祇有三十二萬四千四百斤比去年少五分之一若絨類各貨亦爲減色絨毯去年有二萬三千五百六磅本年不過一萬一千五十二磅德國哆羅呢本年祇有九千三十二碼比去年少三千碼啤噤本年有六千二百八十五疋比去年少二千五百疋小呢九千一百七十一碼比去年少五千五百碼五金類與去年不相上下鐵碎片有三百十三萬六千九百斤舊鐵五萬三千二百斤鋼柱二十一萬二千一百斤惟鐵支自四十二萬六千九百斤減至十九萬四千四百斤而他類鐵釘有五十五萬四千二百斤比去年多五萬斤其別項雜類貨物幾於皆由泰東用銀幣各國購來所以較諸用金幣各國則減色有限檳榔土布鹹魚石羔藥材紙料胡椒等類俱有加增麪粉有五百三萬六千一百斤德國品藍價值關平銀二萬三千三百八兩此二類亦有加增惟日本自鳴鐘及燈器自來火棉傘等類均爲減少美國煤油三十八萬二千二十加倫比去年多二十八萬八千五百六十加倫惟蘇門答臘煤油二百七萬二千四百三十五加倫比去年少九十七萬六千九百二十加倫統共比去年進口少六十八萬八千三百四十二加倫

出口土貨新關征收出口稅項既比去年加增似係出口土貨較爲暢旺至增多者爲紅牛本年出口二萬一千一百七十七頭去年出口祇有一萬六百九十二頭生豬四萬九千七百四十三隻比去年多一萬二千三百隻除由民船運往廣東九萬六千六百十隻不在此數鷄鴨本年出口一百二十七萬三千三百九十五隻比去年少十萬隻八角一百四萬二千三百斤比去年多四十四萬斤板錫比去年多十七萬斤瓜子比去年多八十萬斤生牛皮多十萬斤木料多值關平銀六千兩雜貨多值關平銀七萬兩生果牛油菸葉菸絲及土絲等類亦比去年加增惟樟腦比去年少三萬四千斤桐油茶油等類少一百十萬斤熟牛皮少二十五萬斤土茯苓少二十四萬斤五倍子少十三萬斤水靛本年出口一百三十九萬三千斤與去年不相上下紅牛每頭價值關平銀三十兩左右均爲香港呂宋日食之需本埠出口之生牛皮二百四十二萬七千四百斤俱係運往新加坡用拷皮製熟再運回中國西省之生牛皮若能加意掃曬乾淨捆紮緊固勿使有生蟲霉壞之弊運往倫敦可獲厚利至糖類本年竟無由輪船出口此爲本省之大歉二十六年輪船運出口之赤糖九百萬斤另民船運出口二十萬斤本年輪船並無載運祇民船裝有四十九萬六千九百斤二十六年尙有白糖五百萬斤出口本年不第毫無出口反由香港進口二百十萬斤噫是何故耶內地土人以蔗地種桑耶查二十八年本省運出土絲四萬八千二百斤本年有十三萬九千四百斤比往年似屬暢旺本省林業內地土人諳種植之法視下流之木排即可臆度林業之財產鄰省所需之木柴均係出自本省本年由輪船運往香港共值關平銀十八萬五千五百十四兩由民船運往東省共值銀二十萬餘兩

復出口貨物價值關平銀不過一千四百九十六兩

一沿海貿易原出口之貨廣西土貨若不由輪船直往香港即係往廣州由廣州復出口或往香港或往沿海各口岸本年由輪船往廣州之貨共值關平銀三十五萬八千三百九十兩由民船往廣州共值關平銀七百五十一萬五千三十八兩輪船所運之貨即係水靛八十五萬八千九百斤熟牛皮十七萬八千八百斤瓜子二十三萬五千九百斤并零星雜貨民船所運者係竹子一百六十一萬五千五百七十一根木柴值庫平銀二十萬七千四百四兩花生餅二千五百五十萬四千六百斤生牛皮一萬八千五百九十九張木板三十六萬四千六百五十六塊水靛七百三十三萬九千九百斤生豬九萬六千六百十隻并有多數零星貨物至米穀一宗三十年由民船運往廣東一萬五千五百八十萬斤本年准米穀出口之日甚少僅有三千六百六十萬斤若不因禁止米穀出口去年雖有閏月常關稅項亦可與之相埒蓋雖有數宗貨物比去年較少其大宗貨物則有加增如桐油有三百八十九萬九千七百斤現爲歐洲做油漆之用其桂子桂枝桂皮桂油等類比去年減少生豬亦比去年少三萬四千隻至鷄鴨一類去年有十二萬九千五百九十隻本年竟不過四萬七千三十隻如此銳減殊不可解復出口之貨所有由香港運來之貨復用民船運往新開南甯之商埠者共值關平銀七十三萬六千兩并由南甯商埠用民船運來之貨復出口往香港者共值關平銀三十八萬七千兩在未開南甯埠之先此項貨物應多一中國半稅約二萬五千兩現在此項稅銀化爲烏有且無別項可以彌補運往南甯之大宗貨物係洋紗一百九十五萬斤煤油八萬八千五百加倫并零星貨物由南甯所來之大宗貨物係紙張值關平銀十萬兩菸葉菸絲值關平銀十萬兩并零星貨物

一內地稅則往年准細微貨物分請半稅單係爲便商起見實未料及其弊現查似有弊竇蓋因所發之

半稅單年多一年而所收之稅項反年少一年此外自開南甯埠以來稅項更爲減少因往來該埠之貨在本口祇完一正稅之故也本年由香港所來之貨運內地共值關平銀三百八十七萬八千四百三十五兩發出半稅單十二萬八千六百六十七張查三十年分半稅單尙非瑣碎分發之時貨物價值雖有六百三萬一千二百八十二兩之多而所發之半稅單僅八萬六千四百八十三張本年往貴州之半稅單九萬九千七百六十張往湖南僅祇七百三十三張土貨由內地來梧運往香港者值關平銀一百四十四萬四千三百兩共用三聯單二千七百四十五張去年值關平銀一百九十三萬餘兩用三聯單二千六百餘張由雲南所來之土貨現均在南甯關完納出口正稅

一船隻本年進口輪船有七百六十五隻共二十一萬七千八百八十二噸并有帆船一百四十五隻共一萬一千一百八十五噸報新關船隻數目雖有加增然尙非近十年來之項大者惟噸數比從前多二萬五千噸自開口以來輪船噸數年增一年由二十四年有四萬四百四十七噸至本年增至二十一萬七千八百八十二噸挂英旗者五百一十一隻十六萬七千二百八十九噸華旗一百五隻二萬六十六噸法旗七十一隻一萬五百七十九噸德旗七十隻一萬九千七百四十噸查內港小輪二十四年報新關進口祇有六隻共九十三噸至去年有一千六百三十六隻共三萬五百十噸本年縮至一千二百四十七隻共二萬五千六百二十噸此項小輪挂英旗者四百五十八隻法旗六十四隻華旗七百二十二隻報常關之民船六千九百八十二隻共二百六十二萬三千二百十九担係由廣東佛山等處報運進口并有一萬二千七百三十七隻共三百一萬二千七百九十四担報往出口本年進出口民船比往年甚少大約不准米穀出口所由來也

一旅客本年由輪船進口有洋人二百八十五名華人九萬八千一百九十九名出口有洋人一百八十五名華人十萬八百五十七名以上進出口數目附搭往來香港梧州之六輪者洋人一百四十七名華人七千八百五十名附搭往來廣州梧州之四輪者洋人一百六十三名華人二萬九千一百二名往來三水梧州之洋人九十五名華人一萬九千九百三十三名至往來內港各處之小輪所載者洋人六十五名華人十三萬九千二百九十四名統計進出口洋人四百七十八名華人十九萬八千五百十六名

一金銀向無報關者因所帶之人嚴防盜賊覬覦或藏行李內或藏貨物內是以無可紀述

一藥土洋藥本年進口不過二千八百斤以僑寓本省之廣東人吸食者爲多本省人所用大概均係雲貴之土

土藥本年入西省大約有五十萬斤之多由民船復運東省不過九萬七千六百斤比之去年大減聞多由北海出口

一雜論西江在往年氾溢時可漲至七十尺城廂內外咸成澤國本年幸河伯尙不爲虐至高以九月內爲最僅漲有四十三尺至涸在正月退至一尺以下本口附近河面未聞有搶劫船隻之事在二月內有往來甯梧之航興小輪在上游地方觸石沉沒溺斃四十七人殊爲慘甚六月初四日法國兵輪亞居士由右江駛至柳州是月二十五日言旋六月十七日德國兵輪青島駛往南甯八月十八日回梧十二月內有英國魚雷艇四隻輪流到梧以致人民惶恐幸地方官出示勸導始相安於無事若按外國書籍所載均稱廣西爲省瘠地荒之區時有瘟疫且民情刁悍此等言論實未知其底蘊遽爾妄談

查廣西土地不得謂爲荒蕪水土亦不惡劣民情亦不爲刁省况之窮尤不能謂之永遠在昔時而論小民無知諸多忌諱之習未能消除地產之財寶尙隱藏未現衛生之理未能普及全省現有本省精明幹練之長官振興衛生之學開隱藏未現之礦教習新法播種農田栽植樹木等政民智從此開通小民皆有實業可圖自食其力養贍有賴稍待時日則廣西省爲富省民爲良民

光緒三十四年 二月 十八日 三品銜二等第三寶星梧州海關稅務司阿理嗣呈報

光緒三十三年南甯口華洋貿易情形論畧

竊查本口貿易情形於光緒三十二年十一月十七日自行開埠通商始因關員未到延至二月初四日開征緣初設海關各商多懷觀望至二月十九日始有貨物報關按本口商埠地居左江之岸邊距梧州三百六十八英里距龍州口二百五十英里左右本口府城內外地皆平坦土地頗稱膏腴城內駐有廣西提督軍門一員左江道一員其居民半居城內半居城外上下廓街凡富商巨號均在上廓街附近之沙街貿易其下廓街開闢商埠作爲華洋商人貿易雜居之區如河水泛漲之際亦無患淹浸之虞除下廓街之外並無有高於此地者商埠一切事權如何辦理已定有章程本口關監督爲總辦商埠局務內分四所曰工程曰巡警曰審判曰租稅各派專員辦事均歸監督所屬查定章商埠之地可租而不可買租以三十年爲期限滿換照再准租三十年埠內租地價值附岸近處每畝每年租洋六十大元二等五十元三等離岸較遠者四十元除租項外每畝每年納地稅洋兩元如洋商欲租地畝須由領事官照會監督方可租給華商可逕由監督給租各商租定地畝由監督發給紅契埠內應築隄岸馬路商埠局關署碼頭公園菜市均係公款興辦如有特動工程及辦理公益等事均須按戶派捐提倡一切事宜首爲監督二各國領事官三公舉華洋商董各一人會同商辦現在工程所已辦各事築就隄岸一條計高三丈有餘長一百二十丈緣其地坭土甚鬆加以塘水灌注因此工竣後崩塌二次業已重修堅固增開陰溝以洩其水自此商埠地面約無傾圮之虞也又建造商埠局屋一所併築馬路三條均稱周妥西人所難料者離海口較遠之區尙有此美域也現關商埠之地係邕州

古城之所迄今舊基猶存卽商埠東邊之界限查古城係宋朝仁宗年間州守劉初所築屢次崩倒一日夢神告之曰依蛇行乃可成立次日果見一大烏蛇繞行於地遂依其跡築之始固後儂智高入寇城破一家殉於難追封爲威靈公建設專祠卽今之府城隍廟也勘查從前築城崩倒之故皆因水勢湧急碰撞所致現築有隄岸爲障可望無患乎此本口人民除本地原有外尙有山東浙江兩省流寓者其間以山東人爲多云係宋朝仁宗年間有大將狄青征討儂智高時遣散之將兵或爲土官或爲土民其土官歷朝以來逐經裁革現在所有無幾惟生齒蕃衍頗爲不少至今尙有能講北語者而本地人民實無言可譽凡男子少務農業多事賭博傭工以婦女爲多民間設有怨恨或稍迫饑寒卽羣起爲盜賊聚衆拜台勾結游勇至有數百人之多凡良民不肯與官兵幫捕盜賊者間有與匪黨相通亦有畏匪之報仇者不能一概而論匪類匿於荒山僻坳路境甚熟兵至則匪散兵退則匪聚因此官兵緝捕無從卽使匪類竄入村中官兵亦難分其良莠現在各鄉村四圍多植荆棘編連如籬於進出之綜要設以窄小之門藉資自衛照以上所論廣西近年之亂實因土匪之故非民變者可知現聞傳言革黨勾結土匪大抵此言不爲虛謬所以土匪之中亦有謀爲不軌者人心若此地方官之難可不待言而知矣查廣西通省上年滋事之區僅止數處皆由地方官防範之嚴彈壓周到之功效也然查地方雖屬不靖較之香港廣東謠傳之說尙不至此大抵地方相隔愈遠而謠言之傳說愈重之明證也去秋因龍州滋事撫帥張鳴岐遂有巡邊之舉逐經招募勇丁訓練團防整頓巡警以弭隱患舉練新軍以資守禦並調勇分駐要隘多方佈置不僅爲防範之地步且欲擴充利源業已籌撥巨款搜開礦產以裕國用修治河道以增水利廣設學堂以育人才種植叢林以振農業凡當時之要政莫不逐

漸興舉至於本口商務情形因水淺灘多驟難暢旺據船人云由梧至甯共有二十二灘貴縣以上之伏波灘爲最險查該處河道石多積聚源流湧急上下船隻至此則不能直駛而過須視水之深淺曲折行駛除二十二灘之外亂石礫然不可枚舉其河道之艱險若此各船戶往來自若此亦深可嘉獎者且觸石之事亦少有所聞查去年歸新關管理之船往來梧甯計有一百七十九次之多碰石滲水者僅止一隻亦無大損賠此情形若不修治各處輪船勢難來本口者概可想見去年擬開鐵路連接山水至今絕無舉動本口至北海鐵路亦不見倡辦而於本口商務尙有難者因運來土藥逐年遞減聞從前雲南土藥運來本口每年約有三千箱之數貴州土藥有五千箱上下現在僅有十成之六查從前雲貴兩省土藥運來本口多有易換洋貨現在土藥稀少而貿易亦隨之減色查土藥稀少之由其故有二一三年以前開辦兩廣土膏統捐征課甚重此後土藥改道他往二種土藥之地戶因去年聞有禁烟之舉各戶減種土藥多植棉花查去年過本口之貨計九個月內估值關平銀有一百五十萬兩之數惟不能照此數爲本關洋貨進口土貨出口之實數蓋因本口商家尙有在梧州關領內地票請三聯單者不少是以此種貨物本口關冊簿所無梧州關冊簿所有也本口華商尙有在梧州關請領單票者大約有不能不與梧州代辦人聯絡之處此中情形可臆斷而不可明言也現在本口開關凡貨物運抵之處與從前梧州關所至之處一式亦不能及遠然此間開關之後有益可沾者本口商家係屬正商由廣西之東及雲南貴州附近之區於香港廣東之生意皆在本埠商人掌握之中梧州商家代辦人居多祇管裝附貨物完納稅項之事現在本口開作商埠洋商可以來甯面相交交易而沿途代辦人之耗費可以減少又洋紗一項廣西大宗之生意係本口商家所獨辦不僅廣西一省

而廣東之洋紗亦能獨操其權利又爆竹一項亦本口居要之生意現估值關平銀約計三十萬兩左右其造作之處有大行數家小舖數間查製造之工非盡出自各行舖以小戶居民爲多云須轉二十餘人之手始能成此一物由此觀之爆竹之業大有裨於本口小民之生計者其所產爆竹云本口爲最佳故樂購者衆因燃放後能使捲爆之紅紙散佈滿地時屆年節遍閱街衢滿地皆紅始信此言之不誣也所產生熟牛皮各種估值關平銀二十萬兩有奇其貨生熟兩種各有八成運往香港有二成運往廣東之佛山銷售生牛皮惟黃牛一種熟牛皮水牛皮黃牛俱有查本口附近一帶出口之貨以生麵荳米爲大宗此等貨物全歸統稅管理之船裝運出口歸新關管理之船裝運出口者甚少間有因他貨船裝未滿藉以湊數而裝運也八角八角油二物均產自雲南之廣南府及百色龍州等處煙葉則由武緣紗紙亦有武緣亦有思恩者鹿皮艾粉則由百色除以上各貨外尚有零星藥材等物均爲本口出口貨物之大宗也統查進出口各貨無論新關統稅約共估值關平銀五百萬兩上下查本口商人以廣東人爲最多惟廣東人究屬客民設有盈餘不免溢出東省各省會館惟廣東有大者一處小者四處其餘浙江安徽江西湖南福建陝西山西等省各祇一處查本口銀號共有二十餘家其中大者數家係東省之巨號分設小者十數家而本處銀號雖多其現銀却少除鄉間人有貨來城售賣者商家不得不給以現銀此外各商互相貿易則概用銀單此等銀單甚有至數錢者若持單至該號則登記於簿籍不能兌取現銀若欲兌取現銀每百兩須扣現銀水自四五錢起至三兩不等視市面高下爲定推原其故皆因各銀號不願將現銀溢出而作通用銀單之法卽爲扣現水地步各商採辦貨物運往出口可將貨物押抵銀號借用銀兩再辦貨物如此成本少而貿易可以廣大本口借用銀

兩利息甚重以半月爲一期去年每期利息每銀百兩由六錢起至二兩餘之多查本口此等利息尙不爲重云從前每期每百兩至六兩八兩之多後地方官聞風禁止每期每百兩利息祇准以三兩爲止本口生意尙有與他口大不相同者凡巨商辦洋貨進口轉售他商者均係賒賬定期甚遠洋紗以十期爲限各種疋頭六期火柴火油麪粉均一期其餘各貨四期及至限滿所買之貨尙不能全償價值祇償十成之七餘三成又須一期然後清償如下期另有交易所逾限之三成則又不能全償亦祇償十成之七如此商家交易多而逐次積欠三成之款則永無清償之一日也凡辦貨來甯之原商轉售他商者一因償期太遠二因河道之艱險三因担負銀根責任甚重因此商家不能不昂售其值也以上情形在傍觀者視爲有礙商務之流通在各商因歷來相沿已久亦無爲數甚巨之倒欠故有不可改變之勢也本地各商所用銀兩均以雍平爲準每雍平銀百兩卽洋銀一百三十八大元零五五但雖以兩數計算仍以洋銀爲權衡所用之洋以香港廣東之雙單毫銀爲多湖北亦有大元雖有無多以法國者爲通用此項大元兌換毫銀每百元去年伸水由二元至六元之數

一本關稅課共征收關平銀二萬四千餘兩其征收數目之少因本口商家仍有在梧州關完納進口稅之故且征收稅項惟九個月之時自今年伊始可望逐漸暢旺也

一外洋貿易無直運進口之洋貨亦無直運出外洋之土貨因本口裝運貨物之船只能在梧州南甯兩處往來所裝貨物至梧州尙須裝換船隻轉運他往凡梧州轉口來南甯之洋貨以洋紗爲大宗鄉間人民購買洋紗自織土布用土靛染製顏色縫置衣服至冬寒之際亦惟加穿數衣而已凡絨布等料只有在城人民購作衣服之用也由外洋轉運來甯之洋貨共值關平銀七十三萬九千餘兩由本口

往梧州轉運出外洋之貨以八角爲大宗去年出口八角共有九千餘担據商家云去年八角年歲十年內爲第一豐收之年也凡八角八角油等貨云係由龍州辦來者爲最好

一沿海貿易一項凡由本口原運出口之貨均在此內共值關平銀七十二萬三千餘兩此間裝運出口之貨只能到梧州爲止若在梧州報運何處銷售均以梧州關冊簿爲準

復出口之貨無

復進口之貨由廣東之佛山運來者居多由佛山裝民船到山水由山水換輪船到梧州由梧州再裝民船至本口佛山商家去年由郵政包裹寄綢緞來本口者估值關平銀一萬一千七百餘兩由別通商口岸復進本口之貨共值關平銀八萬一千餘兩

一內地稅則查去年洋貨報入內地共請領內地票一千五百八十六張征收入內地稅項計關平銀一千二百餘兩估值關平銀六萬一千餘兩其所領內地票數內運入本省內地者惟一百零七張運往貴州之安順府者多至八百三十九張運往雲南之大理府者亦有六百四十張之多但查各商請領本省內地票雖少不能謂本省內地銷售之貨亦因之而少也蓋各商領票之時多有以遠處報關之故查往貴州安順府之運道由水路至百色起早經八度坡脚與義府等處運抵安順共計旱路十八站往雲南大理府之運道由水路運至雲南屬之剝隘由該處起早經廣南府雲南省計三十二站可達大理府

土貨出內地共用內地票一百九十三張運出內地之貨共值關平銀九萬三千餘兩征收出內地半稅共關平銀一千三百餘兩用內地票運來之貨以八角爲最多

一船隻往來梧甯有約小輪僅止一艘而且甚小計五十噸喫水二尺可以常年往來因船甚小不能載重所以裝運貨物全在民船均係香港梧州輪船公司僱用裝貨赴梧州查此等民船之大小由十五噸起至五十餘噸不等凡下水民船在水大之際由甯至梧六天八天之間可到設於水淺之時須要十天十二天之久凡上水由梧來甯之民船約在二十五天至三十天之間然後到甯此等民船除船尾設舵外其船頭加以大槳一枝云過灘之時有此槳便於行動也其民船由本口下水到桂平一帶共有六處險要之地均有帶水爲導綫此等帶水人須由地方官發給憑照然後可以充當凡輪船上下梧甯各輪船均有專請帶水之人則不請沿途帶水人爲導綫

一旅客凡搭新關管理之船來往共有一千四百八十六人除歸新關管理之船外尚有車扒數隻上下各埠搭客亦屬不少惟在水大之際輪船可以到甯者則此等車扒皆專駛上游

一金銀進出之數各商向不報關無從查考

一藥土洋藥土藥並無經過本關無從具論

一雜論本口改變西法之事開辦巡警設有巡警總局一所各巡勇身穿號衣手提短棍巡站各街及各城門又救火水車備有數架並預派救火民壯頗有公益設立學堂已有小者四處中學堂一處師範學堂一處凡各學堂之學生於去年秋冬之季因地方官籌捐學堂經費以致釀成土匪滋擾有仇視學生之風聞因此各學生多有棄學歸家者另有法國教習設立法文學堂一處法文學堂附近有法國天主堂一所另有美國耶穌教堂一所英國耶穌教堂一所兼醫院

光緒三十四年

二月

十七日

四品銜署理南甯關稅務司斯泰老呈報

光緒三十三年瓊州口華洋貿易情形論畧

竊查瓊州一口本年貿易情形每與各商提及異口同聲告以冷淡低跌獲利輕微絕無起色迨至年終結帳之期查其實情則又覺甚佳並無衰落之事攷進步之處亦並非怠慢是可概見貿易之徒之所以常以生意不佳爲言者皆屬商界中之常情無足怪也此外又有一種商人設其初意預料一項生意必可獲利一百兩乃不料後來僅獲至八十兩未能滿其所欲彼卽藉口以其生意已經虧折二十兩爲嗟怨然細思能爲此等巧說之人縱或不知其詐亦可必其經營決無折本之事也本年春間天時亢旱本島禾稼微受損害其零沽米價每担由四元二角漲至五元一角因之人心極其張惶會館中人見此情形亦卽集議欲往安南採辦米石回瓊平糶接濟貧民蓋海南年歲之豐歉全視乎天時之如何而定若風雨愆期則必難望其大有也以故當此亢旱之時人皆以爲今歲之收成必無可望乃旋幸天降膏雨使將枯之田禾得慶回春藉收桑榆之補其會館前此欲辦平糶之議至於此際亦遂因之而作爲罷論矣本口首季之貿易絕無起色出入口貨物俱爲減少情因華人新年之候適在西歷正月月底二月中其首季之臘月因近歲暮之故各行均須綜核數目發單收帳或有積存之貨亦須設法銷售迨屆新年各舖夥伴又須告假回家度歲直至正月元宵後各行始得開張陸續起手辦貨故核計貿易停止之日最少亦有一月之久職此之故所以一季之生意減色亦意中事也三四兩月雨水霑足非特挽回久旱之田禾卽本島之荔枝亦因之蕃盛碩大商人以之製做饌頭多辦出口因其有利可圖故皆不嫌其費手極力經營顧其如此謀爲亦有誰能謂其利之不應得者哉夏季

霖雨連綿天氣燥熱濕氣薰蒸令人極其難受然本島孤懸海外四面通風居恒固多爽氣襲人此等濕熱天氣實係未嘗慣經也其本處所產之西瓜因其多而價亦廉土人愛其清涼每喜食之其新剖者固尚可口然即使分割擺賣多有蠅集其上若輩亦買食如常並不計其污潔是以每值瓜期因而多有霍亂吐瀉等疾六月間聞澄邁縣屬亦有此症其本口府城海口地方當此之時並且有別項之雜症出焉然尤幸其病多生於城市不潔之區尚無大害至七月間即亦漸就消滅至今秋九月間天氣則尤其不正且常下大雨陰晦異常又時有細雨散漫空際以致鬱氣不舒悶熱生潮光陰荏苒直至臘月始轉寒涼而日中夜半之際尤爲最冷觀之於此可見海南之氣候一時一變一年四季之令均屬無從辨別也其海口一隅所設之會館統計共有五所本年二月間文昌紳商又在海口大街建一文邑會館因其未建此館之時所有文昌商人均係與南行會館連絡故現雖自立一館而其外面則並未顯有與南行會館分開界限之痕也三月間聞有廣西兵駐紮儋州屬之那大地方忽而激變潰散鎗斃哨官事緣該哨官於發糧之時均以銀毫分給各兵而此時銀毫適大減價以故各兵不願因而決裂當此之時該處人心俱極驚惶並恐該處土匪與激變之兵結連搶劫所有那大與海口往來經商之路此時亦俱皆爲之梗斷不通其那大之美國教士亦有函前來稱說該處城邑恐有被匪攻擊之危彼等均有遠走高飛脫身離險之意旋幸瓊崖道聞此消息派兵前往因之該處教士暨教堂產業以及臨高澄樓鄰近各地方俱得兵力保護無恙迨後香港接電亦隨即派出英國頭等兵輪一艘計九千八百噸前來海口停泊旋又有美國炮艦一艘躡尾而至其一種震動氣燄大有不可抑遏之勢然幸爲日無幾經地方官將爲首滋事之兵獲案正法招撫餘衆地方始得漸獲平靜其前

此該處教士逃往別鄉躲避者至此已經四天因見地方安謐亦即復回那大而英美兵艦見此情形明知已無需用之處俱皆先後駛回香港矣四月間北海附近地方有匪徒騷擾情事厥後竄至海南見此地不能得利遂其意中所謀之事遂因而散佈水陸各處賊性復萌初而偷竊繼而持械劫槍甚有傷斃人命之事爲地方官者本有嚴緝盜賊安靖閭閻之責故瓊山縣即帶同兵勇不分夜之早晚潛行巡緝時有賊匪被獲所以刻下之欲行竊者究不如前之易於得手也是以數月以來頗稱平靜十月初間各行有議設商務會之事因會所尙未覓地起造故於月杪時邀集各商借座文邑會館暫行開會之禮是時爆竹與鼓樂之聲極其喧囂熱鬧非常至若海口市場屋宇多係卑陋不堪而現在本處各華人則均有設法改良之意令人聞之可喜倘或實能踐行將來興旺之象自可蒸蒸日上矣本歲海南一島並無風颶之患雖有時疫天花吐瀉等症然俱甚爲稀少殊不足爲百姓之害斯亦一歲中之幸福也

一本關稅課查本年所征之數較諸去年每百征少三分半之譜緣本年進口稅及子口稅兩項極其低減然統核與去年收數比較則亦不甚覺其短絀若將前數年收數與本年批計則又覺本年之收數過於前數年遠矣至本年所增各項祇有沿海貿易稅洋藥稅釐金稅三款而已

一外洋貿易進口洋貨大多由香港轉運而來今年進口貨價共估值關平銀三百十三萬七百七十三兩比之去年短有二十一萬六千三百七十三兩稅項之絀職此故也棉布疋類各樣幾有低落之勢絨布與絨棉布類不甚低跌五金類較之去年尙可比肩惟雜貨類內則有數種加增者至美國之煤油竟已大爲低減因去年進口者存儲過多之故也

土貨出口亦多係運往香港今年共計估值關平銀二百三十六萬二千八百九十九兩較之去年短少十七萬三千四百六十五兩查土貨中祇有檳榔荳薑生熟牛皮數項差可與去年比較而生豬雞鴨雞蛋等則大減少矣因在本地銷售已得善價故村民不願其出口藉省費用去年榮蔴袋祇有二十七萬七千七百八十個本年則漲至八十萬八千九百個其本年所產之糖勛則甚稀少其米包漲多之故緣因別口包價極貴故初意欲將本地所產之包留以裝糖後見糖勛稀少遂將留存之包盡數販運出口以獲美利本埠出產之蔴其料與尋常之蔴迥異經於去歲土貨項內詳明一切茲不復贅

復出口洋貨無甚關繫查今年估價共關平銀二千一百九十兩而已

一沿海貿易原出口之貨查本口與北海汕頭兩口直接照常往來本年共估值關平銀三十七萬七千六百五十九兩比之去年增多三萬八千五百三兩之數其中貨物大半運往汕頭者

復出口之貨無

復進口之貨查今年運入之土貨大半由汕頭而來共估值關平銀四十五萬一千五十七兩其數目雖少於去年然與往年比較則覺其增多矣

一內地稅則洋貨入內地本年共估值關平銀十一萬四百三十九兩共發出稅單一千七百九十五張而去年所發之稅單則有二千一百六十五張共估值關平銀十五萬六千七百六十三兩其貨色以煤油爲大宗焉

土貨出內地本年估值共關平銀七萬三百四十二兩推原其少之由則因糖勛稀少之故

一船隻合計出入口輪船共有一千一百五十一隻共九十四萬八千三百五十三噸比之去年增多因添有英國太古洋行船隻數艘往來本口貿易之故也

一旅客本年進出口者較去年增多幾及兩倍分計出口者增多一萬八千四百四十一人入口者祇得一萬九千七百二十四人而統共其出口之衆則有四萬七百人之一人多其往外洋託苦工以謀生者星加坡暹羅居其多數其中又有由該兩埠轉往和屬文島等處者

一金銀出入口數目難查其實但據本年所報之數雖與去年相髣髴而其暗中出入未報之數實屬有多無少也

一藥土洋藥查本口自禁烟以來所有此項貿易均無牽動之處其本年進口之公班土且有加增不過喇庄土較爲減少至白皮土一項則此地並不銷流矣

土藥查本年進口共計五百一十一担其中有新種之江蘇土占其少份餘則俱係川土也

一雜論本年歲首本口設立由海口直達對岸徐聞之無線電告成電報局於二月二十九日發出傳單通知各處招人打電並聲明有願閱無線電機器者可以往觀等語至其機器乃由廣東省城出名德國洋行前來包辦者係用石腦油氣運動立有電桿一枝高約一百二十英尺四處皆見恍如無線電之標榜而舊日所有之海底電線至此遂俱廢而無用矣然撫今追昔當其創設之始人亦未嘗不愛其方便乃迨後因其常有耽誤信息之弊所以近數年來打電者遂覺稀少至其中受其妨礙最有關係者則係華洋官場以及商務中人八月二十七日天際忽打炸雷將無線電桿之上節劈去約有一丈其餘則均皆無恙亦云幸矣禁烟一事瓊屬各地方官於七月間四處大張告示諄諄于言是凡吸

食洋烟者均須掛號領照然終無實濟有痼疾者仍係照常吸食死而後已甚難望其戒斷似此爲難是誠不如禁止新吸者以及將吸之人爲得計也海口另闢街市之舉現在正欲籌辦但尋覓合宜之地甚難因離商場太遠則不合式近則於地方上又有不便若現時買賣場俱在大街所有各舖戶門首餘地均出租與人擺賣菜蔬魚肉等物以故穿城大道竟爲兩旁擺攤者壅塞阻礙此等陋習實不知起自何時故苟能一旦於相宜之處設起市場商民自必暢快無疑蓋街市一遷穢物盡除通衢大道必可復其舊觀故也拐販人口之事本年地方官曾經嚴行設法禁止查獲之拐案無數此誠應行之善政若能永遠奉行始終不怠拐販之風自不難於剪除淨盡也至若振興時務此間之民情亦甚踴躍近有海南東邊樂會縣居民曾經遊歷日本者在本島開辦噴水井以備灌田之用惜因水涸雖掘有二十餘井不能適用似此情形是非仿照合衆國用風機抽水之法不能挽回也然欲開辦必須經費無多易於布置方能有人承辦也至若海南礦產現已有兩華人稟准大憲前來開採曾在本島之東儋州地方探得錫礦以及別項礦苗甚爲豐盛計其礦質成色鎔淨後可得九成聞其年底時開採之錫更有起色惟望他日招集股份置辦機器則必成一大礦務也且其目前所得之利益足可以爲將來奇贏之左券然其所需之股本亦不過一百萬而已其餘海南要務有關於商埠之興盛者則莫如整頓碼頭一事緣岸近大洋年來日見淤塞將成沙灘且船岸遠隔上落爲難所以本島若有振興之日其建築碼頭之一事亦必不可膜外視之也

光緒三十四年

三 月

二十日

四品銜代理瓊海關稅務司葛麟瑞呈報

光緒三十三年北海口華洋貿易情形論畧

竊查本口貿易情形是年居民變亂緣欽州倡設學堂以授新學籌捐作費民皆反對以至釀禍自二月以來該處及鄰近邊境恒有蠢動竟至公然仇官加以疾視政府之華人由東京邊界入寇情景頗爲吃緊七月時防城縣令與其闔眷被戕而兇暴舉動不如是之甚者復有數起年內大軍由省城調此馳赴亂地經已幾次前在此頗得民心之某道現爲督辦專員兼署廣東水師提督駐紮欽州辦理軍務久之或可復還安靜耳亂事關繫自然商界有損本關入口貿易表比去年大有減色此其徵也本年大局情形農務最好下半年雨澤甚多無暴風殘賊禾稼大致可云如願故出口貨較去年大增但本口商業因別處競爭牽動已日就衰是否已至極點尙難逆料蓋北海經梧州與廣州灣所損者已甚想將來不至再受其累雖南甯去年開埠但彼之水道不甚便捷未能使其港爲廣大商場想北海須更退一層始能興復今欲維持惟有以易通內地之法爲宗旨良以本港甚佳無論如何天氣均利於船隻寄泊若久議欲建之鐵路果爾竟成使達西江一帶則各業皆必開發取道由此付船之貨必多第所有效果不能預計以時矣各國興辦鐵路之時既著成效羣然重視若狂華人亦將有此舉動諒北海得此軌線再行振作中興當不失爲南極商埠也

一本關稅課比去年畧增僅八百兩無足取也溯光緒十四年爲徵收最豐之年自此以往有減無加年來雖有較上年稍增者而大局之退如奔流到海回顧光緒十四年本年稅課大不及一半也

一外洋貿易進口洋貨短值約十三萬六千餘兩獨洋藥大增但權之布疋與別貨尙不能補其缺除洋

藥之次見增者惟麵粉與米值當記載耳本處早造禾不甚佳因雨水未足其擾亂之地晚造禾又遭兵燹間有不能收割者故米與麵粉來此接濟其麩粉非美洲卽新金山者效洋庄之土麵是處未有銷場也棉貨類價值較上年缺減以棉紗爲最去年所值三十七萬五千餘兩今年只二十五萬八千餘兩見縮者十一萬六千餘兩之多原色及白色布又短值將一萬九千兩此二宗上年共值八萬餘兩本年僅六萬一千餘兩耳鐵類進口頗有可觀多係鐵碎片鐵釘鐵枝及鍍鋅鐵絲因鐵碎片其值頗廉本土人工較賤故不惜工時錘作器用非如別處取現成鐵條鐵支而爲也煤油大致少減而美國油比去年反見多所減者蘇門答臘與般烏油而已

出口土貨所加者大不止彌補進口所短之數是年共值一百零五萬二千餘兩往年祇八十五萬九千餘兩最起色者爲水靛出口共六萬六千六百餘担每担估價五兩餘上年出口僅五萬一千二百餘担估價每担復不及四兩現年所增之值將及十六萬兩乃糖減去約值八萬餘兩而土絲又增回四萬二千餘兩乾果類增三萬七千兩其餘雜貨大都畧加以羨補不足猶覺有長本年間稼穡平穩除擾亂之地外農人自足供給尙有盈餘至於水靛出自廉州溯流而上之處此間安謐是以豐收糖之減色則由上年八月颶風傷害甘蔗故本年春夏秋三季之糖卽上年之糖皆較去年見絀獨冬季本年新糖出現故加多也更有一宗見增而不足喜者爲熟牛皮蓋年內牛疫盛行死亡甚夥是以生熟牛皮皆見多云

復出口洋貨絕無僅有本年共值七百餘兩上年亦祇三千四百餘兩

一沿海貿易原出口之貨本年共值一千二百餘兩上年則二千九百兩

復出口之貨計洋貨往通商口岸者本年共值一千六百餘兩上年五百餘兩
復進口之貨洋貨無由沿海口岸來者獨土貨來自瓊州本年共值四萬三千九百餘兩上年二萬五千二百餘兩

一內地稅則本口甚少此中貿易全年共值僅八萬六千餘兩上年十四萬八千三百餘兩

一船隻隻數之增加不若噸數之見大也憶光緒十二年其隻數即如本年而僅載重五萬九千八百餘噸本年竟至十二萬一千六百餘噸何加增至此當樂爲講究查光緒十二年二十二二年二十八八年皆比本年隻數相若或一百六十三艘或一百六十五艘或一百六十三艘或一百六十三艘本年一百六十三艘而重數或五萬九千八百餘噸或九萬三千一百餘噸或十萬四千二百餘噸或十二萬一千六百餘噸大抵天下事蒸蒸日上航業尤速現來北海之船其載重力大勝前二十年者矣所可奇者商業日衰航業日盛殊不知船隻取道北海者多係常川香港海防航線繞道北海以北海附近中道故或有些須雜貨抑或猪隻寄船面者亦甚願繞道一停也查光緒三十二年入口隻數不過一百十八艘重七萬三千七百餘噸本年船務大興緣英商太古洋行特調輪新走香港海防線道因而到此共三十一艘本年隻數之多太古新船占多半之數所屬各國船隻共計法國八十艘重四萬七千五百餘噸德國五十艘三萬六千五百餘噸英國三十一艘三萬四千三百餘噸和國兩艘三千一百餘噸其和國之船俱由文島載華工而回者也

一旅客華客來北海本年計二千五百十九人由此他往者一千八百三十三人多係往來香港比之前時似乎少矣查光緒二十六年出口客九千餘人此爲最多二十五年六千餘人二十七年四千六百

八人二十八年四千八百二十八人二十九年五千一百七人此五年間往客最衆未有連年若此者本年華工出口除往香港者頗少約有華工六百名由文島用兩和國船送回抵此後給全工價蓋文島之於華工聲名甚矣招致必難如此以船送歸本國殆爲結其歡心起見光緒三十一年云督憲已禁給招工往文島執據但現聞尙有機緣或可弛禁因和國政府擬設法解脫彼處前所謂苛待之事云

一金銀本關金銀入出表查進口九萬七千八百餘兩出口七十一萬五千六百餘兩皆銀圓也但其中不實不盡向來所報亦然因中國兵輪源源運軍餉至及華工回籍者每携多少餘資此雖無幾而共數頗大出口銀圓多爲兌進口貨物之數者質諸本關貿易表第二段可見進口貨溢於出口卽是之故雖然此中尙有本關解省餉項亦包括在此本埠通行之銀爲廣東雙毫而利便處尤因毫子未嘗鑿印致失圓式日就缺損通用淨圓可見文明進步也雖然大商者尙以大圓爲便故雙毫僅合小貿易者耳

一藥土洋藥本年進口自光緒二十年後未見有如此之多者二十年時曾見進口二百九十九担而本年二百六十九担去年僅一百八十五担前年祇一百七十六担聞其原因香港價落業此者遂極力羅致也

土藥本年進口十四担去年八担兩年間土藥皆自輪船來曩者此地喜用之雲南土藥歷年均由西江而來嗣去年始有由道經東京來者考之烟味較濃有養霞癖者皆以雲土爲佳惜其價昂查雲土每百兩值洋六十元川土不過四十二元前此多嗜川土者後嫌其味淡烟客遂不爲枉顧邇者此物

復來推原其故因汕頭盛行適本處與汕頭商務交涉日增因而影響且烟客現因禁烟故喜其淡味者爲試戒之起點云

一雜論是歲之初本地商人已設商會同事均生長於斯者也廣府商人皆不見納蓋畏其財雄力富當持權柄但抵制終無效果未幾其會卽就消滅六月間廣商奉農工商部劄委創設北海商務分會爲本處永固之圖其會無分畛域者也是會之設裨益北海甚多足使運動工藝商業發達復與本省各處城市講求進步之人彼此聯絡廣州省城已蒸蒸日上矣北海苟大夢先覺步其後塵則久云倡建之鐵路其速成非人料所及也四月時廉州鬧亂緣富戶儲穀無米濟用英德二國教堂被搶房屋則無甚破壞教士未遭凌辱初謂亂黨由欽州分佈將至北海於是本處洋人皆預備自衛婦孺先使在船寄宿男子留守物業幸突然變故未幾卽息倉皇僅一朝一夕平安之報自廉州來孺婦舍舟登陸數日間各事則安靜如常矣

光緒三十四年

正

月

二十八日

三品銜署理北海關稅務司阿岐森呈報

光緒三十三年龍州口華洋貿易情形論畧

竊查本口貿易情形進出口貨法向由東京經過平而鎮南水口三處分關出入滿擬南甯開關以後商旅往來彼此貿易稅務諒必繁盛本口或不致於前衰敗可有幾希之望不料已經一載仍無起色由雍來龍除官輪二三隻外無商輪行走三十一年五月有法國載重一百五十噸食水二英尺之小砲艦一隻兩禮拜之久始行返棹聞沿途並無意外之事砲艦既可行駛商輪儘可往來惟左江河道水淺灘多終恐不便本年進出口貨物共值關平銀十五萬五千七百九十一兩較三十二年短三萬四百八十三兩較三十一年短七萬四千六百六十一兩貨價雖少而稅項尚不至減色亦屬幸事進口與入內地有增惟出口短少去年三萬七千二百五十三兩實因土藥新章歸統稅辦理本關停徵乃此三年內諒山芄葑牧馬等處貿易三十一年由諒山經鎮南關報進口值關平銀八千一百四十九兩報出口值關平銀五萬六千九百二十兩由芄葑經平而關報進口值關平銀五萬七千七百二十四兩報出口值關平銀五千二百六十七兩由牧馬經水口關報進口值關平銀九萬七千四百五十七兩報出口值關平銀四千九百三十五兩由諒山經鎮南關報進口值關平銀二萬五千九百四十三兩報出口值關平銀四萬八千四百一十一兩由芄葑經平而關報進口值關平銀三萬四千五百四十八兩報出口值關平銀四千四百八十七兩由牧馬經水口關報進口值關平銀六萬六千四百三十兩報出口值關平銀六千四百五十五兩本年由諒山經鎮南關報進口值關平銀二萬二十三兩報出口值關平銀一萬七千三百六十七兩由芄葑經平而關報進口值關平銀六萬五

百八十六兩報出口值關平銀二千三百三十四兩由牧馬經水口關報進口值關平銀五萬三千八百八十二兩報出口值關平銀二千三百九十九兩

一本關稅課本年進出口稅共徵關平銀七千七百三十五兩較去年多徵七百八兩土藥出口稅三十一年計着二成三分三十二年計着一成八分本年雖土藥停徵而稅項較去年稍有進步猶望將來蒸蒸日上矣

一外洋貿易進口洋貨本年共值關平銀十三萬三千六百九十一兩較去年多六千七百七十兩較前年短二萬九千六百三十九兩以棉毡東京洋紗荳子砂仁米薯荳各樣櫨木爲大宗東京美扶機器棉紗洋行分設來龍能否暢旺未能預料聞其價值較之由香港運來者便宜十元之譜

出口土貨不甚發達進口較去年加增出口較去年減少出口較之進口歷來短徵本年加之土藥停稅更爲減色本年共值關平銀二萬二千一百兩三十二年共值關平銀五萬九千三百五十三兩大宗貨物爲生油三百三十五担值關平銀三千三百五十兩熟煙二百五十三担值關平銀五千五百六十六兩聞有八角油一千一百十六担值關平銀十六萬一千八百二十兩即係先在他口領取三聯單之商人運買出口三十二年四百五十担三十一年三百三十九担何以本年多至倍半推厥原因實由地方不靜土民趕甌趕賣即向有屯聚之家無不出售自一百八十兩之價跌至一百四十五兩由西河進口轉運東京洋貨值關平銀四百二十四兩內以美國煤油一千七百七十六加倫又蘇門答臘煤油一千二百四十四加倫復出口洋貨無

一 沿海貿易無

一 內地稅則洋貨入內地共發出入內地子口單八百二十二張貨物計值關平銀七萬八千九十九兩照入口貨計得五成八分八百二十二張內有九張運貨往廣西界內其餘運貨往廣東發售土貨出內地無

一 船隻本口迥異他口向無輪船祇有小艇及竹排出入查本年進出口小艇共八百五十三隻計載重三千四百十二噸由東京松吉江高平河運來竹排三百八十座本口設關以來船排以本年為最多其出進貨物多由旱道雇伕肩挑每人挑重五十觔本年報關之挑伕共四千七百三十人

一 旅客本關向無冊記因各客多由陸路往來是以未能查知凡有過界者即在法領事署領取憑照查本年法領事共發華人護照四十張另額外護照三千張此項護照均發華人挑担生意往來貿易者並非遷居外國

一 金銀向不報關無從查悉

一 藥土洋藥無

土藥歷來出口甚多本年總結未載之故前段說明茲不贅述土藥向由滇黔兩省進口經龍州統稅局告知本年運入龍州口者貴州土三百八担雲南土十二担去年貴州土二百九十七担雲南土八十六担本口市價雲南土最高每百觔六百二十兩最低五百二十兩貴州土最高每百觔五百兩最低四百六兩

一 雜論龍州為邊僻之地民智閉塞自邊道莊蘊寬前年到任以來剴切勸導提倡學堂慘淡經營不遺

餘力開辦之陸軍學堂隨營學堂及師範學堂先後均已畢業聞該畢業生或選入軍營或派往各屬充當教習以服義務並建洋式房屋爲法政學堂已於四月初一日開學聘請法人及日本畢業生爲教習分預備速成兩科每科學生四十人預備科三年畢業速成科年半畢業七月又開實業預備科分甲乙兩班每班學生四十人教習八員均以龍州廳龔育麒爲監督開學堂以造就人才復設警察以治安於五月設立警察總局一所東南西北分局四所選派警察畢業生爲警員巡兵百餘人分段治理地方賴安廳署於八月開設民人習藝所工匠十名藝徒三十名先後製出之粉筆軟枕藤椅除穢水洋革履等件甚爲合用既可安置無業游民亦可稍獲利益現今風氣已開學堂林立文明進步大有可觀不料莊道丁憂回籍彼都人士依依不捨故立去思碑於尙武街以爲紀念繼其任者爲龍道濟光隨帶濟軍五營於九月到任十月間突有匪黨一二人竊佔鎮南關砲台三座當時警報頻聞人心惶駭旋經龍道及陸統領榮廷各率所部往剿圍攻七晝夜始行克復矣本口自開郵政以來近一二年可稱發達惟界內各地旱道崎嶇音書梗阻緘牘稽遲非多設郵政不足以利便商民是以先在下凍水口太平府甯明州等處開設郵政代辦擬於北通百色東達欽州各城鎮擇要添設逐漸推行藉挽中夏之利權導民情之甚便也本口米價自去年秋間起至本年六月止由五元漲至六元六月以後跌至三元上下每逢夏初稍有疫癘本年尤甚染症者約一百五十人雨水本年三十五寸去年三十四寸前年四十三寸今正甚冷寒暑表四十八度八月熱至一百度和平爲七十六度去年七十四度爲和平

光緒三十四年

二月

二十一日

四品銜代理龍州關稅務司費克森呈報

光緒三十三年蒙自口華洋貿易情形論畧

竊查本口貿易情形苦無地利全賴天時蒙自係平原之地田土頗多四圍均是無樹木之山並無源頭活水一時大雨淋漓凡數處水溝浩蕩莫遏使天久不雨此處皆變成大陸然勤農家預就此地築固基塞引潦水入田灌溉論播種分秧時必俟雨水盛行方可本年發雨甚遲黍稷稻粱均未應時下種大有饑荒之象是以百物騰貴壓於全球惟米價更甚每百觔忽起至洋銀十六元較平時最貴之價銀加至二倍但蒙城附近田畝雖得雨遲尙可栽種詎知稻粱將收時秋雨連綿有礙刈穫未免又增一害所幸米穀不大吃虧計算本年所收各糧食比年來好十分有二入春以來臨安地方甚爲饑饉村寨人民幾成餓殍聞上海賑濟會來電云有助麥麪一事但雲南人不慣食麥麪倘搬運至此枉費銀錢故雲南大吏當卽電止後實未行此舉仍由本省官紳就地籌款以救此危也滇越鐵路當春末夏初之時苦力工價甚昂凡雲南人前視做工苦力多不悅意而今則不然現因本埠百物昂貴衆農家株守田間亦無大趣又無餘粟另行別業是以多透鐵路做工餬口若時雨一下各農人仍回田庄操持稼穡總之本年天時不順卽本埠各生意亦不成就以華商而論極爲寒涼茲有數家自願收盤縱有志再張旗鼓者必待盛時而行本年本埠新設洋行一所又有一外埠洋行派一代辦前來探聽此處情形如何現未開設雲南府城亦有洋行設立蒙陽城內所建房屋頗多然皆彼租住計本年本關並所屬各分卡共進出子口貨物尙着短少若以估價而論約關平銀九百五十三萬六千四百四兩比去年短少關平銀一百二十八萬八千四百二十兩云

一本關稅課豐歉不一本年征收之數二十萬三千五百二十七兩比去年少收關平銀七萬二千四百兩但以年來計之未有減少如是然本年稅課減少之故皆因各貨物不大銷暢惟土藥一項減色爲甚本年土藥少收關平銀七萬餘兩然此七萬之數雖短少在本關別路必爲之加增於國課無損本年出口征收甚少以進口多收之數相補亦難補其不足若論別項稅收均屬平常河口分關共收稅銀一萬五千五百兩馬白分卡共收稅銀三千七十六兩以上二關較之去年均皆多收河口分關所征子口稅項本年亦爲加增

一外洋貿易洋貨進口共計約值關平銀五百九十七萬三千一百十五兩比去年加增關平銀二十九萬二千二百五十六兩至於列冊各樣貨物數目均未驟加惟煤油與火柴大有起色本年花旗煤油進口加增甚多可補回去年抵制時少進口之數雖如此多進仍不及一千九百二年之盛蘇門答臘煤油亦多進口但不勝花旗煤油本年各色煤油進口共計二十五萬加倫若以中國進口煤油總數比之本口進口爲數甚少然每十加倫一箱之煤油一到蒙陽其價倍增皆因蒙陽地面搬運貨物全藉馬脚是以加價滇省風俗甚爲黑暗傍晚甚少燈光無論工商總以日上三竿方能辦理事務以致銷售各煤油遲鈍無比日本火柴甚爲行銷視售之遠近價銀不同前云臨安嵩明兩處設立火柴廠業已一千九百五年論畧內聲明此兩處火柴風聞尙未出售亦未詳查是否現火石鋼條可抵火柴之用惟村寨人民攜帶頗多本年春季內約有東京米五萬担進口入夏以來減少四分之一及至秋收時此項米毫無進口然由去年臘月間至本年七月間行遠道傍時見馬馱牛車裝運米糧前往臨安石屏誠不少矣河口至雲南府一帶鐵路所用物料共估值關平銀六十九萬四千餘兩又雲南府

龍元局鑄錢機器共估值關平銀七萬兩有零至於零星內不大價值之物亦可表明如由日本購辦地理圖書籍儀器等類外有日本學生之帽本處學生多愛購戴

土貨出口無非地中所產或植物或礦物必須藉天時而得近來天旱頻行人民甚衆縱有出產之物難供內地之需安有多物出口也土藥一項當詳續後頁惟大錫爲土貨出口一大宗現土人辦理礦苗之法全賴水力故是年上半年雨水不多所出之錫甚少比去年減少一百分之十二然以全球而觀乃此間大錫價值甚賤是以各商人不願速售欲待最好之價而沽然又有許多商人預與爐戶定批錫價每担約定洋銀九十元之譜及至本年下半年錫價大跌每担約合洋銀七十元因此商號折本者不止數家

復出口無

一 沿海貿易無

一 內地稅則洋貨入內地子口惟河口至開化府一帶特此聲明獨係煤油洋紗兩樣

一 本年河口進出口船隻載運貨物情形海防至老街甚爲快當而且常運不誤於雲南各商均皆欣然鼓舞現載運貨物爲難之處惟在滇越交界起本年未得雨水時前有五個月之久河道甚淺凡船隻載貨祇載四分之三當時各船隻都皆載運米糧不暇載貨所有老街棧房多半囤貯洋紗無船撥運然此河道上半年其水甚少若至冬月雨水盛行較平常之水漲高二十七英尺惟下流之水甚急載貨行船甚爲艱險然此平時之險處奈本年各商凡載貨之船多是半壞未免又增一險皆因各船戶見火車已成不日必當開車伊等多不願造好船是以定裝貨物者亦甚少故本年下半年少進口貨


物之源也茲論馬駝一項本年上半年由蠻至蒙每匹馬脚銀約四元之譜目下由蠻至蒙之馬脚銀約一元八毛而已本年運入子口內地各項馬脚諸皆昂貴由河口至蠻耗上下船隻一年共失去六十五艘失利之貨物共值關平銀一萬七千八百兩

一 旅客頗多無法紀論

一 金銀進出口亦難紀論

一 藥土洋藥向無經過蒙自海關惟有時在本埠東隅疆界私行出售盡被查拿歸案土藥出口一事增減甚明較去年出口之數減少七分之六自一千九百六年將終時因有新訂統稅消息各商人即將積蓄之土藥照舊章納稅盡行出口發售東京皇家是以購辦雲南土藥各客商皆願出於其途矣及至一千九百七年統稅已設出口土藥忽然減少兼之中國國家嚴禁土藥之流通故民間均不敢多種嬰粟縱有種者亦不加多又苦無時雨浸灌時常踏看種植之處平原全無惟山地上有之亦不甚好開花甚少結果亦稀所以本年出產土藥較之往年所出不過有百分之六十而已但幸土藥之本質如常惟本年春夏秋三季之中土價雖貴生意甚微至滇省統稅停辦後土藥出口仍照舊章征收生意頗有起色於九月間每百兩土藥價值三十三五元之譜其價頗高就時而論市面有買賣土藥者無論每担照舊章納稅銀五十兩或已照統章納稅銀一百十五兩均照市價交易

一 雜論自一千九百六年報中論及滇越鐵路之進步迄今雖未能應驗進步之處惟幸本年春冬二季天時乾燥故鐵路做工之人甚多所有去年底在鐵路做工者有四萬七千人均皆留在鐵路應用惟在中國年節放假時藉此潛逃者有之又至夏令不耐炎熱雨水藉此私逃者亦有之及至九月間為



最不好之時尙有一萬九千人做工值時病人雖多幸有醫院救護全不置於死地其所立之醫院實爲全工人之性命向日有無知之徒造言毀謗今則自知有益甚爲感激矣觀鐵路之堅固曾經大雨試驗未有損壞之處惟入秋以來雨水極大山水湧下其勢甚狂以致土崩數處鐵路之根基皆見如是之破壞修補之資亦非少此實鐵路公司意料所不及耳然此線鐵路其中更有二段最難造築者卽八十三箕羅至一百十九箕羅三百零六至三百六十二箕羅由八十三箕羅起其路漸高行至一百十九箕羅共高二千七百英尺其中有一極深山谷鐵路難以通此必須繞行山灣而造於山灣之中修一橋樑此橋係兩節相連但此地風景甚好惟辦此段大包工現時身故以致第二段工程擱延本年底鐵軌均已安妥其所運鐵路物料之車業已開至八十三箕羅約俟此橋告竣後段必相繼落成聞工程師有云下年夏季火車大約可開至蒙自由河口至拉黑地之車路業經修成准在下半年三月可以時常載貨矣本年本埠郵界大有進步其中辦法甚爲得當河口蒙自兩局每日收發信件一次其中轉運計程四日若蒙自至雲南府必須六日方可然蒙河兩局信件已由鐵路公司允准鐵路開至何處其各信件亦代爲轉運現由英國發來信件計三十五日可以到蒙其各處添設郵政分局舖商共三十一處前議由中國各處寄信至滇省地方取道東京每信收郵費一角現在更定祇收兩仙與中國各埠一律而行論戒烟一事雲南全省盡行官家亦竭力嚴禁所以雲土銷場漸時減少但見禁烟之示以七月間各烟館盡行封鎖九月間各烟具概禁出售現滇省官家辦到戒烟藥視有錢者出賣無錢者出送滇省購辦龍元機器業已於一千九百六年報內聲明但本年底尙有沿途陸續搬運現閱滇省大吏告示雲南鑄錢局所鑄銅圓准本年八月起定當通用等語然實未見一新鑄之

錢均將四川銅錢上蓋印一雲字而已現擬蒙自至河口電線改順鐵路而行經過南溪河等處當議
尙未見行

光緒三十四年

二月

十五日

署理蒙自關稅務司鄧羅呈報



光緒三十三年思茅口華洋貿易情形論畧

竊查本口貿易情形稍有進境然無特別現象以供紀述貨物之來往思茅正關及猛烈易武兩分關共值關平銀二十六萬五千四百六十七兩較上年多增百分中之十五分自夏入秋雨水淋漓塗泥礙道障蔽一空且林木叢生途爲之梗往來驟馬其困苦難以形容幸春初以及孟夏大宗棉花進口異常浩繁價亦因之驟落週年每担不過自十三兩至十四兩之譜夷考興盛之原實壩中產花頗庶故得源源而來據商家傳言是年進口花數雖多價亦便宜而獲利仍居微點緣所有領票運入內地者均無善價脚費又極昂貴買主亦難增值此其不能獲利之因也今之棉花非若在昔之際可以居奇其與蒙自進口之印度棉紗又不能戰勝蓋紗已成線論工則較省一籌迨年底商務疲滯實磨黑老街孔雀屏等處懸貼告示禁商人屯積棉花情形甚爲牽掣後商人據情稟省聽候批示時屆孟冬生意尤窒有三點會匪秘密運動其初未經覺查繼而謠傳有撲城之勢地方官邀各西人進署便於保衛第恐如斯舉動牽動羣疑另生枝節反礙治安是以不果於行厥後請兵到關加意保護未幾處決匪黨數人地方漸安堵如恒不過匪首數人在逃而已事既發即君承誥奉委繼辦其事兼督思關措施裕如遇事周詳令人實堪欽佩洋貨從邊界入口者即在本關完納進口稅項旋納子口稅領票運入內地者實居大半此等子口票所經本省釐金局卡只取驗票費數文立即放行毫無阻滯此費商人亦樂於輸將凡洋貨若無子口稅票而運入內地一經過第一釐卡即令照納釐金只可運銷本省境內票期限以百日爲滿若洋貨在本關界內向不納釐但界外各釐卡查有未領子口票之洋貨

即行抽收貨物由緬甸及各邊地而來者約須十五日路程取九龍江大道直抵思茅可免經過釐卡
聞間有繞越西路而北上威遠景東大理等處者其數想不甚巨亦不暢銷沿途一帶山峯林立烟戶
寂寥且北方又有騰越進口之花相爲抵制其質之佳非此路之花所可比倫凡繞西路者苟無新關
子口稅票則須在威遠第一卡納釐而本關稅則極爲輕省合進子口兩項而加并之尙不逮釐金之
巨如棉花係本關入口大宗按稅則每担納銀三錢五分本關減收三成則每担只納二錢四分五釐
又加子口半稅一錢七分五釐共不過四錢二分其釐局則例每担則納五錢九分之多本口貿易設
非得子口票之利便進口貨物自不能如今日之盛勢所必然總之由緬甸入口洋貨如不能設法整頓
使與蒙自運入之香港貨便宜相等擴充之日恐難希冀蒙自騰越所處之程度極適其宜盤運之輕
便勝思奚止倍蓰即將來局面亦可常居優點作領袖於思茅思本極邊之地貌小市塵恐難期振作
耳其洋貨入口亦甚微末聞緬甸邊界商務日形興旺土地漸次又安而又無失竊之虞所以康東商
務蒸蒸日上即在孟連亦可購洋貨多種此地與康東瓦城氣息相通貨物因之流暢迤南一隅非開
鑛廠與牧場萬難期其富庶自光緒二十二年開關迄今推廣商務之說已成話柄惻以鄙意則除道
之舉尤爲當務之急此道應由思茅直達康東約計七百五十里有奇尤須堅緻牢實鞏固耐久雨水
乃不致沖塌若華英政府通力合作有三利焉一則可裕國課再則滋益商賈三則於行旅往來便捷
良多矣

一本關稅課共徵關平銀七千四百二十七兩較上年增多一千四百六十六兩

一外洋貿易進口洋貨共值關平銀二十一萬二千七十五兩緬甸占十四萬九千五百三兩越南占四

萬四千九百四兩暹羅占一萬七千六百六十八兩

出口土貨共值關平銀五萬三千三百九十二兩緬甸占百分之七十二分越南占二十六分暹羅占二分年底出口紫梗爲數甚巨值關平銀一萬二千四百三十四兩此貨多往緬甸銷場甚廣復出口洋貨無

一沿海貿易無

一內地稅則洋貨領票入內地者共值關平銀十七萬一千五百一兩占進口百分之八十一分土貨出內地無

一船隻無本年運貨共用夫四千三百四人馬二萬四千一百四十八匹

一旅客無

一金銀進口盧比本年共值開平銀五千八百二十兩

一藥土洋藥無

土藥出越南共計三担

一雜論年內舉行新政數端趨向文明進步實爲地方幸福五月初二日凡通衢孔道遍豎街燈事歸官辦居民亦欣欣然有喜色似此極邊之地能如是改良可爲泰西文明輸入華地起點警察亦同日興辦以之捍衛地方禁止賭博鬪毆等事此方民氣雖馴然行客中多有佩帶軍械者或刀劍或火槍矛戟等物其意殆爲防身之用壩夷地方無業輩出沒靡常搶劫之事難免其無往來馬戶亦隨帶軍器多屬西國舊式之物如短手槍手銃之類而夷人自用之械迥異尋常其所製刀劍漢人樂於應用自

柄及匣皆飾以銀物炫然可觀前述所辦警察設兵四十名按名分段管理身穿號衣手携木棍帶號筒一枚以作響應之具將來操練精純何難步武倫敦一舉手間即可鎮靖一方矣



光緒三十四年

正月

十九日

四品銜署理思茅關稅務司梅樂思呈報

光緒三十三年騰越口華洋貿易情形論畧

竊查本口貿易情形觀於本關貿易冊報可知本年各貨均有加增惜乎年頭踴躍年底蕭疎其始終未能一律者祇以年頭進貨過多銷流不暢致有存積而且金銀行市起跌靡常亦受虧損合觀商務大局固屬有進無退分究本地商家均稱未甚沾光出口土貨若仍照舊寥寥無幾預計來年之商務恐未必能及今年綜計本年進出口貨物估值關平銀一百七十三萬二千二百十二兩比去年多三十三萬四千三百三十五兩本關所收稅銀因以繼長增高自開關以來可推爲第二旺年揆厥致旺之由一則米價便宜二則春間罷去土藥統稅以言今歲穀米之饒洵爲多年所未有卽鄰近產米之地東如永昌西如南甸均相與歌大有之年秋間天氣極佳式刈式穫罔不咸宜服田力穡者尙自謂有九分收成其爲十足也可知穀多故價賤每斗當二十四斤者僅值銀三錢一分前二年同一斗也而須一兩五分焉以後年穀倘均似此順成本地所產足供本地之用卽或稍差出南甸之有餘便可補此地之不足矣南甸米質頗佳細軟可口則凡富戶大都喜食大理一帶本年乃亦有秋卽再往東雲南省城前後亦屬差強人意緣前兩年早旣太盛幾於赤地千里以今例昔較勝多多矣用再言夫土藥統稅按此項統稅銷遠者尙能獲利銷近者未免受虧蓋遠近殊而統稅之數等耳以故屯土者存壓其貨觀望不前生意稀而統稅亦無起色繼將統稅罷去照舊抽釐所存土藥乃漸疏通土變成金成本挪出矣兼之春季此間鐵路銀行放出四萬本金發商生息助厥懋遷銀本得以充裕於市惟年頭銀價昂貴致現銀多有出口年底銀價跌落牽連前貨受虧總之通商之義重在以貨換貨而不

重以銀易貨無如本地土產太微價值亦賤雖有他省土產苦於道阻且長盤費過重輦金出口誠屬不得已而爲之但銀源易竭終難滿其漏卮抵制無方又將如何了局憂時君子意欲在本口及緬甸開設銀行辦理匯兌固亦維持商務之苦心杜絕漏卮之美意然而我無土貨焉能換彼現銀不能換外國之銀勢必仍須運送中國之現銀以濟緬甸銀行之開支多一匯費仍不免內財外溢得無與現在運銀出口辦法同歸一轍哉愚以爲欲塞漏卮除多備土產外別無他策本年禁止吸煙地方官遵章辦理甚爲得法其成效之可觀者卽各煙館均已歇業也至於賣煙各舖戶則又有嚴緊章程以限制之然除官府辦法而外本地人民亦漸知鴉片爲害人之物自發恒心由重戒輕自輕戒斷觀鴉片之貿易將愈趨而愈下矣風聞已有多處減種罌粟較之所定成數尤加銳減不過偏僻山陬爲官府勢力難於驟及者減種罌粟雖亦可望恐難如是其速耳雲南向爲出產土藥省分種土者旣多吸煙者必衆一旦云戒何竟捷若影響推原其故大抵由於禁諭甫降新聞紙卽各處流傳而且殷勤勸戒委婉動人迫奉到禁煙章程而癮者已警然自有戒心始克如此其易然則報紙之功用實可爲政府之助力也本口地居滇徼民智原鮮開通具個人之主義置外事於弗聞乃自購閱新聞紙以來風氣大開見聞日廣文明景象年進一年外事更爲其所樂聞矣富春季間有遊歷人一班知本口若修鐵路非展往大理一帶不足以推廣商場故於遊行之便就手沿途測勘至大理府以驗可否合修小鐵路一條據其所言修則可修惟工本貴耳按此等能修鐵路人員但知自有熱心那管事多艱險信其言也固亦善哉而花費本金爲數必巨緣此條路徑既有崇山峻嶺復多絕壑懸崖路難工倍勢有必然路本而外尙須養路經費卽使成功其得不償失者有三一迤西地方瘠苦二人民寥落三由大理

坐車能於直抵仰光海濱方爲妥善但是新街卽無鐵路勢必換船而至瓦城一至瓦城或船或車均須復換多換車船卽多耗開費而况緬甸敷設之鐵軌寬雲南旣係山路鐵軌必窄寬窄互異則無法接其兩端由此觀之新街有無鐵路均屬難行緬甸代修滇界內咕哩憂至蠻綫附近新路一條代墊之費已於本年五月內將最末一次應還之欸付給清楚自此無外債矣按此路修法極佳勢亦穩固共合印洋六萬四千元自有此途利於行邁查未有此途以前而欲開闢此路之意原望不分四季可以周年盤運商貨迨至今日觀之殊竟不然其說蓋此路天氣之毒有足令人可怖者一年中自五月至于八月或炎火流金或大雨如注驟晴驟雨瘴癘逼人本地人向處高原此數月之內斷不敢下喬木而入幽谷縱以重利餌之亦不敢舍性命而輕于嘗試夏令之新路直有若無耳况進口貨物夏季極少極少之中尙有八成係由大金沙江雇船至蠻募新店再雇野人或黃牛經紅蚌河舊路措駝以至蠻允復循太平江上溯運至或弄璋或干崖上岸然後馬戶用其牲口接駝而來據此以觀卽可知夏天人少用新路也且新路猶有未盡便當足以窒礙馬戶者新路不過較之舊路平坦易行而其卸馱宿站水草馬料購覓艱難隨意牧放牲口又爲緬地所禁以故馬戶多有舍平路而不由反紆道走極崎嶇之紅蚌河舊路

一 本關稅課本年通共所徵稅銀較之去年多出關平銀六千七百四十八兩各項稅均有進境而出口稅自開關以來獨本年爲首屈一指至本口徵稅之例人所共知係按未改之舊稅則辦理且於舊則之中尙須援照滇緬條約進口貨減收十成之三出口貨減收十成之四

一 外洋貿易進口洋貨共估值關平銀一百二十六萬五千二百九十四兩此數內棉貨類卽值關平銀

八十三萬八千六百二十二兩其中用棉製成之貨以斜紋布標布及花剪絨三種爲多其餘不及去年若論印度棉紗仍是進口大宗貨物考查內地人工織造土布每年需紗甚多可惜本地不能自種棉花縷縷皆須購自印度卽曰騰越山高土冷不適種棉而永昌潞江以及南甸千崖等壩一覽平陽天氣極暖斷無不宜種棉之理當此銀根緊蹙之秋如能於棉花講求種植年中所出縱不足以供紡織者之需然而自己多一分出產卽少流出一分現銀未始非補救漏卮之一助也羊毛製成之貨銷路不寬故進口少竊恐以後亦如現在之難望長進雜貨類日本雨傘較之去年甚形減色其故由於人多樂於購用西國雨傘其價既廉其物又耐久也再查仰光一口除印度所產之物外凡屬洋貨進其口岸須先在海關呈繳值百抽五正稅此等辦法施之於在緬銷流之貨則可而借路緬甸尙須轉運騰越之貨亦預其列焉但能照其繁瑣章程於完納正稅後報明仰光海關原包由新街轉運騰越緬關稅司亦准給以憑單由商隨貨持呈本關查驗在其憑單蓋印畫押以作該貨實已運入中國之據仍交原商持呈緬關或新街府始可領回原繳正稅八分之七如此繁難周折尙有一分爲緬甸扣留意者以爲此一分卽緬甸所收之過路稅也

出口土貨共估值關平銀四十六萬六千九百十八兩去年不過二十六萬九千九百二十一兩總數內麝香一物價值卽有八萬一千九百二十兩之多查此貨乃係法國巴黎最爲有名之香水公司專派其行夥親赴麗江府採買者經時將及一年始行購得觀麝香之生意佔本雖多得利必厚大利所在何以迄無別人起而與之爭勝殊令人無從索解牛皮價值春季甚高冬季驟落在前出口者無不爭先在後預備者率多濡滯石黃仍照常可以暢銷運出之數雖多而盤費苦於太重商戰場中不足

爲克捷制勝之大宗也本年共計出口五千七百四十七担去年六千三担耳統觀本口商務之全體謂其能大有發達實屬無此把握蓋以雲南迤西道路異常辛苦上高山則疑若登天下陡路則幾同赴壑羊腸烏道修之實難獨有鐵路可以化險爲夷而經費過巨其如得不償失何復出口洋貨無

一沿海貿易無

一內地稅則茲將自本口開關起歷年洋土各貨出入內地列一比較表於後

年分	洋貨入內地估價		土貨 ^{出內} 估價		驛馬匹數
	入	出	入	出	
光緒二十八年	三十七萬三千一百八兩	無	六百五十兩	五千八十七兩三錢六分	九千八百三十四
二十九年	一百二十萬二千九百七兩	無	無	一萬四千三百二十兩六錢四分	二萬六千八百五匹
三十年	一百二十八萬四千七百五十三兩	無	無	一萬六千四百九十九兩三錢九分	二萬五千九百十七匹
三十一年	九十四萬六千四百七十兩	無	無	一萬一千六百四十一兩一錢	二萬二百三十九匹
三十二年	七十九萬七千四百九十三兩	無	無	一萬二千四百四十七兩九錢九分	二萬七百四十五匹
三十三年	九十五萬九千一百六十一兩	八萬一千九百二十兩	無	一萬四千三百三十七兩九錢四分	二萬六千四十九匹

按本關係光緒二十八年四月初一日開辦結至是年西歷年底僅八個月合併聲明

一船隻無

一旅客無從稽考

一金銀本年出口現銀計合關平銀十二萬八千一百六十一兩又印度盧比折合關平銀十八萬四千四百六十六兩現銀出口之故上文已詳茲不再贅惟盧比猶有足論者盧比卽印度國家鑄造之銀幣其用與金鎊同每元實重三錢一分本口市價常合四錢左右不等緬甸因屬印度故交易悉以盧比爲主本口乃用銀口岸土貨出口常不敵洋貨進口之多將有何法可以來印度之盧比哉爰考印度實與西藏毗連盧比不特通藏利行卽四川之打箭爐亦多用以交易打箭爐又與麗江維西相接雲南土產如茶糖火腿煙土布疋等物往往由此路運入西藏通商藏貨無多不適雲南之用惟有換其盧比運回大理下關賣與商家亦可獲利商人利用盧比在緬甸購貨故從本口運出者多可見印度盧比其用與金鎊相侔雖遠經西藏轉走川滇竟能繞一周而仍回印度彼操縱財源之柄者善乎其不及也

一藥土無

一雜論今年天氣可謂盡善盡美以助長其稼穡者也以言夫春則春雨如膏三農霑足以言夫秋則秋陽以暴百穀用成天時人事兩不相違故大有而年豐也通年下雨之量計有十分之七爲五月至八月所佔惟本口今年之內竟遭火災三次均不出南門大街計共燬去房屋九十四間其什物貨財化爲灰燼者爲數又不知凡幾雖曰天命亦由人事不修騰越買賣均聚集在南門城外貨物雲屯商舖櫛比人喜修齋建醮之空文不求禦災捍患之實際故連救火器具亦從未之備遂致祝融三降要皆徒手狂呼不可嚮邇稅務司爲思患預防計商之本關監督創興救火公會監督頗以爲是集合官商與此義舉現已公共集資在於英京辦到輕靈有力容易運動之救火水龍二架以及另外之拆房器

具擬挑選精壯五十人官商各半教練運用之法作爲消防會隊以期有備無患中國警察事宜大有漸推漸廣之勢卽騰越亦已開辦計有六十名警兵在於城保內外分段見諸施行矣騰越郵政本年内並未在內地添設代辦各分局信櫃查雲南迤西辦理郵政難處甚多地方瘠苦生意蕭條而道路更如彼崎嶇多設分局勢必多用郵夫多用郵夫則必多增開費雖處此無車船相輔之區而郵夫尙稱得力用命稽其來往信期迄未嘗或有違誤也並且常經野地間越深山跋涉長途備歷艱險旣無攔路剽掠之虞卒有載道平安之幸此又地方官治理得宜有以致之者也錫清帥督蜀有聲調補雲貴總督於四月初十日履新以繼丁循帥之任到任後拔擢人材敷施新政識時之俊被舉者多吏治民生煥然新式而於禁煙章程尤實行之將見痼癖之士彼岸同登強富之基自漸而進矣

光緒三十三年

十二月

二十四日

三品銜騰越關稅務司梅樂和呈報

光緒三十三年亞東口華洋貿易情形論畧

竊查本年貿易甚爲稱意共值盧比二百八十五萬九百九十九元去年不過二百三十二萬七十六元爲開埠以來僅見之數生意漸進可爲艷羨也其貨物之多以羊毛爲大宗雖市價不一且噶倫布處存貨甚多業此者仍販貨源源而來以期驟有起色計羊毛市價每捫僅得盧比二十元若照此售出須每捫虧折二三元故毛商甯欲待價而沽不願賤價售去春初天氣嚴寒禾造恐將不穫及時至收割竟慶有秋土人以麥粉養生名糝粳似此滿載倉箱無不喜形於色二三月時泊利山風颶常聞行客不慣跋涉者途次每形狼狽此說確切不移曾記愚來亞東時道經此山其中情形現猶儼然在目試將日記中所載約畧紀之憶本年二月三日同行三人由港起碇二十三到大吉嶺時因大雪封山祇得在嶺逗遛十餘天然後再進三月十一由嶺首途第六日至納蕩第七日過泊利山其高矗天離水線一萬四千三百英尺從納蕩至泊利山途間雨雪交飛泥濘才予所幸御風而行不踰時已到山脚再馳馬兩刻鐘之久便安抵亞東耳其時由山下來之路仍是崎嶇今則王道便使大相懸絕亞東關前之木橋與吉瑪半途之石徑從前俱狹窄不平現已收拾妥適甚便行人本年夏季多雨田園灌溉大慰農心惟每日落雨多在下午又不至滂沱雨霽雲銷復見天日天時不同有如此者十一月十八晚地震三次一在酉刻一在亥刻末次將在天亮辰刻每次所震不過兩秒時且勢力甚小故屋宇物產皆喜無虞人民週歲平安除八月間土人稍有痢症外其餘寄居華洋各客皆稱水土咸宜

一課稅未征

一外洋貿易本年洋貨進口共直盧比一百三十八萬九千六百十六元比去年多增二十萬九千八百七十六元其中以絨棉布銅鐵綢子爲最多洋布不過一百五十八萬八千五百餘碼棉紗棉線亦因之而少白袈裟布甚爲暢銷土人用作旗幟印經文咒語於其上樹於門首未樹以前延僧人念經一二天禮畢然樹後之以爲辟邪之具珊瑚爲帽花之用少一千三百二十六拖拉卽二十四斤有奇兒茶爲婦人粧飾之具儼若北地胭脂比去年多一百二十八捫顏料洋靛油漆上落所差不遠煤油止得二百九十二箱去年則有四百七十六箱土人多點牛油以杯碟載之其餘燈亮無甚講究職是之故煤油或亦因此而減近來各色洋貨亦甚通行吉瑪橋左右每來復日便有一墟零星什物頗爲悅目生菓比去年少二百七十五捫各菓多從噶倫布運來惟核桃橘子亦可取諸竹巴一帶

出口土貨幾於各樣加增其最著者爲絨布有十五萬八百餘碼比去年多出五萬八千九百餘碼羊毛雖無價然亦增至五萬一千五百餘捫去年不過三萬八千五百餘捫此貨由拉薩運來先到帕加里復至噶倫布轉讞麝香暢銷共有九千八百七十二拖拉卽一百八十五斤有奇運往中國以作藥材小羊皮比去年少二十二萬四千五百餘張聞皮客云所因製皮不善到了暖地便有氣味故市面滯銷絨氈共有四百八十四張去年則有六百八十七張此氈純用羊毛製造冷地甚宜惟樣子粗陋萬難與洋氈爭衡如土人能以機器以織造生意定卜日增牛乳餅比去年不差累黍此物虔潔如何不得而知惟土人旣無專製牛乳之房亦不擇地而製所運出口皆係土銷馬匹共有五百八十二頭上年不過二百三十二頭其中多係運往噶倫布銷售因九月時該處有一會場可獲善價也牛尾亦暢銷頗能獲利此項共計有一千五百六十五捫比去年多增五百七十二捫

一內地稅則無

一旅客無幾可不具論

一金銀本年進口金條共值盧比一萬六百七十元出口二百五十元銀洋進口共盧比十六萬九千一百七十七元出口四十一萬六千五百三元去年入口共值盧比三十一萬八千三百六十元出口二十七萬四千九百八十四元除盧比之外本口尙有藏銀通行市上惟銀薄而色低時價每盧比一元換藏銀三元

一藥土無

一雜論以大局而論事事亦見維新如藝業鐵路電線與練兵諸大端皆在策畫之中駐藏聯大臣亟欲開通民智曾在拉薩設有小學堂六所聞課程專講新學教員俱係名儒中有一學堂名漢藏傳習所專教繙譯漢藏文爲事此法最善因在藏漢人除土生外能操藏語者甚少將來各學生卒業有期實有裨於祖國者非淺鮮也又創有西藏白話報用機器刷印十日一期紙報俱佳亦於夏間出板六月初五日查辦西藏事宜張大臣到江孜帶有藏官多員衛隊一百名惟未赴新辣議約時已將衛隊撤散江孜地勢似較亞東畧平而闊惟天寒風大行旅多不願在此週歲常居土人多以牛糞代薪煮炙亦然因左右皆童山卽有園籬小樹地方官亦不准採伐地氈甚好惟有時價值過昂業此者多有利益從江孜來亞東約行七天每站亦甚舒服愚六月十二從江孜公竣回亞東時路過占磨拉里山猶見滿山皆雪鄉人謂此雪週年不化帕加里以下多艾草束之可作藥餌茜草隨處皆有藏人用作染料惟按本草所云其根善治咯血歧黃家盍爲留意焉糧食菓菜亞東甚稀多取資於噶倫布大吉嶺

兩處因是生計日繁河水十月已冰水道皆凝是年雨表四十九寸五十分雪表七十三寸三刻寒暑表高至六十八度低至十七度

光緒三十四年

正月

十九日

四品銜署亞東關稅務司張玉堂呈報



上海图书馆藏书



A541 212 0015 7138B



298524

UNIVERSITY OF TORONTO LIBRARY